

DE VERA

IESV CHRISTIDO

MINI ET SERVATORIS NO.
stri secundum humanam naturam in
his terris praesentia, orthodoxa &
brevis expositio, Iosia Simlero
Tigurino auctore.



TIGVRI EX OFFICINA
FROSCHOVIANA.
M. D. LXXVIII.

A
E
T
an
ph

N

tu
po
fia
die
pe
fil
ri
G
gl
con
die
zer
cin

2

ANTIQUA NO- BILITATE AC VIR-

TUTE CLARO VIRO, D. IO.
anni im Thurn, amplissimæ reipublicæ Sca-
phusiæ Senatori & Quæstori, Iosias Sim-
lerus Citatiam & pacem à Deo patre &
D.N. Iesu Christo precatur.

MULTIS iam annis V. C. L. hoc
vnice omnium exoptarunt viri bo-
ni & quibus incolumitas ecclesia-
rum cordi est, ut tandem ex verbo Dei com-
ponatur infelix ista controuersia quæ eccle-
sias Germaniæ turbat: sed quando id, impe-
dientibus credo nostris peccatis, hætenus im-
petrare non potuimus, quod proximum erat,
silentio vtrunque constituto hanc sopire cona-
ti sunt non pauci. è præcipuis & Illustrissim.
Germaniæ principibus. Verum interea ne-
glecta principum auctoritate, proximis annis
complura acerbissima scripta in publicum pro-
dierunt, quibus non tantum certamina inue-
terata renouantur, sed omnis etiam via pa-
cis constituenda, si modo magistratus horum

P R A E F A T I O.

auctoritatem sequi voluerint, præcludim.
Nam nostras ecclesias Mahometanismi ac-
cusant, in quibus non plus Christo tribuatur
quam illi Mahometus in suo Alcorano tri-
buat: & constanter asserunt omnes eos qui in-
gant vbiuitatem essentialem carnis Christi,
quam ipsi nouo Maiestatis titulo ornant, in
ceteris quoq; dogmatibus nihil recte de Chri-
sto credere. Quis autem tales doctores & ec-
clesias non abominetur, & vt ipsi hortatur, ad
Turcas relegandos esse censeat? Quoniam u-
ro hæc non tantum domi è sacra cathedra di-
clamitant, sed libellis vtraque lingua editis
in vulgus spargunt, necessitas nos urget vt
doctrinæ nostræ iustam defensionem rupta
tandem silentio suscipiamus, & ecclesiarum
nostrarum innocentiam aduersus vanissimas
calumnias asseramus: ne perpetuo silentio
optimam causam prodere videamur. Ac do-
let quidem nobis plurimum tam atroces ca-
lumnias passim per Germaniam de nobis spa-
gi, cum tamen nos de ecclesijs Germania sem-
per optime existimauerimus, & nunquam ni-
si honorificam illarum mentionem in nostri
scriptis

scriptis fecerimus. Sed speramus viros mode-
 ratos & amantes pacis, quales Dei beneficio
 plurimi sunt in aulis Illustrissimorum princi-
 pum & amplissimis Germaniae urbibus, non
 probare hanc Doctorum quorundam conui-
 ciatricem & maledicam Theologiam, & lon-
 gerectius quam illos de nostris ecclesijs iudica-
 re. Etsi enim in dogmate de cæna Domini nõ
 per omnia consentimus, tamen facile animad-
 uertere possunt vniuersam nostram doctri-
 nam cum sacris literis, veteri ecclesia, & cum
 ipsa Augustana confessione, vna hac de cæna
 Domini controuersia excepta, per omnia opti-
 me consentire. Cum contra aduersariorum
 nostrorum doctrinam περί πικραρχίας dam-
 nent plurimi per Germaniam qui Augusta-
 nam confessionem probant, & quidem non è
 plebe doctorum, sed vere lumina Germaniæ.
 Itaque nemo iniquo animo ferre debet quod
 nostra doctrinæ veritatem, & nostrarum ec-
 clesiarum existimationem contra accusatio-
 nes grauissimas quorundam theologorum pu-
 blice defendimus. Neque enim his scriptis
 controuersias augere, aut ab ecclesia in rem-

P R A E F A T I O.

publicam transferre cupimus, sed id potius ca-
uere ne certamina ex ecclesia in rempub. trās-
ferantur. Præsentem verò libellū hoc consilio
scriptū sub tuo nomine vir Clarissime in lucē
edere volui, primum quidem quod te eum esse
sciam qui de huiusmodi grauiſſimis controuer-
ſijs iudicium facere poſſit: nam cum ciuiliū
rerum vſu, literas & artium atq; linguarum
cognitionem coniunxiſti: & non tantum hu-
manarum diſciplinarum, ſed ſacrarum litera-
rum, quæ ſolæ hominem ad veram & ſolidam
pietatem erudire poſſunt, ſemper ſtudioſus fui-
ſti. Itaque cum veſtra familia vetuſta ac no-
bilis multis ornamentis hætenus clara fue-
rit, hoc tamen nouum ornamentum litera-
rum hætenus temporum non hominum culpa
neglectum, in illam primus intuliſti, dum tuo
etiam exemplo fratres tuos nobiliſſimos amu-
latione honeſta ad eadem ſtudia excitas: De-
inde honeſtiſſimū dignitatis locum obtinuiſti
in ampliſſima Schaphuſianorum republica
qui pagus Heluetiæ noſtræ vti Tigurinæ ri-
gionis viciniā, ita etiam eiſdem religionis
profeſſione coniunctiſſimus eſt. Nam ab eo
tempore

tempore quo Dei beneficio clarior lux Euangelij nobis illuxit, summa semper fuit, vestrae ecclesiae cum nostra, cum in doctrina cum etiam in administratione ecclesiae & externis ritibus consensus: atque ut arctissima coniunctio fuit eorum ministrorum qui primi has ecclesias utrinque instituerunt, ita eandem nobiscum conseruant & quotidie augent viri oprimi & doctissimi qui nunc ecclesiae vestrae inseruiunt. Communis etiam utriusque ecclesiae & rei publicae confessio publice extat, quare omnes haec calumniae quae nunc de nostris ecclesijs iactantur, non minus pertinet ad vos quam ad nos qui Tiguri in ea ecclesia quam Zuinglius instituit Christo inseruimus. Et eo magis quia in aditu Germaniae positi estis, ut nihil mali ex discordia ecclesiarum oriri possit quod non primo omnium ad vos perueniat: rursus eandem ob causam ac mutua commercia, omnium commodissime potestis innocentiam nostrarum ecclesiarum bonis ac moderatis viris demonstrare. Et quia pacis et concordiae studium ad vos maxime pertinet, qui rebus publicis moderandis diuinitus praefecti estis, non tantum

P R A E F A T I O.

in republica, sed in ecclesia quoque eius pro-
 curationem suscipere debetis, ne tandem ^{eris}
 seu potius Erinnys & rabies certandi ex ec-
 clesia in rempublicam, & à calamis, quod De-
 us auertat, ad arma transferatur. Postremo
 humanitatem tuam expertus in alio studio-
 rum genere (conscribenda historia patriæ no-
 stræ) è cuius medio cursu me transuersum qua-
 si alio importunitas aduersariorum abripuit,
 volui hoc officij genere animum gratum &
 memorem tuorum beneficiorum ostendere. At-
 que hoc vnice V. C. L. à te peto vt hanc meam
 nuncupationem æquo animo accipias, & cum
 libelli huius si forte opus fuerit, tum etiam
 rei ipsius de qua agitur patrocinium susci-
 pias. Nam id ingenue testari possum, me in il-
 lo conscribendo primum Dei gloriam, & pa-
 træ doctrinæ conseruationem, deinde pacem &
 concordiam in ecclesia & republica potissimâ
 quæsiuisse. Precor autem Deum vt his tristi-
 bus temporibus nostris misertus tādē diem
 illum exoptatam nobis illucescere patiatur,
 qua discussa omnium errorum caligine, gra-
 ues illæ controuersiae quæ tādīu ecclesiam tur-
 barunt,

harunt, ex Verbo ipsius componantur, & suauissima pax diu desiderata aliquando afflictae ipsius ecclesiae restituatur. Id nobis praestet Dominus noster Iesus Christus, vnicus verae pacis auctor: qui te quoque V. C. L. ad nominis sui gloriam, & ecclesiae atq; communis patriae vtilitatem, quam diutissime incolumem conseruare velit. Tiguri

M. D. LXXIIII.

Tertio Idus Fe-
bruarij.

ORTHODOXA

ET BREVIS EXPOSITIO VE-
RAE PRÆSENTIAE DOMINI
*nostri Iesu Christi, qua in his ter-
ris præsens est.*

INTER ea de quibus hodie in scho-
lis Theologorum disceptatur, non
puto quicquam magis controuer-
sum esse quam doctrinam de sacro-
sancta cœna Domini nostri Iesu Christi: Ali-
ter enim de illa docent Papistæ, aliter Luth-
erani, aliter illi quos Zuinglianos & Caluinia-
nos vocant, aliter Anabaptistæ: alia postremo
est sententia Brentianorum, qui quamuis &
ipsi Lutherani videri velint, tamē aliter quam
plerunq; Lutherus docuerit, & Lutherani at-
que ipse Brentius olim scripserit, nunc de cœ-
na Domini docent. In tanta autem opinionū
varietate quotidie plurimi libelli vbiq; in pu-
blicum prodeunt, plurimi etiam iamdudum à
doctissimis viris nostrarum ecclesiarum qui
nunc in Domino quiescunt, editi sunt, quibus
hæc controuerfia copiose & perspicue expli-
catur, & quæ sit vera sententia ex scripturis &
Patribus firmis rationibus demonstratur. In
tanta autem librorum huius argumenti co-
pia,

pia, nihil minus hætenus in animo habui, quam hanc quæstionem aliqua ex parte attingere: sed nunc ut aliter statuerem commouit me, non iniusta, ut arbitror, animi indignatio: nam non tantum de præsentia Christi in cœna Domini nunc contenditur, verum in genere de præsentia Christi in his terris secundum humanam naturam quæritur, & Vbi-quitas seu Omnipræsentia carnis Christi veteribus incognita asseritur, atque ad hanc stabilendam noua doctrina de Incarnatione Filij Dei, & eius Ascensione in cœlos, & Sensione ad dexteram Dei, ecclesiæ cum magna multorum infirmorū offensione proponitur. Deinde prodeunt subinde in publicum noua scripta calumnijs falsissimis aduersus nostras ecclesias referta, quibus ea dogmata impudentissimè nobis affinguntur, quæ ne per somnium quidem vnquam nobis in mentem venerunt: & nos Arianos atque etiam Mahumetanos esse clamant, cum ipsorum conscientiz eos calumniæ & mendacij arguant: optimè enim norunt qua fide & diligentia nostræ ecclesiæ sese hætenus Arianorum furoribus opposuerint, & quantum à tantis blasphemijs abhorreamus & semper abhorruerimus. In tanta igitur calumniandi petulantia existimauit officij mei esse, puram doctrinam quam

DE PRAESENT. CHRISTI

hactenus cum alijs pijs & doctis viris in his scholis & ecclesijs tradidi, publico scripto contra apertas calumnias defendere, & simul innocentiam nostrarum ecclesiarum aduersus falsas & horrendas criminationes aduersariorum asserere. Neque existimo quenquam hoc mihi vitio posse vertere, quasi noua certamina pacatis ecclesijs attrahere, aut vetera discidia renouare & augere velim, quando ego nullam contentionem moueo, sed tantum tela immissa repello, & illis respondeo qui pacem ecclesiarum ferre non possunt. Etenim scripta quorundam, & nominatim Iacobi Andreae complura, & nuper ad Viadrum æditæ Musculi propositiones, satis ostendunt plerosque huius factionis plurimum in eo elaborare, ut viros doctos & moderatos qui pacem nobiscum seruare, & tristem hanc atq; diuturnam controuersiam sacramentariam tollere & sopire cuperent, in odium & inuidiam apud Principes & vulgus adducant, & eos falsis criminibus grauent, atq; ita omnem pacis & concordie rationem tollant.

**Aduersarij
oderunt pa
cem.**

Ac dolendum est homines theologos quos maximè omnium pacis studiosos esse oportebat, tantopere ab ea abhorrere, ut vix nomen eius ferre posse videantur, quorum tanta est pugnandi rabies, ut si his magistratus gladium

dium traderet aut eum horum arbitrio strin-
geret, breui non minus principes & respubli-
cæ armis & ferro, quam Theologi calamo in-
ter se contenderent. Elaborarunt in hac re Il-
lustrissimi aliquot Germaniæ principes, &
amplissimarum vrbium magistratus, multi
quoque eximie eruditionis viri, vt quando
hanc tristem Sacramentariam contentionem
componere non possent, saltem amicitiam in-
ter partes conciliarent, & ab vtrisque impetra-
rent, vt à concertationibus & rixis & conui-
tijs abstinerent. Existimabant enim cum alio-
qui maledicentia Christiano theologo indi-
gna sit, & dissidia bonis omnibus fugienda
sint, tum maximè in hac quæstione id facien-
dum esse, quod turpissimum sit Christianis
idipsum esse belli materiam, quod pacis vin-
culum esse Christus voluit, præsertim cum
vtraque pars circa præcipua capita quæ in cœ-
na spectantur consentiat. Nam his qui absque
affectu & præiudicio nostra scripta legunt
manifestum est, nos neque præsentiam Chri-
sti in sua cœna, neque communionem corpo-
ris & sanguinis eius negare, solum in eo con-
trouersiam omnem positam esse, quis sit mo-
dus præsentiae, qua Christus cœnæ suæ adest,
& nos verum eius corpus & sanguinem per-
cipimus.

Controuer-
sia de mo-
do præsen-
tiæ.

DE PRÆSENT. CHRISTI

Pihil nisi
più de præs-
entia hac
docemus.

Ea autem quæ de modo præsentia & communionis docemus, pia & consentanea esse doctrinæ sacrarum literarum negare non possunt moderati homines etiam aduersæ partis: nam etsi à nobis dissentiant, tamen modum præsentia & communionis quem nos statuimus nequaquam negant, sed præter hunc aliam quoque substantialem asserunt, & nos non in eo arguunt quod falsa doceamus, sed quod non cuncta quæ (ut ipsi iudicant) docenda & asserenda erant affirmemus. Ac quoniam modus ille præsentia corporis Christi quem ipsi affirmant, nusquam disertis verbis sacrarum literarum traditur & definitur, ut etiam nonnulli aduersariorum fatentur, existimarunt boni viri nobis iniuriam fieri, si huius quæstionis gratia ab amicitia & fraterna charitate excludamur. Sed nouis istis theologis hæc bonorum virorum consilia politica esse videntur, quod scilicet compositio quæretur in re fidei, ubi nihil est iuris nostri quod concedere possimus, sed verbo Dei standum sit, & integritas fidei conseruanda, quam euerti à nobis clamitant. Quasi verò euicerint verbum Dei à se stare, aut nos fidei quicquam contrarium docere: nam quod nos negare aiunt Dei omnipotentiam, personamque Christi diuidere, meræ sunt calumniæ dudum refuta.

refutatæ. Attamen aliqui è vehementibus istis Nolæ ad-
versarios
inæqualis.
theologis qui tam seueri sunt in Sacramen-
tarios, Flaccium, quem hi qui quondam sui gre-
gales erant Manichaicos furores renouare af-
firmant, ferunt, & fratris loco habent, quia
Vbiquitati eorum vbique patrocinator. Ve-
merito zelum hunc suum contra Sacramen-
tarios suspectum faciant, nam si gloriæ Dei
studio hos odissent, Flaccium cuius quoq; do-
ctrinam damnât æque ac illos nullo modo fer-
re possent.

Sed quando illis omnia bene habent si Sa-
cramentarijs nullus sit locus, nos quos imme-
ritò eo nuncupant nomine quod in ipsos ma-
gis quadrat, omiſſis his à quibus ius æquum
impetrare nunquam potuimus, causam no-
stram, quam iustissimo iudici ipsi Domino &
Seruatori nostro Iesu Christo approbatam ef-
ſe confidimus, bonis quoque & moderatis vi-
ris approbare conabimur. Quia verò non tan-
tū nunc quæritur de præſentia corporis Chri-
ſti in Euchariftia, ſed huius controuerſiæ oc-
caſione cœptum eſt diſputari de abſoluta præ-
ſentia Chriſti ſecundum humanam naturam,
quam ad illam alteram præſentiâ carnis Chri-
ſti in cœna aſſerendam, vbique non minus
quam ipſam diuinitatem præſentem eſſe vo-
lunt, viſum eſt mihi quoque in genere de præ-

DE PRÆSENT. CHRISTI

sentia Christi secundum humanitatem in his
 terris scribere, initio tamen facto à præsentia
 eius in Eucharistia, & interpretatione verbo-
 rum Cœnæ, HOC EST CORPVS MEVM,
 HIC EST SANGVIS MEVS. Nam re-
 uera hoc est caput totius controuersiæ, &
 quia sibi persuaserunt his verbis statui realem
 & corporalem præsentiam carnis & sangui-
 nis Christi in cœna sacra, vt hanc opinionem
 semel male conceptam tueri possint, & nul-
 lum tropum in his verbis admittere cogan-
 tur, suam vbiquitatem excogitarunt, ac inau-
 ditos tropos, & nouas interpretationes sym-
 boli & locorum scripturæ quam plurimorum,
 etiam illas quæ grauissimis erroribus vel pa-
 trocinantur vel periculosam occasionem præ-
 bent, approbare non dubitant.

*Aduersarios non seruare τὸ πρὸς verbo-
 rum Cœnæ Domini.*

Quoniam igitur aduersarij, hoc subinde ia-
 stant, & idem vbique repetit Musculus, se ver-
 ba Christi accipere vt sonant, κατὰ τὸ πρὸς iuxta
 verum, genuinum & grammaticum sensum,
 quem certa ipsorum significatio, natura & vi-
 sitata grammatica reddit, atque omnes inter-
 pretationes verborum Christi quæ figuratam
 locutionem in cœna statuunt, damnant, pri-
 mum omnium de sensu verborum Christi age-
 mus,

ius, quærentes quod sit *ἡ ψευδής* seu genuinus & grammaticus sensus, & hunc non seruari ab aduersarijs demonstrabimus.

Verba Christi in hunc modum ab Euangelistis & Paulo Apostolo nobis tradita sunt, Dominum nostrum Iesum Christum postquam agnum paschalem cum discipulis suis edit, in illa ultima Cœna, accepisse panem, & quum benedixisset siue gratias egisset, fregisse & dedisse discipulis, dicendo, Accipite, comedite, **HOC EST CORPUS MEVM**: quod pro vobis datur, vel frangitur, hoc facite in mei commemorationem: Similiter accepto poculo & gratijs actis id dedisse eis ac dixisse, Bibite ed omnes **HOC EST ENIM SANGVIS MEVS NOVI TESTAMENTI**, qui pro multis effunditur in remissionem peccatorum, vel **HOC POCULUM EST NOVVM ILLVD TESTAMENTVM** in meo sanguine, seu per sanguinem meum, qui pro vobis effunditur: hoc facite quotiescunque biberitis ad mei commemorationem. Quotiescunque enim ederitis panem hunc, & poculum hoc biberitis, mortem Domini annuntiabitis usque quo venerit. Horum verborum genuinus, simplex & grammaticus sensus est, Panem esse corpus Christi, & Poculum esse novum Testamentum seu sanguinem novi

Quod sit
ἡ ψευδής
in uerbis
Christi.

DE PRAESENT. CHRISTI

Testamenti. Nam pronomen demonstrati-
HOC, de num ⁵¹⁷⁰ Hoc, panem ostendit: id enim quod
 pane dici-
 sug.
 accepit, quod fregit, super quo gratias egit,
 quod dedit discipulis & comedere iussit, hoc
 vocat Corpus suum : Panem autem accepit,
 Panem fregit (corpus enim Christi propriè
 non frangitur) Panem benedixit, seu super eo
 gratias egit, hunc dedit discipulis & comedere
 iussit: Itaque panis in hac oratione subiectum
 est, de quo prædicatur corpus Christi, est id,
 quod corpus Christi esse dicitur. Veteres e-
 tiam ita senserunt pronomen Hoc ad panem
 referri & Christum panem corpus suum vo-
 casse. Tertullianus contra Iudæos, inquit,
 Christum panem corpus suum appellasse. Or-
 rigenes, Deum Verbum, inquit, panem cor-
 pus suum fateri, & potum sanguinem suum,
 Iustinus, Panem & poculum cœnæ Domini-
 cæ nominat alimoniam sacramentam, & hæc in-
 quit esse illius Iesu incarnati carnem & sangui-
 nem. Irenæus, Panem eum in quo gratiæ acta
 sint ait esse corpus Domini, & calicem sangui-
 nis eius. Chrysostomus: Quid nam est panis
 corpus Christi. Quid autem sunt qui accipi-
 unt? Corpus Christi. Augustinus. Quod ergo
 vidistis panis est & calix, quod etiam oculi ve-
 stri renuntiant: quod autem fides vestra po-
 stulat instruenda, panis est corpus Christi &
 calix

Lib. 3. & 4

Homil. 33.
in Matth.

Apologia
2.

Lib. 4. ca.
34.

1. Cor. Ho-
mil. 24.
Ser. 24. ad
Infantes.

Lib. 3. de
Trinit.
cap. 4.

calix sanguis. Item corpus & sanguinem Christi dicimus illud quod ex fructibus terræ acceptum, & præce mystica consecratum rectè sumimus ad salutem spiritualem, in memoriam Dominicæ passionis. Quin etiam Lutherus in Defensione verborum **H O C E S T CORPVS MEVM**, ait verba Christi de pane sonare, seu panem notare, ideo necesse esse corpus Christi in pane inesse: Et in breui confessione *Wer nicht glouben wil daß des Herrn Brot im abentmal sey/sein rechter natürlicher leyb/ welchen der gottlose oder Judas eben so wol mundtlich empfehet/als S. Petrus vnnnd alle heiligen/der laß mich nur zu fryden /tc.* Qui noluerit credere panem Domini in Cæna eius verum & naturale corpus esse, quod impius seu Iudas non minus oraliter percipiat, quàm Petrus & omnes sancti, hic à se facessat: attamen mox suas vñtatas interpretationes adhibet. Sunt tamen aliqui veteres & recentiores Sophistæ qui negant pro-

Identica
propositio

nomen demonstratiuum **H O C** panem indicare: & quamuis aliqui iurati sint in verba Lutheri, tamen hic illi contradicunt, & fingunt Identicam propositionem, vbi ipsam subiectum sit prædicatum: ac alij quidam vagum quoddam indiuiduum demonstrant, quorū opinionem aduersarij nostri ipsi quo-

01 DE PRAESENT. CHRISTI

que improbant, alij volunt simul cum pane demonstrari corpus Christi, neque hic panem proprie demonstrari à Christo, quem aliqui manifestè cernebant Apostoli, vt non necesse fuerit eius praesentiam demonstrare, sed ipsum Christi corpus, sicut etiam de sanguine dicitur HIC EST SANGVIS, ac auctor similem esse locutionem vt si quis ferrum candens ostendat, ac dicat, Hoc est ignis, aut cantharum vino plenum, & dicat, Hoc est vinum. Sed hæc similia nihil eos iuuant, nam cantharus & ferrum ostenduntur, sed cantharus vinum figurate dicitur, eò quòd continens accipit nomen contentis, & ita ferrum candens ignis dici potest, quia ignitum est, vt sit permutatio causæ & effectus, aut partium: at illi nullam figuram hic ferunt. Deinde si concedamus hæc absque figura accipi posse, & demonstrari non Cantharum, sed vinum Cantharo contentum: tamen in huiusmodi locutionibus oportet duorum realem coniunctionem præcedere, vt hæc demonstratio verè locum habeat, nisi enim antea cantharus vino plenus fuerit nõ rectè dicetur hoc esse vinum. At in Sacramento cœnæ non poni potest alia antecedens cõiunctio panis & corporis Christi, vt manu ad panem porrecta indicetur corpus Christi, sed ex ipsa institutione Sacramen-

*Sic corpus
non ostenditur est
tropus.
Deinde oportet prius fuisse cõiuncta.*

ti pa-

panis hoc accipit demum vt dicatur Christi corpus. Nam etiam si ponatur Vbiquitas corporis Christi, qua semper vbique adsit & ita etiam pani coniunctum sit, tamen nihilominus ab ipsis quoque peculiarem aliquam coniunctionem Christi cum pane, nempe Sacramentalem, ex institutione Christi statui oportet, alioquin eodē modo de quouis pane, imò de quauis re verè dici posset, hoc est corpus Christi. At si demonstratiua particula HOC ad panem simul & corpus refertur, vt si quis cantharum vino plenum ostendēs dicat, Hoc est vinum, & ita utroq; demonstrato alterum tantum nominatur, tunc certè fuerit tropica locutiq; & Synechdoche in verbis Christi, & tamen contendunt nullum prorsus tropum in verbis testamenti admittendum. Et quoniam à nobis exigunt vt alijs locis scripturæ nostrum tropum probemus, eodem iure ab illis petitur vt suum tropum alijs locis probent & non id quod in quæstione est pro argumento sumant. Atque posita Synechdoche nihilominus quæritur quomodo coniungantur panis & corpus Christi, an substantialiter, an per relationem, vt nos dicimus. Quod si pronomen demonstratiuum non demonstrat panem, quid quæso distribuit Christus? quid in manus accepit & fregit? Si panem non osten-

Statuunt &
synechdoche.

DE PRAESENT. CHRISTI

dit & hunc dicit esse suum corpus, sed suum
 ipsius corpus tantum ostendit, & de hoc dicit
HOC EST CORPVS MEVM, quis v.
 sus panis in Cœna, cur Paulus Panem com-
 munionem corporis Christi vocat? Et si pro-
 nomen **HOC** panem non demonstrat, tamen
 apertè poculum monstratum esse à Christo
 Lucas & Paulus testantur. Neque ab his dis-
 sentit Matthæus, sed eius verbis vim faciunt,
 quia ea ita interpretantur **HIC SANGVIS**
EST NOVI TESTAMENTI, quasi San-
 guinis vox sit subiectum in propositione.
 Nam in Græco est *verbo* **HOC**, quod Lucas &
 Paulus explicant **HOC POCVLVM**. Qua-
 re à simplicitate verborum & genuino & Gram-
 matico sensu recedunt qui demonstratiuum
 pronomen alio violenter quàm ad panem &
 poculum detorquent, hæc enim Iesum acci-
 pisse, benedixisse, fregisse, distribuisse discipu-
 lis, iussisse accipere & edere & bibere Paulus
 & Euangelistæ omnes testantur, ideoque de
 his quoque dixit corpus suum & sanguinem
 suum esse. Porro nulla quoque ambiguitas est
 in nomine corporis, non enim sic figuratum
 aut spirituale aliquod corpus Christo affingi-
 mus, sed fatemur hæc eius verba de vero suo
 & naturali corpore loqui, nam addit quod pro
 vobis frangitur, fractionis nomine passionem
 intel-

Hoc *verbo*
 demonstrat
 poculum,
 & panem
 priori loco

intelligens, & de sanguine qui pro vobis effunditur. Hic cardo controuersæ est quomodo panis sit corpus Christi, quomodo & cur panem hunc Christus suum corpus nomet. Musculus qui gloriatur se simplicem genuinum & grammaticum sensum verborum Christi retinere, hunc sensum verborum Christi esse vult, quod his stabiliatur realis & substantialis præsentia veri corporis & sanguinis Christi, sic vt præsens ipse manu ministri mediante corpus verum, substantiale, naturale, & sanguinem verum in pane & vino & cum pane & vino sumentibus præbeat dignis & indignis, atque hic ipsam carnem quæ nata est ex virgine, & passa in cruce, & resurrexit à mortuis, fide & ore percipi atque manducari ait. Nam esse vnionem incomprehensibilem panis & corporis Christi, non quidem naturalem, personalem aut formalem, sed Sacramentalem & supernaturalem, qua statuitur in Cœna præsens corpus Christi realiter, substantialiter, naturaliter, sed admirando & adorando & supernaturali modo, & accipi ac manducari non visibiliter nec sensibiliter, sed incomprehensibiliter, inuisibiliter, supernaturali & corporali manducatione. Hæc est illa simplicitas verborum Christi, hic genuinus & grammaticus sensus, vbi seruatur & præ-

Stans controuersæ.

Aduersariorum sententia.

DE PRAESENT. CHRISTI

An nullus
tropus sit
admittendus
in uerbis
Cœnæ.

resp. Et si autem apparet cuius non prorsus oc-
cæcato multum recedi à simplicitate verbo-
rum Christi, id tamen nunc omittentes dica-
mus de rationibus ob quas nullam interpre-
tationem nullum tropum & figuram in his
verbis admittendam putant. Verba inquit
sunt testamenti Christi, ideo simpliciter &
absque figura accipi debent. An non autem
verba Christi quæ in cruce pendens dixit, sunt
verba testamenti ipsius, quando suo sanguine
fanciuit Nouum Testamentum? Atqui tum
videns matrem & discipulum cruci altantes,
dixit matri suæ, Mulier ecce filius tuus: & di-
scipulo, Ecce mater tua. Num dicemus Ioan-
nem verè filium fuisse beatæ virginis? Imò
ultima verba Seruatoris in cruce pendentis
non carent tropo: Pater in manus tuas com-
mendo spiritum meum: nisi enim Anthropo-
morphitæ esse voluerimus, tropum hic agno-
scere oportet. In ipsa cœna, vt demus in his
verbis **HOC EST CORPVS MEVM**
nullum esse tropum, tamen ea quæ de poculo
dicuntur absque tropo intelligi & exponi non
possunt, **HOC POCVLVM EST NO-
VVM TESTAMENTVM**, neque enim
quenquam ita desipere puto vt poculû putet
verè & substantialiter esse nouum Testamen-
tum. Nolunt hic tropum agnoscere, & ascen-
sionem

tionem Christi in cœlos, sessionem ad dexteram Patris, locos scripturæ de absentia & discessu Christi ex hoc mundo, & alios multos tropice aut allegorice exponunt, nouo more tantum ne hic tropum admittere cogantur. Nolunt tropum in verbis testamenti admittere, interim ex tabulis diuini fœderis integrum præceptum eradunt, de non faciendis & adorandis imaginibus. Apostolos fingunt simpliciter credidisse panem esse corpus Christi substantialiter, seu in pane sibi præberi corpus Christi verè & essentialiter, ideoque Dominum non interrogasse, quorum exemplum nobis quoque imitandum sit. Sed audiamus quid Chrysostomus de Apostolis scribat. Quo modo turbati non fuerunt cum audissent (Accipite & edite hoc est corpus meum.) Quia multam & magna de hoc ante disseruit. Quapropter nec illud quod iam crebro perceperant confirmauit: Ipse quoque bibit ex eo, ne auditis verbis illis dicerent: Quid igitur sanguinem bibimus, & carnem edimus: ac ideo perturbarentur. Nam & quando prius de his uerba fecit, multi solummodo propter uerba scandalum passi sunt. Ne igitur tunc id quoque accideret, primus ipse hoc fecit, uti tranquillo animo ad communicationem mysteriorum induceret. Vult Chrysostomus Apostolos uerba

Quomodo
Apostoli
hæc uerba
intellexerint.

DE PRÆSENT. CHRISTI

*Esti uideres
tur hic sen-
sus gramma-
ticus non ta-
men mox
recipien-
dum esset.*

*Non nega-
mus cōmu-
nionem cor-
poris Chri-
sti.*

Christi intellexisse ex illa concione prius habita à Christo, quæ Ioan. 6. describitur: Vbi certo non statuitur corporalis, sed spiritualis manducatio corporis Christi. Quod si primo intuitu corporalis præsentia & manducatio statui videretur, tamen non statim hic sensus recipiendus erat sed conferendi prius alij loci, & videndum an talis sensus analogiæ fidei congruat, neque enim semper est nativus sensus verborum scripturæ is quem primo intuitu verba præ se ferunt, præsertim vbi mysticus sermo est, ut in sacramentis omnibus. Nunc quando ipsa verba non loquuntur de corporali manducatione non possumus eos ferre qui tâtopere illam urgere ac si euicissent hunc esse sensum verborum Christi. Paulus optimus est interpretes verborum Domini qui 1. Cor. 10. scribit: Poculum benedictionis cui benedicimus, nonne communio sanguinis Christi est? Panis quem frangimus nonne communio corporis Christi est? In eo igitur nobis vtrinque conuenit, quod vtrinque agnoscimus communionem veri corporis & sanguinis seruatoris nostri Iesu Christi: nobis enim manifestam iniuriam faciunt, ne dicam turpissime mentiuntur, qui aiunt nos omnem præsentiam & communionem corporis Christi negare, Christum cœna excludere, & nullo modo agnoscere præsentem secundum hu-

dum humanam naturam, & merum panem
 & vinum seu nuda & vacua tantum signa in
 cœna Domini agnoscere: & tamen Zuinglius
 & Oecolampadius aperte semper testati sunt,
 se nunquam negasse corpus Christi à nobis e-
 di, & sanguinem eius bibi, sed hoc fieri spiritua-
 liter per fidē. Imo Lutherus ipse in amarulen-
 tissimo scripto, quod breuē Confessionem in-
 scripsit, ait ipsos in colloquio Marpurgi, reli-
 q̃o veteri errore concessisse nō esse merum pa-
 nem & vinum in cœna Domini, verum etiam
 corpus & sanguinem Domini, sed tantum spi-
 ritualiter non corporaliter. Vbi rectē quidem
 de eorum sententia scribit, attamen ipsis iniu-
 riam facit quasi ante colloquiū Marpurgense
 aliter docuerint, cum scripta eorum testentur
 eos antea quoq; sic docuisse, vt facile cōstat ex
 Actis disputationis Bernæ habitæ, & ex respō-
 sionibus Zuinglij & Oecolampadij ad Lu-
 theri librum de verbis Domini. Sophisticē e-
 tiā nobiscum agūt, qui aiūt nos Christo aliud
 quoddā nouū & spirituale corpus affingere,
 quando dicimus id spiritualiter à nobis edi in
 cœna: cum vox spiritualiter nō de natura aut
 essentia corporis Christi dicatur, sed modum
 præsentiæ & manducationis exprimat. Itaq;
 nō de corporis Christi præsentiā & māducatio-
 ne, sed de præsentiæ & manducationis modo

Zuinglius
 non negauit
 cōmunionē
 corporis
 Christi.

DE PRÆSENT. CHRISTI

**Modus præ
sentia quæ
aduersarij
statuunt.**

**An liceat
querere.
Quomodo?**

controuerſia eſt. Scio quidem aduerſarios di
cere, modum præſentia incomprehenſibilem
& ineffabilem eſſe, ſed interim ipſi multis ver
bis hunc definire & exprimere conantur. Ai
unt enim ad eſſe corpus Chriſti corporaliter, re
aliter, ſubſtantialiter, naturaliter, ſacramentali
ter, non tamen naturali, ſed ſupernaturali mo
do, non localiter, non quantitatiue, non quali
tatiue, non circumſcriptiue, ſed definitiue, per
ſonaliter, aut repletiue, & ita volunt ad eſſe, vt
vniatur pani non perſonaliter aut localiter,
ſed ſacramentaliter & ſupernaturaliter, ita vt
cum pane, in pane, ſub pane, iuxta panem ma
nu miniſtri prorrigatur, & non tantum fide,
ſed ore quoque à pijs & impijs equaliter ſuma
tur. Certe his verbis modum exprimere vo
lunt, quamuis reuera non exprimant, quo
niam hæc quæ dicunt inter ſe pugnant & ſe
mutuo euertunt. Porro cum claram explica
tionem ſententiæ ſuæ ab ipſis petimus, quomo
do corpus Chriſti præſens ſit, ad modum ineff
abile confugiunt & quia nihil habent quod re
ſpondere poſſunt, accuſant nos quod impia
quodâ curiositate hæc quæramus, & hanc quæ
ſtionem **QVOMODO** aiunt Iudaicam &
Capernaiticâ eſſe. Sed ſi omnis interrogatio
QVOMODO vitioſa eſſet, oporteret dam
nare Mariam virginem interrogantem ange
lum,

lum, Quomodo erit istud quandoquidem vi-
rum non cognosco? Damnandi essent Abraha-
mus, Gedeon, Samuel, qui hac quæstione vti
sunt. Quorum exemplo constat, quando non
revelarit Dominus aliquid secus futurum, aut
factum esse, quàm ordinaria ratione agatur, li-
cere modum quærere atque exigere, non qui-
dem dubitando, sed instructionem petendo.
Et si Deus aliquem horum modorum verbo
suo definiret, sciremus absque vlla hæsitatio-
ne aut contradictione credendum, nunc au-
tem cum ipsi hæc dicant, neque suam senten-
tiam verbo Dei confirment, cur non licebit
nobis interrogare quomodo hæc sint & fiant?
Atque ut ad ipsa verba Christi redeamus, Ac-
cipite, edite, **HOCESTCORPVS ME-
VM QVOD PRO VOBIS TRADI-
TVR, HOC POCVLVM EST NO-
VVM TESTAMENTVM** in meo san-
guine. Vtrinque agnoscimus hæc verba Christi
esse, & vera esse eo sensu quo à Christo dicta
sunt, quis autem hic sensus sit quæritur. Fate-
mur verum Christi corpus in cæna manduca-
ri & sanguinem bibi, sed de modo manducatio-
nis inter nos non convenit. Aduersarij dicunt
hunc esse sensum verborum quod Christus cor-
pus suum realiter & substantialiter & naturali-
ter præsens cum pane & vino porrigat ore cor-

Verba Chri-
sti.

Sensus ver-
borum iuxta
adversarios

DE PRAESNT. CHRISTI

*Quis sensus
verborū, &
modus prae
sentiae.*

poris manducandum. Noc dicimus Christum
in sacra coena, cum pane & vino externis sym
bolis, verum corpus & sanguinē sacramenta
liter coniuncta, porrigere ad manducandum,
non quidem ore corporis, sed spiritualiter per
fidem. ita vt sicut pane & vino corpora nostra
aluntur quoad hanc vitam, sic corpore Christi
pro nobis tradito, qui est panis coelestis & vini
ficus, homo totus spiritualiter alatur ad vitam
aeternam. Neque tantum communionem me
riti aut efficaciae Christi statuimus, quoniam
fides nostra respicit Christum totum, neque
meritum a persona separat, non magis quam
lucem a corpore Solis, eumque totum agno
scit caput nostrum esse, & ita nos cum ipso
Christo vnitos & coniunctos. Interea tamen
profitemur ad hanc communionem quae fide
fit, non esse necessariam essentialem natura
lem & corporalem praesentiam corporis Chri
sti, qua cum pane essentialiter praesens ore cor
poris manducetur: imo hunc praesentiae mo
dum vt naturae sacramentorum, articulis fidei
& plurimis locis scripturarum, contrarium re
cipere non possumus. Nam quo ad verba Chri
sti quorum simplicem & grammaticū sensum
se seruare falso iactant manducatio corporis
Christi inde confici potest, non autem oralis
manducatio, & corporalis naturalisq. prae
sen
tia.

tia. Verba Christi sonant Panem esse corpus
 Christi, & Paulus panem ait esse communio-
 nem corporis Christi, & cum in verbis Christi
 duo disparata Panis & corpus Christi de se præ-
 dicentur, non potest hæc prædicatio simplici-
 ter & identice intelligi, itaque & Papistæ per
 Transubstantiationem ea explicant, & isti ne-
 scioquam consubstantiatione fingentes à ver-
 bis Christi recedunt, & cum dicunt cum pane,
 & in pane, & sub pane corpus Christi realiter
 & naturaliter præsens esse, simplicem verborum
 & gramicum sensum non exprimunt, sed
 eam quam ipsi putant esse *διὰ τὴν οὐσίαν* verborum
 Christi, & velint nolint tropum in verbis Chri-
 sti agnoscere coguntur: nam Brentius & Iaco-
 bus Andree docent Synechdochen esse in ver-
 bis Christi Similiter cum nos negamus corpo-
 ralem naturalemque præsentiam corporis Chri-
 sti, & oralem eius manducationem, ac spiri-
 tualiter & per fidem manducari Christi cor-
 pus dicimus, panem autem dici corpus Chri-
 sti sacramentaliter, quia est signum, symbolum
 & figura corporis Christi, quo exterius sum-
 pto ore corporis, fides sumit & percipit corpus
 Christi, non ideo negamus verba Christi, aut
 eorum veritate dubitamus, sed horum sen-
 tentiam & interpretationem, idque non ex no-
 stra mente sed ex scripturis adferimus.

DE PRÆSENT. CHRISTI

Confirmatio nostræ interpretationis.

**Vnio sacra-
mentalis.**

Primum hoc inter nos & aduersarios conuenit, esse inter panem & corpus Christi vnionem sacramentalem, ideoq; locutionem sacramentalem esse, quando panis corpus Christi nominatur, quam illi super naturalem incompræhensibilem & ineffabilem esse aiunt: quod ex parte aliqua verum est. Nam quia symbola hæc non naturaliter significant & repræsentant res signatas, sed ex Dei institutione, recte illa vnio dicitur supernaturalis, solius enim Dei est sacramenta instituere: præterea si spectamus operationem internam diuinę virtutis in mentibus fidelium, per quam vere fruuntur non tantum signis, sed ipsis rebus significatis, est hæc efficacia quodammodo incompræhensibilis & ineffabilis. At non ideo sacramentalis vnio est substantiarum panis & vini cum corporis & sanguinis Christi substantiæ vnio & ineffabilis quædam consubstantiatio, sed in omnibus sacramentis duo statuuntur, signum & res signata, sacramentum & res sacramenti, quę vt Dialecticorum more loquar, relatione mutua coniunguntur, qua fit vt signum accipiat nomen rei signatę. Augustinus ad Bonif. Si Sacramenta earum rerum qua-

**Signum &
res signata
coniunguntur re-
latione qua-
dam.**

rum

nam sunt Sacramenta similitudinem non haberent, utique sacramenta non essent. Ex hac autem similitudine plerunque etiam ipsarum rerum nomina accipiunt. Item contra Maximinum lib. 3. cap. 22. In sacramentis non quid sint, sed quid ostendant attenditur: quia signa sunt rerum aliud existentia & aliud significant. Sic illa Abrahamæ mandata circumcisio fœdus nominatur, & agnus mactatus dicitur Passus seu transitus, & hostia pro peccato nominatur peccatum. Lapis etiam quem Iacob statuit in symbolum Bethel vel domus Dei, ipsa domus Dei vocatur, locus ipse domus Dei & Deus de Bethel dicitur. Arca fœderis symbolum presentis & auxilij diuini Iehoua eternum sepe nominatur. In nouo fœdere primitus dicitur ablutio peccatorum & regeneratio spiritualis: item in Baptismo dicitur in Iesu Christo, & nos ei commori & sepeliri dicimur, quæ omnia non realiter & substantialiter, sed symbolice & sacramentaliter explicanda sunt. Ac monet Theodoretus non contemnendus auctor, ideo in sacramentis signis tribui nomen rei signatæ, ut qui diuina sumunt mysteria, non ad ipsam naturam rerum sub aspectu cadentium ob stupefcerent, sed hac permutatione nominum adducerentur ad incomprehensibilem Dei gratiam contem-

*Tropus hic
in cunctis
sacramen-
tis ubiatus
est.
Gen. 28:*

*Tit. 5.
Act. 22.
Gal. 4.
Rom. 6.
Colos. 2.*

*In dialogo
Inconuersis
bilib.*

DE PRAESENT. CHRISTI

Forma locu-
tionum sa-
cramentaliū
non est inusi-
tata.

endam. Est autem hic tropus in communi ra-
tione loquendi frequens & vsitatus, praesertim
in pactorum & foederum ratione. Ita signa so-
lennia contractuum saepe nomina ipsa contra-
ctuum sortiuntur, & monumenta earum re-
rum quarum sunt monumenta, sic statuum
Caesaris Caesarem nominamus, & saepe pro-
pter similitudinē nomina permutantur. Chri-
stus agnus dicitur, & petra, & rursus Petra de-
serti erat Christus. Sic etiam Christus se pa-
nem nominat: & tamen cum rei signatæ sym-
boli nomen tribuitur tropum omnes facile a-
gnoscent, sed cum rursus symbolo pari ratione
nomen rei significatæ imponitur, tantopere
(quod mirum est) à tropo abhorrent. David
cum tres è numero heroū exercitus sui irruis-
sent in castra Palæstinorum, & attulissent illi
aquam è cisterna Bethlehemitica, quam desi-
derauerat, noluit illam bibere, dicens: Absit à
me Iehoua vt faciam hoc. Num bibam sangui-
nem virorum qui abierunt cum periculo vi-
sae? Hic aquam sanguinem appellat, quia tes-
tabatur periculo effundendi sanguinis illos
se exposuisse, & mirantur aliqui in Eucharis-
ticia vinum sanguinem dici, vbi testatur ser-
uatorem nostrum se non tantum exposuisse
periculo, sed etiam reuera sanguinem fudisse.
Porro nostrum argumentum non est tale vt
qui

quidam fingunt, Scripturæ, in quibusdam locis tropicè loquuntur: ergo verba cœnæ tropicè accipienda sunt. Sed hæc est argumenti summa. In omnibus sacramentis veteris & novi Testamenti signa per tropum accipiunt nomen rerum signatarum, & signum ac res signata relatione coniunguntur, non autem realiter & substantialiter: idem sunt. Ergo etiam in cœna panis per tropum corpus Domini vocatur & non substantialiter, sed relative cum corpore Christi coniunctum est. In hunc autem modum sacramentaliter verba cœnæ veteris ecclesia sæper intellexit, & interpretata est nomine signi, symboli, figuræ typi, &c. id quod Patrum innumeris pene testimonijs ostendi potest. Tertullianus: Acceptum panem & distributum discipulis corpus suum illum fecit, hoc est corpus meum dicendo: hoc est figura corporis mei. Ambrosius, Fac nobis hanc oblationem ascriptam, rationabilem, acceptabilem, quod est figura corporis & sanguinis Domini nostri Iesu Christi. Beda. Christus pro carne & sanguine agni, suæ carnis sanguinisq; sacramentum panis ac vini figura substituit. Bertramus. Panis ille vinumq; figurate Christi corpus & sanguis existit. Item: In pane illo non solum corpus Christi, verum corpus etiam in eum cre-

Patres per tropum interpretati sunt verba cœnæ

Aduersus Mart. li. 4.

De sacramentis. lib. 4. cap. 8.

In Lucam;

DE PRÆSENT. CHRISTI

„ dentis populi figuratur. Et corpus Christi
 „ quod in ecclesia per mysterium geritur, secun-
 „ dum quendam modum corpus Christi esse co-
 „ gnoscitur, & modus iste in figura est & imagi-
 ne. D. Augustinus Iudam adhibuit ad conui-
 uiū, in quo corporis & sanguinis sui figuram,
 discipulis suis commendauit. Idem: Non e-
 nim Dominus dubitauit dicere, Hoc est cor-
 pus meum cum daret signum corporis sui. L.
 dem de verbis cœnæ in libro 3. de Doctrina
 Christiana scribit. Figura est ergo, præcipiens
 passioni Domini esse communicandum, & sua-
 uiter atque vtiliter recondendum in memo-
 ria quod pro nobis caro eius crucifixa & vul-
 nerata sit. Omitto hic Græcos qui typum &
 antitypum, symbolum, mysterium corporis
 & sanguinis Christi nominant. Ideoque no-
 stra interpretatio nec aliena est, cum eadem ra-
 tio sit omnium sacramentorum, nec detorta
 & violenta, cum non recedat à loquendi ratio-
 ne spiritui sancto vñitata, neque etiam noua, cū
 vetus Ecclesia verba Christi in hunc modum
 intellexerit & interpretata sit.

In exposi-
 tione Psal.

3.
 Cōtra Adi-
 mantum.
 lib. 1. ca. 12

Basilius.
 Chrysostomus.

Quæ de pō-
 culo dicta
 sunt non
 possunt abs-
 que tropo
 exponi.

Deinde neminem putamus ambigere vtri-
 usque signi in cœna sacra parem rationem esse,
 scilicet, at quæ de poculo scribuntur ea omnino tro-
 pice accipiendæ sunt. Calix enim dicitur no-
 uum Testamentum, neque tamen poculum
 neque

neque quod eo cōtinetur vinum, est reipsa nouum Testamentum. Neque dici potest per synechdochen, qua continens nomen accipit rei quæ continetur, calicem sanguinem Christi & nouum Testamentum nominari. Negant enim sanguinem ita poculo contineri sicut vinum cantharo continetur: testamentum autem calice contineri nemo puto dixerit. Et quom alij Euangelistæ inquit *τὸ αἶμα τοῦ σώματος* eodem tropo quo Paulus & Lucas vtuntur, nam *τὸ* nihil aliud referre potest quàm poculum, quod Christus in manus accepit, & Apostolis dedit, & Paulus expresso subiecto docet quo pronomen demonstratiuum referri debeat. Atque vt sequamur eorum interpretationem, tamen hoc dictum **HIC EST SANCTUS MEVS** idem valebit, atque hoc Pauli & Lucæ, Hoc poculum est nouum Testamentum in sanguine meo: nisi velint Matthæum & Marcum à Paulo & Luca dissentire. Quod si par est ratio vtriusque symboli, idem erit **HOC EST CORPUS MEVM**, atque si dixisset, Hoc est nouum Testamentum in corpore meo, vel hoc est corpus noui Testamenti. Quin etiam ipsum noui Testamenti nomen docet qualem præsentiam corporis & sanguinis Christi, & qualem manducationem statuatur Christus: non aliam scilicet quam

DE PRÆSENT. CHRISTI

quatenus noui Testamenti corpus & sanguis sunt. Sed corpus Christi ad Noui Testamenti confirmationem refertur quatenus victima fuit qua Deus nobis reconciliatus est, & sanguis quatenus effusus est in remissionem peccatorum. Corporis autem & sanguinis Christi societate participes reddimur noui Testamenti, non corporali horum exhibitione, sed ineffabili illa vnione Christi capitis cum membris suis, atq; cōmunicatione virtutis ac efficaciz, quæ ex viuifica illorum substantia manat, & spiritualiter à nobis percipitur, vt Christus docet Ioannis 6. cap.

*Memoria
cū præsen-
tia pugnat.*

Præterea Christus sacramentum cœnz instituens iussit hoc facere in sui memoriam seu cōmemorationē. At D. August. scribit: Neminem recordari alicuius rei, nisi quæ in præsentia non sit posita. in Psal. 37. Itaque sacrificium Christi à cœna distinguit, quod illud promittebatur veteribus, per ipsam veritatem reddebatur in passione, nunc verò eius memoria celebratur. Contra Faustum lib. 20. cap. 21. & lib. 6. cap. 5. Multo magis clarius à D. Bernardo memoria & realis præsentia corporis & sanguinis Christi in cœna opponuntur: statuit enim hoc discrimen inter nos & angelos, quod illi reali præsentia Christi fruuntur, cum nos memoria tantum fide ac spiritu quasi per specu-

lon

lum in ænigmate Christum intueamur. Neque tamen propterea ab illo nuda signa constituentur, sed fatetur Christum ipsum nobis proponi, sed sub sacramenti cortice velatum. Est enim etiam certa veritas realiter quoque absentium rerum quarum hypostasis est fides. Apostolus etiam iubet in celebratione huius sacramenti annuntiare mortem Domini donec veniat, & ita interpretatur verba Christi iubentis hæc in sui memoriam facere, nempe ut non curiose quæramus corporalem præsentiam, quando corporaliter extremo demum die venturus est ad iudicandum viuos & mortuos, sed ut beneficium hoc quod mortis sua nobis præstitit, & hoc ritu efficaciter impertit, semper animo intueamur, & de ipsius gratia & auxilio minimè dubitemus, & ita fide man ducemus corpus pro nobis traditum & sanguinè pro nobis fufum bibamus. Quod si annuntianda est mors Domini donec venerit, is autem realiter in cœna adest, debet igitur cœna cessare, & hac ratione eius vfus tolleretur.

Annuntiare mortem Domini donec venerit.

Præterea vbi Christus panem corpus suum & vinum sanguinem suum in sacra cœna nominat, non absolute de corpore suo loquitur, sed quatenus corpus pro nobis traditur, & sanguis pro nobis funditur. Quatenus seipsum

Corpus & sanguis offeruntur quatenus pro nobis tradita.

DE PRAESENT. CHRISTI

obtulit ut esset victima pro peccatis nostris ad
reconciliandum nobis patrem coelestem & ab-
luenda peccata, haecenus corpus suum & san-
guinem nobis offert in cibum & potum, ut autem fruamur
hoc beneficio non necesse est statui rea-
lem coniunctionem cum pane & vino, & cor-
poralem manducationem. Sicut Solem praesentem
habemus quatenus illuminat oculos no-
stros, neque tamen necesse est corpus Solis abso-
lute praesens realiter adesse oculis nostris. Ab-
soluta caro & absolutus sanguis non possunt ci-
bum & potum prestare animabus nostris, quae
non nutriuntur corporata aliqua substantia: itaque
cum Christus nobis dederit corpus suum in cibum,
& sanguinem in potum, non dedit haec quatenus
sunt corporea substantia, sed quatenus sunt pro
nobis effusa & tradita. Et eo tempore quo Chri-
stus coenam instituit, corpus nondum in mor-
tem traditum erat neque sanguis effusus, & ta-
men nihilominus Christus tamquam de re pre-
senti loquitur, Quod datur inquit & frangitur,
& qui effunditur, ostendens se dare donum
non actu, sed virtute & efficacia praesens.

Radem rae
qia verbi
& si rane
torum.

H m liz in
Num. la

Comuni etiam consensu theologorum rece-
ptum est, sacramentum esse visibile verbum Dei,
& eandem esse praesentiam Christi in verbo
& sacramentis: atque veteres, ut Origenes &
Hieronymus, statuunt duas rationes extendi
& bibendi

& bibendi corpus & sanguinē Domini, in ver- Ecclesiast.
 bis, & in Sacramentis seu in mysterio. Et inter 3. cap.
 recentiores, vt alios nunc omittam, idē docuit
 Brentius, qui in Exegesi in Ioannem scribit.
 Iam quemadmodum per verba Euangelij, cre-
 dentibus offeruntur & communicantur dona
 Dei, ita & per Sacramenta verbo affixa. Sunt
 enim Sacramenta ob hanc causam verbo ad-
 iecta, vt sint media instrumenta, vna cum ver-
 bo, quibus credentibus dona Dei communi-
 carentur. Sed verbo scripturarum non est
 coniunctum corpus Christi aliter quam si-
 gnificatione, verba enim notæ & signa sunt:
 quare non aliam quoq; corporis Christi cum
 externis symbolis coniunctionem statuere de-
 bemus.

Statuantur etiā ab omnibus veteribus duæ Dux tantū
 tantum partes Sacramentorum signum & res partes Sa-
 signata, signum visibile & inuisibilis gratia, cramento-
 res terrena & cœlestis, quæ non realiter con- rum & hæ
 iunctæ sunt, alioqui omnes signum percipien- nō realiter
 tes, cœlestis quoque inuisibilis gratiæ partici- coniuncta.
 pes essent, quod aduersarij non concedunt,
 qui impios percipere volunt corpus Christi,
 non tamen gratiæ & viuificationis esse parti-
 cipes. Itaque videntur tria statuere, externa
 symbola, deinde corpus & sanguinem Christi,
 & gratiam inuisibilem: atque ita à simplicita-

DE PRAESENT. CHRISTI

te orthodoxæ doctrinæ recedunt.

**Christus do-
cet carnem
suā mandu-
cādam esse
spiritualis-
ser per fidē**

Postremo scriptura docet, manducari Christi corpus & bibi sanguinem eius, spiritualiter & per fidem Ioan. 6. cap. Itaque cum in cœna iubemur corpus Christi edere & sanguinem eius bibere : quod ad ipsum corpus Christi & sanguinem pertinet, nō instituitur aliud manducationis genus in cœna, quam quo fideles corpus Christi edunt per fidem: adduntur tamen in cœna externa symbola, quibus fides communicantium prouocetur, ostendaturq; quid manducatio spiritualis corporis Christi conferat, nempe id quod panis in cibum sumptus, & vinum in potum, vitæ comedentium & bibentium præstare solent. Ideoq; non modo Chrysostomus, sed alij quoq; Patres verba cœnæ per verba Christi Ioan. 6. interpretantur. Quod autem aliam manducationem corporis Christi in cœna quidam statuunt, præter Dei verbum faciunt. Editur Christi corpus in cœna in Sacramento, quando Sacramentum seu signum, quod etiam symbolicôs corpus Christi nominatur, ore percipimus, & ita veteres dixerunt Christum in Sacramento edi. At ipsam Christi carnem veram & substantialem pro nobis traditam, & sanguinem pro nobis effusum, aliter quàm per fidem manducari ex verbo Dei ostendi non potest: nam si ob-

ijciunt

ijciant verba hæc: Accipite, edite, hoc est corpus meum: vtuntur elencho Petitionis principij: verba enim Christi nos iubent corpus eius edere & sanguinem bibere, at oralis & corporalis manducatio nusquam ne verbulo quidem innuitur: ea autem quam nos docemus, & alijs Scripturæ locis & Patrum testimonijs confirmatur.

Quare præsentiam carnis Christi corporalem reiiciamus.

Porro ne statuamus realem & naturalem præsentiam corporis & sanguinis Christi in pane & vino cœnæ Dominicæ, & eorum oralem manducationem, mouent nos absurda quæ hinc consequuntur, quæ non tantum rationi absurda sunt, sed cum Scripturis & fide pugnant.

Primum realis præsentia corporis Christi in pane aut cum pane, qua vel vbique, vel simul innumeris locis præsens sit realiter & substantialiter & naturaliter, abolet humanæ naturæ veritatem in Christo seruatore nostro, & doctrinam incarnationis, quæ est fundamentum salutis nostræ euertit. Christum enim ex Scripturis didicimus veritatem humanæ naturæ ita assumpsisse, vt nobis per omnia similis factus sit excepto peccato. At vero humanum

Realis præsentia pugnat cum veritate humanæ naturæ.

DE PRAESENT. CHRISTI

corpus definitum & circumscriptum non potest simul in multis locis praesens esse. Et Christum ante & post resurrectionem suam à mortuis, ita in vno loco corpore suo praesentem fuisse, ut alibi eodem tempore corpore suo non adesset, sacrae literae aperte testantur. Porro ubique praesentem esse diuinæ naturæ ita proprium est, ut hinc firmissimè Patres probauerint Deitatem Spiritus sancti: & non dubitarint asserere diuinam naturam si corporea esset, circumscriptam quoque & in loco fore. Quare si Christo tribuitur omnipraesentia corporis, veritas corporis in eo aboletur. Et omnia iam omnipraesentia, ex illa reali praesentia qua multis simul in locis praesens sit æque multa absurda consequuntur. Exempli enim causa illam ipsam cœnam consideremus, quam Christus cum discipulis sumpsit. Assedit Christus corpore suo vero mensæ unà cum discipulis, idque vere, realiter, aspectabiliter: & tamen iuxta horum sententiam suam verum corpus realiter & inuisibiliter discipulis sub pane & cum pane manducandum dedit: & corpus eius mortale & patibile tunc erat, & illud ipsum impatibiliter & supernaturaliter edebant discipuli. Itaque sequitur Christi corpus simul & eodem tempore visibile & inuisibile, patibile & impatibile, mortale & immortale, fractum

Quum & integrum tum fuisse, imò Christum
plura habuisse corpora, illud quod videbant
discipuli & illud quod accipiebant, illud quod
porrigebat illis panem & poculum, & illud
quod vnà cum pane & poculo porrigebatur.

Hæc an non humanæ naturæ veritatem tol-
lunt? Scio omnia absurda huiusmodi repelli
ab aduersarijs clypeo diuinæ omnipotentia:
sed primum ad omnipotentiam confugiendū
est vbi nobis de voluntate Dei constat. Non-
dum probarunt Christum voluisse nobis in
cena corpus suum realiter & corporaliter in
pane dare. Sæpe enim diximus id nequaquam
effici his verbis **HOC EST CORPUS**
MEVM, de quorum sensu cum sit contro-
uersa, ipsi tamen subinde sophistico more id
quod controuersum & in quæstione positum
est pro argumento sumunt. Deinde omni-
potentia Dei non implicat contradictionem, a-
lioque veritati diuinæ aduersaretur. Neque o-
mnipotentia Dei facit vt eodem tempore actu
& re ipsa aliquid sit & non sit, vt corpus Chri-
sti eodem tempore sit infinitum simul & cir-
cumscriptum, eodem tempore sit patibile &
impatibile, adsit & non adsit: idq; realiter, sub-
stantialiter & naturaliter. Neque enim quæri-
mus an naturaliter loco definiatur, per e-
nergiam autem præsens sit, aut personaliter

Omnipotentia Dei.

DE PRÆSENT. CHRISTI

præsens. Sed quæstio hætenus fuit de reali & substantiali & corporali præsentia corporis Christi, an sacerdos manu porrigat & percipiens Sacramentum ore sumat ipsum corpus Christi verum & naturale, realiter, substantialiter, corporaliter. Scimus quibus verbis & Lutherus usus sit & alij adhuc vtantur.

*Ascensio
Christi, &
scripturæ
quæ eius ab
seueriam tes
tantur.*

Pugnat deinde realis præsentia corporis Christi cum articulis fidei nostræ & plurimis scripturarum locis. Credimus enim secundum scripturas Christum corpore suo in cælos ascendisse, & inde demum extremo die venturum ad iudicandum viuos & mortuos. Non est autem dubium Ecclesiam semper articulum hunc intellexisse, quod in locum cælestem corporali & physica locatione ascenderit. Non solum demum ætate ad corporalem in cœna præsentiam asserendam, alij ascensionem transpositionem quandam fecerunt & allegorice interpretati sunt: alij ad omnipotentiam confugientes volunt corpus Christi in cælo simul & in terra in pane præsens esse, neque hic contradictionem esse, quâ tamen omnes nisi ipsorum more excæcati vident: alij corpus Christi in cælo certo loco esse volunt physice, atamen modo maiestatis aut dexteræ Dei seu personaliter in cœna præsens esse. Ita ne vnum tropum in verbis cœnæ admittere cogantur,

nouas

novas interpretationes articulorum fidei, novos loquendi modos, & insolitos in alijs locis tropos confingunt. Eadem ratio est plurimorum locorū scripturæ in quibus testatur Christus se non amplius corporaliter in terris præsentem fore, id quod plurimis agit in illa concione quam in vltima cœna habitam Ioannes copiose descripsit. Et in alijs locis, vt cum inquit: Pauperes semper habebitis, me autē semper non habebitis.

Marc. 14.

Præterea hoc quoque absurdum ex aduersariorum sententia consequitur: vt si in pane realiter adest corpus Christi, & in vino sanguis vt dicamus in pane simul adesse sanguinem aut non adesse, & itidem de corpore vt simul adsit vel non adsit cum sanguine in vino: si adesse simul negarit, sequitur realis distractio corporis & sanguinis Christi, quam asserere impium est: si simul adesse dicunt, corpus & sanguinem congeminant, & bis vtrunque in communione præbent, semel sub pane, & iterum in vino.

Distractio
uel gemina
tio corporis
Christi.

Adhæc, Christus ipse docet corporalem hanc manducationem inutilem esse Ioan. 6. Cum enim prolixa concione docuisset veram & salutarem sui corporis manducationē quæ fide fiat, Capernaitæ verba Christi de edenda carne sua & sanguine suo bibendo non intel-

Corporalis
manduca-
tio repudia-
tur ab ipso
Christo.

DE PRAESENT. CHRISTI

ligentes, quærebant, Quomodo potest hic nobis carnem suam dare qua vescamur? Quidam etiam ex discipulis offensi dicebant, Durus est hic sermo: quis potest eam audire? Iesus autem sciens eos de hoc murmurare dixit, Hoc vos offendit? Quid si igitur conspiceritis filium hominis ascendentem eò ubi erat prius? Spiritus est qui vivificat, caro nō prodest quicquam: Verba quæ ego loquor vobis spiritus sunt & vita: sed sunt quidam ex vobis qui non credunt. Etsi autem Christus alio tempore cœnam suam instituit, id tamen nō obstat quominus ea quæ hic de manducatione corporis sui tradit ad cœnam referamus, nam non aliud est manducatio corporis Christi in se quam quæ Ioannis 6 docetur, in cœna autem ad hæc accedit externa & oralis, manducatio, quando in Sacramento & Symbolo manducatur, ubi namque ex Christi institutione non tantum fide manducatur corpus Christi, sed ore sumitur externum symbolum quod Sacramentum est veri corporis, & ideo etiam corpus Christi nominatur. Atque ita plerique veterum verba Christi intellexerunt & ad cœnam accommodarunt: atque tradidere nonnulli deo beatum Ioannem Evangelistam non descripsisse institutionem cœnæ Dominicæ: quod capite 6, satis explicasset manducationem corporis

poris Christi, sic ut concio Christi ab eo tradita, debeat esse loco interpretationis eorū verborum, quibus in cœna Christus corpus suū ad edendum & sanguinem ad bibendum porrexit. Si concio illa ab aliquo Apostolorum habita fuisset, dubitare possemus an ad cœnam pertineret, sed cum Christus qui optime norat, quibus verbis cœnam instituere vellet, hæc docuerit, & utrobique iubeat corpus suum edere & sanguinem suum bibere, neque discrimen ponat ullum, cur nos faceremus aliam manducationem veri & realis corporis Christi ab illa quam Ioan. 6. tradidit & docuit fide fieri? Neque vero tantum docuit manducationem hanc spiritualesse, sed carnalem manducationem nihil prodesse ait. Quod enim ait, Caro nihil prodest: non potest de carne Christi absolute dici: quis enim piorum ferat ut dicamus carnem Christi, quæ verè est cibis vitæ æternæ, nihil prodesse? Neque hic carnis nomine Vetus homo intelligitur. Opponuntur quidem aliquando caro & spiritus, ut carnis nomine vetus homo significetur, sed hoc non est perpetuum in hac oppositione, ut falso aduersarij asserunt: nam cum Christus dicitur mortuus carne, viuificatus spiritu, Caro & spiritus opponuntur, neque tamen carnis nomine veterem Adamum significat. Sic etiam

Caro quomodo nihil prodest.

DE PRAESENT. CHRISTI

hoc loc caro & spiritus opponuntur, sed quia
 de carne Christi verba fiunt, hæc de carne
 ius accipienda sunt, non quidem absolute, ab-
 sit: sed cum de carne Christi manducanda que-
 stio esset, verba hæc ad manducationem carnis
 Christi pertinent. Caro igitur Christi non ab-
 solute dici debet nihil prodesse, hoc enim blas-
 phemia esset, sed carnaliter manducata & se-
 parata à spiritu, sicut manducandam putabam
 Capernaitæ, nihil prodest. Atque Augustinus
 ita interpretatur verba Christi. Spiritus est qui
 „ viiificat, caro autem nihil prodest: verba que
 „ locutus sum vobis, spiritus est & vita. Spiri-
 „ tualiter intelligite, quod locutus sum vobis.
 „ Non hoc corpus quod videtis, manducaturi
 „ estis, & bibituri illum sanguinem, quem fufui
 sunt qui me crucifigent. Sacramentū aliquod
 vobis commendaui, spiritualiter intellectum
 viiificabit vos. Neque se tueri aduersarij pos-
 sunt quod à Capernaitis differant, quoniam il-
 li existimarint carnem Christi coctam, aut in
 frustra concisam comedendam esse, & quod
 iudicarint eo modo comedendam quo carni-
 bus in macello emptis vescimur: nā Caperna-
 itarum falsa opinio qualis fuerit, ex his verbis
 apparet: Quomodo potest hic nobis carnem
 suam dare ad manducandum? Et Patres testan-
 tur eis horrendum visum humana carne ve-
 sci: item

**Aduersarij
 sunt Caper-
 naitæ.**

sci: item eos putasse corpus Christi dentibus atteri, & ventre absorberi. Et certe ex contraria manducatione quam Christus docet, apparet quæ illorum fuerit opinio. Nam Capernaïtice manducationi opponitur à Christo spiritalis manducatio, quæ fit per fidem: Itaque etiam si non omnino eundem modum manducationis cum Capernaïtis asserant, docent tamen carnem Christi realiter & corporaliter ore corporis manducandâ, & dentibus atterendam, idque sensualiter, si modo confessione Nicolai Papæ quam Berengario præscripsit, quæ etiam Lutherus probauit, retinere voluerint: hæc autem manducatio prorsus contraria est illi quam Christus docuit, Ioan. 6. Nam spiritus & spiritalis manducatio non tantum opponitur manducationi carnali quæ particulatim fit, sed omni carnali & corporali manducationi. Ac nostri aduersarij asserentes carnem Christi non minus à Iuda quàm Petro, ab impijs & infidelibus, quàm pijs & credentibus in cæna Domini manducari, an non eâ à Spiritus viuificatione seiungunt, & meram carnalem manducationem statuunt?

Porro impiorum manducatio quam pertinaçiter defendunt, videtur quidem ipsis necessaria ad stabiliendam realem præsentiam carnis Christi, sed opinio hæc prorsus absurda

*Impios
Christum
edere absur-
dum est.*

DE PRAESNT. CHRISTI

est, & scripturis atq; veteris Ecclesiae doctrinae repugnat. Christus enim inquit: Quisquis ederit carnem suam, & biberit sanguinem suum hunc vitam habere, & in se manere, atq; se in illo. Impij autem neq; vitam in se habent, neque Christo coniuncti sunt, non igitur Christi carnem edunt & sanguinem eius bibunt. Neq; hic distinctione aliqua opus est, an non enim clara & perspicua sunt Christi verba: an non vitae perceptionem cum corporis sui manducatione coniungit? corpus Christi vivificum est, ut autem haec spiritualis & vivificans vis à carne eius separari non potest, ita etiam haec duo in perceptione corporis Christi non sunt diuellenda. Lutherus in Libro de verbis Coenae, scribit de carne Christi: Hic cibus cum à quo manducatur suae naturae participem facit & spiritualem. Eodem libro scribit, Corporalem manducationem carnis Christi prodesse ad remissionem peccatorum. Hinc autem sequeretur, impios qui iuxta aduersariorum sententiam carnem Christi corporaliter, realiter, substantialiter, comedunt spirituales esse & peccatorum remissionem habere. Dicunt impios corpus Christi sumere sibi ipsis ad iudicium, & sicut Euangelium aliquibus odor est mortis ad mortem, ita non mirum esse si corpus Christi ad mortem sumatur ab impijs, Christi

stun
cem
Eua
piu
tern
dem
pij
ipso
dicer
no co
an ea
fica a
talem
dare
tione
ederi
poris
tione
corpu
pus C
non d
corpu
bolo o
quã vi
realite
lud no
aposta
& sang

stum nanq; non tantum saluatorem, sed iudicem esse. Sed hæc sunt dissimilia, quibus enim Euangelium est odor mortis, hi non percipiunt rem ipsam quæ Euangelio offertur, eternam tantum prædicationem ad sui condemnationem audiunt: at in Sacramento impij non tantum symbola, sed rem ipsam iuxta ipsorum sententiam accipiunt. Christum iudicem esse quis negat, sed cum in pane & vino corpus & sanguis percipienda offeruntur, an ea in iudicium offeruntur, an vero vt viuifica alimonia? Instituant igitur sumptionem talem qualis aliquando in Papatu recepta fuit, dare corpus Christi ad iudiciũ siue ad probationem. Apostolus inquit eos qui panem hũc ederint aut poculum biberint, reos teneri corporis & sanguinis Domini, & sibiipsis damnationem edere & bibere, quia non discernant corpus Domini. Non dicit impios ipsum corpus Christi edere & sanguinẽ bibere, sed quia non discernunt corpus Domini reos esse, illi corpus Domini nõ percipiũt, sed illis in symbolo oblatum negligunt & tanquam rem aliquã vilem contemnunt. Neq; necesse est illis realiter præsens esse corpus, quasi alioqui in illud non peccare possint, cum alibi de impijs apostatis scribatur eos proculcare filium Dei, & sanguinem fœderis profanum æstimare &

DE PRAESENT. CHRISTI

Christum denuo crucifigere : qui tamen non ideo realiter praesens corpus Christi habue-
re. Mirum autem est aduersarios ne corpus à
pane, cui sacramentaliter vnitum est, diuellat,
Christi corpus à viuifica sua vi seiungere, ita
vt Christum in se habentes eius efficaciam non
sentiant. Veteres etsi aliquando videntur im-
pijs tribuere quòd sumant corpus Christi,
quòd scilicet id sumunt in sacramento, signum
corporis accipientes, quod nomen rei signata
habet, nihilominus seipsos optime interpre-
tantur, & distinctè docent quid de impiorum
sumptione sentiendum sit. Augustin : Escam
vitae accipit, & aeternitatis poculum bibit, qui
in Christo manet, & cuius Christus habita-
tor est: nam qui discordat à Christo, nec car-
nem eius manducat nec sanguinem bibit, est
tantae rei sacramentum ad iudicium suae præ-
sumptionis quotidie indifferenter accipiat.
Idem alibi scribit Apostolos panem Dominum
edisse, Iudam panem Domini contra Dominum.
In Ioan. tract. 59. Item aliud esse sacramentum,
aliud virtutem sacramenti, ac eum qui non ma-
net in Christo, non manducare spiritualiter
carnem eius, licet carnaliter & visibiliter præ-
mat dentibus sacramentum corporis & san-
guinis Christi. Hieronymus eos qui non sunt
sancti corpore & spiritu, asserit non comede-
re car-

In senten-
tijs Prospe-
ri.

In lra. 66.
cap.

re t
P
cet i
sacra
crati
non
sed
da q
met
rem
nom
idol
erat
vini
opin
Chr
rum
ter n
qui
suis
Bere
nem
sensu
tract
verò
Qui
& pe

re car

re carnem Iesu & bibere sanguinem eius.

Postremò etsi pudet nos hoc obijcere, & licet impietatis nos arguant, qui tam crassè de sacro corpore Christi loquamur, tamè eorum crassa opinio nos hæc loqui cogit: & reuera non de Christi corpore hæc dicta volumus, sed de ipsorum opinione: & eo modo accipienda quo veterum anathema in Deum Mahumeti: non enim execrabantur Deum creatorem cœli & terræ, sed Deum quem falsò hoc nomine vocabat Mahumet, qui non Deus sed idolum & figmentum illius pseudoprophetæ erat. Ita nos hæc nequaquam de Christi carne vivifica dicta volumus, sed de aduersariorum opinione, vbi fingunt reale quoddam corpus Christi, quod non est Christi corpus, sed ipsorum figmentum. Aiunt corpus Christi oraliter manducari: & quando Lutherù sequuntur qui Papæ sententiam se probare aliquoties in suis scriptis testatur, non possunt improbare Berengarij confessionē à Papa illi præscriptā, nempe verum corpus & sanguinem Christi sensualiter & in veritate manibus sacerdotum tractari, frangi & fidelium dentibus atteri. Iam verò hæc non nostra sed Christi verba sunt, Quicquid ingreditur in os in ventrem cedere & per latrinam eijci. Porro quid hinc conficia

DE PRAESENT. CHRIST

tur manifestum est: sed tantę huius absurditatis & impietatis cuius nos arguunt, & ob quam ad Christi tribunal vocant, ipsi causa sunt, non nos qui hæc illis obijcimus. Propositio argumenti nõ est nostra, sed verba Christi sunt clara, perspicua in suo sensu genuino. Assumptio argumenti corpus Christi ore manducari & per os ingredi, ipsorum est inuentum. Nulquam scripturæ ita loquuntur: & vbi Christus nos iubet manducare carnem suam, ipse se explicat de qua manducatione, spiritali nempe per fidem loquatur: Et Augustinus orationem figuratam esse inquit, quoniam alioqui facinus & flagitiũ præciperetur. Porro ne ex premis absurdum illa conclusio quam effari nolo, conficiatur, non Maior argumenti ipsis immutanda est, cū sint verba Christi, sed oralis manducatio quam extra & præter scripturas consinxerunt, tollenda erit.

Non tollimus cõmunionē uerī corporis, &c.

Porro hic denuo repetendum est, quando negamus Realem, corporalem & naturalem præsentiam carnis & sanguinis Christi, & horum substantialem coniunctionem cum externis symbolis panis & vini, atq; oralem horum manducationem, nos propterea communionem veri corporis Christi non tollere, aut Christum omnimodo à sua cœna absentem facere, & nuda signa statuere, ita vt fideles tantũ panem

panem & vinum in cœna Domini accipiant, sicut Iacobus Andreæ & alij falso de nobis scribunt. Docemus enim coniunctionem seu cōmunionem spiritualem, veram tamē cum corpore & sanguine Christi: licet enim hæc in cœlis, & non in his terris realiter & substantialiter præsentia sint, tamen nostræ cum Christo coniunctioni locorum distantia non obstat: hæc autem edi & bibi credimus, non ore corporis, sed animi, spiritu & fide imbuti: fide enim constare hanc manducationem Christus docuit Ioan. 6. Fides autem nostra nō in phantasma aut rem fictam, neque tantū in meritum Christi, sed in ipsum Christū dirigitur, & corpus Christi verum & naturale quod Verbum ex Virgine assumpsit amplectitur: vnde iniuriam faciunt nobis qui communionem & perceptionem veri & substantialis corporis Christi nos negare aiunt, Corpus Christi à cœna quo ad realem & corporalem præsentiam abesse confitemur, sed ipsam carnem & sanguinem Christi nobis præsentia esse credimus in ipsius sua, spiritu, gratia, meritis & admirabilibus fructibus quæ inde in nos deriuantur, ita ut non tantum hæc animis nostris præsentia sint spiritualiter & per fidem, sed corpora etiam nostra beatæ resurrectionis capacia inde reddantur, credendo enim corpus & sangui-

DE PRÆSENT. CHRISTI

nem Domini esse pretia nostræ salutis, iustificamur, & regeneramur, vel augemur & confirmamur in ipsa iustificatione & regeneratione, hæc autem principia sunt nostræ immortalitatis. Libenter autem recipimus locutiones Veterum, qui dicunt nobis dari gratiam corporis Christi, vitæ atque immortalitatis alimoniam. Nos manducare vitam & bibere vitam: recipere nos gratiam & veritatem inuisibilem: gratiam & societatem membrorum corporis Christi. Sentire Dominum præsentem in gratia. Recipere cibum cœlestem & superne venientem. Proprietatem naturalis communionis, Naturam carnis, & benedictionem viuificatiuam in pane & vino: virtutem propriæ carnis Christi, vitam & gratiam corporis, vnigeniti proprietatem, id est vitam. Fatemur nos recipere mysticum Christi aduentum, gratiam & veræ naturæ virtutem: item veræ carnis sacramentum, corpus per gratiam. Carnem spiritualem, sed aliam ab ea quæ crucifixa est. Gratiam influentem in sacrificium & spiritus gratiam. Fatemur secundum id haberi in sacramento cœnæ Dominicæ corpus Christi, videlicet quod sit in eo spiritus Christi, id est, diuini potentia verbi, quæ non solum animam pascit, verum etiam purgat. Quod si quidam his non contenti sunt, & existimant, nullam posse fieri veram

Cyprianus.
Augustinus

Emilienus.
Athanasius
Hilarius.
Cyrillus.

Basilus.

Ambrosius
Epiphanius
Hieronymus.
Chrysostomus.
Bertramus.

Ch
ha
ne
cue
præ
ver
ipso
& v
Chr

ram communionem carnis & sanguinis Christi nisi hæc substantialiter & corporaliter præsentia sint, hi fidei naturam non bene expendunt, & quod nobis obijciunt ipsi faciunt, potentia Dei parum tribuunt, nimisque crasse et physice de rebus diuinis & spiritualibus existimant: nam alioqui salua humanæ naturæ veritate & proprietate, facile absque reali coniunctione & quasi physico contactu, veram & spirituales veri corporis & sanguinis Christi communionem quam fide percipimus vnâ nobiscum defenderent.

Qualem vbiquitatem corporis Christi aduersarij doceant, & an inde probetur præsentia realis corporis Christi in pane & vino?

Controuersia de præsentia reali corporis Christi in cæna Domini diu disceptata est hac ratione, vt tantum eam vi verborum cœnæ asserere conarentur, sicut & Papistæ docuerunt; quoniam verò animaduertebant hoc præsidium infirmum esse, quia de sententia verborum quæstio mouebatur, neque verba ipsorum sensum simpliciter præ se ferebant, & veritas finitæ & circumscriptæ carnis in Christo ipsorum sententiæ obstabat, aliud fir-

DE PRAESENT. CHRISTI

Vbiquitas
chr. excogi
tata.

mamentum causæ suæ excogitarunt & dixe-
runt, Corpus Christi vbiq; præsens esse, ideo-
que etiam adesse in pane cœnæ Dominicæ,
Hac autem ratione non iam de præsentia cor-
poris & sanguinis Christi in cœna Domini, sed
in vniuersum de Christi seruatoris nostri, se-
cundum carnem aut humanam naturam præ-
sentia in his terris cœptum est disputari. Ac
Lutherus quidem tantum ad præsentiam rea-
lem carnis & sanguinis Christi in cœna stabi-
liendam multis in locis Vbiquitatem hanc as-
seruit: alibi tamen verba Christi vult esse cau-
sam huius præsentia, & Christum inquit defi-
nitue esse in cœna: nonnunquam verò eum
modum præsentia probat quem Papistæ te-
nent, qui hanc Vbiquitatem nunquam agno-
uerunt. At Brentius & huius successores Vbi-
quitatem hanc studiose docuerūt, in quorum
partes multi Lutheranorum concedere viden-
tur, tuentur autem illam præcipue argumen-
tis ab vnione personali duarum naturarum in
Christo desumptis. De quibus antequam di-
cam duo prius breuiter notanda sunt, qualis
Vbiquitas ab eis statuatur, & quæ sit huius vis
in statuenda reali præsentia corporis Christi.
Negant illi se statuere crassam & localem o-
mnipræsentiam corporis, vt vel multa corpo-
ra tribuantur Christo, vel corpus statuatur
qua-

Qualis ubi-
quitas sta-
tuatur à
Brentianis,

qua-

quadam diffusione aut extensione vbiq; cum diuinitate cui coniunctum est præsens esse, sed id corporaliter aut localiter nō nisi alicubi tantum esse, modo aut maiestatis & dextræ Dei & personaliter vbiq; præsens esse. Atque ad modum nobis irascuntur qui ipsos tam crassæ opinionis assertores credamus. Sed ipsi certè in culpa sunt vt ita de illis iudicemus: Brétius enim inquit, Corpus Christi posse, si non in omnib. locis simpliciter, certe in pluribus simul locis adesse. Item Christum humanitate sua etiam simpliciter in omnibus esse locis. Corpus item Christi in quantum est torpus assumptū omnia implere. An vero corpus simpliciter aut absolute alicubi est non localiter & corporaliter. Idem Mirandum est (inquit) quod tanto odio aduersus corpus Christi ferantur, vt non concedant ei ex personali vnione, hoc est ex miraculo omnia miracula superante, tantam, vt ita dicam, subtilitatem, vt omnia impleat, & interim tamen maneat verum & naturale corpus. Si non adest corporaliter, quare oportet corpori dari nouam quandam subtilitatem qua omnia impleat? In lib. Maiestatis ac

Recognitio
ne pag. 102

De persona
li vnione
pag. 11.

In sententia
de lib. Bul-
ling. pa. 23

Pag 70.

cusat Zuinglianos, quod negent omnipotentia Dei fieri posse, vt verū corpus manens verum corpus, aut fiat spiritus, aut in omnia loca extendatur. Quorsum verò excogitarunt

DE PRÆSENT. CHRISTI

In libro de
verbis.
Hoc est cor
pus, &c.

Contra coe
lestes pro
phetas.
Sino statuunt
corporalem
præsentiam
dissentiant
à Luthero

suam Ubiquitatem, nonne ut probarent rea
lem præsentiam corporis & sanguinis Christi
in pane & vino cœnæ dominicæ? At Luth
rus cuius auctoritatem isti omnes sequuntur,
non docuit personalem aut maiestatis præsen
tiam in cœna Domini, sed contendit corpus
Christi realiter, essentialiter, substantia liter, cor
poraliter, naturaliter præsens esse. Christus in
quit, vult in cœna corpus suum escam nostrâ
corporaliter esse. Os manducat corpus Christi
corporaliter. Nostra corpora **PHYSICE** per
cipientia Eucharistiam corporis Christi, etiam
incorruptibilia & æterna erunt. Os & stoma
chum, inquit, manducare corpus Christi. Ali
bi (inquit) corpus Christi eadem quantitate
forma & habitu in sacramêto præsens esse, quo
immolatum in cruce pependit. Quare si eorû
omnipræsentia non est realis & corporalis, sed
duntaxat personalis, frustra eam excogitarunt
ad tuendam doctrinam Lutheri. Quod si di
cunt Lutherum non tam crasse sensisse, sed fer
uore quodam certandi cômotum vehemêti
oribus locutionibus vsu[m] esse, cur non ipsi qui
nouas loquendi formas excogitant explicant
Lutheri sententiam? cur ipsi qui tantum perso
naliter Christum secundum humanitatē præ
sentem statuunt non autem naturaliter, non
aperte reiiciunt realem & corporalem & na
turem

turalem præsentiam corporis Christi: &c. Cur damnant tot ecclesias, tot viros doctos qui negant corporalem præsentiam, personalem præsentiam recte explicatam nunquam impugnant? Cur quod in ipsis est, obstant ne pax & tranquillitas ecclesijs per Germaniam restituatur? Etenim crassa illa corporali manducatione & præsentia repudiata, spes aliqua concordie in hoc tam tristi certamine affulgere posset, personalem enim præsentiam, modo sane intelligatur, nunquam damnavimus. Interim ab hac loquendi formula ut inusitata & obscura, & ambigua consulto abstinemus, & libenter retinemus locutiones, consuetas veteri ecclesiæ, quæ nusquam personalem, sed sacramentalem præsentiam in cœna Domini statuit. Sed non tam contentionum amantes sumus ut de verbo etiam inusitato litem mouere velimus, si de re ipsa inter nos conueniat. Interea verò dum illi naturalem & corporalem præsentiam sua Ubiquitate stabilire conantur, non aliter iudicare possumus quàm hanc ipsam quoque corporalem esse: utcumque obscuris loquutionibus non è scriptura aut veteris ecclesiæ patribus, sed è philosophia desumptis, suam sententiam non tam explicare quàm inuoluere studeant. Præsertim cum idem alij non cessant crassius affir-

DE PRAESENT. CHRISTI

mare corpus Christi verum substantiale & naturale non tantum realiter & substantialiter, sed etiam naturaliter adesse affirmantes; imo Christum iuxta omnem praesentiae modum totum in loco esse posse circumscriptivae, definitivae, repletivae.

*An ex ubi-
quitate pro-
betur realis
praesentia
carnis Chri-
sti in coena.*

Quod si maxime obtinuerint suam illam Ubiquitatem corporis Christi, tamen infirmum fundamentum iaciunt carnali reali & orali manducationi, cuius causa Ubiquitas haec inuenta est. Etenim si corpus Christi non minus sua essentia ubique praesens est quam ipsa divinitas, non magis praesens dici poterit in pane coenae Domini quam in quovis alio pane, neque aliter quovis tempore quam in ipsa coena ore manducabitur: non differet sanctus ille cibus & potus in sacramento Eucharistiae à quotidiano cibo & potu, ubi etiam cum pane & vino & quovis cibo & potu imò quacunque re corpus Christi huius Ubiquitatis ratione praesens erit. Itaque necesse est ut, damnent Lutherum & alios qui docuerunt, verba coenae aut promissionem Christi causam esse praesentiae Christi in coena sua. Neque valet eorum commentum Omnipraesentia hac statui corpus Christi praesens, sed verbis coenae dispensari corpus Christi, & definiti & nobis praesens fieri: nam si antea statuitur realis praesentia

tra, verbis cœnæ tribuunt tantum Relationem, & interim nos quando per relationem eadem explicamus damnant & Satanz tradunt. Rursus tamen fatendum est nisi statueretur eam naturam esse corporis Christi ut possit pluribus in locis simul aut omnibus etiam præsens esse, nō posse constanter affirmari realem præsentiā eius in pane & vino cœnæ Dominicæ. Itaque fundamentum hoc eorum est quodāmodo asystaton; hac quidem ratione qua hactenus realem corporis præsentiā in cœna & simul etiam eius Omnipræsentiā affirmarunt.

De hypostatica vnione Verbi cum assumpta humanitate.

Doctrina de vnione personali Dei verbi cum humana natura, fundamentum suum habet cum alia loca scripturæ quæ incarnationem Verbi docent, tum vel præcipue hæc D. Ioannis Euangelistæ verba: Verbum caro factum est & habitauit in nobis. Verbum autem non significare aliquid transituum ~~et~~ sed Verbum esse hypostaticum atq; consubstantiale æterno Patri; nulla est inter nos & aduersarios controuersia. Carnis etiam nomine vtrique intelligimus humanam natu-

Vnde summa
ptadoctrina
de vnione
hypostat.

DE PRÆSENT. CHRISTI

ram integram, corpus & animam mente præditam, ac pariter Apollinarij delirium rejicimus. Cum verò dicitur Verbum caro factum esse, non docemus transmutationem Verbi in carnem, sed faciendi verbum per assumendi vocem interpretamur, quia Apostolus scribit, Filium Dei assumpsisse formam serui, item assumpsisse semen Abraham. Ita autem assumpta est humana natura à Verbo, ut vna sit cum Verbo persona, & caro hæc sit propria Dei verbo caro, idque semper, ut nulla vnquam hic separatio fieri possit, manentem nihilominus Verbo in sua natura, & carne suam naturam seruante, ut ita duæ naturæ integræ & perfectæ, absque vlla mixtione aut confusione, mutatione, inseparabiliter in vna persona vnite sint, sicut Patres contra Nestorium naturas separantem & Eutychem easdem cōfundentem pie & erudite ex scripturis sanctis definiunt. Atque hæc quidem vtrique profiteamur: quauis enim aduersarij multa tradant non consentanea huic doctrinæ, tamen verbis saltem hæc profitentur, & vna nobiscum Nestorianam separationem & Eutychanam confusionem duarum naturarum damnant. De hoc controuersia est: Quid sit humanam naturam esse verbi propriam, & esse personaliter Verbo unitam, quæ inquam sit ratio tantæ vniōis

*Quæ de re
hic sit con-
trouersia.*

hic Homo dicatur Deus, & hoc homine nascente & moriente dicatur Deus natus & passus, quamvis secundum carnem, quod de Petro, Paulo, & alio sanctorum patiente dici non potest, in quibus tamen Deus etiam inhabitat, & qui diuinæ naturæ participes dicuntur. Volunt igitur unionis huius peculiaris & incomprehensibilis rationem in illo positam esse, quod diuinitas in persona filij omnes suas proprietates in humanam naturam effuderit, & eam ita assumpserit, ut omnia faciat & operetur per hunc hominem assumptum. In qua explicatione, cum ipsi quoque fundamentum idem nobiscum profiteantur; Verbum carnem factum esse, miror qui fiat ut contrario ordine sibi incedendum putarint, nam Verbum carnem factum esse, idem est atque Deum hominem factum esse, Deum manifestatum esse in carne, Filium Dei formam assumpsisse serui; ac ipsi de eo solo disserunt, Quomodo Homo Deus sit factus & transfusione donorum effectus omnipotens, omniscius, omnisapiens, omnipræsens. Cum autem alium ordinem explicandi seruet scriptura, & eundem Patres retinuerint, non video causam cur ab eo recedere debuerint, si de innouatione & immutatione veteris doctrinæ nolunt suspecti esse. Nos scripturas secuti

DE PRAESENT. CHRISTI

dicemus, Deo adiuuente, Quomodo Verbum
 carnem assumpserit , & qua ratione sibi pro-
 pria fecerit quæ carnis sunt , quomodo etiam
 quæ Verbi sunt carni facta sint propria : inte-
 rim fatemur mysterium hoc ineffabile esse
 & longè humanæ mentis captum superare,
 quod Deus homo , & Verbum caro factum
 est, sed tamen liceat nobis reuerenter de his re-
 bus balbutire, dum modo nusquam à scriptu-
 ra & veteris ecclesiæ orthodoxa doctrina re-
 cedamus. Verbum igitur suam personam an-
 te assumptam humanam naturam ab æterno
 habuit, sed humana natura (anima inquam
 illa cum corpore quod Verbum assumpsit)
 nunquam extra Verbum suam habuit subsi-
 stentiam, vt per se extra Verbum, hoc est an-
 tequam Verbum illam formaret simul & si-
 bi vniret, vnquam fuerit aut dici potuerit ho-
 mo, sed in persona Dei Verbi initium vt esse
 habuit: Verbum nanque humanam naturam
 assumendo formauit, & formatio sibi assum-
 pfit seu vniuit, atque ita ex duabus naturis v-
 nus factus est Christus. Vnde Cassianus ait:
 Neque enim vnquam sine Deo fuerat homo
 ille, qui vtiq; hoc ipsum quod erat, esse à Deo
 cœperat. Omnes quidem homines à Deo ha-
 bent vt sint, nam in ipso viuimus, sumus &
 mouemur, sed ita formamur singuli, vt vnus
 cuiusque

*Humanitas
 suam subis-
 tentiam in
 verbo habet*

cuiusque natura sua ipsius separatim sit, & quamvis Petrus non tantum formatus sit à Deo & diuina vi sustentetur, sed præterea etiam Deus habitat in ipso, non tamen propterea Deus pars est personæ Petri, aut Petrus in Deo ita subsistit, vt cum eo vnum quiddam et singulum sit, neque etiam Petrum definiedo Deum illa definitione comprehendimus. At humana natura à Verbo ita assumpta est, non vt hæc natura hominis ipsius separatim esset, sed vt Verbo vniretur, esset Verbi proprium indumentum & inæstimabile, vt ita quis dicat instrumentum, creata est vt Deus esset homo. Nam naturæ humanæ est esse animal rationale, hoc habet in se humana natura à Christo assumpta: at vt sit persona, subsistentia inquam indiuidua & incommunicabilis, hoc nõ in se habet, sed est in verbo fundata, ab eo assumpta sustentatur, vt iam sicut Athanasius scribit, Idem Deus & homo sit, Idem vtrumque simul, vt vnum quiddam & singulum & solum. Hanc personam Christum nominamus, Deum verbum incarnatum, non Verbum absque carne, multò minus hominem solum absque Verbo, sed vtrumque Deum & hominem. Non alius Deus, alius homo, sed vnus idemque Deus homo, aliud tamen diuinitas, aliud humanitas, sed hæc tam arctè con-

Ruficus
Diaconus.

DE PRAESENT. CHRISTI

iuncta vt personæ vnitas semper maneat, vt demonstrato homine Iesu nato ex Maria virgine, non demonstrari possit humana natura sola, quæ non est per se indiuiduum subsistens, sed hypostasis in qua subsistit humana natura seu tota persona demonstratur quæ diuina humanaq; natura constat: rursus non potest demonstrari solus post assumptam carnem, vt non intelligamus & demonstramus etiam totam personam, quâdo humanitatem in sua personæ vnitate inseparabiliter suscepit: atque ita totus Deus, homo, & totus Homo.

Deus dicitur à veteribus, & totus in Christo
 Deus, & totus in Deo Christus, vt Cassianus
 loquitur, ne diuisio aut separatio aliqua naturarum fiat, atque quod paris est blasphemiz, aut homo penitus sine Deo, aut Deus sine homine credatur. Arctissimam hanc vnionem veteres similitudine animæ & corporis explicare conati sunt, quæ duæ naturæ in vnâ personam in homine cōueniunt: meminit huius similitudinis Nazianzenus, & ante hunc Iulianus, qui tamen fatetur eâ non per omnia huius mysterio cōuenire, sed aliquo modo seu secundum quid. Atque Patres tantum vti sunt hoc exemplo ad demonstrandam vnitatem personæ, quod vnus sit Christus, vnus Dominus, sed id postea Eutychiani & Acephali detorse-

Similitudo
 animæ &
 corporis.

roni

runt ad asserendā vnā in Christo naturam: ita
que à posterioribus diligenter annotatū est di
scrimen inter vnitionē Dei verbi cū assumpta
humanitate, & vnionē animæ cum corpore.
Anima & corpus nō tantum vnā personam
faciunt, sed vnā quoque naturam, sed Ver
bum & Caro non faciunt vnā naturam, sed
vnā Christum, vnā personam. Deinde a
nima non extitit ante carnem, & carnis seu
corporis informandi causa facta est, anima est
proprij corporis gubernatrix, & ad hoc etiam
subsistit, & quamuis corpore exuta subsistat,
rursus tamen corpori excitato iungetur, vt
homo integer restituatur. At Verbum ab æter
no suam hypostasim integram perfectamque
habuit, neque ad incarnandum & inhumanan
dum substitit, sed alteram habet subsistendi
causam. Imò Deus Verbum est creator & for
mator eius naturæ quam assumpsit, neque illi
aliquid perfectionis ex carne accessit, sed car
nem ex gratia assumpsit. Anima & caro sunt
duæ finitæ naturæ, at Verbum infinitum car
nem finitæ naturæ assumpsit, & quamuis to
tum sit in humanitate assumpra, tamen non
intra hanc concluditur vt anima intra corpus,
sed simul etiam totum est vbiq. Ob hanc na
turarum infinitam distantiam, quæ tamen ni
hilominus in vnā conuenire personam, ma

DE PRAESENT. CHRISTI

ipor dicitur esse vnitio Dei verbi & carnis assumptæ in vna persona, quam animæ & corporis quæ non tantum vnā personam, sed vnā quoque naturam faciunt. Anima compatitur corpori, Deus Verbum nequaquam. Anima nullatenus foris à corpore suo habet operationis principium, Deus autē Verbum & in humanitate existens, in cælo, & vbique cōsuetas operationes impleuit, licet quasdam & inæstimabiles & per corpus: atque alia est libertas Dei in carne & extra, & alia necessitas animæ, quæ obligata in corpore, secundum id habet eodem modo mouendi simplicis corporis potestatem. Sed quò melius tota ratio hypostaticæ vnionis perspiciatur, non pigebit hic adscribere Eliæ Cretensis, verba ex cōmentarijs eius in Nazianzenum. Vnitio (in-

Quid sit in
genere vnio
hypostatica

- „ quit) κατὰ σύνθεσιν siue per compositionem, quæ
- „ dam est partium coeuntium quasi mutua com-
- „ plexio, facta citra partis vtriusque interitum.
- „ Huiusmodi ea est, quam in coniunctione cor-
- „ poris & animi perspicimus, quam nonnulli
- „ σύνθεσιν vocant, hoc est, temperamentum, siue
- „ σύμψυξιν, naturalem nimirum coalitionem. At-
- „ que per compositionē vnitio hypostatica est,
- „ quæ ex corporibus vnitis hypostasis vna effi-
- „ citur, in qua naturæ copulatæ non extinguun-
- „ tur: sed vt earundem inter se discrimina & at-

tributa

tributa propria nulla ex parte confusa neque
 murata conseruantur: sic etiam inter se ratio-
 ne hypostasis postquam coaluerunt nequaquā
 discerni possunt. Nam partium vnitarum dif-
 ferentiæ characteristicæ, hoc est, de quibus sin-
 gulæ tanquam notis quibusdam agnoscuntur,
 & quæ vnumquodque ab ijs, quæ sunt eius-
 dem speciei separant: propriæ vni hypostasi
 ambæ efficiuntur, sicut de animi & corporis
 vnione intelligitur, &c. Idem de vnione natu-
 rarum in Christo sic scribit. Cæterum perso-
 nalis vniō est essentialis & quidem per se (ἀν-
 τιστοιχία) duarum naturarum in vtero sanctæ
 genetricis Dei concursus. Nec enim corpus
 ante Deum sermonem ibi extitit, nec anima:
 (sed simul) caro, simul Deus sermo, simul caro
 animata rationis particeps. Quippe in ipso
 Deo sermone personam peculiarem constitu-
 ente (ὑποστάσις) extitit. Quid igitur assumpto
 potuit accidere maius, quàm vt Deus fiat per
 vlturanaturalem illam vnionem? Hoc autem
 modo Patres vsos esse similitudine animæ &
 corporis, vt ostenderent conuentum hunc in-
 effabilem Verbi cum carne vnam solum con-
 stituisse personam, seu ita à Verbo carnem in
 vnitatem suæ personæ assumptam esse, vt Ver-
 bum & caro sint vna persona, vnus Filius, ex
 ipsis Patrum scriptis manifestum est. Nazian-

Quomodo
 Patres vsi
 sint similitu-
 dine animæ
 & corpo-
 ris.

Ad Cledo-
 nium.

DE PRÆSENT. CHRISTI

.. zenus, Si quis (inquit) duos filios, alterum ex
 .. Deo & Patre, alterum ex matre, non autem v.
 .. num atque eundem induxerit, is ab ea quoque
 .. filiorum adoptione excidat, quæ recte creden-
 .. tibus promissa est. Quanquam enim Deus &
 .. Homo duæ naturæ sunt, quemadmodum & a-
 .. nima & corpus, non tamen duo Filij nec Dij;
 .. sicut ne hic quidem duo homines, tamen si Pau-
 .. lus ad hunc modum internam externamque ho-
 .. minis partem appellauerit. Atque ut paucis
 .. rem complectar, aliud quidem & aliud sunt ea,
 .. ex quibus Seruator constat, non tamen alius
 .. atque alius, absit. Ambo enim hæc copulatio-
 .. ne vnum sunt, Deo nimirum humanitatem,
 .. atque homine diuinitatem suscipiente, aut quo-
 .. cunque tandem alio verbo quispiam eam rem
 .. exprimendam duxerit. **Cyrillus:** Filius con-
 .. ternus Patri, qui natus est & ante omne secu-
 .. lum, postquam descendit in hominis natu-
 .. ram, non amisit esse quod erat, nempe Deus,
 .. accepta humanitate intelligitur merito & ex
 .. semine Dauid natus esse, & recentem in huma-
 .. nitate habere natiuitatem. Porro quod assum-
 .. ptum non alienum ab assumente, sed vere
 .. ius proprium reputatum est, igitur quasi v-
 .. num cum ipso, quemadmodum scilicet & ho-
 .. minis compositionem quis considerauerit. Nam
 .. ex dissimilibus, natura animæ dico & corpo-

Ad Theod.
 de recta
 fide,

ris, composita est, attamen vnus homo intel-
 ligitur, qui ex vtroque. Ita ab vna quidem car-
 ne interdum totum animal nominatur, inter-
 dum autem & anima nominata, intelligitur
 vtrunque. Simili sane modo & de ipso Chri-
 sto accipiemus. Nam si vnus Dominus & v-
 nus filius Iesus Christus, & ante carnem, &
 quando apparuit homo, eum qui nos rede-
 mit Dominum non negabimus, quamuis si-
 gnificetur interdū nobis per humanitatis pro-
 prietates, & humilitatis mensuram. Idem alibi
 sic scribit, Coniectare dicimus quod deceat
 cogitare (quamuis minor sit, oratio veritate)
 talem esse adunationem Emanuel, qualē quis
 intelligat & animam ad suū corpus habere. A-
 nima enim omnia quæ sunt corporis reputat
 esse sua, licet per naturā propriā expers sit pas-
 sionibus corporis, & quæ extrinsecus partici-
 pant, &c. Subijciens autem quomodo Deus
 impassibilis carnis infirmitates contundebat,
 eas tamen sui corporis esse ducebat, addit: Si-
 cut corpus est alterius naturæ præter animam,
 vnus tamen ex vtroque homo efficitur & vo-
 catur: ita etiā ex perfecta Dei Verbi subsisten-
 tia & humanitate perfecta, vnus est Christus.
 Idem in eodem Deus simul homo: & sua qui-
 dem dicit Deus Verbum, ea quæ sunt carnis
 propria: quia ipsius est corpus & non alterius.

De incar-
 natione u-
 nigeniti,

DE PRAESENT. CHRISTI

Communes autem facit tanquam cum sua carne diuinæ suæ maiestatis operationes, ut posset etiam viuificare mortuos & seruare infir-

Epist. 8. 11. mos. Idem quomodo Verbum caro factum sit, hoc modo exponit, Verbum inquit factum, esse carnem, nihil est aliud, quam quod in carne ac sanguine nobiscum similiter communi- cavit, ac nostrum corpus sibi proprium fecit, & homo prodijt ex muliere, interim non abiecto quod Deus est & ex Patre genitum, sed, etiam in ipsa carnis assumptione, quod erat retentum. Hoc nusquam non contendit exactæ fidei doctrina. Hac fuisse sententia sanctos Patres inuenimus. De eodem mysterio sic scribit, Athanasius citante Maxentio. Verbum caro, non caro Verbum factum est. Verbum autem caro factum dicitur, quia Verbi facta est caro, & non alicuius hominis, hoc est, Deus homo factus est: & dicitur caro, ne prætereat carnis nomen. Cur ergo non sufficit nobis naturalis vnitio Verbi ad propriam carnem, & quia Deus homo factus est? Item, Cyrillus apud eundem Maxentium, Non enim dicimus quod Dei natura conuersa aut immutata, facta sit caro, vel quod in totum hominem, qui est ex anima & corpore transformata sit: sed illud magis quod carnem animatam & animam rationalem sibi copulauerit Verbum, & Filius Dei

Dei substantialiter, ineffabiliter, incompre-
 hensibiliter factus sit homo, & nuncupatus sit
 Filius hominis. Nec nuda tantum voluntate,
 nec assumptione personæ, sed quod diuersæ
 quidam naturæ in vnum conuenerint, vnus
 tamen ex vtraq; Christus & Filius: non eua-
 cuata aut sublata naturarum diuersitate pro-
 pter vnionem.

Possent plura testimonia adducere, sed ex
 his facile perspicui potest quomodo verus ec-
 clesia de vnione hypostatica docuerit, plera-
 que etiam ex his quæ attulimus, Aduersarij
 nostri concedunt, sed contendunt non esse ple-
 nam definitionem hanc vnionis hypostaticæ,
 qua dicimus vnionem hypostaticam in Chri-
 sto esse copulationem seu vnitionem Dei Ver-
 bi cum carne, in qua Verbum carnem assump-
 sit & ita sibi propriam fecit, vt saluis vtriuf-
 que naturæ proprietatibus Verbum & caro
 vnā personam vnum quid & singulum con-
 stituant.

Quid sit v-
 nio hypo-
 statica.

Primum enim quod dicitur vtranquam na-
 turam suam proprietatem saluam retinere, id
 quia ita confirmatum est scripturis, & veteris
 ecclesiæ consensu, negare quidem non audent
 aperte, sed tamen per cuniculos oppugnant:
 nam multa quæ maxime propria sunt volunt
 accidentarias esse proprietates. Deinde Mar-

DE PRAESENT. CHRIST

bachius, scribit extra vnionem personalem naturam vtrunque suas proprietates seruare, neque quicquam alteri communicare, aut capacem esse proprietatum alterius naturæ: at naturas in vnā personā vnitas, retinere quidem substantiam suam, sed proprietates realiter sibi mutuo communicare. Vbi omnino statuere videtur proprietates non manere integras facta vnione: atq; vtut ipse cum alijs hoc fateatur, tamen omnes contendunt vnionem personalem ~~in~~ & cōmunicatione proprietatum definiendam esse: at nisi vnio hæc reali effusione omnium proprietatum diuinæ naturæ in humanam definiatur, clamant Christum in ordinem sanctorum redigi, & deitate, potentia, gloria & maiestate omni spoliari, & tantum nomen nudū illi relinqui. An autem hæc sint veræ & specificæ differentię vnionis personalis quibus ipsi eam definiunt mox viderimus, nunc de reali communicatione quam tantopere vrgent aliquid dicamus. Hoc tamen prius omnes admonitos volumus vt bene expendant quæ à nobis allata sunt, nam tum facile animaduertent nulli creaturæ hanc definitionem nostram conuenirē, sed soli huic vnioni Filij Dei cum assumpta sua carne. Enim Deus in sanctis suis inhabitat, eos sustentat, & donis ornat, ita vt etiam suo modo di-

Differt vnio à præsentia Dei in sanctis.

næ

ae naturae consortes facti dicantur, & ea quae sanctis fiunt sibi fieri dicit, tamen illa inhabitatio aut conuentus Dei cum hominibus, toto genere differt ab hac copulatione aut vnione personali: nam exempli gratia Paulus et si Christum in se habitatem & viuentem habet, tamen non est vnum quiddam cum Christo aut Verbo, sed alius est Christus, alius est Paulus: neque Deus ita sustentat Paulum, vt cum eorum quoddam & singulum sit, neque ita facta est humana natura Pauli, vt simul Verbo vniretur, sed ipsa in semetipsa suam habet subsistentiam, & ita creata est vt separatim sua ipsius esset: aliam autem esse rationem humanitatis illius quam Verbum assumpsit, supra ostendimus. Ac mirum mihi videtur Aduersarios tribuere humanae naturae Christi quod varijs modis & nobis incognitis praesens realiter esse possit, at ipsam Dei naturam ita alstringere vt vno tantum modo *ἐν οἷα* sua creaturis adesse possit, & vt non alia sit Dei in Christo quam in creaturis reliquis omnibus praesentia quae tantum *ἐν ἑαυτῷ* differat: vbi hic est Dei omnipotentia? num illam circumscribere finibus aliquibus volunt? Nos constanter affirmamus praesentiam Dei in assumpta humanitate genere ipso differre à praesentia Dei quae vel omnibus rebus creatis vel peculiari etiam

DE PRAESENT. CHRISTI

Cur de my
sticis hoc
ineffabili
scribamus.

gratia sanctis suis adest & in illis habitat. Hanc
autem cū Paulo ita exponimus, quod in Chri
sto sit omnis plenitudo Dei *ὁπάρτης*, vt sit v
num quasi *ὅμια*, vnum quiddam singulum &
solum seu vna hypostasis: Dicimus cum Ioan
ne Verbum carnem factum esse: non autem
inquit Verbum suas proprietates in carnem
transfudisse, sed Verbum factum carnem, in
assumpsisse in vnitatem suae subsistentiae hu
manam naturam & carnem induisse ac sibi se
cisse propriam, vt Verbum natum dicatur in
carne & sit homo factum. Hanc vñionem Ver
bi infiniti & æterni, cum humana finita natu
ra, ratione comprehendi aut verbis effari non
posse, & omnium mysteriorum maximum &
prorsus *ἀπρόσῳτον* esse, libenter agnoscimus & pro
fitemur, ac satius esset nos potius hæc myste
ria venerari & adorare quam perscrutari: sed
quod de his differimus cogit nos Aduersario
rum importunitas, qui hæc in quæstionem
primi vocarunt, & repudiatis plerisque for
mis loquendi quibus ecclesia olim in explica
tione horum mysteriorum vsa est, nouam do
ctrinam protulerunt, cui si quis non per om
nia assentiatur, mox non tantum omnium he
releon infamia aspergitur, sed prorsus Mahu
metanus esse dicitur, & ad Turcas relegatur.
Cogimur itaque ostendere nos & cum veteri
ecclesia

ecclesia sentire & loqui, & eam vnionem doce
re qua nullæ creaturæ alij sed tantum huic na
turæ assumptæ Verbum vnitum sit, & Deus
homo, ac homo Deus factus.

De communiōne proprietatum.

Quoniam verò Aduersarij in communica
tione ceu transfusione proprietatum diuinæ
naturæ in humanam, vnionem hanc conside
re volunt, de illa plura adhuc dicenda erunt.
Cum autem proprietates essentielles ab ipsa na
tura separari non possint, non est alia consti
tuenda cōmunicatio proprietatum ab ipsa na
turarum communicatione.

Porro naturæ ipsæ non sunt *ἀσυνδυαστοι*, neque
singulæ separatim post vnionem factam sub
sistunt, ideo recte communicari dicuntur, nō
quod vna natura transfundatur in alteram, ita
enim non manerent ambæ integræ, sed quod
vniantur & vnus personæ sunt. Simili modo
proprietates naturarum vnus personæ sunt,
seu personæ cōmunicantur. Sicut etiam Theo
doretus scribit, propria naturarum fiunt com
munia personæ. Atque hæc est vera & realis cō
municatio naturarum in persona. Exempli
gratia, est Dei Verbi proprium esse æternum,
infinitum, omnipotentem, esse Deum: hu
manæ naturæ proprium est, corporeum & cir

Communi
catio in
persona.

DE PRAESENT. CHRISTI

cumscriptum, & temporalem seu in tempore originem habere: hæc non separatim tribuuntur naturis, sicuti nec actiones, ne solvatur personæ unitas, sed prædicatur de persona in qua naturæ ambæ subsistunt, & sic Christus Deus & homo, visibilis & inuisibilis, æternus & in tempore initium habens, corporeus & incorporeus, finitus & infinitus dicitur. Hæc enim quamuis contraria tamen vere & re ipsa huius personæ conueniunt, non tamen eiusdem naturæ ratione. Nam vt Fulgentius scribit, vnus idemque Christus est, qui quod humanum est, habet Deus, in veritate humanæ, & quod diuinum est habet homo, in veritate diuinæ naturæ. Et Augustinus similitudine animæ & carnis idem explicat, in quibus quod singulis est proprium commune fit amborum: proprium naturæ, commune personæ. Quare sicut ad vitandam separationem & exprimendam vim veræ vnionis hæc de persona tota prædicantur, & quidem vere, ita ne confusio aut transfusio facta credatur, ecclesia addidit exemplo sacrarum literarum particulam distinguentem iuxta quam naturam tale idiomata aut actio personæ tribuatur, vt Christus est æternus secundum diuinam naturam, & idem in tempore esse cœpit, secundum humanam naturam: consubstantialis est nobis secundum carnem, & consubstantialis est Patri secundum

**Distinctio
secundum
naturam.**

dum diuinam naturam : genitus est ex semine
 Dauid, sed secundum carnem. Illa enim per-
 sona Christus, quæ diuina & humana natura
 constat, & vere æterna est, sed tantum ratio-
 ne *in æterno*, & vere etiam in tempore initium ac-
 cepit, non quod *in æterno* in tempore initium acce-
 perit, sed ratione carnis assumptæ, quæ ante
 non extitit, & carne assumpta Verbum factum
 est caro Deus incarnatus seu manifestatus in
 carne. Itaque cum Christus in Euangelio lo-
 quitur de seipso, aliquando quidē vt homo lo-
 quitur, humana de se prædicans, vt cū se filiū
 hominis nominat : & cur me quæritis interfi-
 cere hominem qui veritatem locutus sum vo-
 bis : & cum de cruce & passione sua loquitur,
 &c. Aliquando autem de se ea dicit quæ diui-
 na sunt, vt quum se Patri æqualem facit, &
 ante Abraham fuisse dicit : omnia autem
 hæc ad personam vnā pertinent, ad hunc
 qui hæc dixit, ad Iesum Christum, sed alia
 quidem secundum diuinam naturam, alia se-
 cundum humanam : omnia tamen vere & re-
 ipsa vnitas Christi sunt. Hanc distinctionē pro-
 prietatum in vnitatem personæ secundum diffe-
 rentiam naturarum diligenter docet Cyrillus,
 necessarium scribens vt licet diuersa & mini-
 me inter se conuenientia acta esse dicantur, vt
 hæc secundum aliud & aliud in vno Christo

De incarn.
 unigeniti
 26. cap.

DE PRÆSENT. CHRISTI

*Quid sit cō
municatio
Idiomarū.*

*Synechdo
che.*

accipiamus, & de vno eodemq; constituamus,
nulla diuisione admissa. Hæc arctissima copu-
latio assumptæ carnis cum assumente verbo,
& ineffabilis illa vnio duarum naturarū in v-
na persona, fundamentum est Communionis
idiomatum. Dicitur autem communicatio i-
diomatum prædicatio, in qua proprietas vni
naturæ conueniens ad alteram transfertur, in
concreto propter vnionem hypostaticā. Hæc
Cassianus explicat per Synechdochen, quo
tropo & à parte totum intelligitur, & à toto
portio. Et Gelasius, In hoc mysterio inquit,
" cum nulla necessitas impugnationis emergit,
" simpliciter vnā rem pro vtraque frequenter
" proferimus. Item, Vsitato compendio sæpe de
" qualibet rei parte dicimus, & totum quod est
" sine dubio profitemur. Nunquid cum verbum
" Dei dicitur, nō simul intelligitur & caro quod
" factum est? &c. Primum itaque quia ita in v-
" tero virginis vnitus est Deus carni, vt vnum
sit *ὑπὸ τῷ ὄντι*, non potest vna in illo natura no-
minari quin simul intelligatur altera, qui-
quid enim de Christo dicitur, de tota persona
dicitur, & in filio Dei filius hominis, & in ho-
minis filio Dei filius nuncupatur. Sic Ioannes
Christum virum nominat, & eundem ait post
se venire, & ante se fuisse. Hic Christus vir no-
minatur, & quod humanæ naturæ est toti per
sonæ

sonæ tribuitur : atque hæc est Synechdoche : eidem viro tribuitur ante Ioannem fuisse , & post eum venire, quod vtrunque cum partis sit, hoc quidem humanæ , illud verò diuinæ naturæ, tamen vtrunque de tota persona per Synechdochen prædicatur. Atque in hunc sensum has loquendi formas Cassianus explicat per Synechdochen , hoc ipso exemplo usus. Atque vti apparet geminata Synechdoche statuitur , vna qua vnus naturæ nomen concretum pro tota persona ponitur , altera qua toti personæ in concreto tribuitur, quod vnus tantum naturæ est. Atque idem est quando dicitur naturæ vni tribui in concreto , quod est naturæ alterius ; nam vt Cassianus docet, nomen vnus naturæ per Synechdochen pro tota persona ponitur : itaque quod de illa in concreto prædicatur , non de ipsa natura , sed de persona prædicatur. Boetius quoque hanc naturarum vnionem, & quæ ex eo oritur prædicationum rationem, his verbis explicat. Fides Catholica continet eundem Christum hominem esse perfectum eundem Deum, eundemque qui homo sit perfectus atq; Deus. Vnum esse Deum ac Dei filium , nec quaternitatem Trinitatis astrui , dum Homo additur supra perfectum Deum , sed vnâ eandemque personam numerum Trinitatis explere. Vt cum

DE PRAESENT. CHRISTI

„ humanitas passa sit, Deus tamen passus esse di-
 „ catur. Non quod ipsa diuinitas humanitas fa-
 „ cta sit: sed quod à Deitate fuerit assumpta. hū
 „ Qui homo est Dei filius appellatur, non sub-
 „ stantia diuinitatis sed humanitatis, quæ tamē
 „ diuinitati naturali vnitatē coniuncta est. Et
 „ cum hæc ita intelligentia discernantur permi-
 „ sceanturque, tamen vnus idemque & homo
 „ perfectus sit & Deus, Deus quidem quod ipse
 „ sit ex Patris substantia genitus, homo verò
 „ quia ipse ex Maria virgine sit procreatus. Item
 „ que, Qui homo Deus eo quod à Deo fuerit as-
 „ sumptus: & qui Deus homo, quoniam vestitus,
 „ homine sit: Cumque in eadem persona aliqd
 „ sit diuinitas quæ suscepit, aliud humanitas quæ
 „ suscepit, idem tamen Deus atque homo est.
 „ Nam si hominem intelligas, idem homo est
 „ atq; Deus: quoniam homo ex natura, Deus as-
 „ sumptione. Si vero Deū intelligas, idem Deus
 „ est atque homo, quoniam Deus est natura, ho-
 „ mo assumptione: fitque in eo gemina natura
 „ geminaque substantia, quoniam homo Deus
 „ vnaque persona, quoniam idem homo atque
 „ Deus. Multa huiusmodi de proprietatum co-
 „ municatione, apud Cyrillum, Theodoretum,
 „ Vigilium, atque Fulgentium aliosque scrip-
 „ tes occurrunt. Verum inter nos & aduersarios
 „ de hoc controuersia est, quod harum præ-
 „ catio-

cationum fundamentum nos quidem facimus
vnitionem hypostaticam hac ratione , quod
naturæ proprietates suas in se seruent, sed quia
vera est vnio naturarum propter commu-
nionem naturarum & proprietatum in perso-
na, hæc quæ vnus naturæ sunt de altera præ-
dicari. Contra aduersarij etiam ipsi harum præ-
dicationum fundamentum faciūt vnitionem
hypostaticam, sed hoc modo, quod naturæ ita
vnitæ sint , vt vna suam proprietatem trans-
fundat re ipsa in alteram, vt ita fiat realis & phy-
sica quædam transfusio & cōmunicatio Idio-
matum.

Atque quod proprietates humanæ natu-
ræ spectat, alij quidem nullam hic realem cō-
municationem agnoscunt, quod diuinitas ab
humanitate nihil accipiat : sed Marpachius
scribit humanitatem diuinitati suas proprie-
tates, actiones, & officia vere & realiter com-
municare: atque hanc realem communionem
aliquot pagellis in suo crasso volumine expli-
care & confirmare conatur. In qua eius expli-
catione hoc ab eo quæro, quo exemplo scri-
bat, humanam naturam communicare suas
proprietates diuinæ naturæ, & eam in suorum
operū societatem admittere & suscipere? Cy-
rilus & alij veterum nunquā tribuunt huma-
nitati quod illa communicet sua, aut in com-

An huma-
næ naturæ
proprietates realiter com-
municentur
Deitati.
Marpachij
absurda sen-
tentia.

DE PRAESENT. CHRISTI

munionem & societatem suorum operum soci-
piat diuinitatem : sed dicunt Verbum ea quae
sunt carnis suae sibi propria facere. Dicat enim
nobis cur opera & officia Messiae quae vnde-
cim ab ipso enumerantur, proprietates seu pro-
pria opera faciat humanae naturae, quae illa co-
municet diuinitati ? Sunt autem haec opera seu
officia quae commemorat. 1. Esse seruum le-
gis & eam implere: 2. Hominibus praedicare
verbum regni Dei. 3. Seipsum offerre in cru-
ce pro peccatorum expiatione & reconcilia-
tione humani generis. 4. Parta victoria ad-
uersus mortem, Satanam & inferos, in caelum
ascendere, sedere ad dexteram Dei, esse suorum
fidelium mediatorem & intercessorem apud
Deum Patrem. 5. Mittere Spiritum sanctum.
6. Conseruare ministerium Verbi & fideles mi-
nistros excitare. 7. Exaudire preces eorum
qui ipsum inuocant. 8. Ecclesiam aduersus Sa-
tanam & alios hostes defendere. 9. Extrema
die ad iudicandum venire. 10. Resuscitare mor-
tuos. 11. Vnicuique retribuere iuxta sua ope-
ra. Si haec sunt officia totius personae, curae
facit humanae naturae propria ? An verum hoc
ferendum est quod humanae naturae propria
officia facit missionem Spiritus sancti, conser-
uationem ministerij, exauditionem precum,
defensionem ecclesiae, iudicium totius orbis
resolui

resuscitationem mortuorum, & quidē ita propria, vt hæc communicet diuinæ naturæ, & illam quasi in possessionem horum admittat: lam quod dicit hæc ab humana natura vt à promisso Messia facta esse, non tamen esse tantum opera filij hominis, sed communia etiam Filio Dei, hoc est, toti personæ quæ est Deus & homo, ita vt non minus vere hæc de filio Dei quam de Filio hominis dici possint: valde ambiguum est, ne quid grauius dicā. Nam primum videtur humanam tantum naturam Messiam facere, deinde ita loquitur de filio hominis, quasi alius sit Dei, alius hominis filius, qui tamen sint societate vnus filius & vnā persona. Cum autem exponit causas cur humana natura suas proprietates & opera sua communicet diuinitati has affert. Primum quia humana natura in se non subsistat, sed in persona Verbi, quod Verbum vere & essentialiter est Dei filius, itaque quæ humanæ naturæ accidunt, verè prædicari etiam Filio Dei accidisse, quoniam humana natura ne momentū quidem separatur à persona quæ est Filius Dei. Deinde quia diuinitas quæ per se & substantia sua impassibilis est, in morte & passionē humanam naturam sustentat, & efficacem reddit ad superandum mortem & Satanā: attamen vt caro pati & mori posset Verbum in-

DE PRAESENT. CHRISTI

xta Irenæum quieuit, nō exeruit suam poten-
 tiam in repellenda morte & passione. Verum
 hinc non conficitur communicatio in natura:
 Nam exempli gratia nasci, crucifigi, mori, pro-
 prie ad humanam naturam pertinent; hæc au-
 tem prædicantur etiam de diuina natura in cō-
 creto, non quod hæc ad ipsam naturam Deita-
 tis pertingant, tum enim etiam in abstracto de
 Deitate dici possent, sed quod hæc vere pertin-
 gant ad personam quæ non tantum humanam
 naturam habet sed Deus est. Neque sequitur,
 humanitas sustentatur à Deitate, ergo opera-
 tiones & propria sua realiter Deitati commu-
 nicat: non enim ex humanitate & Deitate fit
 vna natura, sed vna persona, itaque tantū hinc
 conficitur hæc personæ propria esse, hæc enim
 hæc ad alteram naturam pertinent qua-
 tenus vnum sunt inuicem, sunt autem vnum
 non natura sed persona. Est autem hic obiter
 considerandum, Abstracti & concreti nomen
 non recte à quibusdam usurpari. Marpachius
 interpretatur abstractum idem esse atq; extra
 personalem vnionem per se subsistere: sed ve-
 teres & recentiores vsitate per abstractum in-
 telligunt naturam in vnione hypostatice per
 se consideratam, vel cogitatione seiunctam, vt
 proprietas ipsi conueniens recte applicetur.
 Nam sic etiam Dialectici ipsam formam cogi-
 tatione

De abstra-
 cto & con-
 creto.
 Pag. 170.

tatione separata & per se considerata, abstractum appellat, ut sunt humanitas, iustitia, sanitas, &c. Deinde sicut illi subiectum in quo forma hæret, ut homo, iustus, sanus, concretum vocant: ita concretum in theologorum scholis nominatur, non ipsa unio naturarum, sed vocabulum quod personam τοῦ ὁρισμῶν notat, cuiuscumque tandem naturæ ratione id fiat, ut Deus, homo, filius Dei, filius hominis: tali enim nomine persona comprehenditur, quæ utramque naturam habet. Itaque quod illi dicunt Filium Dei verè natum, mortuum & passum esse, libenter damus, illa enim persona quæ est filius Dei passa est, sed non in diuinitate, verum carne, ut D. Pet. loquitur. Patientibus sanctis dicitur etiam Christus pati, qui Saulo inquit, Quid me persequeris? & populus reiiciens prophetas Dei, dicitur Deum ipsum spreuisse: sed hæc tantum per relationem ad Deum pertinent, quod hi sunt legati Dei, membra ecclesiæ, cuius caput est Christus: at longe alia ratio est Filij Dei patientis: ille enim qui in cruce pendit vere fuit Filius Dei, neque potuit demonstrari homo nudus in cruce pendens, aut eam homini nudo attribuere possumus, nisi personam Christi soluere velimus, non tamen propterea passio ad naturam diuinitatis pertingit. Sed ut corpore moriente anima non mo-

Quomodo
Deus passus
& mortuus sit.

DE PRAESENT. CHRISTI

ritur, ita multo minus mors aut passio ad na-
 turam diuinitatis in Christo pertingit: ac ani-
 ma quidem compatitur suo corpori, non au-
 tem diuinitas humanitati assumptæ. Quod si
 passiones assumptæ naturæ cōmunicarentur
 realiter diuinæ naturæ, assumptione humani-
 tatis fuisset immutata natura diuina, in quam
 tamen nulla mutatio cadit. Neque ideo nomi-
 ne tantum Deus natus, passus & mortuus est,
 nisi forte (quod absit) Christus nomine tantū
 Deus & Filius Dei est. Ita autem semper eccle-
 sia sensit & docuit de morte & passione Filij
 Dei. Cyrillus citante Leone, Is qui ante secula
 „ omnia natus est ex Patre, etiam ex muliere car-
 „ naliter dicitur procreatus in tēpore. Non quia
 „ diuina ipsius natura de sacra virgine sumpsit
 „ exordium, nec quod propter seipsum opus ha-
 „ buit secunda nasci post illam natiuitatem quā
 „ habebat ex Patre (est enim ineptum & stultū
 „ hoc dicere, quod is qui ante secula omnia est
 „ cōsēpitemus Patri, secundæ generationis
 „ eguerit vt esse inciperet) sed quia propter nos,
 „ & propter nostram salutem naturam sibi co-
 „ pulauit humanam, & processit ex muliere, id-
 „ circo dicitur natus esse carnaliter. Neq; enim
 „ prius natus est homo communis de sancta vir-
 „ gine, & tunc demum habitauit in eo Verbum,
 „ sed in vulua vteroque virginali secum carnem
 coniu-

coniunxit, & sustinuit generationem carna-
lem, carnis suæ natiuitatem suam faciens. Sic
illum dicimus & passum esse & resurrexisse,
non quia Deus Verbum in sua natura passus
sit, aut plagas aut clauorum transfixiones, aut
alia vulnera (Deus nanque incorporealis extra
passionem est) sed quia corpus illud quod ipsi-
us proprium factum est, passum est, ideo hæc
omnia pro nobis ipse dicitur passus. Inerat na-
que in eo corpore quod patiebatur Deus, qui
pati non poterat. Simili modo & mortem i-
psius intelligimus. Immortale enim & incor-
ruptibile est naturaliter, & vita & viuificans
Dei Verbum. Sed quia corpus ipsius propriū,
gratia Dei pro omnibus iuxta Pauli vocem
mortem gustauit, idcirco ipse dicitur mortem
passus esse pro nobis. Non quod ipse mortem
esset expertus, quātum ad ipsius naturā perti-
net (insania enim est hoc vel sentire vel dicere)
quod (vt supra diximus) vera caro ipsius mor-
tem gustauit. Ita & resurgente carne, ipsius rur-
sus resurrectionem dicimus: non quia in cor-
ruptionem ceciderit (quod absit) sed quia eius
resurrexit corpus. Ita Christum vnum & Do-
minū confitemur, non tanquam hominē cum
Verbo coadorantes, ne diuisionis quædam spe-
cies inducatur, sed vnum iam & eundem ado-
rantes, quia non alienum est à Verbo corpus.

DE PRAESENT. CHRISTI

„ suum, cum quo ipsi etiam assidet Patri. Nec
 „ hoc ita dicimus, quasi duobus filijs assidenti-
 „ bus, sed vno cum carne per vnitatem: quia si
 „ talem copulationem factam per substantiam,
 „ aut quasi impossibilem, aut quasi parum de-
 „ coram, noluerimus accipere, in id incidimus,
 „ vt duos filios esse dicamus. Necesse est enim
 „ discernere, & dicere hominem separatim fuisse
 „ se sola filij appellatione honoratum, & rursus
 „ Verbum quod est ex Deo, & nomine & veri-
 „ tate Filium Dei: sed discernere in duos filios
 „ non debemus vnum Dominū Iesum Christū.
 „ Neq; enim id adiuuat rectam fidei rationem,
 „ licet nonnulli, nescio quam perhibeant copu-
 „ lationem personarum. Non enim dixit scri-
 „ ptura Verbum Dei personam hominis sibi
 „ assumpsisse, sed carnem factum esse. Id autem
 „ est ostendere Dei Verbū, similiter ac nos par-
 „ ticipatum habuisse carnis & sanguinis, & cor-
 „ pus nostrum propriè suum fecisse, & homi-
 „ nem ex muliere processisse, non abiecta nec
 „ deposita Deitate, aut generatione illa quam
 „ habebat, sed mansisse etiā in assumptione car-
 „ nis Deum quod erat. Hoc vbiq; rectè fidei
 „ ratio protestatur. In tali sensu sanctos Patres
 „ fuisse comperimus. Ideo non dubitarunt san-
 „ ctam Virginem dicere Theotocon, non quod
 „ Verbi natura, Deitasq; in sancta Virgine solum
 „ pserit

perit exordium, sed quod ex ea natum sit sa-
crum illud corpus animatum anima rationa-
li, cui substantialiter adunatum Dei Verbum
carnaliter natum esse dicitur. Cum autem di-
ligentissimè de vnione Verbi cum assumpta
carne Cyrillus differuerit, nusquam tamè me-
minit vllius transfusionis aut communicatio-
nis, qua in Diuinam naturam translate aut il-
li communicatę sunt proprietates vel actiones
humane naturę. Verum ait Deum natum,
quia in ytero virginis humanam naturam
sibi copulauit, & ita carnis suę natiuitatem
suam fecit, item Deum passum, quia inerat
in eo corpore quod patiebatur Deus, & cor-
pus quod passum est, ipsius proprium factum
est: Deus Verbū mortuus est, quia vera ipsius
caro gustauit mortem: Deus resurrexit quia
eius corpus resurrexit. Hęc omnia tribuntur
Dei filio, quia Verbū cum carne vnus est Dei
filius, copulatione facta per substantiam, quod
vna est substantia seu hypostasis Verbi & car-
nis: sicuti autē Cyrillus hoc loco explicat quo
modo Deo humane passionis & infirmitates
tribuantur, ita alibi passim in suis libris hoc idē
vrget, nec vsquā realis cōmunicationis qua v-
nius naturę proprietates re ipsa transfundatur
in alterā meminit. Alij quoq; Patres quorū scri-
pta exstant cum Cyrillo consentiunt. Deū aiunt
passum, quod humanitas quę passa est à Dei-

DE PRÆSENT. CHRISTI

tate assumpta fuit: dici passum & mortuum secundum unionem, sed in sola carne, quia caro & Deus vnus est Christus. Cum humanū pareretur corpus, hæc eadem Verbum quod corpori cōiunctum erat ad se retulisse, & sibi vendicasse tanquam sua ipsius quæ propria erant corporis, eaque aliquo modo sustinuisse, eo quod cum prohibere posset non prohibuit. Eundem fuisse patientem & non patientem: patientem quidem quatenus ipsius propriū corpus, in quo erat, patiebatur: nō patientem, quatenus ex natura Deus impatiibilis erat, ipseque incorporeus in corpore patibili existebat, corpusque vicissim Filium Dei imparibilem retinebat, absumentem corporeas infirmitates. Ita Dominus maiestatis crucifixus est, quia Dominus maiestatis filius hominis & homo est: & filius hominis Deus est maiestatis, & homo Deus est. Christus passus est carne non Deitate, cum tamen ipsa Deitas totum suum faciat, quicquid caro perpeffa est, ac sub vna persona merito vnus ac idem dicitur pati, quicquid vt Deus homo patitur, non infirmitate & conditione passibili, sed dignatione suam faciens passionis iniuriam, adnatione particeps, sed sine passibilitate compatiens, fuit vnus idemque virtutes operatur, quicquid vt homo Deus operatur. Summa est: Diuinitas per

tes per se, in se, secundum suam naturam nec patitur nec moritur, sed tamen Deus passus & mortuus est, quia persona quæ passa & mortua fuit, non ut homo tantum, sed ut homo & Deus passa fuit, licet secundum alteram naturam tantum passa fuerit, cum altera vere & in se pati ac mori non potuerit. In hunc modum nos quoque in nostris ecclesijs docemus: itaque nobis iniuriam faciunt, qui aiunt nos negare Deum pro nobis passum, sed tantum cum Nestorio dici passum: quasi relatione, tantum Deus passus dicatur Christo patiente, sicut pati dicitur in Paulo aut Petro. Longe enim aliud est affirmare Diuinam naturam non esse passam in se, quod nos dicimus, aliud negare Deum passum. Videant autem ipsi quomodo ostendere possint humanas passiones realiter communicatas diuinæ naturæ, vere in ipsam redundasse: heque enim scripturæ neque Patres sic loquuntur.

Non cum
Nestorio
sentimus.

Alterum genus communicationis *ἁποκρίσις* quo diuina humanitati attribuuntur nunc considerandum est. Tenenda autem est vsitata distinctio qua proprietates aliæ dicuntur esse incommunicabiles, aliæ communicabiles: vel ut alij distinguunt, ea de quorum communicatio ne queritur, vel sunt infinita & essentialia in Deo ut omnes proprietates diuinæ naturæ, vel sunt dona Dei finita & creata. Atq; de hoc po-

Communi-
catio diui-
narum pro-
prietatum.

DE PRAESENT. CHRISTI

steriori genere & proprietatibus communica-
bilibus non est controuersia, omnes enim fa-
tentur, humanam naturam à Verbo assumptā
vere & realiter & in se ineffabilibus donis or-
natam esse, quibus numero & gradu omnes
creaturas quantumuis excellentes superet. Ve-
luti quod concepta est ex Spiritu sancto, nata
ex Virgine, quod absque peccato fuit, quod o-
mnibus donis Spiritus sancti ornata fuit, quod
denique finito tempore Exinanitionis dona-
ta est immortalitate, ineffabili luce, sapientia,
virtute, potentia & supra omnes creaturas glo-
rificata est. Solent quidē Aduersarij nobis ob-
ijcere, quod faciamus Christum hominem im-
potentem, & quidem longe absurdiori voca-
bulo apud Germanos *ein onmächtigen mense-
schen*, vt ita apud vulgus in odium & inuidiam
nos adducant: sed hæ sunt meræ calumnie
quas refutant omnia nostra scripta, si modo il-
lis locus aliquis daretur. Porro præter hæc do-
na creata & finita in se, etsi forte nobis quodā-
modo infinita videri possint, in quibus est
quædam communio capitis & membrorum
ita vt genere cōueniant, quamuis gradu & nu-
mero ita superet humana Christi natura o-
mnes sanctos vt ferè sit nulla comparatio, alia
præterea sunt & maiora quæ humanæ naturæ
Christi per vnionem personalem collata sunt.

Nam

Quæ nā da-
ta sūt Chri-
sti per v-
nionē per-
sonalem.

Nam primum æternum Dei verbum hanc naturam in vnitatem personæ suæ assumpsit, neque tantum per assitentiam quandam aut gratiam, aut relationem, aut affectum quandam sese huic societate quadam iunxit, sed eam ineffabili vnione ita sibi vniuit, vt Verbum & caro sint vnum & singulum & solum quid, & vt Ioannes inquit, Verbum caro factum est. Tanta dignitas nulli creaturæ alij cōtigit, non angelos assumpsit, sed semen Abrahæ: & quamuis in sanctis suis Deus semper inhabitaret, nullus tamen sanctorum fuit Emanuel: solus Christus est Emanuel, Deus nobiscum, ipse enim vnus & idem Verbum & Caro, Deus homo. Hanc carnem suam Deus Verbum ita assumpsit vt cum illa & per illam redemptionem humani generis perficeret, hanc secum euexit in cœlos, & ad dexterā patris, vt noster summus pōtifex & rex vna cum assumpta carne consedit, & cum eadem à nobis adoratur. Omnes deniq; diuinę naturæ proprietates humanę naturæ in concreto attribuūtur, hic enim homo qui conceptus est ex Spiritu sancto & natus ex Maria virgine, est Deus, est omnipotens, omnisapiens, omnipræsens. Verum inter aduersarios nostros & nos de eo cōtrouertitur, an proprietates illæ diuinę essentielles, transfusæ sint in humanam naturam, vt in ea

An facta sit
realis trans-
fusio idis.

DE PRAESENT. CHRISTI

**Eadem est
communica-
tionem
& naturam.**

quasi in subiecto insint, vt ita facta sit per communicationem proprietatum exa quatio duarum naturarum. Huiusmodi realem & physicam communionem negamus, quod hac posita fiat confusio naturarum: sed de his essentialibus proprietatibus nostri haecenus docuerunt, eas non aliter communicari quam ipsam essentiam, & Christum secundum humanam naturam non aliter esse omnipotentem, omnipraesentem, omniscientem quam quo modo Deus est. Est enim hoc axioma certum & vnitatum veteri ecclesiae, ex naturarum vnione, ipsam quoque idiomatum communicationem aestimandam esse. Cum enim omnipotentia, omnipraesentia, omniscientia, &c. sint ipsa Dei essentia, non aliter haec data sunt humanae naturae quam ipsa essentia seu diuinitas, Diuinitas autem humanae naturae data est, per vnionem personalem, non per transfusionem in essentiam humanam, neque enim ex illa factitius Deus aliquis creatus est, sed per assumptionem personalem ita illi communicata est diuinitas vt nihilominus, omnes suas proprietates essentielles saluas & illaefas retineat. Simili ratione diuinæ proprietates essentielles & infinitae communicatae sunt humanae naturae, non tamen ita vt in ipsa tanquam in subiecto quodam inhæreant, sed vt illi propter personalem

nalem vnionem adsint, quo modo nulli alij creaturæ insunt. Sicut autem humanitas Christi neque Deus est, neque diuinitas, sed homo Christus est Deus, & Deus iste est homo: ita etiam homo Christus est omnipotens, omnipræsens, quomodo Deus est, humanitas ipsa non est reuera & secundum essentiã omnipræsens & omnipotens, non enim ipsa est Deus aut diuinitas, sed assumpta à diuinitate in personæ vnitatem. Hac autem doctrina non derogatur maiestati Christi seruatoris nostri, vt aduersarij clamant, sed potius vera eius maiestas & diuinitas asseritur. Quando enim quæritur de diuinitate Iesu Christi, seu quomodo homo natus ex Maria virgine sit Deus, respondetur eum vere & natura Deum esse, quoniam Christus, homo ille, siue illa persona constat tota Deitate inhabitante, & perfecta natura humana inhabitata atque ita verus & natura Deus est, idque respectu Deitatis inhabitantis. Si tribuatur humanæ naturæ diuinitas in se per effusionem proprietatum, vt hac ratione homo Christus sit Deus, sequetur eum tantum diuinum aut deificatū hominem esse, non vere & natura Deum.

Deinde veteres quotiescunque de communi-
 catione proprietatum loquuntur, nō ponūt
 aliam realem qua diuina in humanā naturam

Similis cō-
 munic.
 Idiom in
 utraq; na-
 tura.

DE PRÆSENT. CHRISTI

De Trin. et
Vnit. Dei
cap. 22.

Corra Ma
ximi. lib.
3 cap. 20.

Lib. 3. cap.
3.

transfundantur, aliam verbalem tantum qua
humana tribuantur Deo, sed ostendunt simi-
liter fieri proprietatū communicationē in v-
traque natura. D. Augustinus, Ille qui erat fi-
lius Dei, factus est filius hominis in vnitatē
personæ, Vt anima & caro vnus est homo, ita
Verbum & homo vnus est Christus. Carnie.
nim ita vnitur anima, vt vna sit cū carne per-
sona. Vnde salua naturæ vtriusque propieta-
te, adiicitur seu attribuitur carni quod est ani-
mæ, & vicissim animæ quod est carnis, prov-
nitate personæ, non pro diuersitate naturæ. I-
tem in vnitatē personę Christi, ex diuina & hu-
mana natura, quælibet earum vocabulum e-
riam alteri impertit, & diuina humanæ & hu-
mana diuinæ. Leporius apud Cassianū scribit,
Ex tempore susceptæ carnis sic omnia quæ
Dei erant transisse in hominē, vt omnia quæ
erant hominis in Deum venirent: vt sic ipse
Deus Verbū, totū suscipiēs quod est hominis
homo sit: & adsumptus homo totum accipien-
do quod Deus est, aliud quam Deus esse non
possit. Gelasius. Sicut enim legitur Dominus
maiestatis Christus, sic vtique legitur etiam Fi-
lius hominis. Itaque & Dominus maiestatis
Filius hominis est, & homo est & Filius homi-
nis, Deus est maiestatis, & homo Deus est: &
quicquid Deitatis est, habet Filius hominis: et
quic-

quicquid humanitatis est habet Dominus “
 maiestatis. Item: Deitas totum suum facit quic “
 quid caro perpeſſa eſt: ſicut & Filius hominis “
 ſuum habet totū, quicquid eſt Dei. Fulgētius. “
 In vnitāte perſonæ hominis Dei inconfuſa ve- Lib. 3. ad
 ritate, ſicut Chriſtus Deus in homine nomen Trinitatis
 hominis accepit, ſic idem homo Chriſtus in “
 Deo, vocabulum Deitatis accepit. Sic & alij “
 Patres de communicatione in vtraque natura “
 loquuntur, & communicationem qua naturæ “
 ſibi ſuas proprietates communicent damnāt. “
 Vnde Vigilius: Impium inquit & ſacrilegum “
 eſt ea quæ ſunt propria carnis Chriſti ad natu- “
 ræ Verbi proprietatem referre, & quæ ſunt pro- “
 pria Verbi, proprietati naturæ carnis adſcribe “
 re. Et Damascenus. Diuinitatem igitur dicen- “
 tes, non de illo nominamus ea quæ humanita- “
 tis ſunt propria. Non enim dicimus Deitatem “
 aut paſſibilem aut creatā, neq; de carne, id eſt “
 humanitate, prædicamus ea quæ Deitatis ſunt “
 propria: nam neq; dicimus carnē, id eſt huma- “
 nitatem increatā. At vero de hypotaſi ſiue ex “
 vtraq; ſiue ex vna naturarū eā nominamus, v- “
 triuſque naturarū propria illi adiſcimus. Nam “
 Chriſtus hoc quidē eſt quod vtrunq; ſimul, & “
 Deus & homo dicitur, & creatus & increatus, “
 & paſſibilis & impaſſibilis. Similiter ſcholæſtici Bonavent.
 Communicatio (inquiūt) Idiom. fit in perſona, lib. 3. diſt.
8. & 14.

DE PRAESENT. CHRISTI

non in natura, quia naturæ ipsæ idiomata suæ non communicant, nec abstracta naturarum de se inuicem prædicantur.

*Humana
natura ser-
uat suas
proprietates.*

Præterea scripturæ testantur humanam naturam suas proprietates seruasse in Christo: nam ante glorificationem, salua nihilominus ynione personali, vere prædita fuit infirmitatibus nostris naturalibus: & quâuis illas post glorificationem exuerit, seruauit tamen essentialia humanæ naturæ proprietates. Sed si proprietates diuinæ in humanitatem realiter & physice transfusæ fuissent, tum oporteret humanas proprietates sublatas fuisse & abolitas: vel sequeretur de vno & eodem subiecto contradicentia simul vere posse affirmari: veluti humanam Christi naturam, circumscriptam & incircumscriptam, corpoream & incorpoream, visibilem & inuisibilem, æternam & temporariam, finitam & infinitam, &c. simul & semel esse: nam horum alterum conueniret humanæ naturæ essentiali proprietate, alterum proprietate diuinitatis realiter communicata. Quam autem absurdum sit talia affirmare vident omnes, neque Deus sua omnipotentia efficit talia, vt alibi dictum est.

*Essentialia
proprietates
incom-*

Postremo talis transfusio realis proprietatum essentialium diuinæ naturæ infinitæ, in finitam & creatam naturam fieri non potest, scriptura

scriptura testante, Ego Deus & gloriam meā
 alteri non dabo. Proprietates namque nihil
 aliud sunt quàm essentia, cum diuina natura
 sit simplicissima, hæc si realiter effunditur in
 aliquam creaturam, oportet vt illa quoq; talis
 fiat qualis est natura, cuius proprietates trans-
 fusæ sunt, sed nulla natura potest fieri diuini-
 tati æqualis, aliqui diuinitas non esset diuini-
 tas, nam ea non est verā diuinitas cui res ali-
 qua creata exæquari potest: Deus est summū
 maximum, huic si quid exæquetur, non erit
 summum maximum, & non erit Deus, duo e-
 nim infinita esse non possunt. Quod autem di-
 citur exæquationem fieri non *essentia* sed *ipsa*, nō
 essentia sed potentia, non substantia sed maie-
 state, id nihil est, cum potentia Dei sit ipsissi-
 ma & simplicissima Dei essentia: & miror
 quosdam Schuenckfeldium reprehēdere, qui
 potentiam Dei in rebus omnibus esse affir-
 met, essentiam vero extra res collocet: cum il-
 li pari modo potentiam & maiestatem ac glo-
 riam transfundi dicant, & in his exæquari hu-
 manam naturam diuinæ, non autem essentia.
 Nam quod addunt diuinam naturam hæc ex
 se habere & humanæ communicare, alteram
 verò accipere & ex dono habere, efficit quidē
 respectu principij aliquam differentiam, non
 autem respectu rei ipsius quæ formaliter vtro-

communicabis
 les creaturæ.

DE PRAESENT. CHRISTI

bique vna & eadem statuitur. Adhuc si eadem sunt proprietates, & tantum communicatio facit inæqualitatem essentiae, Arianorum sententia probanda erit, qui dicebant Christum minorem Patre & dissimilem, quia illi esse communicata diuinitas: cum contra orthodoxi contenderent communicationem non esse facere aliam essentiam, cum eadem integra & ab æterno, Christo communicata sit. Existimant quidam physicam & realem transfusionem diuinarum proprietatum in humanam Christi naturam, confirmari verbis scripturae, quibus dicitur, Illi data omnis potestas: item Christum esse in forma Dei: in Christo omnes thesauros sapientiae & scientiae absconditos esse: in ipso inhabitare omnem plenitudinem Deitatis corporaliter: donatum illi nomen quod est supra omne nomen, ut ad nomen lesu omne genu se flectat, caelestium ac terrestrium & subterraneorum, &c. Requirerent autem præclara hæc scripturae loca iustam explanationem, sed ea est alterius operæ. Nos respondemus primum, aduersarios male detorque ad transfusionem donorum aut proprietatum quæ de vera diuinitate Verbi Apostolus scripsit, nam per formam Dei vetustas semper intellexit naturam diuinam, sicut per formam serui naturam humanam: vera enim æqua-

Loca quæ de Deitate loquuntur non detorqueunda ad realem communicationem.

qualitas Filij cum Patre qua non arbitratus est rapinam se æqualem esse Deo, est æqualitas naturæ, quod est ὁμοούσιος, transfusio donorum non exæquat naturam humanam finitam & creatam suo creatori. Sic plenitudo Deitatis corporaliter habitans in Christo, est ipse λόγος, non communicata Deitas alia quam qua λόγος Deus est: communicata enim Deitas non est λόγος seu πνεῦμα τῆς θεότητος, sed πνεῦμα θεότητος, plenitudo diuinarum rerum, sapientiæ, potentie, bonitatis, donorum Spiritus sancti. At Apostolus maius aliquid tribuit Christo, quod λόγος ipsa Deitas seu diuina essentia, & quidem omnis plenitudo Deitatis, tota Deitas, ut nihil sit Deitatis in Patre quod non sit in Filio, ac proinde per omnia æqualis sit Patri filius, inhabitet σωματικῶς, non tantum per effecta, sed vtex Deitate & humanitate coniunctis, vnus constet Christus, vnum σῶμα substantia seu hypostasis. Hanc interpretationem Patrum testimonijs confirmare nō est necesse, nemo enim ignorat veteres & recentiores, qui diuinitatē æternam filij Dei contra hæreticos defenderunt, his testimonijs vsos esse. Ac dolendū est horum locorū sensum nunc in dubiū vocari, & eos qui volunt soli maiestatis Christi assertores videri, apertissima testimonia Deitatis Christi, ad cōmunicatā quandā deitatē & carnī

DE PRÆSENT. CHRISTI

propriam cum nouis Antitrinitarijs & Samaritanianis detorquere.

Diuina dantur humanitati, per vnionem.

Secundo in eo aberrant aduersarij, quod omnia quæ Christo data dicuntur, interpretantur humanæ naturæ realiter communicata, vt illa hæc in se habeat & quasi subiectum sit earum rerum quæ Christo data sunt. Diuina quidem natura nullius indiget, ideoque proprie nihil accipit, non tamen inde conficitur hæc quæ personæ Christi secundum humanam naturam data sunt, transfusa esse in humanam naturam. Augustinus inquit, Quicquid conuenit Filio Dei per naturam, conuenit Filio hominis per gratiam: hoc autem Scholastici de vnionis gratia interpretantur, in qua humanitas Christi in Verbi personam assumpta in eo subsistit. Vnde eodem modo quo homini datum est, vt sit Deus Verbum, in ipsa videlicet persona Verbi, in qua geritur & sustentatur, ita etiam omnia quæ sunt Filij Dei, vt omnis potestas & plenitudo scientiæ & sapientiæ, &c. data sunt homini, per gratiam hanc vnionis, per quam quæcunque dicuntur de Filio Dei secundum diuinam naturam, dicuntur etiam de Filio hominis propter personæ vnitatem. Patres etiam sicut exinanitionem Christi interpretantur assumptionem carnis, qua paupertas carnis Verbi propria facta est sicut ipsa caro, iii

ro, ita etiam exaltationem qua omnia Christo
data dicuntur, interpretantur per dispensatio-
nem, qua humanitas vnum cum Deo Verbo
facta est. Itaque Cyrillus in Ioannem de hac
re sic scribit: Vnum est Filius cum Patre, iden-
titate essentiae, quamuis in propria substan-
tia sit. Verum quoniam propter nostram salu-
tem à sua dignitate & claritate quasi exiuit
(hoc enim significat exinaniuit seipsum) ideo
accepit rursus cum carne claritatem & glo-
riam, quam semper habuit vt Deus. Quoniam
ergo templum quod à Virgine accepit, quam-
uis consubstantialia Deo Patri non sit, vnitum
tamen ita cum verbo est, vt vna persona cum
eo sit: (vnus enim Christus & vnus Filius est
etiam homo factus.) Idcirco vnitatem cum
Deo accepisse dicitur, quod templum suum,
quod à se Deus non est, vnum cum Deo Ver-
bo factum sit. Et vt breuius dicam & clarius
quod templo suo datum est, sibi datum esse v-
nigenitus ait, datū videlicet à Patre per ipsum
in spiritu. Non enim aliam viam habet mo-
dus vnitatis cum Deo. Intelligitur enim in
Christo, vnitatem ineffabili caro sanctificata abs-
que vlla confusione ad vnitatem Verbi ascen-
dere, & per Verbum ad vnitatem Patris habi-
tudine scilicet quadam non naturaliter. Dan-
tur ergo humanæ naturæ omnia quatenus v-

DE PRAESENT. CHRISTI

nitatem cum Deo accepit, quia caro vna persona est cum Verbo, hac vnitate sanctificata est, absque tamen confusione Verbi & carnis. Si sanctificationis dona transfunderetur physice in carnem, fieret confusio, ideo vnitate seu vnione personali hæc humanitati data asserit. Damnatur etiam sæpe à Cyrillo hæc adunationis ratio, qua dicitur homo adaptatus sibi Deo cōmunicatione dignitatis, gloriæ, honoris ac filiationis, vt hac ratione homo Deus & Christus & filius & Dominus dicatur.

Et si autem transfusionem realem & physicam negamus, non tamen Christum hominem proprietatibus diuinis spoliamus, sicut etiam hominem Christum vere & natura Deum agnoscimus, quamuis humanitas eius in se non sit Deus aut diuinitas. Si realis communicatio assereretur in cōcreto, quod homini Christo, hoc est, huic personæ omnia data sint, in vt hic homo, hæc persona sit vere & ab æternitate & essentia Deus, omnipotēs & omniscius, atque omnipræsens, nemo contradiceret. Sed ipsi hominem pro humana natura, concretum pro abstracto accipiunt, & hominem Christum ideo faciunt Deum & omnipotentem, quod assumptæ humanitati realiter cōmunicata sit, & in eam transfusa Deitatis plenitudo, vt illi hac cōmunicata maiestate, non tantum vnitate sit

ne sit Deus. Videntur autem non male in illos
 conuenire quæ Athanasius scribit contra quos-
 dam qui sua ætate ita asserebant diuinitatem
 hominis Christi, vt etiam contenderent car-
 nem esse consubstantialem diuinitati. Si ea, ..
 inquit, quæ ex natura diuinitas fuit, diuinitas ..
 efficitur, cur igitur incusaris Arianos, qui i- ..
 stiusmodi opinionem de Verbo in mediũ ad- ..
 ferunt? quum tamen scriptura in contrarium ..
 dicat Verbum carnem factum esse, non car- ..
 nem Verbum: ideoque dictum est, Verbum ..
 carnem esse factum, quoniam caro Verbi caro ..
 facta est, & non hominis alius: hoc est Deus ..
 homo factus est, & caro dicitur factus esse, ne ..
 omitteretis carnis vocabulum. Quod si igitur ..
 contenti non estis ista Verbi cum carne vnio- ..
 ne: atque eo ipso quod Deus homo factus est, ..
 certe neque audire, neque credere constitui- ..
 stis, quum vobis satis fieri nequeat tam mo- ..
 desta religiosaque super omnem commenta- ..
 tionem dicendi ratione, dum corpus Dei au- ..
 ditis esse, idque secundum eum qui dicit: Qui ..
 transfigurabit corpus nostræ humilitatis, vt ..
 sit conforme corpori gloriæ ipsius. Qua in ..
 re argumentum futuræ resurrectionis osten- ..
 ditur: quod etiam tum appellatur corpus, cum ..
 iam corpus est gloriæ eius, &c. ..

DE PRAESENT. CHRISTI

*Differentiae specificae vnionis personalis
quas Brentius proponit, rem non
vere explicant.*

Vbiq̃uitas
an efficiat
unionem
hypost.

Pag. 24.
De persona
li unione,
pag. 11.

Exposita hætenus orthodoxa doctrina de
vnione naturarum & communione proprie-
tatum, dicam nunc de illis specificis differen-
tijs vnionis hypostaticæ quas Brentius adfert,
& ostendam quæ absurda, absurda inquam si
dei & scripturis repugnantiâ inde consequan-
tur. In libro de Maiestate vnionem persona-
lem Vbiq̃uitate definit. Verum idem alibi V-
biq̃uitatem tribuit Sanctis ex sententia Hi-
ronymi male intellecta. Parsimonius quoque
Brentij discipulus, Concionis suæ arg. 6. Esse
in cœlis, significare inquit, vbiq̃; adesse & im-
plere omnia. Sanctos autem in cœlis esse ne-
mo dubitat, quare etiam vbiq̃ue aderunt & o-
mnia implebunt. Itaq̃; si Vbiq̃uitas constituit
personalem vnionem, Christus hac re nihil
sanctis differet, neque magis Deus dici poterit
quam Petrus aut Paulus, sed in ordine sancto-
rum manebit, quando sancti illi hac ratione à
Brentio æquantur. Neque potest dicere san-
ctos per alium, Christum per se vbiq̃ue esse,
quia ait tam Christum quam sanctos diuina
virtute intime præsente agere & vbiq̃ue ad-
esse. Porro quod Andreas Brentium suum ita
explicat;

explicat, non tantum ab eo præsentiam statui, sed eam præsentiam ut per humanam naturam & cum ea λόγος faciat omnia, non satis est ut sit vnionis hypostaticæ vera differentia, nā Deus Pater omnia facit per λόγον & tamen non est vna vtriusq; persona.

Aliam deinde differentiam vnionis hypostaticæ proponit effusionem maiestatis diuine in humanam naturam, siue communicationem omnium proprietatum. Discrimen inquit Christi & Petri non est sumendum simpliciter ab inhabitatione filij Dei, sed à communicatione proprietatum eius: Filius enim Dei et si sua essentia implet Petrum, sicut & hominem Christum, non tamen communicat Petro omnes suas proprietates, sed tantum non nullas. Filium vero hominis assumptum ex Maria virgine, ornat non aliquibus tantum, sed vniuersis suis donis, & communicat ipsi omnes suas proprietates. Item alibi inquit, hominem Christum Deum dici non quia Deus in ipso, sed quia in assumptione carnis dedit huic homini omnem potestatem in cælo & in terra, communicauit ei omnia dona Spiritus sancti. Hominem Christum propter immensitatem & infinitatem donorum inquit Deo factum æqualem, &c. In hac autem eius sententia hoc primū reprehendimus quod Chri-

Effusio donorum an sit diff. vnionis.
Recogn. pag. 44.

Christus à Brëtio re-digatur in ordinem sanctorū.

DE PRAESENT. CHRISTI

stus redigatur in ordinem sanctorum, si namque vnio posita est in communione donorum, sancti etiam suo modo Deus erunt, quibus multa & ampla dona à Deo conferuntur. Neque est hoc sufficiens discriminē quod sancti diuina dona acceperint, Christus immensa, nam ita nihilominus genere non differrent, sed tantum secundum magis & minus, at illa inhabitatio Dei in sanctis & in homine assumpto genere toto differt. Conatur quidem Iacobus Andreæ suam sententiam probare his verbis D. Augustini. Deus qui ubique est non in omnibus habitat: etiam in quibus habitat, non equaliter habitat. Et vnde in omnibus sanctis sunt alij alijs sanctiores, nisi abundantius habendo habitantem Deum? Sed aliter homo ille in Deo, quoniā & aliter Deus ille in homine. Hæc ille adducit, sed quæ his conueniunt sunt, & sententiam absoluunt omisit, manifeste fraude usus. Integra Augustini sententia sic habet: Aliter homo ille in Deo, quoniam & aliter Deus ille in homine, proprio quodam & singulari modo. Vna enim persona Deus & homo est, & vtrumque est vnus Iesus, vbi que per id quod Deus est, in cælo per id quod homo. Atque in eadem epistola hoc discriminis habitationis his verbis Augustinus explicat. Quid ergo est? Hocce interesse arbitramur

In Apologia The-
sum, &c.
Epist. 57.

Deus aliter
in homi-
ne assum-
pro quam
in sanctis.

inter

inter caput & membra cætera, quòd in quo-
libet quamuis præcepto membro, velut in a-
liquo magno propheta aut Apostolo, quam-
vis diuinitas habitet, non tamen sicut in capi-
te, quòd est Christus, omnis plenitudo diuini-
tatis. Nam & in nostro corpore inest sensus
singulis membris, sed non tantus quantus in
capite, vbi prorsus omnis est quinque parti-
tus. Ibi enim & visus, & auditus, & olfactus, &
gustus, & tactus. In cæteris autem solus est ta-
ctus. An etiam præter hoc quod tanquam in
templo in illo corpore habitat omnis plenu-
do diuinitatis, est aliud quod intersit inter il-
lud caput & cuiuslibet membri excellentiam?
Est plane, quod singulari quadam susceptione
hominis illius vna facta est persona cum ver-
bo. De nullo enim sanctorum dici potuit, aut
potest, aut poterit, Verbum caro factum est.
Nullus sanctorum qualibet præstantia gratiæ,
vni geniti nomen accepit, vt quod est ipsum
Dei Verbum ante secula, hoc simul cum as-
sumpro homine diceretur. Singularis est ergo
illa suscepcio, nec cū hominibus aliquibus san-
ctis quantalibet sapientia & sanctitate præ-
stantibus, vilo modo potest esse cõmunis, vbi
diuini gratiæ satis clarum perspicuumq; dõ-
cumentum est. His verbis si D. Augustinus
dicit, quod Iacobus Andreæ asserit, hoc vnum

DE PRAESENT. CHRIST

esse ratione inhabitationis discrimen, quòd Deus sanctis distribuat sua dona dimèsa, Christo homini sine mensura, hoc est, immensa: quòd sanctis dederit singulis suam potestatem, Christo homini autem omnem potestatem: si inquam hoc Augustinus dicit, vicerit sane Andreas: sin quod manifestum est, hoc ipsum negat, nōne impostor est qui truncato Augustini testimonio nobis fucū facere, & plane contrariam Augustino sententiam ex ipso probare conatus sit?

*Vnio per
ess. donorū
non est pers
sonalis.*

Alterū etiam in hac personalis vnionis definitione viri docti dudum reprehenderunt, quod hæc vnio non sit vere personalis, hæc enim ratione humanam naturam non persone τὴν λόγον sed toti Trinitati vnitam esse, propterea quod communicatio donorum commune opus sit totius Trinitatis. Respondet Andreas eandem quidem esse vt essentiam ita etiam potentiam Patris & Filij, aliam tamen esse ratione proprietatum personarum, quia alia est genita, alia ingenita: cum homine autem non esse personaliter vnitam potentiam & sapientiam ingenitam, quæ est Pater, sed sapientiam & potentiam Filij quæ est genita, non minus tamē infinita quam Patris aut Spiritus sancti. Verū hac ratione elabi non potest, nam definiens vnionem personalem per communicationem dono-

donorum, nullam donorum distinctionem fecit, iuxta personarum proprietates, imò nominim mentionem fecit donorum Spiritus sancti, unde apparet eum de essentiali & non personalis vnione loqui. Deinde posuit eandem genere inhabitationem & communionem donorum in Christo & sanctis, dicens hoc vnum discrimen esse quod homini assumpto immensa dona data sint, sanctis dimensa. At de sanctis dicere non potest, illis hæc comunicata tantum per Filium, nisi velit statuere personalem operationem in Trinitate, & ita non tantum personas sed etiam naturas diuidere.

Tertio, transfusio illa realis proprietatum diuinæ naturæ in humanam naturam, non tantum noua est scripturæ & veteri ecclesiæ incognita, quæ nunquam ita loquuta est, sed reuera nihil aliud est quam naturarum confusio. Proprietas enim (vt aduersarij definiunt) est, quod naturam à natura secernit: item proprietas naturæ seu essentialis est id, quod ipsam naturam constituit, & sine quo natura cuius est proprietas constare non potest. Quod si proprietates diuinæ naturæ omnes realiter transfunduntur in humanam naturam, quomodo discernuntur naturæ? quomodo autem salua manet differentia naturarum, si proprietates quibus inter se discernuntur, ab vna natu-

Confusio
naturarum.
Vulgatus
de commu-
nic. Idiom.

DE PRAESENT. CHRIST

esse ratione inhabitationis discrimen, quod
Deus sanctis distribuat sua dona dimensa, Chri-
sto homini sine mensura, hoc est, immenso
quod sanctis dederit singulis suam potestatem,
Christo homini autem omnem potestatem: si
inquam hoc Augustinus dicit, vicerit sane An-
dreas: sin quod manifestum est, hoc ipsum ne-
gat, nonne impostor est qui truncato Augu-
stini testimonio nobis fucū facere, & plane con-
trariam Augustino sententiam ex ipso proba-
re conatus sit?

**Vnio per
ess. donorum
non est per-
sonalis.**

Alterū etiam in hac personalis vnionis de-
finitione viri docti dudum reprehenderunt,
quod hæc vnio non sit vere personalis, hæc
nim ratione humanam naturam non personam
sed toti Trinitati vnitam esse, propterea
quod communicatio donorum commune
sit totius Trinitatis. Respondet Andreas
eandem quidem esse vt essentiam ita etiam po-
tentiam Patris & Filij, aliam tamen esse rati-
one proprietatum personarum, quia alia est ge-
nita, alia ingenita: cum homine autem non
se personaliter vnitam potentiam & sapientiam
ingenitam, quæ est Pater, sed sapientiam & po-
tentiam Filij quæ est genita, non minus
infinita quam Patris aut Spiritus sancti. Vnde
hac ratione elabi non potest, nam definiens
unionem personalem per communicationem
donorum

donorum, nullam donorum distinctionem fecit, iuxta personarum proprietates, imò nominatim mentionem fecit donorū Spiritus sancti, unde apparet eum de essentiali & non personalī vnione loqui. Deinde posuit eandem genere inhabitationem & communionem donorum in Christo & sanctis, dicens hoc vnum discrimen esse quod homini assumpto immensa dona data sint, sanctis dimensa. At de sanctis dicere non potest, illis hæc cōmunicata tantū per Filium, nisi velit statuere personalem operationem in Trinitate, & ita non tantum personas sed etiam naturas diuidere.

Tertio, transfusio illa realis proprietatum diuinæ naturæ in humanam naturā, non tantum noua est scripturæ & veteri ecclesiæ incognita, quæ nunquam ita loquuta est, sed reuera nihil aliud est quàm naturarum confusio. Proprietas enim (vt aduersarij definiunt) est, quod naturam à natura secernit: item proprietas naturæ seu essentialis est id, quod ipsam naturam constituit, & sine quo natura cuius est proprietas constare non potest. Quod si proprietates diuinæ naturæ omnes realiter transfunduntur in humanam naturā, quomodo discernuntur naturæ? quomodo autem saluus manet differentia naturarum, si proprietatesque inter se discernuntur, ab vna natu-

Confusio
naturarū.
Vulgātus
de commu-
nic. Idiom.

DE PRÆSENT. CHRISTI

Lib. 3. cap.

In symb.
expla. ad
Damas.

Apologia
ad Theses
Angolt.
pag. 3.

ra realiter transfunduntur in aliam? Damascenus, Diuinitatem igitur dicentes, non de illa nominamus ea quæ humanitatis sunt: non enim dicimus Deitatem passibilem aut creatam. Neque de carne, id est, humanitate prædicamus ea quæ Deitatis sunt propria: nam neque dicimus carnem, id est, humanitatem in creatam. At vero de hypostasi, siue ex utraque, siue ex vna naturarum eam nominamus, vni-
usque naturarum propria illi adijcimus. Sed si propria diuinæ naturæ in humanam transfunderentur, liceret etiam ea de humanitate dicere. Hieronymus quoque, Illorum inquit, similiter execramur blasphemiam, qui nouo sensu asserere conantur, à tempore susceptæ carnis, omnia quæ erant Deitatis in hominem demigrasse, & rursum quæ erant humanitatis in Deum esse transfusa, vt quod nulla vnquam hæresis dicere ausa est, videatur hac confusione vtraque exinanita substantia, Deitatis scilicet & humanitatis, & à proprio statu in aliud esse commutata. Iacobus Andreæ cum dudum illi duo hæc testimonia opposita fuissent, Damasceni dictum tanquam nihil ad se perti-
nens silentio præterit: Hieronymi sententiam se recipere inquit, se enim non asserere eo modo ea quæ Deitatis sunt ita demigrasse in hominem vt confusio substantiarum sit facta, se
enim

enim docere, permanentibus naturis & substantijs humanitatem summa maiestate ornatam esse qua ad dexteram Dei sedet. At Hieronymus non tantum naturarum confusio- nem damnat, sed ipsam transfusionem proprietatum vnius naturæ in alteram, quod scilicet hanc sequatur confusio qua naturæ abolentur. Neque hic peculiaris modi meminit Hieronymus, ut dicat ea, quæ Deitatis non ITA demigrasse, ut hac confusione vtraque substantia sit cōmutata, sed hoc ITA de sua apposuit Andreas, quasi innueret Hieronymus, posse alio modo demigrare in humanitatem omnia quæ Deitatis sunt, ut tamen nulla sequatur confusio. Cæterum Lucas Qslander distinguit inter naturalem & realem communicationem idiomatum, & acculat Vuitbergenses, qui realem & physicam Idiomatum communicationem sophisticè conjungant. Vult autem physicam cōmunionem esse quando diuina natura humanæ ita suas proprietates communicat, vel humana natura (etiam si à diuina separari posset) in se habeat huiusmodi proprietates, quasi naturales suas proprietates, amissis prioribus suis proprietatibus. Talem communicationem improbat: sed aliam ait realem communicationem esse, qua diuina natura humanitati Christi proprietates

DE PRAESENT. CHRISTI

Recog.
pag. 29.

Pag. 40.

Alia cōmu-
nicatio do-
norum alia
proprietat-
um.

suas communicat, sic ut diuinitas omnipoten-
tiam suam & omnia diuina opera operetur per
assumptam humanitatem. Sed Brentius com-
municationem talem statuit, ut Deus in ho-
minem, aut Filius Dei effuderit in filium ho-
minis omnem suam maiestatem, omnipoten-
tiam, omniscientiam, omnisapientiam, omni-
iustitiam, omnipraesentiam, & omnisfelicitatem,
humanam enim naturam huius infinitae
maiestatis Dei capacem esse, & hac capacitate
perfici & ornari. Hanc communicationem
plenitudinem Deitatis nominat, & distinguit
hanc Deitatis plenitudinem & omnipotentiam
communicatam à Deitate & omnipotentia
Filij Dei: hanc maiestatem ait humanam
naturam reipsa vere possidere, & vnà cum
verbo omnia coram gubernare, vnà cum ipso
omnipotentem esse. Cum autem talem stant
ant realem transfusionem in ipsam humani-
tatem, certe physicam statuunt communica-
tionem, neque enim est verbalis communica-
tio: neque tantum volunt ea quae naturae sunt
propria personae propria fieri, sed suam cōmu-
picationem faciunt transfusionem proprietatum
ex vna natura in alteram. In eo autem
errant quod non distinguunt communicatio-
nem donorum, à communicatione proprietatum,
Deum varia & amplissima dona largiri
homini.

hominibus manifestissimum est, humanitatem etiam Christi in se præ omnibus alijs creaturis excellentissimis donis ornatam esse non est controuersum, hæc autem dona sunt creata & finita: sed an etiam proprietates Deitatis infinitæ & æternæ, in humanam naturam sint transfusæ vt eas in se habeat, de hoc est controuersia. Quod autem aiunt posita tali communicatione non tamen ideo tolli humanæ naturæ proprietates, nec exequari naturas, immodeste sane faciunt qui contradicentia de eodem subiecto simul & semel affirmata vera esse velint: humanæ naturæ proprietas est esse finitum & circumscriptum, Diuinæ infinitum & incircumscriptum, si hoc transfunditur in humanam naturam & tamen ea suam proprietatem seruet, eadem finita & infinita erit. Si autem dicunt infinitum & incorporeum & absque principio esse non transfundi in humanam naturam, tum illam omniū proprietatū transfusio nō est sine exceptione, vt Brentius affirmat, & quidem ita constanter, vt affirmet non esse differentiam inter Christum & alios homines, nec verbum potuisse fieri carnem, nisi humana natura omnes Dei proprietates absque exceptione acceperit. Præterea cum proprietates naturam constituent, & in Deo idem sint cum essentia, potentia sapientia & reliqua

Recog.
pag. 44.

DE PRÆSENT. CHRISTI

propria, non potest in Christo statui alia proprietatum communicatio quam qualis statuitur essentiae cōmunicatio. Essentiarum autem realis transfusio, absq; earundem confusione non potest constitui. Mirum autem est istos homines in effusione donorum in humanam naturam, quærere rationem vnionis personalis, & duntaxat de eo disputare quomodo Homo sit Deus, sit omnipotens & omnipræsens factus, cum scripturæ alio ordine vtantur, & Verbum dicant carnem factum: non carnem verbum factum: Patres quoque Cyrillus, Maxentius, & alij monent scripturam tradens quod Deus homo factus sit, non quod homo Deus sit factus, quod Nestoriani docebāt. Certe si quis bene expēdat vniuersam doctrinam Brentij & suorum, vix poterit eos à crimine Nestorianæ hæreseos defendere. Cum autem explicant communionem realem, seu transfusionem proprietatum diuinæ naturæ in humanam, eam nihil aliud esse quam quod Verbum assumpta humana natura nihil operetur nisi cum illa & per illam, sicut anima omnia operatur per corpus, in eo ipsi peccant quod in nobis accusant: rem enim ambiguam pro confessa sumunt, & argumento vtuntur æque incerto atque id quod in quæstione versatur, denique hoc concesso non tamen conficiunt quod volunt.

volunt. Ac primum Verbum nihil nunc agere
sine carne assumpta libenter illis damus, ope-
ratur enim vt Deus incarnatus, neque quam
semel in suâ hypostasim assumpsit humanam
naturam, à se deponit aut separat: an autē Ver-
bum omnia suæ omnipotentix opera per suâ
humanitatem vt per instrumentū perficiat, id
non facile absq; exceptione illis quis concesserit.
Anima quidē nihil agit vllō in loco à quo
corpus eius actu absit, sunt enim ambo finitæ
naturæ, & anima quasi intra corpus concludi-
tur: at non sic diuina natura infinita, humani-
tati finitæ iuncta est, vt intra illam concluda-
tur, sed multa operatur in illis locis in quibus
humanitas eius essentialiter & reipsa non ad-
est. Neque enim Centurionis puerum per cor-
pus vt per instrumentum sanauit, neque La-
zarum per corporeos oculos absentes, vt per
instrumentum morientem aspexit: etsi enim
vtrunque non sine corpore factum est, non ta-
men per hoc vt per instrumentum factum est.
Multò minus dicendum est Christum à mor-
tuis suscitasse corpus suum, & sustulisse supra
omnes cœlos, per humanitatem suam tanquā
per instrumentum. Deinde quod sumunt ani-
mam per corpus vt per instrumentum omnia
sua opera exercere, controuersum est: nam nō
ignobiles Peripatetici docent animā per men-

DE PRAESENT. CHRISTI

tem intelligere vt corpore pro instrumento non vtatur: & tamen homo intelligere dicitur. Simili modo etiam si Verbum operetur quædam non per assumptam humanitatem, nihilominus dicitur Christus hæc operari, Verbum enim nihil agit absque humanitate postquam eam semel in vnitatem personæ assumpsit, etsi non omnia per illud vt per instrumentum faciat. At concessum verbum per corpus vt per instrumentum omnia agere, tamen non erit hæc propria & specifica differentia vnionis personalis, neque enim per aliquem facere aliquid efficit vnā personā, nā Pater dicitur omnia fecisse per Filium, neq; instrumentum esse, alius cuius efficit vnā esse personam.

*An ex vnione personali statuatur omni-
præsentia corporis Christi, et hac negata na-
tura separentur, & vnio vera tollatur.*

Quæstio de vnione personali ab aduersarijs ideo mota est, vt statuatur omni præsentiam corporis Christi, & ex illa probent realem & substantialem præsentiam corporis & sanguinis Domini in pane cœnæ Dominicæ, vt autem hanc suam sententiam confirment ita argumentantur. Verbum caro factum est, hoc est Deus & homo in Christo ita sunt coniun-

**Aduersa-
riorum ar-
gumentum.**

Et vt

stat cōstituant vnam personam, nec possunt
 à se inuicem ne morte quidem separari. Vbi-
 cunque igitur est diuinitas Christi, ibi huma-
 nitas Christi sit necesse est. Diuinitas autem
 Christi est in pane cœnæ dominicæ quia re-
 plet omnia ineffabili modo. Ergo necessarium
 est vt & humanitas Christi, hoc est corpus &
 sanguis Christi, sint in pane cœnæ dominicæ
 præsentia. Si enim (aiunt) ratio vnitatis perso-
 næ in Christo non eo se extendit, vt diuinitas
 Christi vbique habeat humanitatem quam as-
 sumpsit sibi coniunctam, & indissolubili nexu
 copulatam, sed humanitas eius in vno tantum
 certo loco est, siue in terra siue in cœlo, sola au-
 tem diuinitas cœlum & terram implet, quid
 aliud sequeretur, quàm quòd Christus in vno
 tantum loco Deus esset & hōmo, in omnibus
 autem alijs solummodo Deus? An non hoc est
 clare, aperte & manifeste facere duas personas?
 Ad hoc argumentum cum copiose à nostris re-
 sponsum sit, illud tamen ante omnia repeten-
 dum est, etsi dicamus corpus Christi propter
 verū corporis rationem circumscriptum & in
 vno tantum loco simul & semel esse, non ta-
 men nos negare diuinitatem Christi vbique
 habere humanitatem quam assumpsit SIBI
 coniunctam & indissolubili nexu copulatam.
 Totus Christus vbique est, Deus & homo

Recog.
 Pag. 17.

Diuinitas
 ubique ha-
 bet ubi cō-
 iunctam hu-
 manitatem.

DE PRAESENT. CHRISTI

est, ideoque nusquam est sine humanitate, nō
tamen totum Christi est essentialiter vbique.
Diuinitas enim Verbi quę vbique pręsens est,
non localiter alicubi est, aut circumscriptiue,
aut definitiue, sed vbique tota est essentialiter,
cum autem adest non adest vt Verbum abs-
que carne sed Verbum incarnatum, & illa ea-
dem diuinitas quę pręsens est in terris, huma-
nitatem suam quę in cœlis est, sic sustentat,
vt eam non deserat nec ea aliter quam in diui-
nitate sibi vnita subsistat, attamen nō ideo hu-
manitas in terris pręsens est: itaque hoc non
est probandum aduersarijs diuinitatem Verbi
habere vbique **S I B I** coniunctam humanita-
tem, neque enim hoc negamus, sed negamus
propterea sequi: Cui rei diuinitas essentialiter
pręsens est, vt illi rei essentialiter pręsens etiā
sit humanitas diuinitati coniuncta, vt scilicet
diuinitas eam sistat pręsentem in omnibus lo-
cis ad quę ipsa quasi diffunditur. Nam alius
modus est pręsentię diuinitatis quę infinita
est, aliud modus pręsentię humani corporis
quod finitum & circumscriptum, localiter &
circumscriptiue pręsens est, vbi sua substantia
pręsens est. Exempli causa humana anima to-
ta est in capite & in eodem pręcipue vires suas
ēxerit, & tamen eadem anima quę tota est in
capite, tota etiam est in pedibus, neque pro-
pteret

Humanitas
non ideo
pręsens ubi
quę quia di-
uinitati ubi
quę coniun-
cta.

pterea caput est in pedibus, aut anima à capite ideo separatur, quia non simul existit in pedibus. Neque sequitur, anima mea vbicunque fuerit habet sibi vnitum caput meum in eadem hypostasi, ergo vbicunque est anima putain manu vel pede, ibi est caput. Fateor hoc exemplum non per omnia congruere, quoniam non caput solum cum anima facit vnam personam, sed totum corpus, sed nihilominus hoc exemplo satis ostenditur vnionem inseparabilem permanere, etiamsi rebus vnitis non tribuatur coexistentia. Neq; debet hoc exemplum inconueniens videri, vbi de capite agitur parte tantum totius corporis hypostatice vniti cum anima, quando hic quoque potissimum quæritur de corpore quod est pars humanæ naturæ cum verbo personaliter vnita.

Ratio autem cur humana natura non sit vbique præsens vti diuina, hæc est, quod diuina natura infinita est & incorporea, humana autem corporea, finita & certo loco circumscripta: diuina autem natura assumpsit humanam naturam saluis ipsius proprietatibus, aliàs enim confunderentur naturæ, & vna mixta fieret. Atq; proprietates humanæ naturæ saluas mansisse in vnione personali, Brentius quoque fatetur, sed tamen distinguit proprietates, quod aliquæ sint substantiales, aliquæ accidentariæ

DE PRÆSENT. CHRISTI

Esse incerto ubi est corporis substantias suis proprietatibus.

& separabiles, & terrenæ infirmitatis: substantiales autem mansisse saluas, ceteras non item: & inter accidentarias proprietates hanc unam esse ut Corpus sit in loco, itaque non repugnare proprietatibus substantialibus & ipsi essentie humanæ naturæ, ut corpus Christi divinæ potentia sit ubique. Verum longe aliter se res habet, nam circumscriptio adeo propria est naturæ creatæ, ut etiam beati angeli qui propriè non sunt in loco, quod cum sint incorporei non habent corpus ambiens, tamen quia habent substantiam limitatam quoad ordinem universi etiam in loco aut certo Vbi sunt. Vbi quæ verò præsentem esse ita proprium est divinæ naturæ ut hoc argumento firmissimo divinitatem Filij & Spiritus sancti veteres demonstrant, quod certe horum sententia prorsus conellitur qui ubiquitarè humanæ naturæ tribuant. Sunt autem proprietates essentielles consentiente Brentio quas definitione comprehendimus, sed ad humani corporis definitionem pertinet ut sit organicum, ut singulæ partes propriam habeant conformationem seu figuram, dimensionem & magnitudinem, ordinem item inter se ac situm: ut autem singula organa vel partes corporis suam proportionem, quantitatem, ordinem & situm habent: ita totum quoque corpus certam dimensionem situm, id est

quæ

que certum locum seu vbi habere oportet. Quin imo Brentiani ipsi hic aliquantulum à Brentio suo recesserunt, & falsi sunt proprietatem esse corporis certum Vbi, scribentes triplicem esse corporis Christi considerationem: physicam qua corpus Christi natura finitum simul & eodem tempore vnum tantum locum occupauit: secundam esse considerationem corporis Christi in gloria, hac ratione pro natura & proprietate gloriosorum corporum, corpus Christi proprietate substantiæ finiri vt non sit vbiq; sed alicubi vbicunq; sit: tertiam esse rationem humanitatis Christi ad dexteram virtutis & maiestatis Dei collocatæ, iuxta hanc rationem, Christum etiam secundum humanitatem vbiq; præsentem esse. Sed si hæc est naturalis & gloriosi corporis proprietas, vt non sit vbiq; tale autem corpus à Christo assumptum est, aut hæc proprietas sublata est vnione personali, & falsum est proprietates saluas non habuisse, falsum etiam corpus Christi in gloria substantiæ proprietate finiri & non esse vbiq;: aut non est sublata hæc proprietas naturalis & gloriosi corporis, & tamen sessione ad dexteram seu maiestatis modo humanitas Christi vbiq; præsens est: atque tum hoc modo vel naturale & substantiale corpus Christi saluis suis proprietatibus naturaliter & substantialis

DE PRÆSENT. CHRISTI

ter præsens est, & contradictoria de eodẽ corpore affirmantur, illud simul & semel eodem tempore, & vno tantum in loco & vbique naturaliter & essentialiter præsens esse: aut non affirmatur essentialis & substantialis omnipræsentia, qua substantia & essentia sua præsens sit corpus Christi, sed alia quædam, forte ^{in vno loco} præsentia ab his intelligitur, & frustra de hac præsentia contenditur ad stabiliendâ præsentiam corporis Christi in pane cœnæ Domini, hanc enim præsentiam hætenus corporalem, naturalẽ, essentialẽ, substantialem esse docuerunt. Neque refert, quòd modos præsentis distinguunt: hoc in quæstione veriatur, an corpus Christi essentia & substantia sua, actu & re ipsa in vno aliquo loco sit (quod aduersarij de corpore Christi naturali & glorioso nunc fatentur) & idem eodem tempore essentia & substantia sua, actu re ipsa vbique sit, hoc autem affirmare est planè contradictoria statuere, siue dicas sessione ad dexteram, seu quocumque alio modo id fieri. Magis ergo consentaneum suæ opinioni Brenzius scripsit, qui in loco esse, negat esse proprietatem essentialẽ corporis, sed accidentariam & sublatam à corpore Christi, quàm hi qui hanc proprietatem reinent, & tamen nihilominus Omnipræsentiam corpori Christi tribuunt.

Vni

Vni
sistent
cunqu
stentia
sunt, &
foram
anima
quæ ta
cunqu
tur) n
differen
stunt &
etiam v
munic
re prop
la autem
turam
te hypo
stentia
per in V
requiri
vbique
manet
in celo
bi con
vltim
tas etia
non ali

Vnio etiam personæ non posita est in coe-
 xistentia vnitarum naturarum, vt vna sit vbi-
 cunque est altera, quatuor enim hæc coexi-
 stentia in finitis naturis, quæ eiusdē sunt men-
 suræ, locum habeat, vt in anima & corpore, si
 totam hypostasim spectamus (quamuis etiam
 anima inseparabiliter tota sit in parte aliqua,
 quæ tamen, vt diximus, non vbiq; est, vbi-
 cunque anima est, nec ideo ab anima separa-
 tur) non tamen est propria ratio & specifica
 differentia vnionis, alioqui quæ simul exi-
 stunt & operantur, vna persona essent. Neque
 etiam vnio posita est in transfusione aut com-
 municatione donorum in naturis, cum natu-
 re proprietates personæ communicentur, il-
 la autem transfusio in alteram, sit confusio na-
 turarum. At verò vnio posita est in identita-
 te hypostaseos, vt humana natura suam exi-
 stentiam habeat, habuerit habituraque sit sem-
 per in Verbo, vt diximus, ad hoc autem non
 requiritur vt humanitas vna cum diuinitate
 vbiq; substantialiter adsit, nam nihilominus
 manet vnum *ὑποστατικόν*, humanitas enim licet
 in celo sit, diuinitatem tamen in persona Ver-
 bi coniunctam habet, & in illa subsistit, neque
 vllam extra *ἑωυτοῦ* personalitatem habet: diuini-
 tas etiā siue *ἁγία* licet vbiq; sit, eadē tamē est &
 non alia quàm quæ humanitatē in sua persona

Valo hypo-
 stasim in
 quo con-
 sistit.

DE PRÆSENT. CHRISTI

**Corpus
Christi non
fuit ubiq.**

sustentat, & non minus integra est in minimâ
vniuersi parte, quàm in vniuerso toto: nec ali-
ter hic aliter ibi, sed simul & semel intra, extra
& supra singula & vniuersa, non diffusionem lo-
cali nec mole se extendens, sed præsencia sub-
stantiæ omnia continens & gubernans. Quare
vbique sit, quia humanitatem in hyposta-
sim suâ assumpsit, sine ea esse non potest. Quia
uis non sicut illa substantialiter vbique est, ita
quoque humanitatem præsentem esse neces-
se sit, cum id naturæ veri corporis & testimo-
nijs sacræ Scripturæ repugnet. Primum enim
ante resurrectionem Christi à mortuis, corpus
eius non fuisse vbique præsens, sed certo in lo-
co manifestum est ex Scripturis, quæ corpus
Christi visibile & palpabile, organicum suam
formam, figuram & circumscriptionem ha-
buisse ostendunt, & eidem motum de loco in
locum, & certum locum tribuunt, & Chri-
stum ita in loco vno fuisse tradunt vt alibi non
esset: veluti cum Lazaro mortuo se inquit gau-
dere propter discipulos quòd illic non fuerit.
Et mulieribus Christum in sepulchro queren-
tibus, Angelus respondit, eum surrexisse &
non hic esse. Neque nos mouet quod Brentia-
ni hæc quæ de Christo dicuntur per dispensa-
tionem exponunt: aut enim quod exinanitio-
ni & dispensationi tribuunt vere & reipsa ita
fuit

fuit & factum est vt Christus vere & reipsa corpore suo esset in certo aliquo & definito loco, & eodem substantialiter & reipsa alibi tum non esset, aut tantum visus est vno in loco esse, reuera autem ibi non fuit: hoc posterius si dicant, Martionitæ sunt: sin alterum concedunt, ruit eorum argumentum: quod enim actu & reipsa est ac sit vna cum personali vnione duarum naturarum, hoc vnionem non soluit: at humanitas Christi actu & reipsa essentia sua fuit vno in loco, vt eodem alibi reipsa substantia & essentia sua non esset, diuinitate interim cælum terramque implente: Quare non soluitur vnio quando humana natura nunc quoque vno in loco est, diuinitas ubique. Nam hoc ipsum scriptura quoque de corpore Christi in gloria testatur: Christus mox a resurrectione corpus suum visibile & palpabile discipulis ostendit, ascensio eius in cælos fuit corporalis & visibilis, denique Petrus ait, Christum oportere cælo capi *ὁ παρὰ τοῦ δεξιᾶς αὐτοῦ* usque ad tempora restitutionis omnium: quamuis enim Selneccerus cum suis multum se torquet in huius loci interpretatione, tamen hic est manifestus verborum sensus, Christum in cælis esse aut contineri (scilicet corpore suo) usque ad tempus illud quo venturus est ad iudicandum orbem terrarum, & sic hunc locum.

DE PRAESENT. CHRISTI

tota antiquitas intellexit & interpretata est.

Porro qui affirmant humanitatem Christi ubiq; esse ubi diuinitas eius praesens est, ut si quod corpus hominis ubiq; praesens est ubi anima est, ita etiam humanitas praesens sit ubi ^{est}, & ni hoc statuatur, naturas loco separari aiunt, quod vno in loco sit Christus Deus & homo, in altero Deus tantum, hi quod alij obijciunt, nimis crassas de diuinitate imaginationes animo concipiunt, ac videntur existimare Diuinitatem in humanitate inclusam quodammodo esse, & definitam terminis humanae naturae, sicuti anima in corpore est, non quidem loco, sed proprietate substantiae illic circumscripta aut definita. Nam si sequitur humanitatem ubique esse ubi diuinitas est, eandem omnino mensuram vtriusque statuere oportet, & vel diuinitatem humanitate circumscribere & definire, aut humanitatem cum diuinitate quasi coextendere & infinitam facere. Quam autem diuersa haec ratio sit Diuinitatis & humanitatis adsumptae, ab anima humana cum corpore vnita, Athanasius in lib. de humanitate Verbi eiusque corporali aduentu ostendit, cuius verba non pigebit adscribere. Non enim (inquit) in corpore circumclusus erat: neque quum in corpore aderat alibi deerat: neque quum illud mouebat, alia eius vi actu & providentia destituta

fuere:

here: sed quod summa admirationis est, ea o-
 mnia ipse, ut ratio, à nemine cōtentus contine-
 bat. Et sicuti præsens in omni rerū natura, ex-
 tra tamen omnia subsistit, quantum attinet ad
 ipsius substantiam, ita quoque intra omnia habet
 eam, quantum spectat ad ipsius potentiā omnia
 gubernans, & ad omnia in omnibus suam pro-
 videntiam pandens: singulaque separatim, cun-
 ctæque in vniuersum simul viuificans: circum-
 plectens omnia, à nullo circumplexus, sed per
 omnia, quum sese extrēdat, in solo Patre totus
 & integer permanet. Ita quoque cum esset in
 humano corpore, atque illud ipse viuificaret,
 eodem quoque momento viuificabat vniuer-
 sa, & in omnibus aderat, & extra vniuersa sub-
 sistebat, & quum per corpus operaque sua inno-
 tesceret, ne tum quidem (quantum ad energiā
 actumque rerum naturæ omnium pertinet) ob-
 scuriter latebat. Mentis haud dubie officium
 est, cogitationibus, quæ foris extraque suum cor-
 pus consistunt, contemplari, actum tamē vim
 quæ suam extra corpus non porrigere, nec quæ
 longinqua sunt, ea sua præsentia mouere: Nū-
 quam enim homo longinqua cogitans, ea
 quæ cogitat statim mouet aut transfert. Ne-
 que præterea (si quis domi desidens de cœlo
 cogitationes ineat) ideo continuo & solum
 mouerit & cœlum circumuerterit, sed ut ea

DE PRAESENT. CHRISTI

2, contuetur in motu & rerum natura existeret,
 3, ita vim suam explicare in ea non potest. Cate
 4, rum nequaquam eodem modo Dei Verbum
 5, in corpore humano versabatur, vt quod ibi nō
 6, colligatum esset, sed potius corpus in se conti
 7, neret, adeo vt & ibi esset, & in omnibus existe
 8, ret, & extra rerum essentias versaretur, & in so
 9, lo Patre requiesceret. Hæc Athanasius cuius
 verba ideo apposui vt appareat illos abuti simi
 litudine humanæ animæ & corporis, qui inde
 Vbiquitatem humanæ naturæ in Christo pro
 bare volunt, atque vt refutarem illos qui ex
 Athanasio vbiquitatem corporis Christi pro
 bare conantur, quia Oratione contra Arianos
 scribit, Iam vero quum eius sit corpus, neque
 Verbum sit extra corpus, merito exaltato cor
 pore, ipse vt homo exaltatus esse memoratur,
 Neque enim his verbis vel verbum corpore
 circumscribit, vel corpori vbiquitatē tribuit,
 sed corpus non separatum fuisse à Verbo ait:
 erat proprium Verbi corpus quod exaltatum
 est. Sed non eum tribuere coexistentiam ta
 lem Verbo & corpori, vt vbi sit Verbum ibi sit
 corpus, satis eius verba commemorata redar
 guunt. Apparet autem ex Vigilio tales olim
 Eutychianorum cogitationes fuisse, vt existi
 marint vel mensura humanæ naturæ circum
 scribendā diuinam naturā, vel humanitatem
cum

eum illa per omnia diffundendam. Differit autem hic auctor valde perspicue de tota hac controuersia, sed ex illo pauciora testimonia adfero, quod velim hunc integrum vna cū Theodoro diligenter ad totius controuersiae explicationem cognosci.

De sessione ad dexteram Dei Patris.

Inter alia argumenta quibus Vbiquistæ videntur, hoc inter præcipua vnum est: *Dextera Dei est vbique*: Christus secundum humanitatem suam sedet ad dexteram Dei: Ergo Christus secundum humanitatem suam est vbique. Item, *Dextera Dei non est locus*, ergo Christus qui humanitate sua ad dexteram Dei sedet, non est in loco. Si Christus per sessionem ad dexteram Dei, humanitate sua non est vbique, sed in cœlo tantum, tum sequitur eum non ad totam dexteram Dei, sed ad partem eius sedere. Statueram hoc argumentum sæpe à nostris confutatum præterire, sed quia ascensionem in cœlos, & sessionem ad dexteram Dei cum vnione personali confundunt, de ea quoque aliquid dicendum existimaui. Quoniam vero hæc in symbolo fidei nostræ distincte proponuntur, Qui conceptus est ex Spiritu sancto, natus ex Maria virgine. Ascendit in cœlos. Sedet ad dexteram Dei patris omnipoten

Arg. 2. sessione ad dexteram Dei.

Adversarij articulos dei distinctos confundunt.

DE PRÆSENT. CHRISTI

Mat. 23.
1. Pet. 3.
Ephes. 1.

Marc. 16.

Luc. 24.

1. Jo. 2. 13.
cap. 2.

Thomas 3.
parte. 4.
§ 5. art. 3.

tis, seruemus nos hanc distinctionem neque hæc confundamus. Nam & id ipsum scriptura testatur, Christum excitatum à mortuis, & dexteram Dei euectum ascendisse in cælum, & sedere ad dexteram Patris. Ita etiam sacra historia tradit, Christum assumptum in cælum, con-
sedisse à dexteris Dei. Christus ipse à resurrectione dicebat discipulis, Nonne hæc oportuit pati Christum, & intrare in gloriam suam? Similiter in epistola ad Hebræos traditur Christum victimam se obtulisse pro peccatis, & crucem pertulisse, & in perpetuum ad dexteram throni Dei consedis-
se. Sed Ubiquitarij, qui sessionem ad dexteram nihil aliud esse definiunt, quam Christum cum Deo Patre suo æquali esse maiestate & omnipotentia, aiunt hoc factum esse, quando assumpsit humanitatem in Deum, atque ita ab ipsa incarnatione Christum collocatum ad dexteram Dei, sed post resurrectionem manifestatam & declaratam esse sessionem, quam semper habuerit. Non quæro iam de sessione ad dexteram quomodo hæc Christo secundum humanam naturam tribuatur, hoc primum arguo, quod confunduntur distincti articuli fidei, deinde quod sessio contra scripturam tribuitur humanitati Christi ab ipsa incarnatione. Scholastici quidem docent dexteram Dei trifariam accipi, & aliquan-

aliquando significare gloriam & honorē Deitatis, sedere autem ad dexteram, significare quandam convenientiā, quod hic habeat gloriam Deitatis cum quadam tamen distinctione, atque sic Christum secundum diuinam naturam sedere ad dexteram Patris, quod eandem cum Patre naturam & Deitatem habeat, atque ita sit Patri æqualis, quamuis sit alia persona: alio autem modo secundum gratiā vniōnis hominem Christum sedere ad dexterā Patris, secundum quod homo est Filius Dei: nō quod hæc humanæ naturæ conueniant, vt hæc in se habeat, sed quod hoc secundum vnitatem personæ aut suppositi illi tribuatur, quod eodem honore veneramur filium Dei cum natura assumpta. Itaque si naturas in Christo spectamus, secundum diuinam naturam, sessio ad dexteram significat æqualitatem Patris: secundum humanam naturam, beatitudinem maiorem cæteris creaturis & iudiciariam potestatem significat: at ratione personæ, Christum secundum quod homo est, quoque priori modo ad dexteram Patris sedere. Atque si ita de sessione loquerentur Brentiani ferri possent, nunc quæ personæ sunt naturæ tribuunt, & omnes gloriam & æqualitatem Deitatis, sessione hæc humanæ carni per transfusionem quandam communicatam volunt. Scripturæ ita dicunt

DE PRAESENT. CHRISTI

Christum sedere ad dexteram Dei , vt sancti quoq; cum illo consideant ad dexteram Dei. Consedere nos fecit cum ipso in coelestibus. Item, Vincenti & seruanti opera mea vsque in finem, dabo potestatem super gentes, & reget eas in virga ferrea , sicut & ego accepi à Patre meo. Apoc. 2. Rursus ibidem cap. 3. Qui vicerit dabo ei sedere mecum in sede mea, sicut & ego vici , & sedi cum Patre meo in sede ipsius. Hæc autem non possunt intelligi de æqualitate maiestatis, quam humanæ naturæ tribuunt aduersarij ratione vnionis, nam vt vnio ita hæc, quæ vnione accepit, genere toto differunt à præsentia & operatione Deitatis in sanctis,

Porro argumentum hoc , Dexteram Dei esse vbique : Humanitatem esse ad dexteram Dei: ergo humanitatem esse vbique: est vitiosum & sophisticum: nam vt firma esset conclusio oporteret sumere , Humanitatem esse dexteram : Filio autem Dei secundum diuinam naturam non tantum tribuitur , quòd sedeat ad dexteram Dei , sed etiam quòd sit dextera Patris , hoc vero de humana natura dici non potest. Quod si dicunt dexteram Dei significare maiestatem , imperium , gubernationem omnium rerum , cum autem Christus sedeat ad dexteram, hoc est, cum Deo Patre regnet, oportere humanam naturam , quæ ad dexte-

ram

ram Patris sedet, vbique præsens esse, quoniam Deus omnia vbique præsens regat: hæc erit eorum hypothesis. Id quod est ad dexteram Dei, quia dextera infinita & vbique præsens est, id ipsum quoque vbique præsens esse. Sed his nostri recte responderunt verbis D. . .


Id quod ad dexteram non est ubi que ut dextera.

Augustini. Non est autem cōsequens, vt quod in Deo est, ita sit vbique vt Deus. Nam & de nobis verissima scriptura dicit, quod in illo viuimus, mouemur & sumus, nec tamen sicut ille vbique sumus, sed aliter homo ille in Deo, quoniam aliter & Deus ille in homine proprio quodam & singulari modo. Vna enim persona Deus & homo est, & vtrunque est vnus Christus Iesus, vbique per id quod Deus est, in cælo autem per id quod homo. Conantur aduersarij hanc sententiam eludere, quod Augustinus tantum comparate neget omnipræsentiā carnis Christi, quod non vt diuinitas, hoc est, eo modo, quo diuinitas, sed alio modo omnipræsens sit: sed hoc est merum sophisma: nam mox hæc inter se opponit, quod vt Deus vbique sit, & quod per id quod homo, hoc est, secundum humanam naturam in cælo sit. Supra etiam: Secundum hominem (inquit) in terra erat, non in cælo vbi nunc est: item Christum ait iuxta humanam humilitatem per carnem fuisse in sepulchro, per animam in inferis.

DE PRÆSENT. CHRISTI

no, iuxta diuinam immutabilitatem, quia scit
per vbiq̃ue est nunquam de paradiso recessis-
se, ac subiicit, Noli itaque dubitare ibi nunc
esse hominem Iesum Christū, vnde venturus
est, memoriterq; recole & fideliter tene Chri-
stianam confessionem, quoniam resurrexit à
mortuis, ascendit in cœlum, sedet ad dexteram
Patris, nec aliunde quàm inde venturus est ad
vivos mortuosq̃ue iudicandos. Et sic ventu-
rus est illa angelica voce testante, quemadmo-
dum ire visus est in cœlum, id est, in eadē car-
nis forma atq; substantia, cui profecto immor-
talitatem dedit, naturam non abstulit. Secun-
dum hanc formam non est putandus vbiq̃ue
diffusus. Cauendum est enim, ne ita diuinita-
tem adstruamus hominis, vt veritatem corpō-
ris auferamus. His subiicit ea verba quæ nos
ante adduximus: quæ si bene expendantur fa-
cile apparebit Vbiquitatem corporis Christi
nequaquam ab Augustino asserti. Neque licet
hic vtī vſitato sophismate quod Augustinus
loquatur de humana natura in se considerata,
non autem de modo maiestatis. Nam iubet ita
diuinitatem hominis adstruere, ne tollatur ve-
ritas humanæ naturæ: siue autem diuinitatem
hominis intelligamus, maiestatem diuinam
homini communicatam, qualem Aduersarij
singunt: siue diuinitatem verā, qua homo hic
est Deus

est Deus, vna existente persona Verbi & hominis, tamen monet vt hominis diuinitate, nec per vnionem seu assumptionem, nec per communicationem maiestatis, humanę naturę veritatem negemus, illam scilicet veritatem circumscriptę formę & substantię quam supra docuit.

Præterea si in ipsa incarnatione Christi caro collocata est ad dexteram Dei, aut si post resurrectionem carnem suam Christus euexit ad dexteram Patris, talem vtique carnem euexit qualem assumpsit, & qualem à resurrectione habuit, hoc est, finitam & humanę naturę proprietates seruantem, neque veritatem naturę humanę & proprietatum eius, sessio ad dexteram aboleuit, nam vt Augustinus ait, Christus immortalitatem carni suę dedit, naturam non abstulit: & Eutychianum est affirmare naturam sublatam, aut quod idem est proprietates naturę sublatas, nam recte VI. Synodus affirmat naturarū proprietates tollentes, ipsas naturas tollere. Itaque sicut  assumpsit humanam naturam, seruata tamen proprietate humanę naturę, sic eandem in sua hypostasi vt assumpsit, ita quoque ad dexteram Patris collocauit, seruata veritate naturę, quamuis eam supra omnes alias creaturas cœlestibus donis ornatis. Atque ita docuit vetus ecclesia,

DE PRAESENT. CHRISTI

humanitatem Christi in forma serui & nostrae naturae proprietate sedere ad dexteram Dei, & inter corporalis absentiae, & veri corporis argumenta ab illis ponitur sessio ad dexteram: atque huic praesentiam Maiestatis opponunt id quod vno atque altero testimonio ostendit, se saterit. Theodoretus Dialogo 2. Corpus Domini quod resurrexit, à corruptione quidem & interitu alienum & impassibile, & immortale & diuina gloria glorificatum, & sessione ad dexteram Patris dignatum est, & à cœlestibus adoratur potestatibus, corpus tantum est, & habet quam prius habuit, formam figuram, & circumscriptionem. Augustinus etiam in his quae supra adduximus dicit, Christum secundum formam & substantiam carnis, qua in cœlos ascendit & sedet ad dexteram Dei, & inde venturus est ad iudicandum, non esse ubique diffusum. Et alibi ait, Secundum carnem quam Verbum assumpsit, & corporis praesentiam, ascendit in cœlum, & non est hic (ibi enim sedet ad dexteram Patris) & hic est: non enim recessit praesentia maiestatis. Forma serui leuata est in cœlum: in ipsa sedet ad dexteram Dei Patris, in ipsa venturus est ad iudicium. Fuit autem, ut ibi apparet, Arianorum sententia, Formam serui resurrectione consumptam, quod Augustinus negat, & eam manere

Contra
serm. Ar.
ria. cap. 34.

In Ioan.
lib. 11. ca. 3.
contra Ma
xim. 3.
cap. 16.

manere docet, sed in melius commutatam, & propter serui formam dicere Christum, Ascendo ad Deum meum; & propter eandem formam, post iudicium subiectum fore ei qui subiecit illi omnia. Forma serui liberata est infirmitate, non tamen exæquata formæ Dei. Cyrillus. Nam etsi abest corpore Patri pro nobis apparens; ac à dexteris eius sedens, habitat tamen in sanctis per Spiritum. Præterea grauissimam consolationem inde petunt piæ mentes, quod caro nostra in Christo sedet ad dexteram Dei, unde Tertullianus inquit, eum à nobis arrhabonem carnis accepisse & in cælos euexisse, pignus totius summæ illuc quandoque redigendæ. Et Augustinus: Quod ex nobis suscepit in cælum leuauit, & ad dexteram Patris collocauit, & fidei nostræ certum pignus dedit, quod membra sunt ipsum secutura. De tanto igitur capite fideliter sperent, ad ipsum se posse peruenire, quem iam credunt ad dexteram Patris sedere. Regnat homo susceptus à Christo, ad dexteram Patris sedens, & ut sui regnum ab eo accipiant, vocat, inuitat & hortatur. At si humana natura in Christo sedens ad dexteram Patris, humanæ naturæ proprietates exiit, & toto genere dissimilis est nostræ (talem autem aduersarij statuunt, utinque id verbis negent) quæ nostra est cõ-

Tollunt cõ
solationes
quam hic
habemus.

Desymbo
lo qd Cai
tech.

DE PRAESENT. CHRISTI

munio cum carne Christi ? Concidit hac ratione spes nostra.

De fide ad
Petrum.

Præterea præsentia corporis & sanguinis Christi in cœna Domini, non statuitur sessio-
ne ad dexteram Dei, tale enim corpus nobis
in cœna ad manducandū datur, quale pro no-
bis est in mortem traditum. Nam vt Augusti-
nus inquit, Sacramentum est illius corporis
quod visibile, palpabile & mortale in cruce po-
situm immolatumq; fuit. Et Christus ipse lo-
quitur de corpore suo pro nobis tradito, & san-
guine suo pro nobis effuso. Alius autē est mo-
dus corporis traditi pro nobis, alius modus
maiestatis, quem Brentiani statuunt ex sessio-
ne ad dexteram Dei.

Futile etiam est argumētum, Dextera Dei
non est locus, Christus humana natura seu in
carne sua sedet ad dexteram Dei, ergo huma-
na natura Christi non est in loco. Si conclu-
dant sessionem Christi nō esse localem firmā,
aut sessionem, non contenderemus cum illis:
sed non ideo quia dextera Dei non est locus,
corpori Christi circumscriptio & certum vbi
seu locus debet adimi. Nam alioqui ita quoq;
argumentari liceret: Dextera Dei est infinita,
Corpus Christi sedet ad dexteram Dei. Ergo
est infinitum. Item, Dextera Dei non est cor-
pus. Caro Christi sedet ad dexterā Dei. Ergo
caro

caro
non
pus
quas
bunt
de co
tes, n
nes n
simpl
& pal
xifle
huma
singel
ma C
Chri
biq; h
tem d
nitur
tiam
dexte
defini
tio, cu
tia. Q
dexte
lo est
quid p
celo
ad tot

ero Christi nō est corpus. Item, Dexterā Dei non est visibilis aut palpabilis, ergo Christi corpus non est visibile aut palpabile. Ac forte aliquas harum consecutionum nonnulli probabunt, & nos ridebunt qui tam crasse sentiamus de corpore Christi, sed nos scripturis inherentes, maiestrosa eorum figmenta & dispensationes non curamus, cum sciamus veteres quoque simpliciter scripturas, quæ visibilem formam, & palpabile corpus Christo tribuunt, intellexisse: unde Gelasius contra Eutychianos qui humanitatis in Deū transfusionem quandam fingeant, sic scribit. Nam si & substantia & forma Christi, &c. Neque firmitus est alterum. Si Christus sessione ad dexteram Dei non sit ubique humanitate sua, tum eum sedere ad partem dexteræ. Dexterā enim Dei loco non definitur, & tota est in minima quaque re, & tota etiam est in toto vniuerso, tota est ubique. Nam dexteram Dei maiestate & potentia aduersarij definiunt, huius autem eadem cum essentia ratio, cum non aliud sit in Deo potentia & essentia. Quod si Christus sedet in cælo ad partem dexteræ Dei, pars duntaxat dexteræ Dei in cælo est: si autem tota dexterā Dei in cælo est, quid prohibet, quo minus corpus Christi in cælo maneat & non ubique sit: atque nihilominus ad totam dexteram Dei sedeat?

DE PRAESENT. CHRISTI

An Christi corpus propter conceptionem ex Spiritu sancto habeat præter naturales proprietates, ita ut ubiq; præsens esse possit.

Sicut ex vnione personali ita ex conceptione è Spiritu sancto quidam omnipræsentiam corpori Christi tribuunt, atque aiunt Corpus hoc quia conceptum sit ex Spiritu sancto multas præternaturales proprietates habere, ac dissimile esse nostris corporibus, itaq; non constare hanc rationem: Nostra corpora non possunt ubique esse, ergo corpus Christi non potest ubique esse: hoc enim corpus inquit ex Virgine natum est, non de viri semine, clausus ingreditur ostijs & per lapidem sepulchri; carnalibus legibus non est subditum, & omnia humana transcendit: formatio huius corporis in utero virginis ex Spiritu sancto, conuenit vnitioni diuinæ & humanæ naturæ, ac attulit præternaturalia idiomata, ita ut Christus secundum utrâq; naturam ubique sit præsens. Est autem hoc non notum argumentum, sed eo Eutychiani quoque veritatem humanæ naturæ abnegantes vsi sunt, & longe ante hos simili argumento, Origenes resurrectionem carnis negauit, ut refert Hieronymus ad Pamphilium, imò hoc argumento vsi sunt omnes quot humanæ naturæ veritatem in Christo

Vetres hæc
reici eodẽ
argumento
vsi sunt.

Seruati

Seruatore nostro abnegarunt. Etsi vero ab his
 plurimum sibi differre videntur nostræ æta-
 tis Vbiquitarij, tamen eadem ferè ex eorum
 dogmatibus sequuntur, vt non mirum sit eos-
 dem paribus argumentis vti. Fatentur se in
 Christo agnoscere humanam naturam, item
 proprietates substantiales, attamen neque quæ
 illæ sunt explicant, & illas proprietates, quæ
 veri & organici corporis propriæ sunt, separa-
 biles & accidentarias esse volunt, quas Chri-
 stus exuerit: & contra diuinæ naturæ idioma-
 ta, ac proprietates quasdā supernaturales cor-
 pori Christi tribuunt, quæ tam sunt alienæ à
 humana natura, vt nunquam humana natura
 hæc habere possit, saluis suis essentialibus &
 naturalibus proprietatibus, nisi contradicto-
 ria simul vera esse possint: quod quidam eo-
 rum contra omnem rationem & contra scri-
 pturas affirmare audent, solo argumenti om-
 nipotentia id euincere volentes. Longe au-
 tem aliter ex scripturis docuit vetus ecclesia,
 cum de alijs dogmatibus, tum de hac ipsa Con-
 ceptione ex Spiritu sancto: Sed quid ad hos
 vetus ecclesia, quos non pudet loca scripturæ
 plurima, & articulos fidei apertissimos noua
 ratione interpretari, & allegorias, tropos, figu-
 ras novas & inauditas fingere, tantummodo
 ne cogantur tropum admittere in verbis cœ-

DE PRAESENT. CHRIST

**Corporis
Christi prae-
rogatiuae.**

næ Domini? Cæterum quod ad proprietates supernaturales corporis Christi attinet, fate-
mur præter naturam, qua reliqui homines na-
scimur & concipimur, multa diuinitus data
corpori Christi: nos in peccatis nascimur &
concipimur, Christi humana natura ab omni
peccato pura & vacua fuit, Christi corpus ex
Spiritu sancto conceptum, ex virgine natum
est, longe aliter corpora nostra generantur &
nascuntur: corpus Christi est proprium cor-
pus *ἰδίον*, corpora nostra etsi à Deo accepi-
mus & ab eo sustentantur & conseruantur, ta-
men non sunt corpus filij Dei, nec ab eo ideo
facta sunt, vt sua ipsius separatim sint, nec illi
vnita & proprium Verbi indumentum & qua-
si instrumentum sunt vt illud corpus quod ex
Virgine assumpsit.

**Conceptio
ex Spiritu
Sancto non
facit ut con-
trarias no-
stis corp.
prop. ha-
beat.**

Interea nihilominus ipsum Christi corpus
quoad omnes naturales humani corporis pro-
prietates nostris corporibus per omnia simi-
le factum est, vno peccato excepto. Quare non
debent tribui corpori Christi huiusmodi pro-
prietates supranaturales, quæ veri & natura-
lis corporis proprietates tollant: etsi enim o-
rigine differt à nostris, non tamen nascendi
varietas naturam corporis mutauit. Itaque
.. D. Hieronymus: Vis (inquit) & quartum hu-
.. manæ generationis genus audire? Spiritus
sanctus

sancti
umb
sancti
aliter
stus.
mini
man
Corp
gine
natu
ratur
nam
Adfu
non
tero
bilis
An f
sum
missi
tus si
mi o
tur e
conc
natu
ita n
larit
per
sic g

sanctus superueniet in te, & virtus altissim ob-
 umbrabit tibi. Propterea quod nascetur ex te
 sanctum, vocabitur Filius Dei. Aliter Adam,
 aliter Eua, aliter Abel, aliter homo Iesus Chri-
 stus. Et in omnibus diuersis exordijs vna ho-
 minis natura non differt. Athanasius de hu-
 manitate Christi & corporali eius aduentu:
 Corpus Christi inquit, quod miraculo ex vir-
 gine coaluerat, communem tamen habebat
 naturam. Leo, Noua autem natiuitate gene-
 ratus, quia inuiolata virginitas concupiscen-
 tiam nesciuit, carnis materiam ministravit.
 Adsumpta est igitur de matre Domini natura,
 non culpa, nec in Domino Iesu Christo, ex v-
 tero virginis genito, quia natiuitas est mira-
 bilis, ideo nostræ est naturæ dissimilis. Item,
 An forte ideo putauit Dominum nostrum Ie-
 sum Christum, non nostræ esse naturæ, quia
 missos ad beatam Mariam angelus ait: Spi-
 ritus sanctus superueniet in te, & virtus altissi-
 mi obumbrabit tibi. Ideoque & quod nasce-
 tur ex te sanctum, vocabitur Filius Dei, vt quia
 conceptus virginis diuini fuit operis, non de
 natura concipientis fieret caro concepti? Sed
 ita non est intelligenda illa generatio, singu-
 lariter mirabilis & mirabiliter singularis, vt
 per nouitatem creationis, proprietates remota
 sit generis. Fœcunditatem enim virgini Spi-

Epistola ad
 Flavianum.

DE PRAESENT. CHRISTI

- .. ritus sanctus dedit, veritas autē corporis sum-
- .. pta de corpore est, & ædificante sibi sapientia
- .. domum. Verbum caro factum est, & habita-
- .. uit in nobis, hoc est, in ea carne, quam sumpsit
- .. ex homine, & quam spiritus vitæ rationalis a-
- .. nimauit.

*Miracula
nō probant
hoc corpus
diuersitas
proprietat.
habere.*

Porro exempla quæ afferunt non probant carnem Christi ex conceptione supernaturales proprietates accepisse. Ambulauit super aquas. Sed Petrus etiam super aquas ambulauit, graui & solido corpore (inquit Hieronymus) mollis vñda non cedit, paululum fides dubitat, & statim naturam suam corpus intelligit, vs̄ sciamus super aquas non corpus ambulasse, sed fidem. Et Eusebius, vt in sexta Synodo habetur, de ambulatione super aquas scribit, ex ambulatione, quæ pedum naturalis est operatio, proprietatem humanæ naturæ apparere, qua conseruata in natura humana vltra naturam operatum esse Christum Deum, super fluctus ambulando: gressum quidem esse corporalem & sensibilem: ambulare autem super mare. Deitatis fuisse per humanā carnē operantis. Aiunt corpus hoc clausis ostijs ingredi, & per lapidē sepulchri trāsire. Non quæ rō iam an ita factum sit, vt aduersarij asserunt, quādo clausis ostijs potuit ita ingredi, sicut Petrus clausis ostijs ē carcere egressus est, illis

prius

prius apertis: neque quæro an lapis sepulchri ante resurrectionem corporis Christi à sepulchro remotus fuerit, neq; hæc miracula in dubium reuoco. Sed inde non inferri posse contendendo corpus Christi non seruasse naturales proprietates, hæc enim non proprietate præternaturali corporis Christi euenerunt, sed hæc virtus Dei fuit (vt rursus Hieronymi verbis utar) & creatura cessit creatori. Ex miraculo vno extraordinario non est statuendum de proprietate rei: alioqui dicemus Mosem non opus habuisse cibo quia quadraginta diebus absque cibo in monte vixit: & dicemus corpora sociorum Danielis fuisse *absque*, quia ab igne illæsa fuerunt quando in fornacem ardentem iussu regis coniecti sunt, & per miraculum à Deo seruari.

Legibus naturæ Christum non fuisse subiectum agnoscimus, nisi quia volens se subiecit, est Dominus naturæ, sed assumpta carne, spon te in ea naturalibus proprietatibus subiectus fuit: & de eo nobis ita statuendum est, prout se in verbo suo patefecit, ac nobis de proprietatibus corporis Christi ex scripturis iudicandum est. Nam vt Gelasius docet, ita magnificauit naturam suam sicut voluit, sicut per prophetas suos ante prædixit: sicut per Apostolos suos, per Euangelistas ecclesiæ suæ voluit inti

An corpus
Christi natu
ræ legibus
subiectum
fuerit.

DE PRÆSENT. CHRISTI

mari. Remittit autem nos Gelasius ad histo-
 riam euangelicam, & ita nos vult de Christo
 sentire, de eius conceptione, partu, de resurre-
 ctione & post hanc conuersatione cum disci-
 pulis, ascensione in cœlos, patefactione sui de
 cœlis, aduentu ad iudicandum, sicut scripturæ
 attestantur. Neque hic vllius dispensationis
 meminit, sed vult nos vere post resurrectionē
 Christum secundum corpus visibilem & pal-
 pabilem agnoscere. Si enim inquit forma &
 „ substantia hominis Iesu Christi hac transfusio
 „ ne consumpta est, quis est quem vidit ad de-
 „ xteram virtutis stantem S. Stephanus? Quis
 „ hominis filius venturus est ad iudicandos vi-
 „ uos & mortuos? Quis erit quem videbunt in
 „ quem compunxerūt? Abolitum est omne my-
 „ sterium, vacuatum est atque resolutum, vt di-
 „ ctum est, quod absit, omne sacramentum, sal-
 „ sumque erit, quod ait ipse Saluator: Palpate &
 „ videte quia Spiritus carnem & ossa nō habet,
 „ sicut me videtis habentem. Et certe hoc post
 „ resurrectionem dixit, talis iam dixit qualis
 „ cum discipulis conuersatus est, conuescens &
 „ cohabitans cum eis. Talis dixit qualis ascen-
 „ dit in cœlos: talis dixit qualis promissus est in
 „ de esse venturus. Aut legant ipsi vbi, postea
 „ quam de se illa professus est, fuerit immutatus:
 „ & aliter quàm se discipulis patefecit, ascende-
 rit

releuatus in cœlum. Aut nos rectius ea sequi-
mur, quæ diuinis voluminibus astruuntur,
non delirantium somnia, & phantasmata va-
na sectamur.

Aliunt formationem corporis Christi in v-
tero virginis ex Spiritu sancto conuenire vni-
tioni diuinæ & humanæ naturæ, atque ideo at-
tulisse præternaturalia idiomata, ita vt Chri-
stus secundum vtranque naturam sit præsens. Christus
natus
diuine.
Nos respondemus cum Cyrillo : Filium Dei
gentium esse ex virgine *diuine & humane* diui-
nè & dignè Deo, simul & humanè, hoc est, car-
naliter. Ac est quidem diuina natiuitas Verbi
æterna eius generatio qua ex substantia Patris
gentium est: sed etiam assumpta carne genera-
tio illa diuine facta dicitur. Deus enim existēs
secundum naturam Verbum caro factum, pro-
cessit vt decet eum qui secundum veritatem
est Deus: solus enim habuit matrem nuptias
non expertam, & seruauit virginem eam quæ
ipsum peperit secundum carnem, neque com-
munis homo ex virgine natus est, sed ipsum
Dei verbum caro factum. Attamen admi-
rabilis hæc natiuitas & spiritus sancti opera-
tio, qua in vtero formauit partum, non tol-
lant carnalem natiuitatem: Quoniam enim
quod natū ex carne caro est, genuit virgo vt ca-
ro existens carnaliter. Sed si caro Christi ubiq;

DE PRAESENT. CHRISTI

praesens facta est per conceptionem ex Spiritu sancto, non nata est verè carnaliter: secundum carnem enim & carnaliter nasci, significat Cyrillo veritatem humanæ carnis, quæ manere non potest si substantiales carnis proprietates per contraria idiomata super naturalia sublatae sunt, alioquin si verba fiant de prærogatiuis humanæ carnis in Christo, eas libenter agnoscimus, salva tamen utriusque naturæ proprietate,

De vera praesentia Christi in his terris secundum humanitatem.

Aduersarij nostri quotiescunque negamus realem & corporalem praesentiam carnis Christi in cæna Domini, aut etiam eiusdem ubiquitatem, mox nos accusant quod Christum secundum humanitatem suam omnimodo à cæna sua & ab Ecclesia excludamus. Itaque ne hic propter varios modos praesentiae calumnie eorum locus aliquis pateat, dicam dilucide quæ praesentiam Christi secundum humanam naturam concedamus aut negemus. Praesertim cum totam hanc tractationem de praesentia Christi secundum carnem inscripserimus: nam & in controuersia de Cæna hoc potissimum controuertitur, & Ubiquitas inuenta est ad
præ-

præsentiam realem & carnalem in cœna stabi-
liendam: & noua doctrina de vnione personali,
quæ per energiam & realem transfusionem
proprietary diuinæ naturæ in humanam de-
finitur, Vbiunitatis confirmandæ causa in ec-
clesiam nuper introducta est.

Primus igitur præsentis modus est substā-
tialis, quo corporata substantia, qualis est hu-
manitas Christi, præsens dicitur, quando sub-
stantia sua corporaliter, localiter & naturaliter
præsens est: hoc modo Christus antequam in
cœlos ascenderet corpore sub in his terris præ-
sens fuit. Et similiter iuxta Sacras literas ven-
turus esse creditur. Nunc autem post ascensio-
nem suam corpore suo non ita in his terris præ-
sens est, sed veram corporis sui substantiam in
cœlis euexit, & ideo ea in cœlis manente vs-
que ad extremum diem, neque in cœna, neque
vsquā alibi in terra corpore suo realiter & sub-
stantialiter præsens est. Atque ita Veteres sem-
per senserunt, quia ascensionem Christi corpo-
ralis eius præsentis opposuerunt, ac docuere
Christum secundum humanam naturam qua
ascendit in cœlos, iam non esse in terris, nec e-
tiam fore ante secundum eius aduentum. Ac
Fulgentius ad Thrasimundum regem multis
ostendit, veram Christi humanitatem esse lo-
calem, ideoque vnum eundemque secundum

Substantia
lis præsen-
tia. |

DE PRAESENT. CHRISTI

humanam substantiam absentem cœlo fuisse cum esset in terra, & dereliquisse terram cum in cœlum ascendit: secundum diuinam vero immensamque substantiam nec cœlum dimississe cum cœlo descendit, nec terram deseruisse cum ad cœlum ascendit. Et ideo Dominum vt humanitatem localem ostenderet dixisse discipulis: Ascendo ad Patrem meum & ad Patrem vestrum: immensitatem verò diuinitatis suæ ostendisse discipulis dicendo: Ecce ego vobiscum sum omnibus diebus vsq; ad consummationem seculi. Non autem potuisse descendere nisi fuisset verus & localis homo. Probat deinde Apostoli testimonio qui iubet expectare filium Dei de cœlis, monstrans corporaliter de cœlo venturum. Item meminit ascensionis qua corporaliter in cœlum ascenderit, & in eadem veritate corporis de cœlo venturus sit: & ex eo quod corpora nostra conformia erunt corpori Christi, conficit, corpus Christi loco contineri: ac tandem ita concludit: Est itaque
 " filius in cœlo, & habitat in nobis in terra, scilicet
 " illa suæ immensitatis præsentia qua in nobis
 " Pater Spiritusque sanctus habitat. D. quoque Augustinus Epistola. 57. asserit Christum secundum hominem ante ascensionem eius non fuisse in cœlo, vbi nunc est, quamuis secundum id quod filius Dei erat, esset in cœlo. Itaq;

lo. Itaque non dubitandum ibi nunc esse hominem Christum, unde venturus est secundum Christianam confessionem, in eadem videlicet carnis forma, cui immortalitatem dedit, naturam non abstulit. Similiter illa loca scripturæ, in quibus Christo modo præsentia, modo absentia à terris tribuitur, Veteres interpretantur de corporali absentia, quod corpore non sit hic, atque ita Augustinus verba Domini: Me autem non semper habebitis interpretatur Tract. 50 super Ioan. Accipiant & hoc boni, sed non sint solliciti: loquebatur enim de præsentia corporis sui: nam secundum maiestatem suam, secundum prouidentiam, secundum ineffabilem & inuisibilem gratiam, impletur quod ab eo dictum est: Ecce ego vobiscum sum omnibus diebus usque ad consummationem sæculi. Secundum carnem verò quam Verbum assumpsit, secundum id quod de virgine natus est, secundum id quod à Iudæis comprehensus est, quod ligno confixus, quod de cruce depositus, quod linteis inuolutus, quod in sepulchro conditus, quod in resurrectione manifestatus, non semper habebitis me vobiscum. Quare? Quoniam conuersatus est secundum corporis præsentiam quadraginta diebus cum discipulis suis, & eis deducantibus videndo, non secundo, ascendit in cælum, & non est hic: ibi enim

DE PRAESENT. CHRISTI

„ sed & ad dexteram patris: & hic est, non enim
 „ recessit praesentia maiestatis. Aliter secundum
 „ praesentiam maiestatis semper habemus Chri-
 „ stum: secundum praesentiam carnis, recte di-
 „ ctum est discipulis, Me autem non semper ha-
 „ betis. Habuit enim illum Ecclesia secundum
 „ praesentiam carnis paucis diebus: modo fide
 „ tenet, oculis non videt. Idem cum D Augusti-
 „ no sentit Cyrillus lib. 9. in Ioanem, cap. 21. Cri-
 „ dere autem oportet fideles quamvis a nobis
 „ corpore absit, virtute tamen sua omnia & nos
 „ gubernare, adesseque semper ipsum omnibus
 „ qui eum diligunt, propterea dicebat: Amen a-
 „ men dico vobis, ubicunque sunt duo aut tres
 „ congregati in nomine meo, ibi sum in medio
 „ eorum. Nam quemadmodum, quando ut ho-
 „ mo in terra condescendebatur, tunc etiam caelos
 „ implebat; & angelorum consortia non relin-
 „ quebat, eodem nunc modo quum sit in caelis
 „ cum carne, terram tamen replet, & cum eis est,
 „ qui eum diligunt. Observandum autem est,
 „ quia quamvis secundum carnem solummodo
 „ abiturus erat (adest enim semper virtute deitatis,
 „ ut diximus) modico tamen tempore cum
 „ discipulis se futurum dicebat: aperte se ipsum
 „ nominans, ne quis in duos filios dividere Chri-
 „ stum audeat: sed ut unum omnino esse credat
 „ Dei patris & virginis filium: non quia unus
 „ curi

lura
 diu
 Chri
 sua p
 praes
 ponat
 dam
 itate
 stanti
 ne ip
 liter p
 scure
 pfi, re
 Patru
 ro &
 nunti
 securi
 sens
 : Ch
 sentia
 plicat
 dico v
 enim
 fm aut
 Christi
 carner
 Messia
 itque

hæc sit, sed quia post incarnationem pia hæc
 ditio non est. Vnus enim in vtraque natura
 Christus est. Porro cum Christum maiestate
 sua præsentem adesse scribunt Patres, eamque
 præsentiam maiestatis corporali præsentia op-
 ponant, maiestatis nomine nõ intelligunt quã
 dam cõmunicatam maiestatem, aliam à maie-
 state Verbi, qua corpus Christi realiter & sub-
 stantialiter vbique præsens fiat, sed hoc nomi-
 ne ipsam diuinitatem intelligunt, quæ essentia-
 liter præsens vbique adest, id autem non ob-
 scure conficitur, cum ex his locis quæ adscri-
 psi, tam etiam ex Vigilij, Fulgentij & aliorum
 Patrũ scriptis, vbi humanitas, & diuinitas, ca-
 ro & Deitas, corpus & maiestas inter se oppo-
 nuntur quoties de præsentia Christi agitur, vt
 secundum aliud præsens, secundum aliud ab-
 sens dicatur.

Patres lo-
 quuntur de
 substantia
 diuinitatis.

Cur autem Christus humanitatis suæ præ-
 sentiam mundo subtraxerit, ipse seruator ex-
 plicat Ioannis 16. Et ego (inquit) veritatem
 dico vobis, expedit vobis vt ego abeam, nisi
 enim abiero consolator ille non veniet ad vos:
 si autem profectus fuero, mittã eum ad vos.
 Christus venit in hunc mundum ac verbum
 carnem assumpsit, vt in carne obiret munus
 Messie, & pro nobis pateretur ac moreretur,
 atque ita mortem destrueret: sed non tantum

Cur Chris-
 tus non ad-
 sit carne sua
 substantia
 liter.

DE PRÆSENT. CHRISTI

hoc Messiae munus fuit, sed ut nos in ipsos eos
 los reduceret, & coram ipso Patre collocaret.
 Noster enim Pontifex non in manufacta san-
 ctuaria ingressus est, nec in exemplaria vero-
 rum sed in ipsum cælum, ut appareat vultui
 Dei pro nobis. Itaque quum sit primitiæ gene-
 ris nostri, in cælum cum carne ascendit, & nos
 coram patre cōstituit, atq; ad perfectam dispo-
 sitionem carnis assumptæ pertinebat, ut per-
 etis omnibus quæ in his terris facienda fuerit
 ad Patrem ascenderet, & carnem quasi pignus
 & arrhabonē nostræ resurrectionis in cœlis de-
 poneret, ut Tertullianus scribit. Ascendens au-
 tem in altum ablata carne sua, dona misit ec-
 clesiæ, spiritum consolatorē quem hic promi-
 sit. Poterat quidē etiam in his tērris manēs Spi-
 ritum sanētum largiri, neq; Deitate cœlo abe-
 rat cū corpore nondum illuc cōscendisset, sed
 fideles nimium carnali præsentiæ addicti mi-
 nus apti fuissent ad accipiendum Spiritum san-
 ctum: atq; hoc testatur Augustinus qui sic scri-
 bit, Semper quidem nobiscum est diuinitas
 " sua sed nisi corporaliter abiret a nobis, semper
 " eius corpus carnaliter videremus, & nunquā
 " spiritualiter crederemus. Cyrillus in Ioannem
 " lib. II. cap. 21. Putabant discipuli absentiam
 " Christi, ut hominis dico (Deus enim ubique
 " adest) multorum eis incommodorum causam
 futuram:

futuram: cum non adesset, qui ab omnibus eos
 possit malis eruere. Sed oportebat (Dicam e-
 nim etiā si luminaria orbis postea facti sunt,)
 non solum in carnem Christi, verum etiam
 in Deitatem respicere: quæ quamuis oculis
 non cernatur, adest tamen semper summa
 cum potestate. Nec quicquam est quod prohi-
 bere possit, quin omnia repleat, & quod velit,
 peragat: Non enim loco aut dimensionibus
 circumscriptibilis natura diuina est. Quare
 cum Deus & homo Christus verè sit, opor-
 tuit eos intellexisse, ineffabili Deitatis pote-
 estate vna cum eis semper futurum, etiamsi
 carne abesset. Idcirco enim ipse quoque in-
 superioribus dicebat: Pater sancte serua eos
 in nomine tuo quos dedisti mihi. Aperte signi-
 ficans Deitatis ratione, non carnis præsentia
 eos posse seruari; &c. Item alibi, Nihil ergo ma-
 li vobis accidere potest atque, si carne abfuero:
 quum Deitatis meæ potestas, quæ vos hucus-
 que seruauit, in posterum etiam seruatura sit.
 Hæc non ideo dicimus, quia Domini corpus
 non magni æstimemus: sed quia mirabiles hos
 effectus, gloriæ Dei attribuendos putamus. D.
 item Augustinus Tract. 94. super Ioannem:
 Quid est ergo, Si non abiero? Paracletus non
 veniet ad vos? nisi non potestis capere spiri-
 tum, quam diu secundum carnem persistitis

Christus
 Deitatis
 præsentia
 saluat.

DE PRÆSENT. CHRISTI

nosse Christum. Scholastici etiam Theologi complures rationes afferunt, cur utile fuerit Christum secundum carnem à terris discedere, quas ego nunc commemorare nolo. Hoc enim rogo ut cōsiderent singuli, primum quod superstitiones pepererit falsa opinio carnalis præsentiæ, & quam horrendæ artolatriæ causa fuerit: deinde quod ipsi Scholastici scribūt, absentiam corporalem Christi seruire augmento fidei nostræ, & præterea spem nostram confirmare, nempe cum caput nostrum in cœlis regnet, fore ut nos quoque illuc recipiamur, iuxta Christi promissionem: In domo patris mei mansiones multæ sunt, alioquin dixissem vobis, ab eo autem paraturus vobis locum, & cū profectus fuero & parauero vobis locum, rursus veniam & assumam vos ad me ipsum, vbi sum ego & vos sitis. Ab his multum dissentiunt qui carnalem Christi præsentiā vniū quodammodo fidei & spei nostræ anchoram faciunt. Scio equidem desiderari ab omnibus corporalem Christi præsentiā, quam Paulus etiam vitæ suę præponebat, ut Cyrillus scribit cupiens dissolui & esse cum Christo. Sed non statim id ipsum nobis vtilissimum est quod acutissime appetimus. Itaque diuinæ voluntati hic acquiescendum est, & ita statuendum de Christi præsentiā prout in verbo suo docuit.

Aliter

Alter præsentiæ modus est, quo corpus Christi seu humanitas eius præsens nobis est virtute, gloria & maiestate operationeque, quamuis interea essentia ipsius vno duntaxat loco re ipsa & actu contineatur. Christus enim caput est Ecclesiæ, rex, Dominus, mediator & dux noster secundum vtranq. naturam. Itaque sua *ἐνέργεια* qua gubernat Ecclesiam totus præsens nobis est, adeoque cogitationes cordium nostrorū scit & iudicat, & hac ratione ad dexterā Patris consedis in cœlis dicitur. Ad hanc autem præsentiā *ἐν παρουσίᾳ* non requiritur realis & essentialis & corporalis & localis præsentia humanitatis Christi, id quod etiam Cyrillus affirmat, qui inquit, Credere oportet fideles, quamuis corpore suo absit Christus, virtute tamen sua omnia & nos gubernare, adesseque semper ipsum omnibus qui eum diligunt, propterea dicebat, Amen dico vobis, vbiunque sunt duo vel tres congregati in nomine meo, ibi sum in medio ipsorum. Nam quemadmodum quando vt homo in terra conuersabatur, tunc etiam cœlos implebat, & angelorum consortia non relinquebat: eodem nunc modo quum sit in cœlis cum carne, terram tamen replet & cum ijs est qui eum diligunt. Obseruandum est autem, quia quamuis seccnudum carnem tantum abiturus erat (adest enim semper

DE PRAESENT. CHRISTI

„ virtute Deitatis vt diximus) modico tamen
 „ tempore se cum discipulis futurum dicebat, a.
 „ pertè seipsum nominans , ne quis in duos fi.
 „ hos Christum diuidere auderet , sed vt vnum
 „ omnino esse quisque credat, non quod vna sit
 „ natura, sed quia vnus in vtraq; natura est Chri.
 stus. In his verbis Cyrillus apertè docet guber
 nationem Christi non fieri carnis eius prae
 sentia , sed cum carne absentem Deitatis virtute
 adesse . Adest autem Deitatis virtute non vt
 verbum absque carne, sed vt Deus verbum in
 carnatum, itaque hæc gubernatio ad humani
 tatem eius quoque pertinet , quatenus Chri.
 stus diuinitate sua essentialiter vbiq; prae
 sent, Christus inquam, hoc est , Deus & homo, a.
 mnia sciente & volente mente humana guber
 nat & administrat. Quoniam verò Christus i.
 ta gubernat omnia , vt omnia etiam illi sint
 prae
 sentia , dicitur per anastrophē omnibus
 rebus etiam secundum humanitatem prae
 sent
 esse . Animæ enim Christi quæ Verbo vnita
 est omnia prae
 sentia sunt, non quod ipsa huma
 nitas singulis rebus substantialiter prae
 sent sit,
 sed quod illi propter lumen diuinitatis omnia
 sint in verbo prae
 sentia , cui vnita, cuncta cer
 nat vt in Deo sunt, & illi sunt prae
 sentia. Atq;
 de hac prae
 sentia multa acute à Scholasticis
 disputantur , qui tamen communiter omnes

concludunt, humanam naturam nihilominus finitam manere, neque ubique esse, neque omnipotentem esse.

Ea etiam est coniunctio Christi capitis nobiscum, ut nos simus caro ex carnibus eius & os ex ossibus eius. Hæc autem coniunctio non constat contactu aut præsentia aliqua corporali, aut aliqua locorum coniunctione, sed caro Christi reddimur dum in eum credimus, & mortem illius in pretium pro nobis perfolutam fide comprehendimus, ita enim carnes nostræ, postquam sumus regenerati, eiusdem sunt naturæ cum carnibus Christi, earundem proprietatum, & ab eo vera vita donantur, & motu & gratia & spiritu. Donum autem hoc vitæ & sustentationis ad nos fluit & deferitur per carnem Christi nostra causa in crucem & mortem traditam, atque ita caro sumus de carne Christi, non solum quo ad animam nostram, verum etiam quo ad corpus, quoniam istud capax sit beatæ resurrectionis & æternæ vitæ, atque inſtauratur ad inveniendum spiritui, per gratiam & vim quæ à diuinitate Christi per eius corpus ad nos derivatur: vim enim istam qua renascimur ut fiat caro ex carne Christi, à Deo per Christi carnem habemus ut pro nobis in pretium & mortem data est. Porro quia in Baptismo Christum induimus, Chrysostomus scripsit eandem il-

Coniunctio
capitis Christi
cum membris.

DE PRAESENT. CHRISTI

iam communicationem carnis Christi etiam
 in Baptismo fieri, ac Pauli verba exponit ad
 hunc modum: Et quomodo? Iterum audi quid
 beatus iste dicat ad Hebr. 2. Quoniam pueri
 commercium habuerunt cum carne & sangui-
 ne, & ipse similiter particeps factus est eorum.
 dem: sed hic ipse nobiscum commercium tra-
 xit, non nos cum illo. Quomodo ergo ex car-
 ne eius & ex ossibus eius sumus? Sunt qui per
 sanguinem dicant & aquam. Verum nihil est.
 Sed quemadmodum ille sine virili congressu
 natus est ex Spiritu sancto, ita & nos illud ef-
 ficimur in lauacro. Vide quanta exempla ad-
 ducat ut generationi illi fidem faciat. Ex hac
 interpretatione Chrysostomi conficitur car-
 nem Christi credentibus communicari spiri-
 tualiter, & energia sua praesentem esse, absque
 reali & substantiali ipsius praesentia: nisi forte
 velit quis carnem & sanguinem atque ossa
 Christi, realiter cum aqua in Baptismo con-
 iungere.

Corpore
 absens praesens
 sens gratia.

Adest etiam Christus praesens humanitate
 sua per gratiam, ut tamen corpore interim ab-
 sens sit, unde Emissenus in sermone de corpo-
 re & sanguine Domini scribit: Christum quia
 corpus assumptum ablaturus erat ab oculis
 nostris, & syderibus illaturus, sacramentum
 corporis & sanguinis sui consecrasse, ut cole-
 retur

petur iugiter per mysterium quod semel offer-
batur in pretium, vt quia quotidiana & inde
fessa currebat, pro hominis salute redemptio,
perpetua esset eius redemptionis oblatio, & pe-
rennis illa victimaviueret in memoria, & sem-
per præsens esset in gratia.

Præterea est etiam fidei præsentia qua no-
stri dicunt, Christum in cœna nobis corpore
suo præsentem esse. Fides enim vera tantæ est
efficaciæ, vt res præsentem constituat non qui-
dem realiter sed spiritualiter, eas enim per fi-
dem ita complectimur ac si essent ante oculos.
Etenim si ea vis est sensuū nostrorum, vt ocu-
li cœlum & solem & astra, quoties illa cerni-
mus præsentia nobis efficiât: & cogitatio quo-
que res præteritas aut remotas præsentem quo-
dam modo statuatur, cur non concederemus
eandem vim & efficaciam fidei datam esse, vt
etiâ ea quæ longe absunt constituat præsentia,
non quidem substantialiter, sed spiritualiter?
Præsertim cum fides omnem humanam noti-
tiam longe superet, vtpote cuius efficacia po-
testas est diuini spiritus, quæ efficit vt ea quæ
credimus, potentius atque euidentius adsint
animis nostris, quàm quæ mentis tantum vi
& acumine reuocâtur sub aspectum. Neq; hic
fides rerum veritatem immutat, vt ea quæ fu-
tura aut præterita sunt, neget esse talia, aut quæ

Præsentia
fidei.

DE PRÆSENT. CHRISTI

realiter absentia sunt, realiter præsentia faciat, sed eadem fide, qua persuasum est res, quod substantiam abesse, res ipsæ per spiritum, dum fides in illarum meditatione versatur, præsentibus nobis fiunt. Si enim quæ cogitatione complectimur vel oculis cernimus, nobis sunt præsentia, multo magis ea præsentia sunt, quæ fide cernuntur, cum fidei efficacia sensus omnes longe superet. Atque ita res eadem & absens est & præsens, alio atque alio modo. Hoc modo Christus ait, Abrahamum vidisse diem suum, & ita etiam Prophetæ Christum viderunt: et si enim Christus, quod ad carnem attinet, venturus erat, tamen illis tum per fidem quodammodo erat præsens, neque enim quicquam videri potest, quod non aliquo modo adsit videnti præsens. Tanta autem erat Prophetarum fidei certitudo, ut res futuras quodammodo haberent præsentibus, & sic in conspectu, ut sæpe non loquuti sint verbis futuri temporis, quamvis alioquin de rebus futuris, sed pro illis usurparint, aut præsens tempus, aut etiam præteritum. Et sanè quamvis Abrahamus & corpore & tempore longè abesset ab illis rebus, quæ postea gerendæ erant per Christum, eas tamen haud dubiè præsentibus habuit per spiritum. Similiter alij patres in veteri Testamento fide sua Christum in carne verè apprehende-

henderunt, vnde etiam Apostolus illis tribuit
præsentiam earum rerum, quas nos hodie per
cipimus in mysterijs, ait enim eos comedisse
eandem escam, & bibisse eundem potum spiri
tuale. Neue dubites eos comedisse eandem
escam, & bibisse potum eundem nobiscum, ad
dit: Bibebant autem de spiritali consequen
te eos petra. Petra autem erat Christus. De Ga
latis scribit Paulus: Christum ante oculos eo
rum fuisse crucifixum. Prædicatione enim E
uangelij, quam fide amplexi fuerant, Christus
ita animis illorum impressus fuerat, vt hac no
titia, quam fide comparatam habebant, Chri
stum quodammodo præsentem & ob oculos
mentis propositum haberent. Sic idem Apo
stolus scribit: Nos iam sedere ad dexterâ Dei
in cœlestibus, & nos iam spe saluos esse. Nam
vt Chrysostomus scribit in vndecimum caput
ad Hebræos: Ea quæ sunt in spe sine substan
tia esse putantur, sed fides eis tribuit substan
tiam, magis autem eis non tribuit, sed ipsa est
substantia eorum vt puta, nec dum resurrectio
facta est, & nec dum est in substantia, sed spes
facit eam subsistere in anima nostra, hoc est,
quod dixit substantia. Quod si fides aut spes,
quæ hoc loco pro eadem resumuntur, potest
rebus quæ nodum sint, dare substantiam,
quanto probabilius est eam posse efficere, vt

DE PRAESENT. CHRISTI

corpus Christi quod iam existit & habet substantiam, spiritualiter subsistat in anima nostra. Dicuntur autem res quae fide nobis praesentes sunt, spiritualiter praesentes esse, quoniam fides charisma est spirituale, & animus noster quo res illas complectimur, est spiritus: res autem quae alicubi suscipitur, modum suum habet ab eo, à quo suscipitur. Sic quae sensu recipiuntur dicimus adesse sensibiliter, & quae recipiuntur animo & spiritu, dicimus adesse spiritualiter. Itaque cum Christum dicimus spiritualiter praesentem esse, non dicimus carnem Christi conuersam in spiritum, aut solam spiritum intelligimus, aut carnem Christi hac voce excludimus, sed ostendimus Christum fide & spiritu à nobis apprehendi & percipi.

**Præsens
Christus in
Verbo.**

Præterea praesens est Christus in verbo & Sacramentis, Verbum enim Dei Christum nobis proponit, docet & offert, & ideo etiam dicitur prædicatio Euangelij esse sermo salutis, quod in se Christum, qui vita & salus nostra est, contineat, non quidem essentiali & corporea praesentia, sed significatione, quam cum Spiritus sanctus reddit efficacem in animis auditorum, affertur illis certa salus. Simili modo Sacramenta Christum nobis offerunt, nam sunt visibile verbum Dei, & Christus ipse est corpus & substantia Sacramentorum omnium,

**Sacramen-
talis præ-
sentia.**

ideoque

ideoq; etiam symbola corpus Christi contin^e
re dicuntur, quòd illud denotent, ostendant^r
significent. Et modum hunc præsentia^e ali-
quando spiritua^el esse dicimus, respicientes ad
modum supra expòsitum, aliquando per my-
sterium, typum, symbolum, signum, figuram,
significationem, Sacramentalem hanc præ-
sentiam explicamus, respicientes coniunctio-
nem signi cum re signata. Cæterum aliam esse
rei ipsius præsentiam, & aliud esse in Sacra-
mèto tantum præsens esse, hinc apparet, quod
fideles qui in Christo sunt & in quibus Chri-
stus est, in cœna Domini verum corpus & san-
guinè Christi manducant, spiritualiter tamen
per fidem. Hypocritæ autem fide in Christum
carentes, tantum ipsum Sacramentum seu Sa-
cramentotenus Christum edere & bibere di-
cuntur, qua distinctione aliquoties D. Augu-
stinus vtitur, & in celebri illa Berengarij con-
fessione dicitur corpus & sanguinem Domi-
ni nostri Iesu Christi sensualiter manducari in
veritate, non solùm Sacramentũ seu in Sacra-
mento. Citantur etiam in Decretis aliquę hu-
ius generis sententia^e, veluti Augustini in Ser-
mone de verbis Euangelij: Quid est Christum ..
manducare? Non hoc solùm est in Sacramen- ..
to corpus eius accipere, multi enim indigne ..
accipiunt, de quibus ait Apostolus: Qui man- ..

DE PRAESENT. CHRISTI

„ ducat & bibit calicem Domini indigne, iudi-
 „ ciū sibi manducat & bibit. Sed quomodo man-
 „ ducandus est Christus? Quomodo ipse dixit:
 „ Qui enim manducat carnem meā & bibit san-
 „ guinem meū, manet in me, & ego in illo. Item
 „ alibi: Caro eius est quam sub forma panis o-
 „ pertam in Sacramento accipimus. Aberrant
 „ autem à sententia Veterum, qui existimant is-
 „ de esse in mysterio aut in Sacramento præsens
 „ esse & sumi corpus Christi, atq; realiter & sub-
 „ stantialiter cum pane & vino idem præsens es-
 „ se. Veteres enim sumi in Sacramento ad sym-
 „ bola retulerunt, vbi symbolum seu Sacramen-
 „ tum sumitur, non autem res ipsa Sacramenti
 „ quod est corpus Christi. Sic August. Tract. 26.
 „ super Ioannē inquit: Participatione filij quod
 „ est per vnitatem corporis & sanguinis Chri-
 „ sti, homo manducans viuit, non sumens tantū
 „ in Sacramento quod mali faciunt, sed vsq; ad
 „ spiritus participationem, vt in corpore Do-
 „ mini tanquam membrum maneat & eius spi-
 „ ritu vegetetur. Hic dicit impios in Sacramen-
 „ to manducare corpus & sanguinem Christi.
 „ Alibi negat impios hæc manducare, sed tantū
 „ Sacramentum, non rem Sacramenti, quod est
 „ corpus Christi, percipere. Itaq; in Sacramen-
 „ to edere corpus Christi, idem est atq; signum
 „ corporis Christi sumere. Sic cū inquit: Quod
 in Sa-

in Sacramento visibiliter sumitur, in ipsa ve-
 ritate spiritualiter manducatur & bibitur. In
 Sacramento sumere est rei ipsius Sacramentū
 accipere, id enim visibiliter sumitur. Eodem
 modo Christus præsens est in Sacramento,
 quod ea symbolia & signa Christū nobis signi-
 fican, neq; tamen nuda & inanis est horum si-
 gnificatio, sed diuini spiritus efficacia res ipsæ
 significatæ fidei nostræ præsentes statuuntur.
 Neq; præsencia *in* Sacramento à Sacramentali sepa-
 randa est, sed distinguenda.

Postremò dicitur corpus Christi persona-
 liter vbique esse: et si autem hæc loquendi for-
 ma non ex scripturis, neque ex Veteris Eccle-
 siæ consuetudine, sed ex Scholastica Theolo-
 gia deprompta est, & admodum est impro-
 pria, vt humana natura, quæ non est persona,
 personaliter adesse dicatur, tamen hunc quo-
 que præsentiæ modum sano intellectu non re-
 ijcimus. Quod scilicet humanitas vbique est,
 quia persona Christi, cuius humana natura
 est pars quædam, vbique est: Vel humana na-
 тура vbique est personaliter, quia humana na-
 tura non in se subsistit, sed in verbo: illa au-
 tem persona, à qua sustentatur, vbique præ-
 sens est. Christus enim qui diuinitate sua vbi-
 que præsens est, cum aliquid agit, vbi corpo-
 re præsens non adest, veluti cum curauit ser-

Personalis
 præsencia.

DE PRAESENT. CHRISTI

uum Centurionis, non solum ut Deus, sed ut persona Deus & homo existens praesens aegro to fuit eumque sanavit. Itaque corpus Christi re ipsa & essentia sua absens ab eo loco ubi aeger decumbebat, personaliter praesens aegro fuit, hoc est, persona cuius corpus hoc erat, praesens ei fuit, non secundum essentiam quidem corporis, sed essentiae divinae. Sic etiam Lazaro morienti Bethaniae personaliter adfuit corpore suo Christus, quanquam tamen corpore Bethaniae non esset: ait enim gaudere se propter discipulos, quod ibi non fuerit, dicit etiam Evangelista eum adhuc biduum in eodem loco trans Iordanem videlicet commoratum fuisse, postquam Lazari sorores, aegrotum fratrem ei nunciassent: cognovit autem mortuum esse, & morienti procul dubio adfuit, eodem rursus non adfuit. Adfuit diuinitate sua, non adfuit corpore seu humanitate. Eadem autem adfuisse personaliter dici potest, quia non ita morienti adfuit ac si unigenitus Dei Filius tantum esset: sed ut Christus, ut qui non Deus tantum, sed homo etiam esset. Neque quia humanitate sua absuit, ideo homo non adfuisse dicetur, humanitas enim Christi (ut saepe dictum est) nusquam per se & in se, sed in verbi persona subsistit. Itaque illa per se homo non nominatur, sed hoc nomen personae est, quae etiam

etiam Deus in vna eademque indiuisa persona est. Quemadmodum autem Deus dicitur personaliter crucifixus, mortuus & sepultus, quia persona quæ passa hoc fuit, non vt homo tantum; sed vt homo & Deus passa fuit, licet secundum humanam naturam tantum; cum diuinitas per se & se in & secundum essentiam suam pari non possit: sic etiam dicimus hominem Christum esse omnipresentem personaliter, quamuis hoc humanæ naturæ per se & secundum essentiam minime congruat, sed quia persona Christus ubique est præsens, quæ non Deus tantum, sed simul etiam homo est. Quamuis enim ubique sit secundum alteram solum naturam, nempe diuinam; de toto id Christo atque etiam de humana natura dicitur: nam diuina natura quæ ubique est, non vt natura diuina tantummodo, sed vt persona ex hac & humana constans natura, ubique est. Etsi autem hoc modo tolerabiliter dici potest, corpus Christi aut humanitatem eius personaliter vbiue esse, phrasis tamen hæc est inusitata & impropria. Natura enim humana etsi non minus perfecta est in Christo, quàm in nobis, tamen in ipso non est persona sed natura, propterea quod antequam susciperetur à diuina non fuit, nec in se ipsa vnquã substitit, & ne hodie quidem subsistit, sed à diuina sustentatur;

Sicut Deus passus, ita homo ubique præsens.

DE PRAESENT. CHRISTI

rectius autem dicitur hominem Christū personaliter esse vbiq̃ue, cum hominis nomen in concreto totam personam significet.

Præsentia
hæc est per
Com. Idio-
mat.

Porro hanc præsentia rationem nostri cū Veteribus interpretantur per communicationem proprietatum, ita enim cum Christus loqueretur in terra, dixit Filium hominis esse in cælo, & id tribuit humanitati suæ quod propriè conueniebat diuinitati. Falsum autem est quod quidam obijciunt, Petrum aut Paulum, aut quemuis alium sanctorum simili modo posse nobis præsentem dici, propterea quod diuinitas quæ in illis inhabitat nobis præsens sit. Nam vt supra ostendimus, longe alia ratione diuinitas in assumpta carne habitat, vbi vna est persona verbi & carnis, atque in cæteris sanctis hominibus, in quibus cum diuinitas & humanitas non conuenerint in vnam *ὑπόστασιν*, non potest diuinitate præsentem, per communionem idiomatum aut Synecdochē de illis dici, quod ipsi præsentem sint. Neque verò existimandum est, rem nihili esse & inane tantum nomen tribui Christo, quando dicimus, Christum hominem siue etiam eius humanitatem personaliter seu per communicationem idiomatum præsentem esse. Nam hæc communicatio idiomaton nobis unitatem personæ indicat seu identitatem *ἑνότητος*.

Ad. Ex hac autem oritur illa præsentia salutifera & viuifica *in* qua totus Christus nobis maiestate, virtute, operatione, gratia & spiritu suo adest, nos gubernat, regit, fouet & viuificat.

Sed aduersarij nostri personalis præsentiæ nomine aliter vtuntur, nam personali hac præsentia contendunt corpus Christi essentialiter præsens fieri, ita vt in cœna vere, reipsa & naturaliter ore corporeo recipiatur, atq; effusione quadam donorum Spiritus sancti volunt humanitati Christi eam diuinitatem & maiestatem communicatam esse, vt vbique non minus quàm diuinitas præsens sit. Atque cum multa olim crasse admodum de Vbiquitate corporis Christi scripserint & disputarint, existimant multi ipsos, vt mederentur absurditati, quæ omnibus iam manifesta erat, ad latebras has personalis præsentiæ & duplicis essentiæ essentialis & personalis confugere voluisse. Atque cum hætenus semper nostris obiecerint ipsos vti philosophicis rationibus, ipsi nunc totam quodammodo Philosophiam medicam sophisticen Theologiæ miscent, & in Ecclesiam inuehunt inusitatum loquendi genus. Alia illis est essentia corporis Christi naturalis aut gloriosi, alia est eiusdem essentia personalis. Et Christus præsens est huma-

Aduersarij
aliter vtun-
tur nomine
personæ præ-
sentiæ.

Philoso-
phiam mis-
cent theo-
logiæ.

DE PRAESENT. CHRISTI

nitate sua essentialiter, sed non naturaliter, aut
 corporaliter, aut localiter, sed personaliter
 quasi per accidens. Christus item illis est om-
 nipraesens, omnipotens, omniscius non *in omni*
bus nec omnivivus, sed de quibus ipse dicitur. Etsi autem hec
 & multa alia huius generis haecenus inusitata
 fuerunt in purioribus Theologorum scholis,
 ferri tamē possent si in scholis disceptandi cau-
 sa tantum proposita fuissent, si non absurdas e-
 tiam interpretationes alicubi adhiberent dis-
 sentientes à Scholasticorum sententia, à qui-
 bus pleraque mutuati sunt, si non etiam omnes
 qui aliter sentiunt & loquuntur, è numero Chri-
 stianorum eijcerent. Nunc verò quando nos
 cum veteri Ecclesia negamus substantialem om-
 nipraesentiam corporis Christi, sed dicimus
 Christum substantia corporis sui nunc à ter-
 ris absentem cœlo cōtineri, diuinitatē autem
 sua ubique praesentem esse: Fatemur autē Chri-
 stum *in personis* praesentia, quamvis corpore ab-
 sentem, nobis tamen nihilominus secundum
 utranque naturam praesentem esse, quòd ipse sit
 caput ecclesiae, summus pontifex, mediator, in-
 tercessor, rex & iudex quoque totius orbis, ideo
 que perpetuò adest Ecclesiae suae, eam colligit,
 ducet, sustentat, vivificat sua membra, potēter
 oprotegit & liberat, suaque gratia consolatur &
 fouet, adhuc agnoscimus illi omnia praesentia
 esse

esse, & ideo per anastrophen ipsum posse dici ubiq; præsentem. Fide præterea ipsum spiritua-
liter nobis præsentem esse docemus: postremo
assentimur Christum hominem personaliter,
sed non naturaliter aut corporaliter ubiq; præ-
sentem esse, hoc est, ut ipsi Scholastici interpre-
tantur, quod homo Christus ubique est, sed
non iuxta humanam, verum iuxta diuinam
naturam. Tamen hæc omnia non sufficiunt
aduersarijs. Accusamur nihilominus quod om-
nem præsentiam Christi secundum huma-
nam naturam negemus; quod eum omnimo-
do & cœq; absentem statuamus: quod ecclesiæ
caput suum præsens esse negemus; pios Me-
diatore suo spoliemus: Christum dicamus hu-
manitate sua nullo modo nobis adesse, neque
quicquam nobiscum agere. Atqui hæc est ma-
nifesta & atrox calumnia, cum diserte toties
testati simus, nos tantum negare carnis eius
substantialem & corporalem præsentiam, quæ
etiam non potest non localis esse, quam aduer-
sarij ipsi improbant, & pugnat cum ascensione
Christi & veritate humanæ naturæ.

*Falsò nos accusari, quod Christum
spoliare conemur sua diuinitate & po-
tentia, & nihil amplius quam Machu-
metani illi tribuamus.*

DE PRAESENT. CHRIST

Vbiquitate
quidam ac-
cusari cri-
men suum
in nos rege-
runt.

Initio tristis illius controuersiae Sacramen-
tariae cum quidam Vbiquitatem corporis Chri-
sti asserere iam tum inciperent, Zuinglius ma-
gno iudicio & singulari gratia discernendo-
rum spirituum praeditus, coepit monere Eccle-
siam, vt sibi ab hoc dogmate caueat, quod id
resipiat errorem Martionis, & spectat ad abo-
lendam veritatem humanae naturae in Christo
Seruatore nostro. Postea vero cum Brentius
& Andreas Vbiquitatem hanc nouis colori-
bus fucatam denuo Ecclesiae obtrudere con-
ati sunt, ibi rursus viri complures doctissimi, at-
que inter hos praecipui, Martyr, Bullingerus
& Beza, ostenderunt ab ipsis veteres errores
renouari. Nam quod ad conuentum & vnio-
nem naturarum attinet, ad Nestorianam he-
resin ipsos accedere, quantum vero ad realem
communicationem & transfusionem proprie-
tatum, & exaequationem humanitatis cum di-
uinitate, in eo prorsus Eutychianos esse. Has
accusationes vt grauissimas, ita etiam verissi-
mas cum illi ferre non possent, vt sese horum
criminum suspicione liberaret, eadem nostris
impingere coeperunt, non dissimiles hac in re
furi quidam nundinario, qui cu rebus alterius
furto ablati in magna hominum turba fuga
se subduceret, altero insequente & clamante:
Tenete furem: ipse quoque clamabat furem te-
nendum

nendum
furi ar-
biquita-
rent, o
Ecclesie
carnati
Christi
in Ecc
literis
confen-
biquita-
& pra-
uersia
illis or-
perpet-
apud
sibi li-
sertim
defen-
Iacob
Eccle-
tiam
modi
Itaque
nes a
possi-
genic
scripi

pendum esse, quasi insons à crimine alterum
furti arcefferet: Simili modo nouæ huius V-
biquitatis authores, vt se ipsos crimine libe-
rent, omnium pene ~~omnium~~ suspicione nostras
Ecclesias grauari conantur. Porro cum de in-
carnatione Domini & Seruatoris nostri Iesu
Christi, non aliam doctrinam proponamus
in Ecclesijs nostris ab illa quam quæ ex sacris
litteris deprõpta, & in veteri Ecclesia perpetuo
consensu tradita est, in qua & cæteri præter V-
biquitas Augustanæ confessionis sectatores,
& præterea etiam Papistæ absque vlla contro-
uersia inter se hætenus consenserunt, tamen
illis omisis nos præcipuè inuadūt: quia enim
perpetuis calumnijs Zuinglianorum nomen
apud vulgus exosum reddiderunt, existimant
sibi liberum esse quiduis de illis fingere, præ-
sertim cum diligenter ante cauerint, vt omnis
defensionis locus illis præcludatur. Etsi autem
Iacobo Andreæ non incognita est doctrina
Ecclesiarum nostrarum, tamen nõ veretur e-
tiam contra suam ipsius conscientiam huius-
modi putidissima médacia de nobis spargere.
Itaque cum nullę quantumuis iustæ defensio-
nes apud huiusmodi homines locum habere
possint, apud reliquos verò qui moderatõ in-
genio præditi absque præiudicio nostrorum
scripta legunt, non longa defensione opus sit,

DE PRAESENT. CHRISTI

ego quoque in hoc loco non diu immorabor, sed tantum quasi prætereundo falsitatem huiusmodi criminationum norabo.

Accusatio
Andree cō
tra nos.

Est igitur hæc ipsius accusatio: Negare nos Christum hominem omnipotentem esse, ideoque etiam eiusdem diuinitatem, omnesque simul articulos fidei negare, atque nihil plus Christo tribuere, quam illi Machumerus in suo Alcorano tribuit. Grauis mehercule accusatio & omnium atrocissima, quæ nobis intendi possit, quæ si vera esset, meritò ab omni societate Christianorum hominū excludendi & arcedi essemus: quod si falsa est, uti facile nos demonstraturos speramus, quid sentiendum est de his, qui huiusmodi calumnijs & horrendis criminationibus ipsos Ecclesias opprimere conantur? Sed quia nos Christum hominem omnipotentem esse, & Deum esse negare aiunt, de eo primum agamus quomodo Deus

Quomodo
homo Deus

sit, neque enim aliter omnipotens, aliter Deus est. Hominis autē nomine si ipsam personam intelligimus, fatemur ex animo & sincerè credimus, Iesum Christum ex Maria virgine natum, ab æterno verè & essentia Deum esse, & vnigenitum Dei Filium. Si autem loquuntur de humanitate assumpta à Deo Verbo, dicimus eam creaturam nostræ naturæ consubstantialē esse, non autem essentia aut diu-

nitatis

nitatis communicatione in se Deum esse, non magis quàm humanitas est diuinitas. Et quomodo humanitas in se esset Deus, cum ipsa in se non habeat propriam subsistétiam? Et quod homo est, hoc est rationabilis indiuidua & incommunicabilis substantia, hoc in Deo Verbo habet, in cuius persona subsistit & à qua sustentatur. Itaq; cum dicitur homo esse Deus, subiectum de quo dicitur Deus, est ipsa Filij persona in qua Christus homo subsistit. Quod si qui hominis nomine intelligunt ipsam humanitatem, & quærunť quomodo homo ille sit Deus, non vnione sed in se communicata Deitate, hi humanę naturę alią à Verbo personam tribuunt, & Christum diuidunt. Similiter qui Christum seruátorem duplici diuinitate Deum faciunt, vna naturali per essentiam, altera communicata per gratiam, qua humanitas Christi peculiari quadam participatione Deitatis Deus sit, hi omnino cum Nestorio Christũ in duas personas diuidunt: alia enim erit diuinę naturę persona, quę natura Deus est: alia hominis persona, quę sit communicatione & participatione gratiæ Deus, atque ita etiam erunt duo filij, alter secundum diuinitatem & naturá, alter Deificata humanitate per gratiam, & item Maria Dei genitrix dicetur, quod hominem pepererit, qui secundum com

DE PRAESENT. CHRISTI

In defenſio
ne Anathe-
mar., l.

municatas diuinæ naturæ proprietates Deus dicatur. At longe aliter Cyrillus & reliqui V-
terum qui Nestorianum errorem confutarūt,
docuere, qui ideo sanctam Virginem Dei geni-
tricem nominarunt, quòd Deus Verbum, qui
ante secula ex patre natus est, in vltimis die-
bus ex ipsa incarnatus & natus est: Verbum
enim cum secundum naturam Deus esset,
semen Abrahamæ assumpsit & caro factū est, nul-
la quidem essentiae suæ conuersione, alteratio-
ne aut commixtione, confusione & tempera-
tura cum carne, sed ita vnitum est carni ani-
mam rationalem habenti, vt vnus sit Dei ac
patris filius Dominus noster Iesus Christus.
Sicut igitur Dei genitrix dicitur propter
Deum verbum assumpta carne natum, sic eti-
am Christus homo verè Deus est Verbi deita-
te, sicut Augustinus inquit: In assumptione for-
mæ serui à forma & persona Dei vtrunque
Deus est, sed per assumentem Deum, sicut v-
trunque homo est, sed per acceptū hominem.

Lib. 1. de
Trinitate.

Cassianus
quomodo
Christum
Deum asse-
rat.

Atque in hanc sententiam Veteres omnes
Christum hominem Deum esse docuerunt,
atque inter alios Cassianus (quem Vbiquiste
& Schuencfeldiani falsò sibi patrocinari ar-
bitrantur) septem libris de incarnatione Do-
mini aduersus Nestorium scriptis, vbi hoc vni-
ce contendit, Iesum conceptū ex Spiritu san-

cto &

fito & natum ex Maria virginē, quem videre discipuli & palpauere, verum Deum esse, neque tamen vsquam meminit vllius communicate deitatis, qua hic homo Deus sit, sed hoc vbique vrget, Christum antequam in carne nasceretur Deum fuisse & Dei filium, & carne assumptā vnum esse Dei filiū, ideoq; hominem Deum esse, per ipsum cui vnitus erat, Dei verbum. Vnde lib. 5. Ergo (inquit) euidentissimum est, quod ambo Dominum Iesum Christum & hominem manifestarūt & Deum, quia eundem postea hominē quem semper Deum, & per hoc hominem et Deum, quia hominem ipsum Deū: Iesum Christum (inquit) manifestatum esse à prophetis & Euangelistis hominem, quem scilicet viderint & palparint, & qui homo etiam nominetur aperte in scripturis. Item Deum, qui in principio semper fuerit, & Deus excelsus ab illis nominatur: ideo autem eundem hominem & Deum esse, quia qui semper fuit Deus Verbū, postea homo factus est, & per hoc homo & Deus, vt scilicet iam incarnatione facta verbum assumpta carne homo sit, & ita vnus & idē Christus, homo sit & Deus: idque quia homo ipse Deus, hoc est, non alius est homo, alius Deus, sed vnus & idem vtrumque. Homo enim ipse ex Virgine natus ita vnitus est Deo Verbo, vt in illo subsistat, qua-

DE PRAESENT. CHRISTI

„ re paulò post Cassianus hanc vnitatem adhuc
 „ clarius exprimit , Idem (inquit) Iesus heri &
 „ hodie, id est: idem ante exordium mundi, qui
 „ in carne: idem in præterito , qui in præsentia:
 „ dem quoque etiam in secula: quia idem per o-
 „ mnia qui ante omnia. Et hoc totum Dominus
 „ Iesus Christus. Et quomodo idem ante mun-
 „ di ortum, qui nuper ortus? scilicet quia idem
 „ in homine nuper ortus, qui ante ortum omni-
 „ um Deus. Et ideo Christus totum nominatur
 „ quod Deus: quia tanta est Christi & Dei vni-
 „ tas, ut nemo vtiq; iam omnino possit vel Chri-
 „ stum dicens, non Deum in Christi nomine di-
 „ cere: vel Deum dicens, non Christum in Dei
 „ nomine nuncupare. Ac sic vnito sibi penitus
 „ per maiestatem sacrae natiuitatis vtriusq; sub-
 „ stantiae Sacramento, quicquid erat: scilicet ho-
 „ mo & Deus, factum est totum Deus. Item ali-
 „ bi Dei & Christi inseparabilem inquit esse sub-
 „ stantiam, quòd scilicet vna sit persona insepa-
 „ rabilis , inter Deum & Christum nullam esse
 „ distantiam : item per vnitatem ineffabilem
 „ nullam esse distantiam inter Christum & ver-
 „ bum: item Dei filium vnum verè & semper o-
 „ mnia gessisse quæ sunt hominis , & quæ sunt
 „ Dei: item quicquid est homo & Deus, totum
 „ penitus nominatur Deus indiscreta vnius no-
 „ minis maiestate , quia vnitus est cum homine
Deus:

Deus: multæque huius generis locutiones apud hunc authorem occurrunt, quibus explicat inseparabilem personæ unitatem, cuius ratione homo Deus dicitur. Loca etiam scripturæ, in quibus quæ vnius naturæ sunt alteri in concreto tribuuntur, aut ubi vnius naturæ nomine tota persona significatur, docet interpretanda esse per synecdochē. Postremo in fine 7. libri, Veterum testimonia quàm plura adducit, in quibus etiam hominem Christum Deum esse asseritur, sed nō alia ratione, quam quod vnus & idem sit Dominus noster Iesus Christus, Deus verus ex Deo vero & ante secula natus & postea homo genitus.

Nos quoque non aliam fidem habemus de Domino & seruatore nostro Iesu Christo, sed cum D. Petro eum qui est hominis filius aperte confitemur esse filium Dei viui: & cum D. Paulo hunc qui ex semine Dauid natus est secundum carnem, credimus esse Deum, & qui dem Deum super omnia benedictum: Et cum D. Thoma eum qui vulneratus, crucifixus & mortuus, vera palpabili & aspectabili forma à mortuis resurrexit, Dominum & Deum nostrum esse clamamus: agnoscimus enim in eo qui crucifixus est, omnem plenitudinem Deitatis inhabitare *συνάρχως*, & vnum atque eundem esse, qui in forma Dei, hoc est verus Deus

Nostra confessio.

DE PRÆSENT. CHRISTI

existēs, assūpsit formā serui, Verbum enim quod
caro factum est, erat apud Deum & erat Deus;

*Communi-
cata deitate
humanitas
non sit
Deus aut
omnipotēs
aut adoran-
da.*

Quod si aliqui hac simplici confessione
Apostolica non contenti, existimant in ipsa
carne Christi quandam communicatam Dei
tatem, aliam à Deitate Verbi; qua illud Patri
& Spiritui sancto consubstantiale est, quæ-
rendam esse, caueant, ne, quod maximum pia-
culum est & Antichristi opus, Iesum Chri-
stum soluant, & nobis pro vero Deo homi-
nem diuinum aut deificatum adorandum pro-
ponant. Nam æternæ & infinitæ Deitatis ea
est ratio, vt non possit transfundi in creatu-
ram, sic vt illa fiat Deus: effusio enim donorū
non efficit, vt ea creatura, cui dona Dei com-
municata sunt, Deus sit: Erit quidem diui-
na, ornata donis diuinitatis, sed non propterea
Deus. Ideoque etiam non adoranda, manet
enim fixum illud: Iehouam Deum tuum ado-
rabis. Quæ quidem adorationis ratio in Chri-
sto nobis optimè cōstat, quando eundem qui
homo est, scimus verè & natura Deum esse;
ideoque omnipotentem & inspectorem cor-
dium nostrorum, neque alibi vsquam homi-
nem à Deo separamus: & vt humanitati quæ
à diuinitate suscepta est, non tribuimus pecu-
liarem deitatem: Ita etiam non illi in se tribui-
mus quod sit adoranda, quod sit omnipotens,
quod

quod præsentissimè adfir & corda scrutetur. Si enim hæc humanæ naturæ in sese tribuantur, vt transfusa à diuinitate in humanam naturam in ipsa tanquam in suo subiecto inhæreant, simul quoque (vt supra diximus) tribuitur sua hypostasis separata humanitate, & Christus soluitur, & duo fiunt Dij & filij, natura alter, alter gratia : & sequitur vel hominem hunc non adorandum esse, vel aliquem adorandum esse qui natura non sit Deus. Qui igitur diuinitatis & adorationis & omnipotentis rationem in ipsa humana Christi natura quærunt, & hominem hunc per naturam humanitatis suæ Deum omnipotentem & adorandum esse volunt, non intelligunt quomodo Christus verè sit homo: Christus enim, quod sæpe dictum est, non per se aut seorsim, sed in ipsa omnipotentis Verbi persona est homo. Humanitas enim in Christo non est homo, etiamsi integra sit vt in cæteris hominibus, sed persona Verbi vnitam in se habet et subsistentem humanitatem, cui mysterio nihil simile in alijs hominibus cogitari potest.

*Persona
Christi sola
uitur.*

Porro quod aduersarij quærunt: An humanitas Christi cum omnipotentia diuina nullam re ipsa communionem habeat : *Ob die menschlich natur mit der Allmechtigē Gottheit nichts mit der that gemein habe/ Ambi*

DE PRAESENT. CHRISTI

unionem
habeat cum
omnip. Ver
bi.

guum est : Nam per communionem intelligi potest communicatio personalis, quod scilicet humana natura ab ea persona assumpta est & in illa sustentatur, quæ Deus est & omnipotens, atque hæc communicatio dici forte potest realis, quoniam unio naturarum vera est & ineffabilis, & ea quæ naturarum sunt propria, reipsa sunt huic personæ communia, sed quæ diuina sunt, in natura Dei Verbi, & quæ humana in ipsa humanitate. Atque ita dicimus humanam naturam communionem habere omnipotentiz, sicut & Deitatis: sicut enim humana natura non in se est Deus vel diuinitas, sed homo est Deus: sic etiam in se non est omnipotens, sed pars personæ omnipotentis: Liceat enim nobis exemplo Veterum naturas in Christo partes personæ illius nominare. Rursus quæ de reali communicatione omnipotentiz proposita sunt ab aduersarijs, intelligi possunt de reali transfusione, quasi diuina natura suam omnipotentiam transfuderit in humanam, sic ut Christus homo, quatenus homo seu secundum humanam naturam, sit omnipotens donec & communicatione factus: hanc communionem nos negamus. Quoniam ut supra ostendimus, realis illa transfusio proprietatum prorsus Eutychiana est, & veritatem humanæ naturæ in Christo abolet. Neque tamen pro-

pterea

propterea accusandi sumus quod Christum impotentem hominem faciamus, nam quod nos docemus, docent Sacre literæ, & has eodem modo quo & nos Lutherus interpretatus est, cuius autoritas ab aduersarijs rejici non potest, quando omnium Patrum autoritati à plerisque eorum præponitur: Is autem in 7. cap. Danielis ita scribit: Ab eo momento quo diuinitas & humanitas in vnam personam vnitæ sunt, homo Mariæ filius est, ac nominatur omnipotens, æternus Deus, qui æternam potestatem habet, omniaque creauit & conseruat, per communicationem idiomatum: propterea quod vna est cum diuinitate persona & verus etiam Deus: & de hoc loquitur Matth. 21. Omnia mihi data sunt à patre: & Matth. vlt. Data est mihi omnis potestas in cælo & in terra. Loqui autem hic Lutherum eodem modo de communicatione idiomatum, quo nos docemus, non de reali illa communicatione nuper confecta, inde apparet, quod hac communicatione Christo homini æternam potestatem & omnium rerum creationem tribuit. Longe autem clarius alibi inquit: Intempestiuam narrationem quidam hic afferunt, dicentes, Filius nescit, id est, noluit scire. Quid enim opus istis commentis? Christus verus homo fuit, quare vt alius prius, sed sanctus homo, non quolibet tem-

Lutherus
negat Christo
fuisse quoddam
humanam
naturam omnino
impotentem
nisi per communicationem
idiomatum.

..

..

..

..

..

..

..

..

DE PRAESENT. CHRISTI

„ pore cogitauit, dixit, voluit, intellexit omnia,
 „ sicut imperiti quidam omnipotentē in eo ho-
 „ minem faciunt, permiscentes duas naturas, at
 „ que opera earum parum prudenter. Sicut e-
 „ nim non quolibet tempore omnia vidit, audi-
 „ uit atq; sensit, ita etiam corde non omnia sem-
 „ per agnouit, sed quantum illum duxit ac do-
 „ cuit Dominus. Scholastici etiam de omnipo-
 „ tentia humanæ naturæ in Christo sic scribūt:
 „ Homini Christo attribuitur omnipotentia
 „ per communicationem idiomatum, sicut cete-
 „ ræ proprietates diuinæ: sed de humana natu-
 „ ra in Christo quæ est creatura, respondetur
 „ breuiter, quod omnipotentia nulli creaturæ
 „ communicari potest. Si igitur Turcæ sunt qui
 „ humanitatem Christi seu humanam naturam
 „ omnipotentem esse negant, age Lutherum
 „ primum damnet, deinde Scholasticos scripto-
 „ res, ad quos tamen cum ipsi libet, Iacobus An-
 „ dreæ prouocat, & multa ab illis de mysterio
 „ Trinitatis & vnionis personalis pie & erudite
 „ scripta, asserit.

Impedens
 calumniæ
 aduersar.

At inquit: Zuingliani non plus tribuunt fi-
 lio Mariæ quàm Turcæ. Alcoranus enim Tur-
 cicus huic tribuit quod Deus illi animam suā
 dederit, eumque omnibus prophetis excel-
 lentiorē fecerit, negat tamen eum omnipo-
 tentem esse: non plus autem (inquit) Andreas
 Zuingl.

Zuingliani Christo tribuunt. Hoc verò falsissimum est: ac mirum profecto est hominem Theologum adeo omnem pudorem exuisse, vt non dubitet publice ea de nobis affirmare, de quibus mendacij & calumniæ eum arguunt non tantum nostrorum scripta & conciones, sed propria ipsius quoque absque dubio conscientia: neque enim ignorat quæ sit nostra fides & confessio de Iesu Christo Dei & Mariæ filio, & quam hæc nihil habeat commune cum Alcorano. Num enim Alcoranus docet Iesum esse Deum & seruatorē nostrum Dei filium? Vbi verò Alcoranus meminit illius ineffabilis mysterij, quod Verbum caro factum est & Deus homo natus seu Deus manifestatus in carne? Sed quid ego hanc comparisonem ingredior, cum totum genus doctrinæ diuersum sit? Neque enim vllum caput nostræ doctrinæ Iacobus Andreæ proferre poterit, in quo à Catholica Ecclesia dissentientes cum Alcorano congruamus. At (inquit) Alcoranum adimere Christo homini omnipotentiam, idem autem nos quoque facere. Sæpe iam dixi nos nunquam negasse neque etiam negare Christum hominem esse omnipotentem, nisi hominis nomen pro abstracto ponatur, cum enim cum Veteribus Christum hominem hoc est, quatenus homo est, seu huma-

DE PRAESENT. CHRISTI

nam eius naturam in se & re ipsa non esse omnipotentem asserimus. Sed hoc illud est quod ante dixi & deinceps repetendum erit, illi ipsi qui nobis Machumetanismi crimen impingunt, verè Nestoriani sunt, quorum error primus ad Machumetanismum gradus est: humanam namque naturam in Christo ut per se subsistentem considerant; ideoque ut propriam personam illi tribuunt, non autem tantum à Verbo eam sustentari agnoscunt, ita quoque propriam illi omnipotentiam & Deitatem asserunt: atque ut illis non satis est hominem hunc in verbo subsistere: ita illis etiam non satis est hominem hunc in verbi natura omnipotentem esse. Nam si non extra Verbi personam hominem hunc considerarent, sicut etiam Machumetani faciunt, facile viderent nos hoc ipso, quod aliam quam Machumetani subsistendi rationem huic homini tribuimus, prorsus ab illis discrepare. Etsi enim illi Iesum Mariæ filium nominant, quia tamen huic non agnoscunt Dei filium & unum atque eundem in eadem persona hominem & Deum, non magis eundem Christum nobiscum profitentur, quam eundem Deum creatorem cæli & terræ, qui illis neque pater neque filius neque Spiritus sanctus est, sed est figmentum cordis eorum, unde etiam veteres anathema dixerunt

runt Deo Machometis holosphyro.

Antitrinitarij.

Quod autem obijciunt nobis improbos nebulones qui vel prorsus ad Turcas defecerunt, vel Samosatenicos furores Turcicis affines in Polonia & Transylvania spargunt, hos dicentes à nobis egressos esse, atque inde constare nos alere semina Turcicæ doctrinæ: argumentum est admodum futile. An non enim primi illi hæretici ex Apostolica Ecclesia egressi sunt: de quibus Apostolus inquit: Egressi sunt ex nobis, sed non fuerunt ex nobis. Possem multos nominatim commemorare qui ab aduersarijs nostris ad Papistas defecerunt, num verò inde conficere licet ipsorum doctrinam esse Papisticam: præsertim cum nō pauca proferri possint in quibus cum Papistis consentiunt. Cerrū est Antitrinitarios, & qui blasphemias opinioniones de Christo in Polonia, Transylvania & alibi disseminarunt, omnes ex Serueticæ schola prodijisse, Seruetus autem nunquam fuit membrum nostrarum Ecclesiarum, sed ab initio cum sua impia dogmata in lucem proferre conaretur nostrarum Ecclesiarum ministri constantissimè se illi opposuerunt, & quæ postea fuerint cum magistratuum politicorum, tum etiā ministrorum Ecclesiæ de Seruetana doctrina iudicia, ex horū libris & illorum rebus gestis vniuerso orbi

DE PRÆSENT. CHRISTI

A. Iheronimij
confirmans
errores An-
tichristi.

notum est. Vtinam verò illi, qui nobis iniuste
imputant Antitrinitariorum furores, non ipsi
eosdem suis novis figmentis, & inusitatis in-
terpretationibus locorum scripturæ confir-
marent. Nam in Transylvania de Christi ho-
minis diuinitate & quomodo Deus sit, ita do-
cent: Deum censerì paternæ diuinitatis inha-
bitatione, participationeque, communicata
illi virtute, diuinitate, & miraculorum pote-
state. ita enim scribunt in libello de Mediato-
ris Iesu Christi hominis diuinitate æqualita-
teque, edito Atbæ Iuliæ, 1568. & ibidem has
rationes afferunt, cur homo Christus sit Deus:
Primò quod sit proprius Dei filius conceptus
de spiritu Dei in vtero virginis. Deinde quia
dedit illi Deus nomen, quod est super omne
nomen. Quod omnis plenitudo diuinitatis
in illo corporaliter inhabitat. Itē, Quia illi da-
ta fuit omnis potestas in cœlo & in terra, &c.
His admodum affinia sunt, quæ Iacobus An-
dræ scribit, qui enumeratis locis scripturæ
quibus dicitur Christo data omnis potestas,
& collocatum ad dexteram patris, & omnia
subiecta pedibus eius, & in ipso habitare om-
nem plenitudinem, subiicit: Hæc sunt testimo-
nia illustria, quæ docent, cur homo Christus
dicatur Deus, non quia Deus sit in ipso (qui in
omnibus creaturis est non modò natura, sed
etiam

etiam secundum subsistentias, sicut supra demonstratum est) sed quia in assumptione carnis dedit huic homini omnem potestatem in celo & in terra, ornauit eum omniscientia & sapientia, communicauit ei omnia dona Spiritus sancti, collocauit eum super omnem principatum, dedit ei nomen super omne nomen, quod nomen est Dei nomen. Et hoc est hominem quoque esse Deum. Rursus Franciscus Davidis in opere contra Petri Carolini librum locum Pauli ad Philip. In ipso inhabitat plenitudo deitatis corporaliter, sic interpretatur: Vocabulum corpus opponitur umbris veteris Testamenti, in quibus ex parte ac sub umbris virtus deitatis splenduit & emicuit, & explicatur ad Heb. 10. quod significet, non in parabolis vel exemplis, sed re ipsa. Plenitudo Deitatis accipitur pro donis divinis quibus Christus exedificatus est sine defectu, ut omnes nos ex ipsius sapientia participemus & implemur: significat plenaria Dei dona quæ ex parte etiam fidelibus dantur. Conferatur cum hac interpretatione; Ubiquitaria huius loci interpretatio, expendatur etiam alia loca scripturarum quæ de Deitate Christi loquuntur, inueniemus Ubiquitatem cum Antitrinitariis ubique ferè consentire, quod hæc de humana natura Christi & illi communem Deitate interpretantur. Et si autem Vbi-

DE PRÆSENT. CHRISTI

quiste in eo ab Antitrinitarijs dissentiūt quod
 ἀποφύσσειν agnoscunt qui carnem humani
 assumpserit, facile tamen apparet quantum eo
 rum causam iuent, quando hæc fundamenta
 illorum confirmant, nempe scripturam hic
 non loqui de æterna & vera Deitate, sed qua-
 dam communicata, item Deitatem esse com-
 municabilē homini. Equidem melius de illis
 spero quàm vt existimem ipsos tam horēdis
 furoribus Seruetanorum patrocinari velle, in-
 terim cum immerito nos illis cōiungant, non
 potui nec debui præterire quin ostenderem i-
 psos Seruetanorum fundamenta ex parte sub-
 struere: neq; in hanc tantum partem peccant,
 sed dum nimio contendendi studio doctrinā
 de incarnatione filij Dei suo arbitrato fingunt
 atque refingunt, quàm plurimos errores Vete-
 rum dudum damnatos renouant, sicuti dein-
 cepts ostendemus.

*Vbiquistæ suis dogmatibus Nestorianam et
 Eutychianam atq; alias his cognatas
 hæreses renouant.*

Et si sæpe antea nostri copiose & perspicue
 demonstrarunt, quæ sit cognatio nouæ hu-
 ius doctrinæ Vbiquisticæ cum Veteribus da-
 dum damnatis hæresibus tamen arbitror non
 mole-

moletum fore Lectori, si quod in alijs partibus huius tractationis feci, breuem summam eorum, quæ ab alijs fusius tradita sunt, hic repetam. Nam cum ipsos non pudeat eisdem errores repetere & renouare, nos quoque non pigere, nec pudere debet, Ecclesiam subinde de his erroribus admonere, & indicare instans periculum, ne incauti aliqui & simplices seducantur.

Initio igitur doctrinam eorū de vnione personalī, quam per transfusionem aut communicationem realem omnium donorum & proprietatum diuinæ naturæ definiunt, dicimus ad Sabellianam & Patripassianorum hæresin accedere. Communicatio enim donorum ex æquo ad omnes personas Trinitatis pertinet: ac quod Andreas dicit aliam esse ingentam patris, aliam genitā Filij, aliam procedentem Spiritus sancti sapientiam & potentiam, agnoscimus quidem personas ita distingui inter se, at ubi de communicatione agitur, communis est operatio trium personarum. Itaque sequitur ut communicatio hæc communis est tribus personis, ita etiam vnionem seu assumptionem carnis communem illis esse, & sic passionem & mortem non tantum ad Filij, sed etiam ad Patris & Spiritus sancti personas pertinere.

Error Patripassianorum.

DE PRAESENT. CHRISTI

**Nestoriana
dogmata.**

Deinde vnio illa quod eadem inhabitatio
sit filij Dei in filio hominis, quæ & in cæteris
sanctis, sed solum hoc differat, quod alijs certa
tantum & finita dona, huic autem omnem suâ
potentiam communicet, prorsus Nestoriana
est, & nominatim damnatur à B. Cyrillo Ana-
thematismo 5. In quo constanter asserit Deum
Verbum aliter habitare in assumpta carne at-
que in cæteris sanctis. Nam cum reprehenso-
res Cyrilli, Christum dixissent Deiferû homi-
nẽ, sed qui non particularem quandâ gratiam
acceperit, sed omnem vnitam habeat filij Dei-
tatem, reijcit id Cyrillus, & docet longe aliud
esse Verbum factum esse hominem, quàm ha-
bitare in homine. Idem etiam sensisse D. Augu-
stinum supra docuimus. Iam quod Brentius
scribit de Petri miraculis: Et edidit hæc mira-
cula potentia diuina, eaque non longe absen-
ti, sed omnino intime præsentis, non igitur ne
hac quidem ratione discrimen est inter Chri-
stum & Petrum. Item quod de resurrectione
addit: Sicut Christus excitatus est diuina vir-
tute, ita resurget etiam Petrus diuina virtute,
eaque non absenti, sed omnino præsentis, nec
minus ipsi quàm Christo intime præsentis, ea-
que tota præsentis, quod ubicunque est diui-
nitas, ibi sit tota, cum Verbum seu ~~non~~ non
minus sua essentia, potentia & præsentia habi-
tet in

et in Petro quam in homine Christo. Hęc in-
 quam omnia Nestoriana sunt, & cum septimo
 & nono Anathematismo Cyrilli pugnant. Pe-
 trus & alij sancti in Spiritu sancto miracula o-
 perati sunt, qui tamen alij ab ipso fuerūt, quod
 si Christus & Petrus eodem modo miracula
 operati sunt, oportet in Christo quoque virtu-
 tem spiritus operantem aliam ab ipso fuisse,
 quod vt Nestorianum damnat Cyrillus, ac in-
 ter alia inquit: Itaq; vnus & solus Christus Ie-
 sus, quasi per organa corporis sui operatus
 est diuina signa, & non operandi virtutem ha-
 buisse eum dicimus secundum similitudinem
 sanctorum. Præterea ita loquuntur Vbiquistæ
 vt vix ipse Nestorius alijs locutionibus quæ
 apertius personas separarent, vsus fuerit (si
 modo de illo iudicium faciendum est ex frag-
 menti concionum eius & epistolis, quæ E-
 phesino Cocilio coniuncta habentur, veluti
 cum dicunt, Aeternum Dei filium habitare
 in filio hominis, quem ex Maria virgine as-
 sumpsit. Item, Filium Dei implere sua essen-
 tia Filium hominis, quem assumpsit: item Chri-
 stum hominem æquè ac Christum Deum v-
 bique præsentem esse: Christum hominem
 omnia facere velle, ac posse, quæ Christus
 Deus vult facit ac potest: quasi scilicet alius
 sit filius Dei, alius filius hominis, alius Chri-

Phrases Nestorianæ.

DE PRAESENT. CHRISTI

stus Deus, alius Christus homo: & non potius
 vnus & idem Dei & hominis filius, Deus &
 homo. Atque etiam aperrius quasi de duobus
 filiis loquuntur, dicentes: Hominem Christum
 vnā personam factum cum filio Dei partici-
 patione proprietatū filij Dei. Item hominem
 Christum parem maiestatem cū filio Dei ha-
 bere: Nam in huiusmodi locutionibus conu-
 meratione videtur indicari personarum mul-
 titudo & separatio. Ac praepositio Cum à Pa-
 tribus in abstracto quidem vsurpatur, sed eo-
 dem modo in concreto adhibita, duas perso-
 nas coniungere videtur. Huiusmodi autem lo-
 cutionibus pleni sunt Vbiquistarum libri, qui
 nescio quo consilio absque vllō discrimine vo-
 cibus abstractis & concretis eodem modo v-
 tuntur. Item quod scribunt diuinitatem reali-
 ter cōmunicare humanitati personam, pro-
 fus Nestorianum est. Sicut enim suae commu-
 nicationis realis ratione aliam statuunt diui-
 nitatem hominis Christi, communicatam illi
 ab essentiali & aeterna diuinitate verbi: ita e-
 tiam eiusdem ratione illos statuere oportet a-
 liam cōmunicatam personam hominis Chri-
 sti à persona verbi, atque ita duae erunt personae
 Christus homo, & Christus Deus, quae est i-
 pssissima Nestorij haeresis. Neque refert quod
 deinde communicatione proprietatum & ha-
rum ex.

Dux per-
 loax.

tum exæquatione vnā personam faciunt, namq; etiam Nestorius idem faciebat, docens hāc adunationis rationem, quod homini huic donata esset à Deo æqualitas dignitatis siue authoritatis, & vt simili appellatione Christus & Filius dicatur & Dominus, sicut Cyrillus scribit cap. 27. lib. de Incarnatione. Præterea ^{Quaternitas.} pro Trinitate quaternitatem in diuinitate statuunt, si enim humana natura in Christo cum implicata diuinitate & transfusione donorum Deus facta est, atque alia hæc est communicata diuinitas ab æterna Deitate verbi, oportet vt quartam personam faciant Christum hominem Deum secundum humanam naturam. Simul etiam duplicem Deitatem faciunt eamq; inæqualem. Et tale quid innuit Marpachius, qui proprietates & opera diuinitatis, & nomen atque honorem Iehouæ, inquit nemini conuenire, nisi Trinitati, aut huic qui Trinitati personaliter coniunctus sit, & in ea contineatur. Atque hæc disiunctiua propositio fundamentum est omnium illius argumentorum, quibus nos crasso volumine dudum edito prostertere voluit, & tamen nusquam hanc probat, sed quasi pro confessio sumit. Vbi ego hoc quæro à Domino superintendente, vtrum de persona, an de natura loquatur? Si enim loquitur de natura, proprietates & opera, nomen

DE PRÆSENT. CHRISTI

men & honor sanctæ Trinitatis soli diuinæ naturæ conueniunt, quod si vult hæc ad creaturam naturam transferri posse, ostendat id, vt omnes videant eum Arianorum & Seruetanorum nostræ ætatis furoribus viam sternere; Quod si de persona loquitur, rursus etiam hæc disiunctione non erat opus, nam si aliam personam Trinitati connumerare vult, quaternitatem facit, si de æterna verbi persona loquitur, non opus erat disiunctione, cum Christus non sit coniunctus Trinitati, sed vnus ex Trinitate. Neq; nos Christum hominem Trinitate excludimus, nam illa persona quæ est Christus homo, non est creata aut finita persona, sed æterna persona Dei verbi, hæc assumptione carnis non est mutata, neque noua aliqua persona Trinitati accessit. Videtur autem opinione sua Marpachius inclinare ad eorum errorem qui stulto metu ne statueretur quaternitas propter carnis assumptionem, docuerunt carnem verbo consubstantialem fuisse, quorum errorem grauitè confutauit Athanasius.

**Adoratio
Christi.**

Præterea veram Christi adorationem euerunt, nam cū sit immota regula: Nemini adorationem deberi, nisi qui sit natura Deus, idemque ecclesia Christum, vt verum Deū & consubstantialem Patri filium inuocarit, naturas in eo non separans, sed ad ipsam personam eius

eter-

eternam adorationem dirigens, isti nouā adorationis rationem instituunt, docentes humanitatem Christi illa transfusione proprietatū diuinitatis accepisse, vt Deus sit & adoretur. Et cum dicunt Christum hominem adorandum esse, non loquuntur veterum more, vt hominis nomine totum Christum intelligant, sed hominis nomen pro humana natura accipiunt, ostendunt autem se cum Nestorio esse *homonitizantes*, humana enim natura nulla transfusione mutatur in diuinam, & homo communicatione donorum non fit Deus, sed homo diuinitus. Nos verò sicut Ephesina Synodus docuit, vna adoratione Emanuelem honoramus, sicut & in vnum Christum baptizati sumus, & in vnum Christum credimus, & adoramus incarnatum Dei verbum cum sua carne, quemadmodum etiam anima cum suo corpore honoratur: qui verò separatim in humana natura adorationis causas quærun, illi omnino duos Christos faciunt.

Atq; hætenus quidem Vbiquitaria doctrina Nestorianæ hæresi suffragatur, ceteris in rebus Eutychio errori affinis est. Quāuis etiam hæreses istæ contrariæ fuerint, tamen si partes inter se conferantur, est quædam consensus. Nam & Nestoriani cum Eutychanis vnam in Christo voluntatem & operationem statu-

Eutychna
nalogmas
ta.

DE PRAESENT. CHRISTI

Adione 18 runt, ut in sexta Synodo scribitur, sed tamen
 connexione affectus vnam. Et rursus Gelasius
 Eutychianos accusat quod in quibusdam Ne-
 storianizent. Et Seuerus à Iustiniano vtriusq;
 erroris causa damnatus fuit. Itaque non debet
 cuiquam mirum videri, quod nos quoq; Vbi-
 quistas contrariarū hæresum reos peragimus.
Distinuat Porro inter Eutychiana dogmata hoc vnum
 esse passibi- lem in Chri- sto.
 est: diuinam naturam quæ alioquin per se im-
 passibilis est, in Christo factam passibilem. Et
 si enim Iacobus Andreæ nusquam se dicat in-
 uenisse hunc errorem attributum Eutycheti,
 tamen certum est hæc de Eutychiatis scribe-
 re Theodoretum & Vigilium. Et Cedrenus
 item historicus illorum dogmata recensens in-
 quit: *Τὴ θεότητι μόνῳ ἀνορίμωσι*. De ipso quoq; Eu-
 tychete Leo Papa refert, eum tertium dogma
 Apollinaris amplexum fuisse, Deitatem con-
 uersam in carnem animamque. Quam aptem
 huic Eutychiano errori affinia sint hæc Vbi-
 quistarum dicta: Christum secundum vtranq;
 naturam pro nobis passum esse: diuinam na-
 turam in Christo passionis & mortis suo mo-
 do participem factam esse: humanæ naturæ
 passionem in ipsam diuinitatem redundasse,
 moderato & pio Lectori expendendum relin-
 quimus. Deinde Eutychiani non tantum
 damnati sunt, quod humanitatem in Christo
 abole-

Proprietates
 tes humani
 corporis
 ubi azas.

abolerent: cum enim non ita crasse loqueren-
tur, verum confiterentur Christum humanū
corpus habere, sed eius proprietates abieciſſe,
vt molem corporis, colorem, &c. nihilominus
hoc ipſo nomine damnati ſunt in poſteriori-
bus Synodis quę Chalcedonicā ſequutę ſunt.
Recte enim cenſuit ſexta Synodus, eos natu-
ras tollere qui proprietates naturarum tollūt:
neque dubitauit Euphemius Antiochenus E-
piſcopus palam in eo conuentu dicere; peius
& deterius eſſe docere Chriſti carnem dimi-
nutam in ſuis proprietatibus & imperfectam,
quā eandem penitus nō exiſtere. Vt autem
appareat quę fuerit Eutychianorum ſenten-
tia, apponam huc Theodori Pharanitani Epi-
ſcopi verba damnata in eadem Synodo actio-
ne 11. Noſtra quidem anima nō habet inſitum
talis eſſe virtutis, vt & naturales corporis pro-
prietates ab ea & à ſemet expellat: ſed neque
dominari in tantum apparuit rationalis ani-
ma ipſius proprii corporis, vt etiam quę circa
hoc ſunt, huicq; ſunt inſita, id eſt, molem, flu-
xumq; & colorem contineat, atque citra hoc
vnquam conſtituat. Quę omnia in diſpenſa-
tione Chriſti Saluatoris noſtri, & conſcripta,
& facta ſunt in illo diuino & viuifico corpore.
Etenim abſq; mole, & (vt ita dicatur) incorpo-

DE PRÆSENT. CHRISTI

rabiliter absq; direptione de vulua processit,
 & sepulchro etiam, vt &, tanquam super paui-
 mentum, supra mare ambularet. **Breuius.** Quid verò
 Ubiquistæ sentiunt? Aliquando quidem profi-
 tentur se retinere in Christo saluas propieta-
 tes humanæ naturæ, sed proprietatum nomi-
 ne ipsam naturæ substantiam intelligunt, ita vt
 relicta tantum prima essentia proprietas natu-
 ræ videatur mansisse, interea humanæ Christi
 naturæ omnes proprietates diuinitatis tribu-
 unt, quas illa saluis suis proprietatibus habere
 non potest, vt supra ostendimus. Deinde è nu-
 mero creaturarum humanitatem Christi exi-
 „ mūt, ita enim argumentatur Parsimonius: Ex
 „ tra creaturas nihil est nisi Deus, Humanitas
 „ Christi est extracreaturas. Exiuit enim è mun-
 „ do, hoc est, extra omnes creaturas in regno suo
 „ in quo fuit antequam esset vlla creatura. Ergo
 necesse est humanitatē Christi esse quod Deus
 est. Alij etiam scribunt corpus Christi alia ha-
 bere priuilegia, exemptum fuisse carnalibus le-
 gibus & omnia humana transcendisse: itē pro-
 prietates humanæ naturæ, quales sunt videri,
 tangi, loco circūscribi, per resurrectionē suam
 deposuisse. Atq; vt ostendāt humani corporis
 proprietates non conuenire corpori Christi,
 obijciunt, corpus hoc super mare ambulasse &
 clausis

Segebardus.
 dius.

clausis
 ris, q
 tum
 derin
 phen
 re: D
 tate f
 aliqu
 carit
 suam
 super
 prop
 natu
 itus l
 etia h
 perat
 caro
 lare &
 tatiat
 ipsius
 ration
 nem
 mnes
 lare &
 hum
 p
 dogm

clausis ostijs ingressum esse, & alia huius gene-
 ris, quæ etiam veteres Eutychiani in argumen-
 tum afferebant. Etsi autem supra ad hæc respon-
 derimus, tamen non pigebit hoc loco etiã Eu-
 phemij responsionem è sexta Synodo subijce-
 re: Dicit inquit, nobis ô tu ab omni aduersi-
 tate synceram custodiens mentem tuam. Erat
 aliquando tempus ab incarnatione, quãdo in-
 carnatus verbum Deus non habuit perfectam
 suam animatã carnem, aut quia pedestèr ibat
 super fluctus maris, non conseruabant pedes
 proprietatem humanæ naturæ: sed optimè in
 natura humana vltra naturã operabatur Chri-
 stus Deus noster, & non perempta vel extin-
 cta humana propria sui carne, saltem ipsius o-
 perationis effigies suadeat tibi confiteri, quod
 caro in propria natura permansit. Namambu-
 lare & pedibus super mare, nisi secundũ phan-
 tasiam fiebat, liquet quod pedum est operatio
 ipsius naturæ nostræ, & utiq; ipsa species ope-
 rationis, exclamat in pristinis mensuris car-
 nem fuisse seruata, & huiusmodi gressum o-
 mnes corporalem & sensibilem dicunt:ambu-
 lare autem super mare hoc, Deitatis erat per
 humanam carnem operantis.

Postremò inter damnata Eutychianorum
 dogmata hoc quoq; numeratur, vnam esse in

Vna actio
 in Christo.
 Resp. 1. con-
 tra Bezan.
 Pag. 28.

DE PRAESENT. CHRISTI

Christo voluntatem & actionem. Iacobus ap-
 tem Andreæ scribit, Ratione vnionis perso-
 nalis vnā esse actionem *λογος* & hominis as-
 sumpti, vt *λογος* sine homine assumpto nihil no-
 biscū agat; sed omnia cum ipso & per ipsam.
 Neq; verò ipsum ab errore Monothelitarum
 liberat quod ratione vnionis personalis vnā
 actionem ponit, nam & ratione vnionis per-
 sonalis vnā tantum voluntatem hi asse-
 rant. Vnā voluntatem affirmantes (vt Pau-
 lus Constantinopolitanus Monothelita scri-
 bit) ne aduersitatem vel differentiam volunta-
 tum introducerent, & ita duos volentes: neq;
 enim se hac ratione voluisse vel naturas con-
 fundere, vel alteram abolere, sed dicto hoc in-
 sinuantes inquit, quod eius rationaliter ac in-
 tellectualiter animata caro ex ipsa principali
 vnitione ineffabiliter quæque diuina sunt lo-
 cupletata eam sibi vniente secundum sub-
 stentiam verbo, ipsam diuinam possidebat, &
 non differentem voluntatem. Porro quod ad-
 dit *λογος* sine assumpta humanitate nihil nobi-
 scū agere, sed omnia cum ipsa, non improba-
 mus, quoniam vtraque natura operatur cum
 alterius communione hoc quod proprium ha-
 buit: sed quod addit per humanitatem assump-
 ptam omnia facere *λογος*, nescio an cum vete-
 ris Ec-

Synodo 6.
 Anno. 13.

An *λογος*
 omnia per
 carnem o-
 peretur.

ꝑ Ecclesiæ doctrina consentiat. Cyrillus scri-
 bit λόγος vsum tanquam instrumento propria
 carne ad opera carnis & infirmitates natura-
 les quæque à vitio longe sunt: anima verò sua
 ad humanas & inuituperabiles ægrimonias.
 Anastasius autem Antiochenus ita de Christi
 energijs statuit, vnā quidem esse diuinā
 miraculorum effectricem, eorū præsertim
 quæ absque sacrosanctæ illius carnis contactu
 edita fuerunt, vt sanatio filie Chananeæ, &
 filij Centurionis, tabernaculi disruptio, solis
 defectus, petrarum diffusio, mortuorum resur-
 rectio, quæ omnia sacrosancto Christi corpo-
 re mortuo in cruce pendente, neque horum
 quicquam attingente, sola Dei verbi energia
 diuina operata est. Alteram esse humanā e-
 nergiam, purā, sanctā, incontaminatā à
 Deo creatā atq; datā, eandemq; viuificā.
 Tercio esse communem vtriq; naturæ energiā
 eam, quæ vtriq; naturæ conuenienter cōgru-
 enterq; seu communi vtriusque naturæ opera
 formatur: cuiusmodi illa fuit, visus per sputū
 restitutio, filie principis synagogæ à mortuis
 excitatio, quæ sanctæ ipsius manus contactu
 facta est, &c. Similia scribunt alij è veteribus,
 neque absolute vsquā affirmant λόγος OMNIA
 per humanitatem assumptam operatum esse.

DE PRAESENT. CHRISTI

Quod si dicant sessione ad dexteram in hanc maiestatem euectum *διότι*, ea tamen nihilominus illi tribuenda erit mox ab ipsa Incarnatione seu vnione personali (quam ipsi non distinguunt à sessione ad dexteram) quod tamen nusquam veteres docuerunt.

Martionistarum hæc scilicet.

Postremo doctrina hæc realis communicationis veterem Martionis & Manichæorum errorem, per cuniculos in Ecclesiam introducere conatur, qui negarunt Christum verum & naturale hominis corpus habuisse, atque ea quæ hominum more fecerit & passus sit, solum phantasma quoddam fuisse. Nam si humana natura statim ab ipsa vnione personali re ipsa omnes diuinitatis proprietates accepit, neque amplius eiusdem nobiscum naturæ mansit, sequitur Christum non fuisse verè spectabilem & palpabilem, neque etiam verè, vel de loco in locum ambulasse, vel comedisse aut dormiuisse, esurisse, lassum fuisse, passum denique, crucifixum & mortuum esse, sed hæc omnia tantum fuisse quædam sensuum & oculorum ludibria. Neque aduersarios excusat, quod aiunt, corpus Christi semper habuisse huiusmodi diuinas proprietates, sed non semper exeruisse. Etenim dispensatio quam hic fingunt, parum admodum à Manichæico

nichaico phantasmate differt. Si enim humana Christi natura tempore exinanitionis re ipsa prædicta fuit diuinis proprietatibus, gloria & maiestate, oportet vt humanas infirmitates non verè & re ipsa in se habuerit & senserit. Itaque omnes humanas actiones & passionibus tantum hominum opinione sustinuit. Aut si verè & re ipsa hæc sustinuit, tum vna & eadem natura eodem tempore verè & re ipsa infirmitati obnoxia fuit, & simul non facta fuit visibilis & inuisibilis, mortalis & immortalis, circumscripta in vtero Virginis, sed simul implens vniuersum orbem, eodem tempore mortua iacebat in sepulchro, & simul viuæ, atque vbique præsens gubernabat vniuersum orbem. Hæc & alia huius generis quæ aperte sibi contradicunt, quantumuis aduersarij conciliare conentur, nunquam tamen illo modo maiestatis efficiunt, vt hæc de humana Christi natura eiusque substantia simul verè & re ipsa dici possint, sed omnino statuitur phantasticum quoddam corpus, non veram formam & figuram habens, neque verè efficiens quæ facere videtur, sed tantum extranea & apparente forma pro nostro capite sese in hac humilitate ostendens. Atque hæc portentosa & horribilia auditu sunt pijs

DE PRAESENT. CHRISTI

mentibus, sed cum pluraque ipsi Ubiquistae
asserere non dubitent, caetera verò ex eorum
doctrina manifesta & necessaria consecutio-
ne conficiantur, necesse est ut de his pios ho-
mines admoneamus. Valde enim metuen-
dum est, nisi serio his malis occurratur, fore
tandem ut haec Martionitica, Nestoriana &
Eutychiana dogmata in Machumetanismum
desinant, praesertim cum Ubiquistae Serveta-
nis, Machumeto viam sternerentibus, tot ar-
gumenta suppeditent. Atque haec nostra que-
rela longe iustior est quam illorum qua falsis-
sime de nobis spargunt, Zuinglianos homi-
ni Christo non plus tribuere, quam illi Ma-
chumetus in suo Alcorano tribuat. Vereore-
tiam ne plures quoque articuli fidei nostrae
breui ab iisdem hominibus in cotrouersiam
vocentur, & nominatim resurrectio carnis
nostrae, quam in symbolo Apostolico nos cre-
dere profiteamur. Nisi enim nobis maneat ve-
ritas carnis humanae salua in Christo Serua-
tore nostro, resurrectio quoque carnis no-
strae integra nobis constare non poterit. Ex-
tant etiam quorundam de hac re scripta, quae
propendere videntur in Origenis opinio-
nem dudum à veteribus damnatam. Sed ego
haec lubens praetereo, neque enim velim no-
uam

pas controuersias temere mouere, tantum volui monere eos qui huiusmodi audiunt, vt nō statim talia dicta, quæ in quodā contentionis seruire fortè temere illis exciderunt, arripiât, & plura adhuc noua dogmata hinc extruant.

Vbiquitarios cum à Luthero, tum etiam ipsos inter sese mutuò dissentire.

Posteaquam hætenus ostendi Vbiquitariâ doctrinâ à veteris ecclesiæ doctrina diuersam, renouare quàm plurimos veterum hæreticorum errores, deinceps expendendum nobis est, quomodo cum Lutheri doctrina atq; ipsa Augustana confessione consentiat, & quis sit inter ipsos Vbiquistas consensus. Neque tamē hic singula minutatim persequar, id enim si quis facere velit, & non tantum vetera eorum scripta, sed solum prima quæ in hac controuersia edita sunt cum postremis conferat, magnam congeriem contradictionum colligere poterit, nos hic tantum summa capita controuersiæ huius attingere volumus.

Primum igitur vniuersa hæc doctrina realis communicationis, cum Augustana confessione, & doctrina Lutheri pugnat. Etenim quod articulum de Trinitate attinet, & de na-

Communicatio realis
contraria
Augustana
confessionis.

DE PRAESENT. CHRISTI

turis in Christo, nulla vnquam fuit controuer-
 sia inter Pontificios, & illos qui Augustanæ cō-
 fessione subscripserunt, agnoscebant enim hi
 veteris ecclesiae doctrinam de his dogmatibus
 ex sacris literis desumptam, & veterum Syno-
 dorum autoritate confirmatam in Papatu re-
 tentam fuisse. Itaque saepe in Comitijis asserue-
 runt de his nullam controuerfiam esse. Idem
 quoque Lutherus in scriptis suis testatus est,
 veluti in eo libello quo complexus est capita si-
 dei Christianæ, contra Papam & portas infe-
 rorum constanter asserenda: nam in prima par-
 te proponens sublimia capita de diuina maie-
 „state, nempe de Vnitate essentiae, & persona-
 „rum distinctione in sacrosancta Trinitate, & in
 „carnatione filij, subiicit: De his articulis nulla
 „controuerfia aut contentio est, cum vtrosque
 „vtrinque confiteamur. Quare superuacaneum
 „erit de his prolixius agere. Porro certum est
 „Vbiq; itationum doctrinam de reali commu-
 nicatione idiomatum damnari à Papistis. Nā
 non tantum in Germania publico scripto hæc
 damnarunt, sed in celeberrima quoque Gallia-
 rum Academia Parisina apertè asseruerunt
 hoc dogma hæreticum esse: neque difficulter
 ostendi potest plurimum hanc opinionem à
 Scholasticorum sententia differre, à quibus e-
 tiam

tiam pleraque Vbiquitariorum argumenta acutè refutantur. Itaque dissentiunt à confessione Augustana & nouas controuersias mouent Vbiquitarij hac sua noua & veteri ecclesiæ in audita doctrina de reali communicatione. Alii etiam Lutherum sensisse scripta eius ostendunt, & quamuis Vbiquitarij eum secum sentire asserant, diuersum tamen ex scriptis eius ostendunt non tantū Zuingliani quos vocant, sed ipsius Lutheri discipuli, qui eius doctrinā constanter retinent, neque vllō modo cū Zuinglianis colludunt: imò hoc ipsum quidam nō extremi nominis ex his qui nunc Vbiquitatē probant, olim asseruerunt. De Philippo etiam Melanchtone, quem hi ingrati discipuli mortuum mordent ac lacerant, non est dubiū eum constanter asseruisse realem hanc communicationem esse transfusionem physicam proprietatum qua nature confunduntur, aut altera aboletur. Reliquos doctores ecclesiarum Augustanz confessionis non necesse est commemorare, qui inter se cōsentientes nunquam agnouerunt hanc realem communicationem.

Porro de ipsa cōmunicatione reali diuersæ Vbiquitariorū sunt opiniones: aliqui enim volunt humanam naturam suas quoque proprietates diuinæ naturæ cōmunicare, alij contra

Diuerse opiniones de cōmuni.

DE PRAESENT. CHRISTI

consent tantum diuinarum proprietatū transfusionem in humanam naturam fieri. Atque rursus has proprietates omnes absq; exceptione humanæ naturæ cōmunicari Brentius asserit: alij contra distinctionem faciūt, & quasdam incommunicabiles, quasdam communicabiles esse aiunt: quæ tamen sint communicabiles, nondum prorsus inter ipsos conuenit, si cuti neque de cōmunicationis tempore: quando alij hanc maiestatem humanitati Christi ab ipsa conceptione tribuunt, alij demū postquam à mortuis resurrexit & clarificata est. Similiter de proprietatibus humani corporis diuersa sunt eorum iudicia: nam circumscribi & in loco esse Brentius inter accidētales proprietates corporis numerat: & quidam scribit, corpus Christi has proprietates vt tangatur & in loco sit, post resurrectionem abiēcisse. At verò Iacobus Andree & nōnulli alij circumscriptionē verā & essentialē humani corporis proprietatem esse agnoscunt: ita vt etiā corpus Christi gloriōsū in cœlo circūscriptū esse fateatur.

*Dissentiūt
à Luthero
de præsen-
tia in cœna
Domini.*

Deinde quod ad alterum caput huius controuersie pertinet, de præsentia corporis Christi in cœna sacrosancta, ne hic quidem cū Luthero consentiunt. Lutherus enim asseruit corpus Christi gloriōsum, saluo pane sic esse in

Sacras

Sacramento sicut ignis est in ferro, salua ferri
 substantia, sic enim scribit in libro contra re-
 gem Angliæ: Cur non posset Christus corpus
 suum intra panis substantiam continere, sicut
 in accidentibus? Ecce ignis & ferrum sunt
 duæ substantiæ, sic miscentur in ferro ignito,
 ut quælibet pars sit ferrum & ignis. Cur non
 multo magis corpus Christi gloriosum, sic in
 omni parte substantiæ panis esse posset? His
 verbis vult Christum ratione gloriosi corporis
 in cœna præsentem esse. Hanc autem præsen-
 tiam ita explicat, quod definitiue & corpora-
 liter adsit: nam in Confessione parua edita an-
 no 1544 sic ait: Hoc autem modo docent
 Papistæ (imò non Papistæ, sed ecclesia, non
 enim Papa sacramentum instituit) & nos cum
 ijs, quod corpus Christi non sit localiter in Sa-
 cramento, sed definitiue, hoc est, certò est ibi
 corporaliter & verè. Sæpe etiam scribit, Chri-
 sti corpus in cœna cum pane corporaliter
 manducari ore nostro. Sed contra Iacobus
 Andreæ tres constituens rationes corporis Christi,
 physicam, gloriosam & maiestatis, ne
 gat Christum ratione gloriosi corporis in cœ-
 na præsentem esse. Idem scribit, corpus Chri-
 sti non manducari carnaliter & corporaliter,
 neque carnaliter, aut corporaliter, aut natura

Contra Be-
 zã p. 99.

DE PRÆSENT. CHRISTI

liter in Sacramento præsens esse. Præterea Lutherus realem & corporalem præsentiam corporis Christi in cœna, docuit nouam quandam esse existentiam substantiæ corporis Christi quæ ante in pane non fuerit, sed facta sit verborum Domini, vnde etiam hanc præsentiam huiusmodi locutionibus explicat, corpus Christi corporaliter esse in pane, inuadere & per verbum aduehi in panem, latere in pane, intra panis substantiam contineri, in omnibus sub Sacramento locis esse. Contra verò Ubiquistæ docent substantiam corporis Christi propter vnionem personalem & sessionem ad dexteram Dei, eam maiestatem & potentiam accepisse, vt in omnibus locis, atque in omnibus creaturis præsens sit: attamen in pane cœnæ dominicæ certa quadam ratione dispensari & manducandam dari.

Verba cœnæ non eodem modo interpretantur.
Contra Regem Angliæ

Rursus quod ad interpretationem verborum cœnæ domini pertinet, Lutherus ita interpretatur: Hoc est corpus meum, id est, hic panis est corpus meum. Nam textus sic habet: Accipit panem, benedixit, fregit & dixit
 " Hoc est corpus meum, &c. Vides hic, vt omnia
 " illa verba, accepit, benedixit, fregit, de pane dicuntur?
 " cantur? Et eundem demonstrat pronomen
 " HOC, Quia illud ipsum, quod accepit, benedixit,

xit, fregit, hoc (inquam) acceptum & benedi-
 ctum, & fractum significatur, cum dicitur: Hoc
 est corpus meum, non prædicatum, sed subie-
 ctum demonstratur. Non enim corpus suum
 accepit, benedixit, & fregit, sed panem, ideo
 non demonstrat corpus, sed panem. Contra
 verò Ubiquistæ in colloquio Mulbrunensi
 pertinaciter negarunt propositionem hanc:
 Hoc est corpus meum, idem esse atque Hic po-
 nis est corpus meum: atque in scriptis suis cõ-
 tendunt esse propositionem identicam, aut de-
 monstrationem, H O C, panem simul & cor-
 pus Christi demonstrare. Rursus aliqui Vbi-
 quistarum præsentiam corporis Christi in sa-
 cramento volunt definiri his verbis, Hoc est
 corpus meum quod pro vobis traditur: ac-
 ciunt somniare eos qui volunt corpus abso-
 lutum de pane prædicari, cum id intelligen-
 dū sit ratione additi prædicati, Quod pro vo-
 bis traditur. Contra verò sentiunt alij verbis:
 Hoc est corpus meum, ipsam absolutam sub-
 stantiam sacramenti describi, addita autē præ-
 dicatione, Quod pro vobis traditur, vsum
 eiusdem indicari. Iam sunt nonnulli eorum,
 qui nullum prorsus tropum in verbis cœnæ
 domini admittendum putant: contra alij cen-
 sent esse in his verbis synechdochen. Sæpè e-

DE PRAESENT. CHRISTI

tiam dicunt solam fidem sufficere ad manducandum corpus domini: rursus aiunt oportere omnino ut oraliter quoque illud manducemus. Iam vero illa quis non iudicet contradictoria esse: Christi verum naturale & substantiale corpus adesse realiter & substantialiter, non tamen corporaliter aut localiter, aut ut alij dicunt adesse naturaliter, sed modo non naturali: esse in loco, sed non localiter: non adesse localiter, & tamen ore manducari & ministri porrigi: non esse physicam carnalem & corporalem praesentiam, & tamen physicè & corporaliter manducari, & quidem ita ut Lutherus scribat: Os & stomachum Christi corpus manducantem in aeternum vivere, & corpora nostra physicè percipientia Eucharistiam corporis Christi etiam incorruptibilia & aeterna fore? Multa praeterea alia huiusmodi ex ipsorum scriptis proferri possent, quae nunc libens praetereo. Scio enim aduersarios habere plenas thecas distinctionum, quibus omnia haec conciliare possunt, sed ego hoc vnum peto à moderatis lectoribus, ut seposito omni affectu res ipsas diligenter expendant, considerent quid simplici scripturarum sensui consentaneum sit, quid cum purioris ecclesiae doctrina consentiat aut discrepet, id enim

sile-

si sedulo faciant, de tota hac controuersia facile iudicare poterunt.

Quoniam verò duæ sunt res, quibus quasi præiudicijs quibusdam aduersarij nos opprimere conantur, necessario mihi quoque de his dicendum existimaui. Primum iactant se asserere gloriam & maiestatem domini & seruato-
ris nostri Iesu Christi, ideoq; vbiquitatem seu omnipræsentiam corporis eius, nunc nouo ma-
iestatis nomine ornât. At quis vellet impugna-
re maiestatem Christi, & glorię eius aliquid de-
trahere? Verum hic admonendus est simplex
harum controuersiarum lector, longe aliud es-
se vbiquitatem corporis, aut factam & commu-
nicatam Deitatem quam humanę naturę tri-
buunt, aliud maiestatem veram & cœlestem
Christi seruato-
ris nostri. Vbiquitatem corpo-
ris eius negamus, propterea quod illa cum sa-
ctarum literarum doctrina & articulis fidei, ve-
ritateque humanę naturę pugnat. Christus e-
quidem non est *ψηδον σώματος*, purus aut merus
homo, sed Deus homo, & quamuis non sit ho-
mo merus, est tamen homo verus, integram e-
nim humanam naturam nobis per omnia si-
milem excepto peccato assumpsit, cuius natu-
rę veritatem nos tueri & retinere oportet. Ne-
que enim Christus homo verus est, nisi natu-
rę suę proprietate substantialiter præditus sit.

Quomodo
maiestas
Christi asse-
ratur.

DE PRAESENT. CHRISTI

Interea veram eius maiestatem , non minus
quam aduersarij nostri asserimus , æternam,
infinitamque diuinitatis maiestatem asseren-
tes in Christo seruatore nostro. Quæ enim quæ
so maior esse potest carnis maiestas & gloria,
quam quod æternus Dei filius eam ita in vni-
tatem personæ suæ assumpsit, vt verè dicatur,
verbum caro factum, ita vt iam Deus ab homi-
ne separari non possit, nec alterutrum nomina-
ri, quin alterum simul intelligatur, cum vnus
& idem sit Deus & homo, Dei filius & homi-
nis filius? Sed fuit hæc antiquitus multorum
errorum occasio, quòd humanæ naturæ infir-
mitatem spectantes, existimarunt non conue-
nire huius assumptionem infinitæ maiestati,
inde varię opiniones Docitarum exortę sunt,
quorum alij cœleste aut aereū corpus seruato-
ri nostro tribuerunt, & tantum in phantasma-
te ipsum apparuisse dixerunt: alij verò initio
retinentes humanæ substantiæ veritatem, po-
stea tamen eam vel in diuinitatem cōuersam,
vel ab eadem absorptam voluerūt. Etsi autem
nostri Vbiquitarij se longe ab horum opinio-
nibus abesse asserunt, nihilominus tamen res
ipsa indicat, & nos supra monuimus, quàm pa-
rum distent ab his veterum hæresibus. Quare
nomine Maiestatis non patiatur lector sibi fu-
cum fieri, ita enim maiestas Christi secundum
carnem

carnem asserenda est, vt ipsa caro cum suis proprietatibus, salua maneat, eiusdem etenim periculi est, in Christo humanæ naturæ veritatem tollere, atque diuinitatem eius abnegare. Si enim non est verus homo, non etiam est mediator noster, mediatore autem amisso, quid spei nobis restat?

Alterum deinde est, quòd omnes qui ab illis diuersum sentiunt, Zuinglianorum nomine exosos vulgò faciunt. Nam sicut quondam solum Christianum nomen ad damnandum satiserat, ita vt si quis diceretur Christianus, mox clamaretur ad ignem, ad gladium, ad bestias. Ita nostra ætate Theologi quidam per Germaniam Zuinglij nomen assiduis criminationibus ita exosum reddiderunt, vt vulgus hominum quibus ignota est Zuinglij doctrina (studiose enim cauent isti Theologi, ne Zuinglianorum libri à quoquam legantur) Zuinglianos omnium hæreticorum pessimos esse existiment. Ac vtile quidem esset, & decebat hoc Christianam simplicitatem, omnia factionum nomina tam Luthoranorum quàm Zuinglianorum è medio sublata esse, sed quando id in hac temporum miseria sperari non potest, & quia nomen Zuinglianorum, quod nunquam nobis sumpsimus, neq; adhuc usurpamus, Christo enim non Zuinglio nomen

De Zuinglianorum nomine.

DE PRAESENT. CHRISTI

dedimus, attamen ab aduersarijs nobis impositum reijcere non possumus, dicam breuiter quod sit caput illud Zuinglianæ doctrinæ, cuius nomine tantopere exosi sumus. Illud autem vnicum est de modo præsentiz corporis Christi in cœna domini.

Etenim cum anno Domini 1529. Zuinglius atque Lutherus euocati ab illustrissimo Hessorum principe Philippo Marpurgû conuenissent, de cæteris quidem partibus doctrinæ Christianæ inter se consenserunt, tantum de modo præsentiz non potuerunt conuenire, veruntamen amicè discessum est, vtrisque assensientibus, quandoquidem in præcipuis dogmatibus idem sentirent, abstinendum esse deinceps ab omni contentione, & Deum orandum, vt in hac etiam controuersia lumen accendat, & concordiz viam ostendat. Neque ab eo tempore nos vllum caput doctrinæ in nostris ecclesijs mutauimus, vt obijcere fortè possint, tum quidem nostram doctrinam probatam fuisse Luthero, at nos nunc aliter docere, quàm olim consuetum fuerit in ecclesijs nostris. Quanta autem hæc sit iudiciorum iniquitas, æquus lector iudicet. Primum omnium Zuinglius ipse optimè de ecclesia Dei meritus, & ecclesiæ ab illo institutz pro pefsimis hæreticis damnantur, tantum quia de modo præsen-

præsentia corporis Christi in Eucharistia, de
que plerique aduersariorum nihil in S. literis
definitum esse fatentur, à Papistis & à Luthe
ro dissentiunt. Damnantur deinde ob hanc cō
trouersiam, quam olim Lutherus Marpurgi,
& postea etiam in negotio concordia, non tan
ti esse putauit, vt propter hanc concordia ec
clesiarum dissoluenda sit, & si postea vel qua
dam ingenij vehementia, vel factiosorum ho
minum sermonibus instigatus, aliter scripsit et
fecit. Postremò pro hæreticis pessimis procla
mantur, cum tamen nunquam causa legitimè
cognita damnati sint. Etenim si nobis obijciūt
suorum theologorum conuentus, in quibus
nonnunquam nostri damnati sunt, non possu
mus hos pro legitimis iudicijs agnoscere cum
nostros nunquam audiuerint, nullum illis lo
cum defendendi doctrinam suam dederint, li
bris quoque eorum omnem aditum præcluse
rint. Si hæc esset legitima damnatio, non mi
nus legitimè aduersarij nostri damnati essent
à concilio Tridentino, in quo tot viri docti ex
diuersis admodum prouincijs conuenientes,
authoritate summorum regum & principum,
ipso damnarunt. Possumus etiam ipsorum cō
uentibus alios contrarios conuentus oppone
re, in quibus cum nonnulli hoc potissimum a
gerent, vt Zuingliani nominatim damnaren-

DE PRAESENT. CHRISTI

tur, non potuerunt id efficere, quoniam plerique
 illustriſſimorum principum, & ſaniora-
 tiam Theologorum pars ab huiusmodi illegi-
 tima, & iniqua damnatione abhorrebat. Quod
 ſi vnius Lutheri authoritate nos premere vo-
 lunt, quaſi ea ſatis ſit ad nos omnes condem-
 nandos, cur non liceat nobis Luthero, magno
 quidem viro & eximio Dei ſeruo, ſed tamen
 homini viciffim alios homines opponere, vel
 veteris eccleſiae patres orthodoxos, ad quorum
 iudicia prouocare nunquam dubitauimus, vel
 quem tantopere oderunt Zuinglium ipſum et
 Oecolampadium? Hi enim ambo (quod abſq;
 inuidia dictum ſit) Luthero neq; doctrina, ne
 que pietate, neque ſtudio propagandi Evan-
 gelij, neque laboribus & periculis afflictioni-
 busq; Chriſti cauſa perferedis, vlla ex parte in-
 feriores fuerunt. Quamuis autem iniqua ſint Ger-
 manorum quorundam de optimis atq; ſanctiſſi-
 mis hominibus iudicia, tamē alibi, vbi praeiudi-
 cia haec non regnant, ſcio longe honorificentius
 homines de illis ſcribere & loqui, quando Dei
 beneficio plurimi ſunt in Gallia, Italia, Anglia,
 Polonia, alijsq; regionibus, qui ingenue fate-
 ntur ſeſe horum doctrina & ſcriptis non parum ad-
 iutos fuiſſe, vt ad veræ religionis agnitionem
 peruenirent. Spero etiam multos eſſe in ipſa
 Germania, & quotidie plures fore, qui ſepo-
 ſita

ſua omni hominum authoritate, cauſam atq;
rem ipſam diligentius expendentes, nos non
ita pro desperatis & à vera eccleſia alienis ha-
bituri ſint. Nam ſi maxime in hac, de modo
præſentiz, controuerſia noſtri à vero aberraf-
ſent, tamen cum de reliquis doctrinæ parti-
bus pie & orthodoxe ſcripſerint, atq; S. literas
optime & doctiſſime interpretati ſint, non e-
rant certe tam atrociter ex eccleſia eiſciendi,
& omnia eorum ſcripta vna exceptione dam-
nanda. Quis enim ignorat, quot n̄uos & nō
leues errores Patribus condonare, & ad eos
conniuere oporteat? Quoniam verò nondum
conſtat nos errare, ne patiantur queſo pij ho-
mines ſibi imponi hac reſponſione, qua ple-
raſque noſtrorum rationes reiſciunt, dicentes:
Argumentum hoc Zuinglianum eſſe & du-
dum conſutatum, ideoque nulla reſponſione
opus habere. Verum cum Apoſtolus nos ſpi-
ritus & prophetias diiudicare velit, cogno-
ſcant ipſi argumenta, & reſponſiones vtrinq;
allatas bene expendant, atque ita cauſa bene
cognita ſepoſito omni affectu de re ipſa iudi-
cent. Hoc ſi à bonis & moderatis viris impe-
trare poterimus, eſt ſanè quod gaudeamus, nā
ſpes eſſet paulatim hac ratione diu exoptatam
concordiā eccleſiæ reſtitui poſſe. Sin autē con-
tra omnis ſpes legitimæ cognitionis, omniſ-

DE PRAESENT. CHRISTI

que ratio ineundæ concordia nobis præcidi-
tur, nos quidem propter ecclesiarum quæ hinc
metuenda est, dissipationem plurimum dole-
bimus: sed videant hi pacis & cōcordiæ hostes,
quomodo Christo qui tantopere pacem & cō-
cordiam Ecclesiæ suæ commendauit, rationem
reddituri sint nouorum & inutilium certami-
num quæ quotidie commouent. Ac si quidem
meliora ab illis impetrare non possumus, te
Domine Iesu Christe precamur, vt horum fu-
rores compescere velis, & Ecclesiæ tuæ largiri,
vt in vera tui agnitione, sublati tandem tristi-
bus controuersijs, vt tua membra decet, sanctè
& concorditer viuat, vt verè dicere pos-
simus, omnium in te credentium es-
se cor vnum & animam
vnam, Amen.

RESPON.

RESPONSIO

AD DVAS DIS-
PUTATIONES D.

ANDREAE MVSCVLI, S. THEO-
logiz Professoris in Academia Francofordia-
na, & Ecclesiarum Marchiz Superintenden-
tis generalis, De vera reali & substantiali præ-
sentia corporis & sanguinis Iesu Christi in Sa-
cramento Altaris : qua prioris quidem dispu-
tationis propositiones, ordine oppositis con-
trarijs propositionibus confutantur: poste-
rioris vero præcipua tantum capita

examinantur, per Iosiam

Simlerum Tigu-
rinum.

PROPOSITIONES

DE VERA REALI ET SUB-
STANTIALI PRÆSENTIA

corporis & sanguinis Iesu Christi in Sacramento

Altaris, auctore Andrea Musculo, S. Theol.

giæ doctore, & professore Acade-

mici Franckfordiana.

VT esset publicum testimonium nos in Ecclesia nostra retinere formam saniori verborum, quibus Christus usus est in eadem institutione: atque ut bonis & pijs doctrinæ sanæ ministris: & de præsentia Christi in sacra Synaxi recte sentientibus planum fiat, nos idem cum ipsis sentire, & ex animo abhorrere à Sacramentariis & Calvinistarum veterum & recentiorum pravis atque blasphemis dogmatibus, suscepimus in hac disputatione & examine publico doctorum virorum, licentiam accipiendi gradum Doctorum in Theologia à nobis petentium, defensionem veræ, realis & substantialis præsentiae corporis & sanguinis Dei & Mariæ filij in Sacramento Altaris.

I.

Ac primum omnium improbamus sententiam ac vanam, Calvinistis non parum pernici-

PROPOSITIONES

DE VERA KOINONIA COR-
PORIS ET SANGVINIS DO-
mini nostri Iesu Christi, à Iosia Simlero oppo-
sita propositionibus Andreæ Musculi, quibus
crassam illam realē & vbiquisticam præ-
sentiam corporis Christi asse-
rere conatus est.

IN tanta varietate opinionum de modo præ-
sentia Christi in sacra Eucharistia, nos quoq;
publice fidem nostram consentaneam sacris lite-
ris & doctrinae veteris Ecclesiae exponere volui-
mus, ut ostenderemus nos ex animo abhorre-
re ab Vbiquistica doctrina, & crassa eorum opinione,
qui corpus & sanguinem Christi realiter & cor-
poraliter in pane & vino includunt. Et ad præ-
monendos simplices & incautos, de vera & vi-
uisica communione corporis & sanguinis Chri-
sti, quæ spiritualiter fit per fidem, ne præstigijs
& sophismatibus Vbiquitariorum sibi hanc e-
ripiantur, substituta in eius locum commu-
nionē Vbiquistici corporis, incogniti scripturis.

I.

Ac primum eorum sententiam ut piam &

PROPOSIT. MVSCVLI.

4
 trocinantem opinionem quorundam, qui vt
 Ecclesie tranquillitati & concordie consule-
 re velle videantur, humana adducti sapientia
 plausibiliter quidem, sed non sine periculo a-
 mittendæ veritatis institutionis Cœnæ sacra
 arbitrantur, & affirmant controuersiam hanc
 Sacramentariam nihil articulis fidei aut Eccle-
 siæ symbolis derogare: & idcirco censent ma-
 le eos facere, qui contradicendi studio diuer-
 sum sentientibus sese opponunt, & lites in Ec-
 clesia mouent de rebus non adeo necessarijs,
 & in quibus debeant esse sententiæ liberæ, &
 quemq; posse absque fidei & salutis periculo,
 quam velit pro arbitrato suo amplecti atq; se-
 qui sententiam & opinionem.

II.

Nos verò non rationis iudicio neque nudis
 opinionibus, sed verbi Dei autoritate in con-
 trariam sententiam vocati, statuimus hanc i-
 psam controuersiam de cœna Dominica om-
 nino pertinere ad articulum fidei nostræ, &
 symboli secundam partem, quæ est de incarna-
 tione filij Dei, deq; ea pie & sobrie differendū
 esse. Nam destructo sublatoq; vero & sano in-
 tellectu verborum Christi κατὰ τὸ ἑνὸς, & alio
 eoq; peregrino simplicibus significantibusq;
 verbis quibus Dominus in cœnæ institutione
 vsus fuit, afficto & assumpto. eueritur simul
totum

modestam non improbamus, qui existimant hanc controuersiam de modo presentiae, exclusis nouis Vbiquistarum dogmatibus, non debere concordiae Ecclesiarum obstare. Neque enim modus hic presentiae vnquam inter articulos fidei reputatus fuit, nisi quando Papistae suam doctrinam de transubstantiatione in Concilio Lateranensi sancierunt. Neque Sacramento quicquam derogatur, quando veram ~~non~~ ^{veram} corporis & sanguinis Christi vtraque pars profitetur. Ac idem sensisse videtur Lutherus, qui & Marpurgicum Zuinglio, & Vuittenbergae cum Bucero & alijs Ecclesiarum superioris Germaniae ministris concordiam inijt.

II.

Itaque lites in Ecclesia non necessarias mouent, qui viros bonos ac pios propterea damnant, quod carnalem & corporalem inclusionem corporis & sanguinis Christi in pane & vino cœnae Dominicae non agnoscunt. Grauius autem peccant, qui articulum de Incarnatione Domini, controuersia de cœna Dominica admiscunt, & nouam atque à scripturis alienam doctrinam de Vbiquitate corporis Christi, & reali communicatione, Ecclesiae obtrudunt, atque ita totum mysterium salutis nostrae euertunt.

PROPOSIT. MVSCVLI
totum hoc myſterium fide adorandum.

III.

Qui ergo pio ſecundum ſcientiam zelo ſe
furoribus Caluinistarum acriter opponunt,
ij nobis bene recteque facere, & bonam in Ec-
clesia Dei mereri laudem, neq; vllū dare ſcan-
dalum, neque Iſraelem conturbare videntur,
ſed reiſa teſtatum facere, ſe fœderis eorum ſo-
cietatem fugere, neq; horrendos errores tacen-
do conniuenſdoque approbare velle.

IIII.

Non enim ij leues & tolerabiles errores ſed
iſſiſſimas hæreſes Neſtorij & Eutyctetis mul-
tis ſeculis ante damnatas, & ex Eccleſijs eie-
ctas atq; exploſas denuo renouatas in eaſdem
reuocant & introducunt.

V.

Nam dum praua & impia imaginatione fa-
ſcinati, docēt Chriſtum ſecundum humanam
naturam certo loco in cœlo circumſcriptum
& alligatum, in eoq; vſq; ad tempora reſtitu-
tionis omnium manſurum eſſe, ſit vt veram,
realem & ſubſtantialem Dei & Mariæ filij præ-
ſentiam in cœna pernegent, ſeparent atque di-
uellant duarum naturarum vnionem ab ipſo
conceptionis exordio, nullo vnquam ſeculo
ſeparabilem.

VI.

III.

Hi autem verè sunt illi qui totam Germaniam turbant, & pacem Ecclesiarum impediunt, atq; veteres errores Martionis, Eutychetis, Nestorij & Patripassianorum renouant, & in Ecclesiam denuo introducunt.

IIII.

Ac non pudet eos prauam & impiam imaginationem nominare, id quod scriptura apertis verbis docet. Christum secundum humanam naturam certo loco circumscriptum esse, ac cælo oportere contineri, vt Petrus dicit Acto. 3. vsq; ad tempora restitutionis omnium.

V.

Existimant enim seruata in Christo humanæ naturæ veritate, vnionem personalem quæ verè inseparabilis est, diuelli: & quod magis metuunt, tolli realem & substantialem præsentiam carnis Christi in Eucharistia. Itaque ipsi contra fingunt humanam naturam diuinæ exæquatam, & cum ea vbique præsentem esse.

VI.

Vnde etiam alius eorum error oritur, quod à Trinitate quaternitatem faciunt, Christum hominem non in persona Verbi, sed communisatam quadam Deitate in se, Deum facientes.

PROPOSIT. MVSCVL

VI.

Quin & de errore in errorem prolapsi, Trinitate in vnitatem constantiam Dei sublata, quaternitatem constituunt.

VII.

Nam Christus Deus & homo, Dei & Mariæ filius in vna hypostasi, non in duabus subsistens, vbicunq; est, ibi quoq; est Deus & homo, totus & integer Christus.

VIII.

Dato enim vno loco in quo Deus esse, homo autem non esse dicatur diuisa est irrefragabiliter persona, quæ vbicunq; est, inseparabilis est, constans tota & integra ex vnitione humane & diuinæ naturæ.

IX.

Orthodoxa itaque & Catholica fide edocti, retinemus vnionem hanc adorandam, ab utero matris inseparabilem : & credimus inconcussa & indubitata fide totum Christum esse in utero Virginis, in horto, in cruce, in sepulchro, in cælo & in terris, & sic consequenter in cæna sacra.

X.

Et ea pietate constanter negamus filium
hominis

VII.

Christus vero, Deus & homo & idem Dei ac hominis filius in vna hypostasi, non in duabus subsistens, vbicunq; est, est Deus & homo, totus & integer Christus, iuxta communionem idiomaton: seu vt in scholis dicitur, totus Christus vbique est, sed non totum Christi.

VIII.

Nam vbicunq; est Christus, nō adest vt Deus solum absq; assumpta humanitate, sed vt Deus Verbum caro factum: neq; tamen propterea humana natura cum Verbo vbique est: Verbum enim quod vbique est, humanam naturam in sua persona nihilominus sustentat inseparabiliter, etiā si eam non vna secum omnibus locis substantiā sua presentem statuatur.

IX.

Itaq; quod ex Augustino adducitur, Christum totum esse in utero Virginis, in horto, in cruce, in sepulchro, in cælo & in terris, libenter admit-
timus, nempe quod hac persona diuina est, & ideo vbique tota & integra. Vnde Augustinus ibidem pramittit: Hoc est Deum esse, quod vbique totum est. Caterum quo ad naturas iuxta eundem Augustinum homo Christus secundum carnem fuit in sepulchro, secundum animam in

PROPOSIT. MVSCVL.

hominis cœlos capi, eiꝛue inclusum & certo loco alligatum teneri, qua impietate cœnæ Dominicæ hostes hoc ipsum affirmant, & indubitanter asserimus Christum filiũ Dei & Mariæ simul & semel & quidem in momento oculi, in diuersis & singulis locis, vbicunque voluerit esse, præsentem esse totum & integrum secundum vtrunque naturam in vna hypothesis subsistentem.

XI.

In hac Orthodoxa confessione firmi consistentes & verbo Dei edocti, non veremur affirmare cum Idiomata humanæ naturæ nostræ angustiora sint, quàm vt mirabili & ratione incomprehensibili vnioni duarum naturarum respondeant & conueniant per omnia, Filium Dei in vtero Virginis, in vnica personali, præter proprietates naturæ humanæ alias quoq; præternaturales in eam assumpsisse, vt sit vnus Christus, vnus Mediator & Saluator, in vna persona Deus & homo secundum vtranq; naturam, totus & integer Christus, Dei & Mariæ filius, præsens suæ Ecclesiæ, præsens in Cœna, præsens vbique suis in regno sibi à Patre tradito.

inferno, Deus vero Christus ubiq, semper. Nec tamen (inquit) cum filium Dei Christum dicimus, hominem separamus, aut cum eundem filium hominis dicimus, separamus Deum: secundum hominem nanque in terra erat non in cælo, ubi nunc est, quando dicebat: Nemo ascendit in cælum, nisi qui de cælo descendit filius hominis, qui est in cælo, quamvis secundum id quod filius Dei erat, esset in cælo: secundum id verò quod filius hominis erat, adhuc esset in terra nondumq, ascendisset in cælum.

X.

Itaq, recte cum scripturis & D. Augustino asserimus, filium hominis corpore suo cælos contineri, & certo loco circumscriptum esse, cum tamen diuinitate sua ubiq, præsens sit. Et impiam illorum sententiam detestamur, qui naturas confundentes, ea quæ diuinitatis sunt, vt ubiq, essentialiter præsentem esse, humanitati tribuunt.

XI.

Cum autem verbū Dei doceat duas naturas in Christo ita conuenisse, vt nō inde tertia quædam noua essentia facta sit, sed vt ambæ in suis proprietatibus saluæ permaneant: frustra quidam

PROPOST. MVSCVLII.

XII.

Ex hoc fundamēto non est obscurū, quā miserè cæcutiant ignari spiritualium ij, quicquod Filius Dei factus sit homo, & humanæ naturæ proprietates habeat, harum consideratione ipsum certo in loco recte collocari, & cælo capi, concludique vt hominem docent atque cõtendunt, cum scientes nesciant quod Filius Dei non tantum dicatur in scriptura conceptus & natus ex Maria virgine, sed de Spiritu sancto conceptus, virtute altissimi obumbrante Mariæ. In qua sane conceptione & obumbratione virtutis altissimi nihil aliud ostendit & docet scriptura, quā supra communem formationem hominis, factam formationem in vtero virginis ex Spiritu & virtute obumbrante, conuenientem vnitioni inseparabili humanæ & diuinæ naturæ, adiectis præternaturalibus Idiomatibus, vt Deus & homo sit vnus Christus, Deus & homo in vna persona naturis non diuulsis aut separatis, in suo regno secundum suam naturam vbique præsens.

XIII.

Sic ipsi assertionem Physicam proprietatum humanæ naturæ fascinati gloriantur, de victoria nondum parta, & pijs recte de conceptione & vnione naturarum Christi sententibus

ima
dem
et
mat
anal
ram
dere
nit
fuit
bus
Chri
glori
man

It
Dei
haber
in lo
conce
quit
non
pecca
cepto

A
Spir
Corp
nomi

imaginantur humana natura datas esse quasdam præter naturales proprietates, vbiuitatem & similes, vt ita incomprehensibili vnioni idiomata hæc respondeant. Nam si talem velimus analogiam statuere inter vnita, humanam naturam infinitam facere oporteret, ita enim responderet natura diuinæ, cui vnita est: sed & infinitus & æternus humanitatem temporalem & finitam integram, manentibus suis proprietatibus sibi coniunxit. Et si enim humana natura in Christo ineffabilibus donis ante & magis post glorificationem ornata est, nunquam tamen humane nature proprietates amisit.

XII.

Itaque recte concludunt, qui ex eo quod filius Dei homo factus humane nature proprietates habet, eum secundum humanam naturam certo in loco esse, & loco contineri asserunt. Et si enim conceptus est ex Spiritu sancto, tamen vt Leo inquit: Nouitas creationis proprietatem generis non remouit. Natus quidem est ex Virgine & peccati omnis expers fuit, cæterum per omne excepto peccato nobis similis factus est.

XIII.

Abutuntur itaq; mysterio hoc conceptionis ex Spiritu sancto factæ, qui ex eo conficere volunt Corpus Christi supernaturales proprietates, & nominatim Vbiuitatem accepisse.

PROPOSIT. MVSCVLĪ.

tibus illudunt , & myſterium hoc de conce-
ptione ex Spiritu ſancto facta , & virtute altis-
ſimi obumbrate, quaſi in eo nihil omnino mo-
menti ſit, tacite callideque prætereunt.

XIIII.

Nos vero non duce ratione humanaque ſa-
pientia , ſed cœleſti lumine illuſtrati, & verbo
Dei edocti , fide adoramus hanc mirabilem,
cœleſtem , & rationi atque creaturæ rationali
abſonditam conceptionem , formationem &
vnionem duarum naturarum diuinæ & hu-
manæ , & vbique ſcimus, vbique agnoſcimus
totum & integrum Chriſtum , neque eum in
loco diuiſum, neque altera natura ab altera ſe-
parata quærimus.

XV.

Hoc fundamento firmo & immoto , fide
certa indubitataque credimus , credentes lo-
quimur & teſtamur in cœna ſacraſſiſſima , à
Dei & Marię filio inſtituta & celebrata, & que
celebratur & celebrabitur in ſancta Eccleſia
uſque ad conſummationem ſæculi, verum cor-
pus & ſanguinem verum Ieſu Chriſti, verè &
ſubſtantialiter aſſeſſe, & exhiberi ſumentibus,
cum illis rebus quæ videntur pane & vino.

XIII.

Oportet enim nos ita hanc mirabilem & cœlestem conceptionem & formationem sanctissimæ partus in utero Virginis, ut scripturis edocti sumus, credere: ut simul etiã humanæ naturæ suas proprietates non auferamus. Nam ut naturæ nō sunt separandæ, ita etiam nō sunt confundendæ.

XV.

Quare cum certa & indubitata fide credamus & confiteamur, Christum verum corpus & loco circumscriptum habere, eoquæ terris absentem celo contineri, non possumus eorum opinioni assentiri, qui corpus ipsius realiter, substantialiter & naturaliter præsens in panis cænæ Dominicæ exhiberi aiunt.

XVI.

Sed sicut in prima cœna, ubi tamen corporaliter & visibiliter aderat, discipuli ipsius corpus non manducarunt corporaliter, quod adhuc passibile erat, sed spiritualiter per fidem, ita nunc quoque vult suum corpus & sanguinem à credentibus spiritualiter manducari per fidem, huic autem manducationi locorum distantia non obstat.

PROPOSIT. MYSCVL.

XVI.

Et credimus ipsum sicut in cœna prima, ita nunc quoque suum corpus & suum sanguinem extra omnem rationis coniecturam, mediante manu ministri, omnibus & singulis ad sacram synaxin accedentibus, dignis & indignis, licet sorte inæquali sumentibus, vt canit Ecclesia, porrigere.

XVII.

Confitemur quoque nitentes firmissimæ pectra verbi, in hac cœna non aliam nos carnem, quàm quæ nata est ex Maria virgine, & passa in cruce, & resurrexit à mortuis, fide & ore percipere atque manducare.

XVIII.

Atque vt certam ex præmissis ponamus definitionem cœnæ Dominicæ, dicimus Sacram synaxin esse actionem sacram, aut cultum diuinum à Christo institutum, in quo Christus ipse totus & integer secundum utramque naturam, præsens in terris, præbet suum corpus præsens non absens, non remotum non certo loco affixum in cœlo, verum, substantiale & naturale, & sanguinem suum verum in pane & vino sumentibus tam dignis, quàm in dignis

XVII.

Porro non aliam carnem quã quæ nata est ex Maria virgine, & passa in cruce, et resurrexit à mortuis, manducari asserimus. Neq; enim Christo duo corpora affingimus, aut spirituale eius corpus facimus, sed modum manducationis spiritualem esse nouimus, quæ non fiat ore, sed fide.

XVIII.

Recte autem Cæna Domini describitur, quod sit actio sacra à Christo instituta, vt à nobis in recenti memoria retineatur, & in nobis etiam obfignetur, maximum generi mortalium præstitum beneficium, quod corpus suum pro nobis tradidit, & sanguinem suum in remissionem peccatorum nostrorum effudit, et nos sua carne pascit, & suo sanguine potat, quæ vera fide spiritualiter percepta nos alunt ad vitam æternam. Et hæc quidem visibiliter foris hoc sacramento representantur, & oculis subiiciuntur, intus autem in animo invisibiliter per ipsum spiritum sanctum præstantur. Sicut enim fideles à ministro Domini, panẽ Domini accipiunt & edunt, ac bibunt de poculo Domini, ita intus per spiritum sanctũ percipiunt carnem & sanguinem Domini, & pascuntur, huius in vitam æternam.

XIX.

Non existimandum est physicas & philoso-

PROPOSIT. MVSCVLI.

dignis, his quidem in iudicium, illis verò in testimonium applicationis remissionis peccatorum, & alios salutare vsus & fructus.

XIX.

Execramur quoque deprauatorum cœna philosophicas coniecturas, & imaginationes de physica tantum conceptione, & formatione Christi in vtero virginis, & alias vanas ratiocinationes & dubitationes, quomodo Christus etiam secundum humanam naturam in tam paruo corpore panis & vini esse possit: sed nos duce scriptura sacra, scimus nihil esse tam magnum, quin Deus sit minor, nihil tam paruum, quin Deus sit maior, nihil tam longum, quin Deus sit longior, nihil tam breue, quin Deus sit breuior, Iesus Christus verus Deus & homo in vna persona inseparabiliter existens.

XX.

Et negligentes illorum philosophicas speculationes non veremur affirmare, etsi fortassis parum Physicè, attamen Theologicè totum Christum & integrum in vna persona esse posse in loco, secundum omnem modum philosophicum, circumscriptiue, & definitiue, & repletiue.

XXI.

phicas imaginationes esse, quibus circumscriptio
 & certus locus, & reliquæ proprietates humano
 corpori Christi tribuuntur, quoniã scriptura hæc
 illi tribuit, & semper sic docuit vetus Ecclesia.
 Est autem absurda opinio, corpus Christi propter
 vnionem personalem esse vbiq. Et si enim de Deo
 dicitur nihil esse tam magnum, quin Deus sit ma
 ior, nihil tam paruum, quin Deus sit minor, nihil
 tam longum, quin Deus sit longior, nihil tam bre
 ue, quin Deus sit breuior: tamen id de humanita
 te Christi quæ circumscripta est dicere non licet, ni
 si existimemus eam in diuinitatem mutatam. At
 sic uti non licet concludere: Deus est æternus, abs
 que principio, incorporeus, incircumscriptus: Chri
 stus Iesus est Deus: Ergo secundum humanam
 naturam æternus, absq. principio, incorporeus est
 Ita etiam Vbiquitatem corporis Christi ex Vbi
 quitate diuinæ naturæ non licet conficere.

XX.

Non reiicimus eorum speculationē, qui Chri
 sto in cruce mortuo, corpus eius circumscriptiue
 in cruce, & postea in sepulchro fuisse aiunt, ani
 mam definitiue apud inferos, diuinitatem re
 pletiuē vbiq. præsentē fuisse. Verum qui Chri
 stū secundū vtrāq. naturā aiunt posse in loco es
 se circumscriptiue, definitiue, repletiuē prorsus non

PROPOSIT. MVSCVL

XXI.

At sicut credimus, Christum non dissoluta vnione, neque confusis naturarum proprietatibus fuisse in lapide & ianua clausa: sic tenemus quoque Catholica fide, eius carnem & sanguinem esse in pane & vino.

XXII.

In hac simplici & vera fide acquiescimus, & eam reuerentiam, potentiam & efficaciam, simplicibus & clavis Christi verbis, pro vt sonant, tribuimus, & fide oreque indubitanter corpus & sanguinem eius percipimus.

XXIII.

Cum ergo ille qui omnia potest, cui omnia cedunt, & extra cuius potentiam nihil est, dixerit in sua sacratissima cœna, Hoc est corpus meum, Hic est sanguis meus, non patimur neque patiemur vnquam nos vllis verborum præstigijs hostium cœnæ, à simplici verborum sensu de vera & reali præsentia Christi abduci, auerti que.

XXIIII.

Ideoq; hæc verba Christi secundum genuinum, verum & grammaticum sensum accipimus: neq; eis symbolicum, denominatiuum, metonymicum, aut quemuis alium sensum à Sacramentarijs & Calvinistis excogitatum & confictum, affingimus, & affingi patiemur.

XXV.

loquuntur Theologicè. Neque enim Theologorum est absurda & contradictoria affirmare. Et circumscriptivè in loco esse, tam non convenit diuinæ naturæ, quàm humanæ non quadrat repletivè ubique esse, quod est solius dignitatis, ut testatur August. Epist. 57. Et magister sententiarum lib. 1. distinct. 37.

XXI.

Ex eo autem quod corpus Christi clausis ianuis intrasse, & per lapidem sepulchri transiisse dicitur, non tollitur veritas corporis. Nam ut Patres aiunt: Creatura cessit creatori. At idem corpus realiter & substantialiter multis in locis aut ubique præsens esse, cum veritate humani corporis pugnat.

XXII.

Quare à verò sensu verborum Christi aberrant, qui asserunt corpus eius in cæna realiter & substantialiter & corporaliter simul in multis locis præsens esse.

XXIII.

Cum autem hæc sint verba Christi: Hoc est corpus meum, quod pro vobis traditur, Hic est sanguis novi Testamenti, recte faciunt, qui se ab his verbis & verò eorum sensu abduci non patiuntur.

XXIIII.

PROPOSIT. MVSCVLI

XXV.

Curiosa autē ingenia modum & ordinem quærentia, cum nemo sit qui verbis ea explicare, ac ne cogitatione quidem assequi possit, suæ relinquimus impietati & blasphemæ curiositati, salutisq; periculo non dubio.

XXVI.

Nam hoc magnum pietatis mysterium nō est subiectum communi naturæ ordini: sed ratio eius in virtute Christi est, scientia in fide, causa in potestate, & effectus in voluntate eiusdem.

XXVII.

Sic vnio quoq; ipsa panis & corporis Christi est incomprehensibilis: quia non est personalis, neque naturalis, neque formalis, sed sacramentalis & supernaturalis.

XXVIII.

Non enim includitur corpus Christi in panem localiter, neque modo naturali, sed præsens est realiter & substantialiter.

XXIX.

Neque etiam verborum sono corpus Christi de cœlo detrahitur, neque nouum corpus fingitur, sed verum ac viuum corpus Christi statuitur in cœna præsens realiter, substantialiter & naturaliter.

XXX.

Commu.

Sed neque genuinum & Grammaticum verborum sensum retinent, neque veram *διανοίαν* afferunt, qui excluso omni tropo realem & corporalem praesentiam corporis Christi in pane, aut cū vel sub pane ex illis verbis statuunt.

XXV.

Quis igitur veram *διανοίαν* reuerenter in scripturis querunt, & secundum has explicant modum & ordinem verborum Christi, nequaquam curiosi aut blasphemii iudicari debent.

XXVI.

Nam cum scriptura generaliter ita definiat nobis corpus Christi, quod illud pluribus in locis simul esse nō possit ab hac eius definitione in cœna nobis non est recedendū, nisi perspicuo Dei verbo patefactum fuerit, Deum voluisse hic quicquā se eius fieri. Vbi enim de voluntate Dei constat, ibi demū tota facti ratio consistit in potentiā faciētis.

XXVII.

Sic de vnione panis & corporis Christi (quam nū scriptura non ita loquantur) non simpliciter ex potētia Dei argumentandū est, sed de voluntate eius querendū. Recte autem dicitur vnionem hanc non esse personalem, naturalem aut formalem, sed sacramentalem & supernaturalem.

XXVIII.

Atq; ut corpus Christi non in panē includitur localiter, neq; verborum sono de cœlo detrahatur,

PROPOSIT. MVSCVLI.

Communicantes ergo firmissima fide percipimus, & ore manducamus verum corpus & verum sanguinem Christi, admirando & adorando tantum modò.

XXXI.

Multò minus imaginamur vllam corporis distractionem: neq; dicimus hac arcana præternaturali & corporali manducatione carnẽ Christi alterari in nobis vel etiã coinquinari.

XXXII.

Ita pernegamus quoque Capernaiticam illam laniationem corporis Christi, & Scythicam quoque cruoris Domini ingurgitationem.

XXXIII.

Similiter etiam non intelligimus præsentiam Physicam, Geometricam aut Mathematicam, de paruitate aut magnitudine: sed sentimus in cœna verum corpus & verum sanguinem Christi adesse supernaturali & cœlesti modo.

XXXIIII.

Ideoq; asserimus corpus Christi accipi & manducari non visibiliter, neque seussibiliter: fatemur quidem ambas res verè & substantialiter

Neq. modo naturali præsens est: ita etiam non est coniunctum pani, & in cæna præsens realiter & substantialiter, quocunque tandem modo id fieri dicatur.

XXIX.

Sed sacramentalis vnio est, ubi signum & res signata coniunguntur per relationem, qua signum rem ipsam efficaciter significat & repræsentat. Est autem hæc vnio supernaturalis, quoniam nõ naturaliter, neque ex hominum instituto, sed ex Dei ordinatione hæc externa symbola cælestium rerum signa facta sunt.

XXX.

Communicantes ergo ore quidem externa signa sumimus, rem autem ipsam fide percipimus spiritualiter.

XXXI.

Neq. hic imaginanda est vlla corporalis præsentiæ aut manducatio.

XXXII.

Illæ enim si corporalis & carnalis est, Capere hæc erit. quantumvis alijs coloribus ornetur.

XXXIII.

Similiter physica & localis erit præsentiæ, si verum & naturale corpus substantialiter præsens adest. Modus enim cælestis non efficit ut verum corpus non localiter adsit, si illud substantia sua præsens est.

PROPOSIT. MVSCVIL.

tialiter in cœna adesse, panem & vinum sensibilibiter & visibilibiter, corpus verò & sanguinem Christi inuisibilibiter & incomprehensibilibiter.

XXXV.

Nec manducari communem panem, sed illud, cum quo verè & substantialiter adest & exhibetur vescentibus corpus Christi.

XXXVI.

Captiua ergo teneatur ratio humana & omnis intellectus sub fide & obediëntia verborum Christi, & κατὰ τὸ πῦρὸν verba Christi. ut sonare accipiantur, imo taceat omnino mulier in ecclesia & digito compescat labellum philosophia, quiescant Plato & Aristoteles in hisce sacris mysterijs.

XXXVII.

Reuerenter quoque cum timore & tremore sentiamus de hoc mysterio: & dicamus cum ecclesię hymno ad firmandum cor syncerum, sola fides sufficit: præstet fides supplementum sensuum defectui.

XXXVIII.

Digna veneratione & hæc verba hymni amplectamur contra Sacramentariorum blasphemiam

XXXIII.

Ideoq; sibiipsis contradicunt, qui asserunt corpus Christi verè & substantialiter in cœna adesse, ac ore manducari, & tamen manducationem eius supernaturalem esse volunt, quæ ore & si-
de fiat.

XXXV.

Panis autem cœna Domini non propterea cõmunis est, si cum illo corpus Christi non substantia' iter cõiunctum est, sed est sacer & diuinus panis nõ mutatione substantiæ, sed mysterij ratione.

XXXVI.

Hoc mysterium non ratione humana, sed fide æstimandum est, & tenenda vera sententia verborum Christi, quæ cum reliquis locis scripturæ, & analogia fidei consentiat. Atq; hic seponatur Luteri & omnis aliorum hominũ authoritas.

XXXVII.

Recipimus etiam sano sensu dictum hoc ex Ecclesiæ hymno: Sola fides sufficit, præstet fides supplementum sensuum defectui. Sed fidei nomine non intelligimus falsam persuasionem de corporali præsentia, verum eam fidem qua credimus filium Dei pro nobis traditũ, & ita traditũ & affixum cruci, vt sit cibus noster & potus spiritualis, quo ad æternam vitam sustinemur, sicut Christus testatus est Ioan 6. capite. Et cum institueres sacramentum Eucharistiæ repetijt.

PROPOSIT. MVSCVLII

sphemos furores. Quod non capis, quod non vides, animosa firmat fides præter rerum ordinem: Sub diuersis speciebus signis tantum, & non rebus latent res eximiae. Caro, cibus, sanguis, potus, manet tamen Christus totus sub vtraque specie. A sumente non concisus, non confractus, nec diuisus integer accipitur. Sumit vnus, sumunt mille, tantum iste, quantum ille, nec sumptus absumitur. Sumunt boni, sumunt mali, sorte tamen inæquali vitæ vel interitus.

XXXIX.

Grata itaque mente cum Ecclesia sancta ab isto institutionis exordio agnoscamus ac celebremus hanc immensam bonitatem filij Dei, quod sanctissimum suum corpus, & purissimum suum sanguinem cum nostris corporibus multis modis pollutis, & horrendis infirmitatibus contaminatis coniungere non dedignatur.

XL.

Detestemur simul & veterum & nouorum Sacramentariorū varias & multiplices glorias & interpretationes de signo, typo, figura & symbolo.

XLI

XXXVIII.

Veruntamen hymnum hunc non multum moramur, etsi enim quædam commodam interpretationem admittant, tamen cum non sit veteris Ecclesiæ hymnus, sed à Thoma Aquinate compositus, idque ad firmandam transubstantiationem Papisticam & panis adorationem, eius auctoritas nulla est nisi apud Papistas, ad quorum castra vos transitis.

XXXIX.

Nos verò cum veteri Ecclesia pia mente agnoscimus ac prædicamus immensum beneficium Filij Dei, quod nos fecit membra corporis sui, carnem de carne sua, & os de ossibus suis. Sicut autem illa coniunctio cum Christo nostro capite non requirit realem & substantialẽ carnis Christi præsentiam, ita etiam ad veram unionem corporis Christi, quam in cæna Domini habemus, non necesse est id realiter & substantialiter præsens esse, ut ita nobis Christus physico contactus iungatur.

XL.

Fides enim nostra manducat veram carnem spiritualiter, quæ ore animi sumitur, interim ore corporis signum, typum, figuram & symbolum accipimus: neque hanc nostram interpretationem quisquam damnare potest, quin simul damnet veteres omnes, à quibus hanc desumpsimus.

PROPOSIT. MVSCVLL.

XL I.

Non enim potest inueniri locus vllus in scriptura, qui testetur Christum non adesse in cœna, vt necesse sit ad allegorias, tropos & figura confugere.

XL II.

Propriissimè namque Christus in cœna loquitur, neque vlla figurata loquutione hunc sacro sanctum thesaurum ecclesie suæ inuoluit, re voluit.

XL III.

Firmissima ergo & indubitata fide apprehendamus hæc clara & genuina Christi verba in genuino sensu, quem natura, vñitata Grammatica, & certa ipsorum significatio reddit.

XL IIII.

Nec verba Christi falsa esse possunt, quia ipsa veritas, sensus verò noster & intellectus quem non afferimus ex verbo, sed inferimus & affingimus potius, potest nos fallere vt sanè fallit.

XL V.

Id testantur tot sensus & diuersissimi opinioniones, quæ sunt capita Sacramentariorum. Non enim de his vnum, qui cum altero sentiat, & non potius diuersam opinionem mutatur, inuenias.

XL VI.

XLI.

Nam cum omnino sit eadem huius sacramentivatio, quæ & aliorum sacramentorum, in quibus res et signum distinguuntur, & signo nomen rei per Adetonymiam tribuitur, necesse quoq; est eundem tropum hic retinere.

XLII.

Neque enim vltus scripturæ locus profertur, qui cogat nos verba Domini aliter accipere quàm vsitato sacramentorum more. Nam Christus in cæna tropum in omnibus sacramentis vsitatum retinuit, neque propterea hunc Thesaurum inuoluit, cum hac loquendi ratio Ecclesiæ nota sit.

XLIII.

Ergo veram & simplicem sententiam verborum Christi, desumptam ex omnium sacramentorum communi ratione, et congruentem cum analogia fidei firma et indubitata fide retineamus.

XLIIII.

Sicut autem verba Christi vera sunt, ita hic est verus ipsorum sensus, qui nos fallere non potest, quæ ex analogia fidei & vsitata scripturæ loquendi ratione depræsumimus.

XLV.

Quod autem aliqui panem aiunt signum aut figuram esse corporis Christi, aliij significare corpus Christi, in eo nulla est contradictio, cum eadem sit sententia diuersis verbis exposta.

PROPOSIT. MVSCVLI.

XLVI.

Vnde facile iudicari potest ipsos agitari malo spiritu, & iusto Dei iudicio confundi in sua sapientia, qua ipsi cœlestem sapientiam iudicant.

XLVII.

Propterea damnandus & fugiendus est quoque prauus quorum Calvinistarum intellectus, qui contra clara & perspicua Christi verba non verentur asserere Christum qui dem vere & substantialiter in cœna præsentem distribuere suum corpus & sanguinem sumentibus, sed illud tamen ita longe absens, ut cœlum à terra distat: sicque gratia & saluifica potentia in ecclesia sparsa animo & fide substantiam corporis & sanguinis absentis percipi, sed à corporali manducatione remotissimam.

XLVIII.

Hic est ultimus in sacrosanctâ filij Dei cœnam blasphemus spiritus ex tenebris suis egressus, & in angelum lucis speciosius reliquis Sacramenti hostibus transformatus. Ideo
timen

XLVI.

Qui autem realem præsentiam fingunt, et hanc modo corporalem nominant, ac rursus corporealem esse negant: et modo in pane includunt, modo cum pane coniungunt corpus Christi: et de Ubiquitate et præsentia corporis Christi quotidie novas et diuersas opiniones proferunt, hi ostendunt se nihil solidi habere, ac dum odio simplicis doctrinæ sese in hac absurda immergunt, merito iusto Dei iudicio confunduntur.

XLVII.

Interea tamen non damnamus eos qui dicunt Christum verè et substantialiter in cælis contineri, atque nos nihilominus substantiam corporis et sanguinis eius in cæna spiritualiter per fidem sumere aiunt. Corpus enim Christi pro nobis traditum, quod fide apprehendimus, quodque in cælis manet, verè est corpus et substantia, attamen non ita dicendum est substantiam eius à nobis percipi fide, quasi corpus Christi vel in Sacramēto, vel in animis nostris ita præsens adsit, ut ibi substantiam suam et corpulentam materiam habeat. Sic enim in cælo tantum est, et certo aliquo loco continetur propter modum veri corporis.

XLVIII.

Vbi sunt autem boni viri hac phrasi, si forte illa controuerſiâ de modo præsentie tollere possent: Sed quoniam ita contentioni spiritus plerumque agit,

QVAESTIO. MVS CVLI.

timendum ne maiori quoque applausu ecclesias Christi suis sordibus contamineat. Sed Dei & Mariæ filius author preciosissimi thesauri ecclesiae reprimat horum & aliorum furores, & hunc ecclesiae thesaurum nobis & posteris nostris integrum incorruptumque benigniter conseruet & tueatur.

QVAESTIONES.

I.

An Ascensio Christi ad cœlos quidquid de-
roget præsentiæ ipsius substantiali in cœna.

II.

An recte dicatur Christum in cœna verè
& substantialiter adesse per communicatio-
nem Idiomatum, hoc est, secundum diuinitatem, non autem secundum humanam naturam assumptam.

III.

An corpus Christi exhibeatur in cœna corporaliter, an verò tantum efficaciter secundum virtutem & efficaciam, non secundum substantiam.

III.

ut ad stabiliendam crassam suam opinionem etiam bene dictis abutantur, & præterea non dubitent novas & portentosas opiniones de Ubiquitate in Ecclesiam introducere, nos illos suo iudicio relinquamus, & in explicando hoc mysterio phrasibus & verbis simplicibus ac minime ambiguis deinceps utamur. Interim Christum unicum caput & gubernatorem ecclesie sue precamur, ut hos pacis & tranquillitatis hostes compescat, & nos in vera sui agnitione quotidie augeat & conservet.

RESPONSES.

I.

Articulum de ascensione veteres semper intellexerunt de corporati & physica locatione in cælo, & corporali præsentia Christi in his terris opposuerunt, unde rectè assertitur substantialem in cæna præsentiam cum ascensione Christi pugnare.

II.

Cum essentialiter ubiq; præsentem esse solius diuinæ naturæ proprium sit, Christus homo non potest dici in cæna præsens esse aliter, quam per communicationem Idiomatum, non autem secundum humanitatis substantiam.

III.

Si querimus quomodo Christus fidei nostræ offeratur, efficacia corporis eius & virtus ab ipso corpore nõ est seiungenda, nõ tamen est statuenda

QVAESTIO. MVSCVL.

IIII.

An corporalis manducatio sine spirituali
prosit vel obsit magis.

V.

An sextum caput Ioannis rectè referri pos-
sit ad corporalem manducationem in cena.

VI.

An ~~notoria~~ apud Paulum 1. Cor. 10. sit intel-
ligenda non tantum de fructu & efficacia, sed
potius de substantia corporis Christi.

VII.

An etiam mali & impij corpus Christi ve-
rum, & sanguinem eius verum percipiant.

VIII.

An fides dantium vel accipientium faciat
Sacramentum, vel potius sola institutio & ver-
ba Christi.

IX.

An adoratio Christi praesentis in cena sit
approbanda.

substantialis presentia corporis eius, vel in animis nostris, vel etiam in externis symbolis cū quibus nobis offertur. IIII.

Si corporalis manducatio aliquid prodesset, nō de illa dixisset Christus: Caro, hoc est, carnalis mā-
ducatio, qualem Capernaia conceperāt, nihil prodest. V.

Si corporalis manducationis nomine in cēna, ipsa symbolorum manducatio intelligitur, de ea non loquitur Christus Ioan. 6. At res ipsa, hoc est, corpus Christi non aliter manducari potest, quā illo modo quem Christus docuit Ioan. 6. spiritua-
liter per fidem. VI.

κοινωνία, de qua Paulus loquitur, non tantum beneficiorum Christi, sed ipsius Christi *κοινωνία* est: ius et societas. VII.

Impios abusu Sacramenti reos fieri corporis et sanguinis Domini Paulus docet. Impios autem corpus et sanguinem Christi percipere, neque ex scriptura, neque ex Patribus ostendi potest. VIII.

Fides non facit Sacramentum, sed recipit Christum nobis in Sacramento oblatum. IX.

Qui adorationē Papisticā Sacramenti et crassam illā idolatriam probat, facile adduci poterit, ut reliquas etiam abominationes Papatus probet.

RESPONSIO AD II.
AD SECVNDAM
DISPV TATIONEM DOCT.
Andrea Musculi Responso.

CV M meas Propositiones Andrea Musculi Propositionibus nuper editis, oppositas, prelo subiecturus essem, commodum ad me mittitur ab amico secunda eius Disputatio, perlecta igitur illa, huic quoque respondere statui, attamen non existimaui, id quod in priori feceram, necesse esse, vt singulas propositiones ordine oppositis contrarijs propositionibus refutarem, propterea quod propositiones quidem multæ sunt, sed res quæ in his tractantur paucae, verum satis fore iudicavi, si capita tantum controuersiae attingerem: plenam enim disputationem de singulis nemo vt arbitror, à me requirit, cum dudum omnia copiose & erudite à multis exposita sint. Apparet autem Musculum hunc, non tam suae sententiae tuendae, quam alienae insectanda studio & cupiditate quadam hæc in lucem edidisse. Arque in vtraque disputatione ostendit se vnum ex eorum numero esse, qui pacem & concordiam ecclesiae ferre non possunt, & nihil magis metuunt, quam ne tandem tristis & luctuosa controuersia Sacramentaria, quam
mirifico

mirifice haftenus Ecclesias Germaniae turba-
uit, piorum & doctorum virorum opera com-
ponatur, ne perpetuo tanta cum offensione in-
firmorum, qui Euangelium profitebunt ipsi
inter nos mutuo decertemus. Initio quidem
posterioris disputationis aliquam de se mode-
ratæ & sanæ sententiæ spem præbet, nam re-
gulam quæ ad illustrandam doctrinam de Sa-
cramentis utilis & necessaria est, probat. Quod
nihil habeat rationem Sacramenti veri extra
vsum diuinitus institutum & pontificiam ido-
lomaniæ, adorationem panis, eiusdem inclu-
sionem, circumgestionem, applicationem,
ad pellendos dæmones, arcendas tempestates,
restituenda incendia, oblationem in Missa
pro viuis & mortuis, & matrem omnium ha-
rum superstitionum Transubstantiationem
damnat. Verum mox à recto tramite recedit,
& tota disputatione nihil potius habet, quàm
vt Regulæ ab initio à se positæ verum & sim-
plicem sensum ab alijs optime expositum & il-
lustratum, obscurer: deinde vt loco Transub-
stantiationis consubstantiationem, aut Impa-
nationem introducat, & nouam *ἀποκατάστασις* in
ecclesia confirmet.

Ac primū affirmat panem esse ipsum Chri-
sti corpus, quod tamen non eo modo ab ipso
dicitur, quo Veteres panem corpus Christi

Prop. 13

RESPONSIO AD II.

nominant, quia corporis eius signum & Sacramentum est: nam inquit etiam panem esse corpus Christi, non tantum in pane esse corpus Christi. Cur autem hoc modo nunc loquatur, cum in priori disputatione tantum posuerit unionem Sacramentalem panis cum corpore Christi, non aliam causam video quam ut sibi aditum paret ad panis adorationem defendendam. Si enim panis vere & identice est corpus Christi, utique adorari debet: sed quam absurdum hoc sit, & à vera fide alienum pij omnes vident.

Prop. 13.

Præuaricari deinde paululum videtur, dicens digne accedentibus & manducantibus, non tantum fructum & efficaciam, sed ipsam essentiam corporis Christi exhiberi: perinde enim videtur loqui, atque si affirmaret tantum digne accedentes corpus Christi manducare, quod nos quoque affirmamus: sed postea asserit etiam indigne & sine fide accedentes, cum pijs verum corpus & sanguinem percipere.

**Prop. 14:
& deinceps.**

Duplicem postea manducationem facit, nam symbolorum, alteram corporis & sanguinis Christi, realiter & substantialiter verissime præsentis. Atque ipsa quidem diuisio cum veterum doctrina congruit, quod autem ad manducationem corporis Christi requiritur enu-

dent

dem realem & substantialem præsentiam, id
 ex sua & suorum opinione addidit, qui existi-
 mant corpus Christi non posse verè commu-
 nicari, nisi realiter & corporaliter præsens fue-
 rit. Porro hanc ipsam corporis Christi mandu-
 catipnem rursus duplicem facit, vnam fidei
 seu spiritualem, alteram qua ore etiam essen-
 tialiter, seu corporaliter illud accipimus, atque
 hanc ita definit. Corporalem autem intelli-
 gimus, non tantum de naturali & sensibus subie-
 cta, qua cibus dilaniatur & conteritur denti-
 bus, sed etiam de arcana, mystica & præterna-
 turali, qua corpus Christi non conteritur den-
 tibus, nec alteratur in nobis, sed nos potius al-
 terat, & substantiam corporis & animæ nostræ
 transmutat, & sibi agglutinât, & efficit nos par-
 ticipes vitæ æternæ, quæ etiam Sacramenta-
 lis dici potest. Porro hæc eius definitio corpo-
 ralis manducationis, cum his quæ postea sub-
 iicit pugnat. Primum enim hic statuit opus o-
 peratum; quod tamē postea se statuere negat,
 tribuit enim corporali manducationi qua ore
 sumimus corpus Christi, quod ea nos partici-
 pes efficiat vitæ æternæ. Nam eum hanc man-
 ducationem separet ab ea quæ fide fit, iam non
 fidei, sed operis operati ratione huic tribuit;
 quod orali hac manducatione per Christum
 ore sumptum vitæ æternæ participes reddat.

RESPONSIO AD II.

mur. Deinde asserit postea, indigne accedentes ad cœnam Domini corpus Christi sumere sibi ad iudicium: & tamē hic absq; exceptione corporali manducationi vitam adscribit. Pugnat igitur Musculi propositiones non tantum aduersus nos, & veteris ecclesiæ doctrinam, sed ipsæ quoq; sibi contradicunt.

Est autem hæc distinctio manducationis duplicis corporis Christi, seu triplicis, prima qua symbola & Sacramenta, secundæ qua corpus ipsum corporaliter, & tertię qua idem corpus spiritualiter manducatur, à Papistis inuenta. Veteres enim tantum duplicis manducationis meminerunt, vnius qua Sacramentum, & alterius qua rem Sacramēti percipimus: Sic „ Augustinus lib. 21. de Ciuit. Dei, cap. 26. Qui „ manducat, inquit, carnem meam, & bibit sanguinem meum, in me manet, & ego in eo: ostendit quid sit non Sacramentotenus, sed reuera comedere corpus. Hoc enim sic dixit, tanquam si diceret, Qui non manet in me, & in quo ego non maneo, non se dicat aut existimet „ manducare corpus meū, & sanguinem meum „ bibere. Idem in Ioan. tract. 26. Huius rei Sacramentum, id est, vnitatis corporis & sanguinis „ Christi, alicubi quotidie, alicubi certis intervallis dierum in mensa Domini præparatur: „ & de mensa Dominica sumitur quibusdam ad vitam,

vitam, quibusdam ad exitium: res ipsa vero cuius Sacramentum est, omni homini ad vitam, nulli ad exitium, quicumque eius particeps fuerit. Alibi distinguit inter panem Domini, & panem Dominum. Videtur quidem alicubi impijs tribuere, quod corpus Domini comedant, quoniam Sacramenta sumunt corporis & sanguinis Domini, quæ nomen rerum accipiunt. Sed si quis diligenter cum ipsius, tum aliorum Patrum scripta examinet, tantum duplicis manducationis mentionem fieri inueniet, vnius quæ pijs & impijs communis est, qua Sacramenta seu symbola, siue corpus Christi in Sacramento & Sacramentotenus sumuntur: alterius quæ fidelium est propria, qui non tantum Sacramentum, sed ipsam rem Sacramenti, Christum ipsum spiritualiter per fidem sumunt. Porro inter has duas manducationes intermediam ponunt Aduersarij corporalem & oralem manducationem, substantiæ corporis & sanguinis Christi realiter præsentis: ac non solum nouam hanc manducationem introducunt repugnantem veritati carnis Christi, & ipsius in cælos ascensionis: sed naturam quoque Sacramentorum euertunt, illa enim instituta sunt, vt terrenis signis cælestia testificentur, & animos nostros in cælos euehant: ipsi autem è cælis rem Sacramenti detrahen-

RESPONSIO AD II.

tes, & coniungentes, ac quasi consubstantian-
tes rei terrenæ, nos in terris retinēt: atq; quod
ferendum non est, ex corpore Christi Sacra-
mentum faciunt, cuius res sit ipsa efficacia &
meritum corporis quod fide percipiatur, atq;
ita efficaciam corporis horrenda impietate di-
uellunt & separant ab ipso corpore, quando
impios corpus sumere aiunt, efficaciz autē
illius particeps esse negant. Videntur verò a-
liquem colorē afferre suæ sententiæ, quod hæc
ratione discrimen statuatur interveteris & no-
ui Testamenti Sacramenta, nā veteres quoque
fide spiritualiter manducasse corpus Christi,
sed corporalem manducationem nouo Testa-
mento propriam esse. Sed si corporalis præ-
sentia distinguere debet Sacramenta noui fœ-
deris à veteribus, oportet vt eadem præsentia
in baptismo quoq; statuatur, scilicet vt sangui-
ne Christi realiter & substantialiter in bap-
tismo præsentē à peccatis nostris abluamur,
quod tamen nemo vnquam dixit. Est quidem
magnum discrimen inter nostra & veteris po-
puli Sacramenta, de quo præter alios veterum
sæpe & diligenter Augustinus differit, nusquā
tamen corporalem & realem præsentiam Chri-
sti inter Sacramentorum vtriusq; fœderis dif-
ferentias nominat. Imò aduersus Faust. lib. 20.
cap. 2. Huius sacrificij caro & sanguis ante ad-
uentum

uentum Christi per victimas similitudinū pro
 mittebatur: in passione Christi per ipsam ve-
 ritatem reddebatur: post aduentū Christi per
 Sacramentum memoriæ celebratur. Hic Sa-
 cramento noui fœderis non corporalem præ-
 sentiam, sed memoriā sacrificij semel à Christo
 oblato tribuit. Quod si discriminē aliquod in his
 quæ nobis in noui fœderis Sacramentis offe-
 runtur, siue in re ipsa, siue in modo offerendi
 ponendū erat, tale procul dubio poni debuit,
 quod proprie ad eos pertineret, qui vere sunt
 in nouo fœdere, at illi discrimen tale ponunt,
 quod non minus ad impios pertinet, qui reue-
 ra extra fœdus sunt, quam ad fideles ad quos
 proprie fœdus pertinet.

Iam quod asserit ipsum corpus & sangui-
 nem Christi, esse certum sigillum, confirmatio-
 nem & obsignationem fidei & spiritualis man-
 ducationis: item corporalem manducationem
 esse testificationem, pignus & obsignationem
 manducationis spiritualis. Primum in eo pec-
 cat, quòd corpus Christi à manducatione cor-
 poris non distinguit. Deinde hæc quidem as-
 firmat, sed non probat. Sacramenta esse sigilla
 fidei nostræ receptum est, quoniam Paulus
 Circumcisionem *σφραγίδα* nominat: sed Muscu-
 lus hoc quod externorum symbolorū est, cor-
 pori Christi tribuit, & id facit Sacramentum,

Prop. 12.
 Prop. 17.
 & 11.

RESPONSIO AD II.

quod est res Sacramenti. Quod si dicat se de interna & efficaci obfignatione loqui, quomodo hanc tribuit corporali manducationi, qua etiā impij corpus Christi manducant? Postremo videat ipse, quomodo cum suis gregalibus, qui corporalem manducationē propugnant, convenire queat: illi enim asserunt hoc esse novū Testamentum quod Christus Ecclesiz legavit, corpus suum comedendum, & sanguinem suum bibendum, atque ipse hoc posuit discrimen veteris & novi Testamenti, hic autē corpus Christi, & eius manducationem tantum facit sigillū & obfignationem spiritualis manducationis, quam Patres etiam in veteri Testamento habuerunt.

Prop. 23.

Similiter nova est eius interpretatio de recordatione seu cōmemoratione Christi in cena, Recordari Christi inquit, non est beneficia in panis & vini perceptione meminisse, ac sentire quod vere ea nobis exhibeantur, sed est meminisse, quod in manducatione panis, hoc ipsum corpus manducemus, hoc corpus nobis exhibeatur, quod pro nobis traditum est, hoc corpus quod pependit in ligno, & hic sanguis qui in ara crucis effusus est in remissionē peccatorū. Sed Paulus aliter intellexit verba Christi, qui præceptum, Hoc facite in meam cōmemorationē, ita interpretatur: Quotiescun-

que

que enim manducabitis panem hunc, & calicem bibetis, mortē Domini annuntiabitis donec veniat. Et cum in cœna Christus non absolute corpus suum nobis comedendum offerat, & sanguinem suum bibendum, sed corpus pro nobis traditum & fractum, & sanguinē effusum pro remissione peccatorum nostrorū, proculdubio etiam voluit ita commemorationem corporis sui fieri, vt maxime celebraremus summum hoc beneficium, quod nos corpore suo in mortem tradito, & sanguine effuso, à morte & damnatione redemit. Quomodo itaq; Musculus contendit in cœna hanc præcipuam esse cômémorationem, quod corpus Christi corporaliter nobis ad manducandū datum sit, & id corporaliter manducatū nos inquit participes efficere vitæ æternæ. Prop. 19. Prop. 24.

Item hac corporali manducatione obsignatos propter pignus corporis Christi quod manducatione hac acceperunt, statuere iubet omnia peccata sibi remissa esse: reuera impiam opinionem, quod cœna Domini sit opus quod ex opere operato mereatur remissionem peccatorum, confirmat, quamuis id ipsum verbis constanter neget. Iubet nos certe statuere propter hanc obsignationem nobis condonata peccata, ad hanc autem obsignationem non requirit fidem, quando corporalis hæc manducatio,

RESPONSIO AD II.

quæ obſignatio eſt qua certi ſumus iuxta illud
de vita æterna, ſit abſq; fide, & communis eſt
pijs atque impijs. Nam quod addit, fiducia o-
peris operati Chriſti in cruce nobis remitti
peccata, hoc etiam Pontificij dicunt: ſed opus
operatum Chriſti non tantum fide nobis ap-
plicat, ſed opere operato manducationis caro-

Prop. 23.

” duçari corpus Chriſti pro nobis traditum, ac
” nos fide confirmatos erigi corporali mandu-
” catione corporis Chriſti ſub terroribus pecca-
” ti & legis, vt agamus Deo gratias pro accepto
” corpore & ſanguine Chriſti & omnibus bene-
” ficijs in ipſo & per ipſum nobis exhibitis: pu-
” gnant quidem cum ſuperioribus. Nam hic fi-

Prop. 24.

de & ore corpus Chriſti manducari aſſerit, ſu-
pra corporalem manducationem, quæ etiam
abſq; fide fiat tantopere extulit, & tamẽ ſi quis
ſingula expendat, primas partes etiam hic cor-
porali manducationi tribuit, quod illa erigat
nos ſub paucis & terroribus legis. Atque
adeo totus huic vni addictus eſt, vt Euchari-
ſtiam inde dictam velit, cultũ glorificationis
merito Deo offerendum, propter tot ac tanta
beneficia in cœna nobis exhibita, manducatio-
ne corporis & ſanguinis Chriſti, agere enim
nos Deo gratias pro accepto corpore & ſan-
guine Chriſti, & omnibus beneficijs in ipſo.

Prop. 25.

At longe

At longe aliter veteres docuerunt, qui cōferen-
tes Eucharistiam cum sacrificijs veteris Testa-
menti, voluerunt sacrificium Christi quo seip-
sum pro peccatis nostris obtulit in cruce, fuisse
adumbratū per veterū sacrificia, sed Eucha-
ristiam esse memoriam & gratiarum actionem
pro redemptione vnico Christi sacrificio no-
bis parta. Sic enim D. Augustinus. In isto sacri-
ficio gratiarum actio atq; cōmemoratio est car-
nis Christi quam pro nobis obtulit, & sangui-
nis quem pro nobis idem Deus effudit. De quo
beatus Paulus dicit in Actibus Apostolorum,
Attendite vobis & vniuerso gregi, in quo vos
Spiritus sanctus posuit episcopos regere eccle-
siam Dei, quam acquisiuit sanguine suo. Atq;
vt Patres nunc omittamus, Augustana confes-
sio sæpe hoc vrget, cœnam institutam esse vt fi-
des in ijs, qui vtantur Sacramento recordetur
quæ beneficia accipiat per Christum, atq; eri-
gat & consoletur pauidā conscientia. Promis-
sionem gratuitæ remissionis peccatorū in Sa-
cramento offerri & fide recipiendam esse. At
Musculus docet recordationem Christi absq;
fide corporaliter manducati, hac manducatio-
ne obsignatos de salute vult certos esse, hoc o-
pere applicat nobis beneficia Christi.

Quo autē apertius ostenderet Musculus se
ad castra Papistarum transfugium sibi parare,

De fide ad
Petr. diaco-
num ca. 19.

Prop. 31. 33
34. 39.

RESPONSIO AD II.

multis propositionibus cōtendit præsentiā corporis & sanguinis Christi in cœna Domini, ipsa pronuntiatione verborum constitui, ita vt ad verborum pronuntiationem in omni cœna præsens sit corpus Christi, etiam antequam & manducationem. Priori disputatione præsentiæ corporis Christi fundamentū constituit vnionē personālē, cuius ea sit vis, vt corpus Christi nullo loco circumscriptum vbiq; cum diuinitate præsens statuatur. Atq; talem proprietatem præternaturalē ex ipsa conceptione à spiritu sancto humanā naturā accepisse, vt vbiq; præsens esse possit. Cæterū nunc quasi oblitus priorum, Papistico more pronuntiationi verborū attribuit, quod horū vi corpus Christi præsens cōstituatur. Ac argumentū affert à prima cœna, in qua statim ad verborū sonum adfuerit corpus & sanguis Christi, eiusdē autē potentiz virtutis & efficaciz nunc quoq; esse & semper fore verba Christi. Cæterū de verborū Christi veritate & virtute atq; efficacia non est controuersia, modo de sensu eorū constet. Aiunt Papistæ sermonē Christi operatorium esse, ideoq; huius vi panē in corpus Christi cōuertere: similis est opinio Musculi, tātum in hoc differt, quod loco transsubstan. consubstantiationem fingit. Sed vtriq; primū in eo fallitur quod ambiguum pro confesso sumunt, Christi ser.

fti sermonē operatorium esse: nō enim semper
 Christi sermo operatorius est, sed nonnuquam
 indicatiuus. Christus inquit, Ego sum vitis: Io
 annes est Elias: quā absurde autē is faceret,
 qui ita velit concludere, verba Christi esse effi
 cacia & operatoria, ideoq; Christū vere & rei
 ipsa vitem esse, & Ioannē substātialiter esse E
 liam. Vbi sermo Dei earum rerum quæ dicun
 tur est effector, id plerunq; scriptura ipsa indi
 cat: Veluti quando ab initio dixit Dominus,
 Fiat lux, subiiciunt diuinæ literæ, Et facta est
 lux. Sic aquā conuersam in vinū, virgā Mo
 sis in serpentē versam, scripturę nō tacuerūt, at
 de verbis cœnæ nusquā legimus, Panis fiat
 corpus, aut panis factus est corpus domini. Et
 falsum est quod Musculus asserit, in prima cœ
 na ad verborum pronuntiationē statim adfu
 isse corpus et sanguinē domini. Christus mēsæ
 cū discipulis corpore suo assedit, panē acceptū
 benedixit, & illis distribuit ac dedit, dicens: Ac
 cipite, edite, Hoc est corpus meum, neq; vllius
 corporalis præsentie mentio fit ab Euāgelistis
 præterquā illius qua vero corpore mēsæ accu
 buit. Patres quidē dicūt Christū seipsum mani
 bus suis gestasse, nēpe vt alibi docēt, quia sacra
 mētū corporis sui manib. suis gestauit. Sed esto
 sermonē Christi in cœna operatoriū fuisse, nū
 dicemus hunc effecisse corporalē præsentia, cū

RESPONSIO AD II.

alioqui corpore suo, & quidem adhuc passibili
 localiter in prima cœna præsens esset? Aut nū
 propterea statuemus verbo Christi, vt Papis
 volunt, panem & vinum transubstantiari, mu
 tari & conuerti in corpus & sanguinem Chri
 sti, aut cum pane substantialiter coniungi cor
 pus Christi, & quasi companari? Neutrum ho
 rum concedere possumus, cum vtraq; senten
 tia, veritatem humanæ naturæ in Christo toli
 lat, & sacramentorum naturæ repugnet: sed eam
 efficaciam & operationem verbis Christi tri
 buere oportet, quæ menti ipsius nō repugnet,
 & sensum verborum retineat sacramentis con
 uenientem: Nempe quod panis ac vinum fa
 cta sunt ex institutione Christi sacramenta
 corporis & sanguinis Christi, quod ante non
 erant. Ac cum opus hic nullū proferatur quod
 sensibus corporeis percipiatur, sequitur hæc
 spiritualiter accipienda esse, vt quod aliàs Dei
 verbo in corporibus efficitur vi naturæ à Deo
 conditæ, id in hoc mysterio, vi spiritus sancti
 perficiatur in hominum mentibus. Atque hoc
 modo verba Christi non modo tum quū pro
 nunciata sunt vim suam habuisse credimus,
 sed etiam nunc retinere, atque retentura esse
 vsque ad mundi dissolutionem. Sacramenta
 enim eam quā habent vim, ab instituentis au
 thoritate & mandato accipiunt, sicut & pro
 missa

missa omnia quibus fœdus quo Deo cōiuncti
 sumus nititur. Ideoque quæ Christi nomine
 hodie cœna celebratur in ecclesia, eadem pol-
 let facultate, qua illa ipsa quam ipse primâ ad-
 ministravit. Nā eam ideo instituit, vt non dun-
 taxat temporarius, sed perpetuus eius vsus in
 ecclesia esset. Itaq; verba Chrysostomi, quæ à
 Papistis nobis obiecta Musculus, vt & alia, ab
 illis mutuatur, opinionē Papisticā Musculi nō
 confirmant. Sicut, inquit, illa vox, qua dixit,
 Crescite & multiplicamini, & replete terram, “
 semel quidem dicta est, sed omni tempore sen- “
 tit effectum, ad generationem operante natu- “
 rata vox illa semel quidem dicta est, sed per “
 omnes mensas ecclesiæ, vsque ad hodiernum “
 diem, & vsque ad eius aduentum præstat sacri “
 ficio firmitatem. Neque enim Chrysostomus “
 dixit corpus Christi esse naturaliter & corpo- “
 raliter in panē, cum eo modo tantum in cœlo “
 sit, quo nos alibi mētib; nostris per fidē con- “
 scendere iubet, & ibi illum comedere, Sacra- “
 mentaliter tamen tanquam in signo & figura, “
 corpus & sanguis Christi sunt in pane & vino “
 quemadmodum etiam in aqua Baptismi. In il- “
 lis autem qui rite recipiunt panem & vinum “
 Eucharistiæ, corpus Christi est spiritualiter “
 per diuinam potentiam, illisque vitam largi- “
 tur. Et quemadmodum per verbum Dei o-

RESPONSIO AD IL

omnia creata sūt, & virtute ac vi illorū verborū,
 Crescite & multiplicamini, hucusq; omnia ge-
 nerantur & crescunt: ita virtute horum verbo-
 rum Edite, Hoc est corpus meū: Bibite, Hic est
 sanguis meus: non autē virtute aut vi vllius ho-
 minis, panis & vinum sunt eo modo cōsecrata,
 vt quicunq; cū viuā fide illum panem comedo-
 rit, & illud vinū biberit, spiritualiter māducet
 & bibat Christum sedentem cum Patre. Sacra-
 mentum verò non proprie fieri vi & efficacia
 verborum idem perspicue docet, scribēs: Ver-
 ba sacerdotis ore proferūtur, Dei autē virtute
 „ consecrantur & gratia: hoc enim significat, etiā
 „ si verba illa diuina ex Domini instituto admi-
 sceantur, tamen non verborū vi sed Dei gratia
 & virtute sacramentū fieri, Christū ipsum di-
 uinitate & spiritu suo adesse, & gratiam cōmu-
 nicantib. suppeditare, id quod ad conficiendū
 sacramentum satis est. Sic etiā August. & Am-
 brof. alicubi tradunt per verba Christi à minī-
 stro prolata post panis & vini cōsecrationem,
 sacramentū corporis & sanguinis Christi cōfi-
 ci, verū nihil aliud significant quā panem et vi-
 nū vsui tam sacro per verbū Christi attributū,
 non iā vulgares res & cibos ventris ac corporis
 nostri existerē, sed esse res planē sacras & san-
 ctificatas, quæ eas res nobis exhibeant quibus
 anima nostra spiritualiter satiatur. Atq; idē do-
 cent

cent Hieron. & Hilar. atq; alij veterum. Eodem modo Irenæus inquit mixtū calicem & fractū panē percepto verbo Dei fieri Eucharistiā corporis & sanguinis Christi. Item panē qui est à terra percipientem vocationē Dei iam non esse cōmunem panem, sed Eucharistiam ex duabus rebus constantē, terrena & cœlesti. Ceterū sicut Papistę existimant sacramentum fieri, idē esse ac panē verti in corpus Christi, ita noster hic simili errore censet, sacramentū confici, idē esse ac vi verborum coniungi corpus Christi cum externo elemēto panis: atq; suam sententiam confirmari existimat verbis Augustini, Accedat verbum ad elementū & fiet sacramentum verū hęc ratio conficiendi sacramenti Augustino & veteri ecclesiæ ignota fuit. Quomodo autem verbum accedens ad elementum faciat sacramentum, Augustinus ipse optime explicat: Accedat, inquit, verbum ad elementum & fiet sacramentum. Vnde enim ista rana virtus aquæ vt corpus tangat, & cor abluat, nisi faciente verbo: nō quia dicitur, sed quia creditur. Nam & in ipso verbo aliud est sonus transiens, aliud virtus manens. Hoc est verbum fidei quod prædicamus, inquit Apostolus. Vnde in Aët. Apost. Fide mūdans corda corū. Et Petrus Apostolus: Sic & nos baptisma saluos facit: non depositio sordium carnis, sed

RESPONSIO AD II.

conscientia bonæ interrogatio. Hoc est verbum fidei quod prædicamus: quo sine dubio ut mundare possit. consecratur & baptismus. Par omnino ratio est Baptismi & cœnæ Domini, & dictum August. Accedat verbum ad elementum & fiet sacramentum, non minus ad Baptis. quàm ad cœnā Domini pertinet, igitur ut in Baptismo nemo statuit, pronuntiatione verborum realiter in aqua præsens fieri corpus Christi, quamuis omnes fateantur nos in Baptismo conspeli cum Christo, & cum ipso resurgere & Christum induere, quod fit per eundem Spiritum sancto intus in cordibus nostris operante. ita nulla necessitas nos cogit, ut contra tot loca scripturæ & veritatem humanæ naturæ in Christo constituamus pronuntiationem & vi verborum corpus Christi coniungi substantialiter cum pane. Neque magis probari potest ex scripturis hæc consubstantiatio quàm Papistica transsubstantiatio, quam tamen ipsi palam reiiciunt. Ac primum superstitiosa & quodammodo magica sunt omnia, quæ de efficacia quam pronuntiationi verborum tribuunt, differunt: deinde à Papistis perparum hæc differunt. Ille enim etiam post actionem Cœnæ corpus Christi manere volunt, hi eodem modo quo illi pronuntiatione verborum Christi corpus præsens fieri volunt non accedente fi-

de, sed volunt præsentiam hanc tantum durare dum usus cœnæ durat, non ultra. Hanc sententiam ut retineat Musculus, regulam ab initio à se propositam, Nihil habere rationem sacramenti extra usum diuinitus institutum, libenter, si modo liceret, reijceret, quam etiam recens natam esse ait, ut ita eius auctoritatem eleuet, atque cum reijcere non possit, saltem eam eludere conatur, quod ipse non loquatur de verborum pronuntiatione extra cœnam, sed quæ ad usum institutionis siue manducationis destinata sit, hanc pronuntiationem verborum Christi constituere corporis & sanguinis eius præsentiam, etiam ante fidem & manducationem. Quasi verò absq; fide verborum usus aliquis esse possit, aut ad usum diuinitus institutum absque fide adhibeantur. An enim verba symbolorum causa proferuntur & ad illa diriguntur ac non potius ad homines, in quibus fide recepta suam demum habent efficaciam?

Itaq; quod concludit, verborum vi statui præ Prop. 40.
sens corpus Christi in pane, ideoque etiam impios verum Christi corpus sumere, nos rectius inuertere & illi opponere possumus, ac dicere, impios non sumere corpus Christi, quod est esca vitæ, panis, quem qui manducat, Christo teste, viuet in æternum: & omni homini ad vitam cedit, nulli ad exitium quicumq; eius pars

RESPONSIO AD II.

ticeps fuerit, vt D. Augustin. scribit tract. 26. in Ioan. Atque hanc sententiam Ambrosij & Augustini, atque Hieron. & vetustiorum quoque Patrum, vt Cypriani & Origenis testimonijs confirmare possumus: atque ita demum concludere: cum impij & indigne accedentes sumant sacramentum, rem autem sacramenti non accipiant, hæc duo non esse substantialiter coniuncta, neque verborum pronuntiatione ita panem factum esse corpus Christi, vt substantialiter sit corpus Christi, aut illud substantialiter contineat, aut coniunctum habeat, alioquin fieri non posset, quin impij vno accepto, alterum quoque acciperent.

Prop. 71.
& 72.

Prop. 73.

Quod autem sacramentarios facit, qui negant impios manducare ipsum verum corpus Christi, oportet vt primum omnium Patres, quos modo nominaui, & totam veterem ecclesiam sacramentarijs adnumeret, & ita demum ad nos damnandos accedat. Eiusdem ponderis est quod addit, eos qui negant indigne accedentes manducare verum corpus Christi, esse sacramento facere nudum ritum & ceremoniam. Satis enim hinc apparet, ita eum immersum esse crassis suis imaginationibus de corporali manducatione, vt spiritualem & viuificam manducationem veri corporis Christi, esse nihili et imaginariam esse existi
me,

met, atque adeo declarat se fidei efficaciam prorsus ignorare aut contemnere. Cum vero subiicit, hæc sua dogmata è scripturis & sanctis Patribus deducta esse, & cum Regula supra posita consentire, tum nobis persuadebit, cum meritis non lucere probauerit. Tot enim & tam aperta testimonia sunt Patrum quibus contrarium docent, ut in eo saltem pudori suo pepercerit, quod indefinite locutus neminem nominare ausus fuit, qui unà cū ipso sentiat, verborum vi & efficacia ita præsens fieri corpus Christi, ut illud etiam manducant impij. Argumtum demum hæc sententia cum regula ab ipso posita congruet, ubi usus sacramenti diuinitus institutus fidem carere potuerit.

Prop. 74.

Postremum caput Disputationis est de adoratione Christi præsentis in cæna, quæ tractatur pluribus propositionibus, quarum maior serè pars agit de Christo secundum utranque naturam adorando una adoratione, de quo non est controuersia. Initio autem ponit discrepantes opiniones eorum qui realem præsentiam corporis Christi constituentes, adorationem Christi in cæna præsentis, vel prorsus à cæna institutione alienam esse existimant, & proxime accedere ad explosam adorationem Pontificiam, vel rem hanc liberam, indifferentem & quasi adiaphoram faciunt : vel postremo

Prop. 75.

RESPONSIO AD II.

piam, rectam & licitam esse existimant. Hos omnes sinit abudare in suo sensu, modo idem sibi concedatur. In quo vide queso hominis in geniū. Opiniones quas ponit inter se pugnat si enim adoratio res aliena est ab institutione cœnæ & ad Papisticam superstitionem accedit, non debet ferri in ecclesia, neq; cœna prophananda est, vt illi aliquis cultus à Christo non institutus affingatur. Rursus si adoratio hæc res pia est & recta, non videtur absque impietate omitti posse. Sed hæc non mouent Ma sculum, facile omnia ferre potest in suæ factionis hominibus: at si adorationem alij damnet, quibus cum non per omnia consentit, illi crimen inexpiabile committent. Id ipsum omnes facile vident, & animaduertunt quo consilio vtrunque disputationem ediderit, & Papisticam aut semipapisticam adorationem propugnandam susceperit. Credo equidem si hi, quorum gloriæ inuidet & omnia odit, adorationem probassent, eum contra hanc improbatum fuisse. Ea enim est hodie quorūdam theologia, vt non ex doctrina de personis iudicium ferant, sed contra ex personis doctrinam æstiment, in illis quos amant & quibus fauent, omnia admirantur, contra eorum quos oderunt, omnia etiam rectissime dicta in aliquum sensum detorquent & calumniantur. Sed nos hos suo

hosuo relinquentes iudici, de rebus ipsis inter nos controuersis agamus.

Itaque quod adorationem Christi in sacramento atinet, non est controuersia, an aliqua reuerentia debeat sacramento, fatemur enim monumenta & memorias rerum diuinarum aliquo modo coli & obseruari oportere: sed de adoratione hic quaeritur, in qua sit proprius & & peculiaris honor vnius & summi Dei. Hoc igitur quaeritur, an Eucharistiam ita adorare liceat propterea quod Christus in illa realiter & substantialiter praesens sit, vt ipse in Eucharistia hoc modo adoretur. Nos igitur qui scimus hanc realem & substantialem praesentiam ex scripturis ostendi non posse, negamus sacramenti adorationem: aduersariorum aliqui vt realem praesentiam ita adorationem quoque sacramenti defendunt. Est autem adoratio haec à Papistis inuenta & instituta. Etenim Honorius mandauit sacerdotibus vt plebem doceant, reuerenter coram Eucharistia se inclinare & eam venerari. Urbanus vero huius nominis IIII. peculiare instituit festum corporis Christi, in quo prorsus gentili more in pompa circumfertur sacramentum, agri illo lustratur, atque populus illud promiscue adorat. Superstitionem hanc multum promouit Thomas Aquinas, hic enim totum illius festi offi-

RESPONSIO AD II.

cium, vt vocant composuit, quod adeo Muscu-
lo nostro probatur, vt in vtraque Disputatio-
ne hymnum eius superstitiosum laudari. Co-
nantur autem quidam Patrum testimonio a-
dorationem sacramenti confirmare, & addu-
cunt Augustinum, qui ait, Neminem illam
carnem manducare nisi prius adorauerit: item
Ambrosium, qui lib 3. cap. 12. de spiritu sancto
ita scribit: Itaque per scabellum terra intelli-
gitur, per terram autem caro Christi, quam ho-
die quoque in mysterijs adoramus, & quam
Apostoli in Christo leu, vt supra diximus, a-
dorarunt. Neque enim diuisus est Christus,
sed vnus. Idem scribit D. Augustinus in expo-
sitione Psal. 98. Sed Patres isti Christum in-
bentes adorare in mysterijs, non hoc ad car-
nem Christi referunt, quod illi realiter & sub-
stantialiter in his contineatur, nam eos aliter
sensisse multis testimonijs dudum nostri pro-
barunt: sed ad eos qui communicant hanc refe-
runt. Nos enim dum sumus in mysterijs, fide
ac spiritu percipimus carnem Christi prop-
ter nos in mortem traditam, & sanguinem eius
pro nobis effusum, atque ea venerabundi coli-
mus & adoramus. Adoramus etiam carnem
Christi in mysterijs, quod ea sacramentali si-
gnificatione fidei, atque spiritui nostro in my-
sterijs adoranda quodammodo offeratur. ita nō

ita recte dicimur Deum adorare & colere in verbis Apostolorum & Prophetarum, cum illum adoramus & colimus, prout in illis sacris scriptis nobis ostēditur & significatur. Quem admodum autem audita recitatione sacrorum verborum Deum adoramus, verba tamen ipsa non adoramus, ita in sacra communione adoramus quidem Christum, symbola tamen illa externa quæ ponuntur ante oculos non adoramus, neque etiam mentem ad illa dirigimus, Christum in illis substantialiter præsentem quærentes. Chrysostomus iubet nos corpus Christi non in altari sed in cælo animo & spiritu quærere, atque aquilas fieri, ut in cælum aut supra cælos euolemus. Ac veteres dicebant sursum corda, ut monerent à rebus visibilibus animum in cælos adtollendū esse ad inuisibilia, quæ nobis in sacramento offeruntur, & illic Christum quærendum. Christus etiam cœnā instituens nusquam adorationis mentionē fecit. Neq; valet quod obijciūt, adorationem Christi in sacramento sanciri generali præcepto quo iubemur Deum ubiq; in spiritu & veritate adorare: ad istam enim adorationem nihil opus est reali præsentia. Imo opinionibus Iudæorum & Samaritanorū quæ præsentiam Dei ad certum aliquem locum alligabāt, hanc sententiā Christus opponit. Verat

RESPONSIO AD IL.

etiam ne patiamur nobis persuaderi, ut ipsum postquam à nobis abiit in certo aliquo terre loco quæramus. Si quis (inquit) dixerit vobis, Ecce hic Christus, aut illic, nolite credere. Si dixerint vobis, ecce in deserto, nolite exire: ecce in penetralibus nolite credere. Scriptura docet Christum corpore suo in cœlos ascendisse, atque inde demum venturum in consummatione seculi ad iudicandum viuos & mortuos, in cœlis igitur nos quærimus & adoramus Christum seruatorem nostrum, neq; aliò nos ablegari patimur. Qui vero Christum in pane adorandum proponunt, necesse habent vt prius suam impanationem firmioribus, quam hætenus fecerunt argumentis probent. Deinde nunquam euitare poterunt, quin Papisticam *apostolice* aliqua ex parte confirmet: Christi enim corpus etiam ante fidẽ & vsum pani coniungunt, & in eo adorant, atque ita pane non tantum ad communionem vtuntur, sed prius ex eo idolum faciunt, quod adorent. Neque refert quod dicunt se creaturæ hunc honorem non exhibere, nam ne Papistæ quidem creaturam se adorare fatentur, imò creaturâ nullam hic agnoscunt, dicentes panis & vini substantias non amplius superesse, sed in corpus & sanguinem Christi conuersas esse. Nihilominus etiam aduersarij nostri eos horrendæ idolomane

lomaniz accusant, & cœnam Domini ab ipsis
 prophanatam conqueruntur. Testantur etiam
 Scholasticorum libri, quam multas spinosas
 quæstiones, ne quid grauius dicam, pepererit
 opinio de vi verborum consecrationis in con-
 ficiendo Sacramêto, item adoratio Christi sub
 speciebus panis & vini: cum autem hæc omnia
 Aduersarijs nostris nota sint, videant ipsi quo
 consilio denuo in Ecclesiam reducere conen-
 tur easdem opiniones. Exsi enim multos erro-
 rum riuulos obstruere conantur, tamē iisdem
 fontibus parefactis nunquam prohibere pote-
 runt, quo minus similes superstitiones inde
 scaturiant. Ac verendum est ne qui in hac re
 cum Papistis collundunt, & eorum veteres su-
 perstitiones nouis coloribus pingunt, propius
 etiam ad illos accedant, & paulatim veterem
 Papatum restituant: à cuius criminis suspicio-
 ne si alieni esse volunt, factis non verbis se pur-
 gent, & principijs errorum valedicant, si no-
 lint eos longius serpere.

Multa quidem adhuc in hac disputatione
 Musculi notari poterant, & merebatur acrem
 reprehensorem, non tantum quod ad res ipsas
 spectat, & Papisticos errores quos denuo in-
 troduct in ecclesiam, sed etiam quoad consi-
 lium & scopum vtriusq; disputationis. Nam
 quod antea monui, hoc vnum spectat, vt viros

RESPON. AD II. DISP. MVSC.

longe se meliores & doctiores in inuidiam &
quodum adducat, quasi non recte de Sacramen-
tis sentiant, & occultas hæreses alant: deinde
maxime laborat, ne vlla concordia & pacifica-
tio constituatur inter ecclesias quæ Euange-
lium profitentes, hætenus tamē de modo præ-
sentia Christi inter se dissentierunt. Verum
ego hanc reprehensionem alijs relinquo, qui
forte ipsum & similes ecclesiarum turbatores
pro merito tractabunt, mihi tantum propo-
situm fuit in simpliciorum & mei similium gra-
tiam, res præcipuas, de quibus agitur in his di-
sputationibus paucis examinare, indicare ve-
ram & orthodoxam doctrinam, & argumenta
contraria si quæ allata fuerunt confutare. Qui
prolixiorē tractationem requirit, libros plu-
rimos habet vnde eam petere possit, & præ-
sertim ex doctissimo libro, quem Petrus Mar-
tyr, grauisimus theologus, contra Gardyne-
rum quondam Vintoniensem episcopum, e-
didit: etenim pleraque sua argumenta Ma-
sculus ab ipso Gardynero aut a
lijs Papistis mutua-
tus est.

CHRISTIANO

LECTORI.

NE pagella aliquot vacarent, libuit subijcere praeceptorum nostrorū Huldrychi Zuinglij & Ioannis Oecolampadij de praesentia Christi & huius Cœna mystica sententiam, cum ut de cōmuni Ecclesia optime meritos viros à morfibus & calumnijs vindicemus maledicorum, qui illos Christum à Cœna sua excludere, & inania symbola statuere dicunt: tum ut ijs qui istorum libros non viderunt, summam exhibeamus doctrinæ, quam illi ex Scripturis sacris tradiderunt. Tu verò Christiane Lector ista lege, lecta ad fidei regulam examina, & Vale.

Zuinglius in Expositione fidei ad Regē Christianum sic scribit: Christus cum credimus verè esse in Cœna, imò non credimus esse Domini cœnam nisi Christus adsit. Confirmatur: Vbi duo aut tres fuerint in nomine meo congregati, istic sum in medio illorum. Quantò magis adest, vbi tota ecclesia ei est cōgregata? Sed quòd corpus eius ea dimensione edatur, qua isti dicunt, id verò est à veritate & fidei ingenio alienissimum. Afferimus ergo non sic carnaliter & crasse manducari corpus

Christi , vt isti perhibent : sed verum Christi corpus credimus in Cœna Sacramentaliter & spiritualiter edi à religiosa, fideli & sancta mente: quomodo & D. Chrysostomus sentit. Et hæc est brevis summa nostræ, imò non nostræ, sed ipsius veritatis , sententiæ de hac contro-
uerſia.

Idem in Complanatione Ieremię cap. 19. In Eucharistia fortius moueri ad gratias agendū animos piorum, nemo negat, cum sacris symbolis, pane & vino, velut ipsis Christi corpore & sanguine circumlatis, sensus etiam huc ducuntur, vbi est animus. Sed tamen interim hoc non est omittendum, externa ista nihil facere, nisi animus antea huc inclinet, quò symbola tendunt.

Item in Ieremiæ Cap. 27. Nemo tam rudis est, quem huiusmodi *ὀψωσάτω* offendant, Christi verū corpus in Cœna, verè etiam editur, cum panis & vinum præbentur. Verum enim corpus, non falsum, assumpsit: verè edit mens fidelis, cum non simulatè recipit Christum, cum verè fidit Christo. Sed vide annon hæc omnia cum de symbolis dicantur, non tamen virtute symbolorum, sed spiritus ac fidei operatione fiant? vt Allæoseos virtute symbolis tribuitur, alteri Sacramenti parti, quod fidei solius (dummodo rem ad viuū refecare volumus)
esse

esse cognoscitur. Verum ergo corpus cum edi
dicitur, illud verū corpus, quod cœlo illatum
est, intelligimus: sed illud ipsum non naturali-
ter, hoc est, quemadmodū ipsum naturale est,
etiam naturaliter à nobis editur: sed spirituali-
ter hīc edimus, quod isthic naturaliter est, &c.

Ioannes Oecolampadius in Dialogo de
Græcorum & Latinorum Patrum sententia
de Eucharistia edito, hæc scribit: Sicubi panis
ille Dominicus & Cœna sancta *θεωραζομεν*
Ασέτη & corpus Domini dicitur, non contem-
dimus. Nam & nos sic appellamus, non solum
quod à Domino Iesu Christo sanctè initiata
& instituta, sed etiam quod in eo sanctificato-
ris Spiritus sancti mirificam operationem fide-
lium pectora experiuntur. Item non dicimus
panem hunc nudum quidem signum in Cœ-
na, sed efficax quodammodo, operante Spiri-
tu sancto in fidelium cœtu, ut fiat nobilius quod-
dam & sanctius corpus, nobis Christo capiti
in vnum corpus coadunatis. Hoc cum dici-
mus, minimè Christum abesse à Cœna asseri-
mus. Adhuc non auferimus à Cœna alimen-
tum vitæ, carnem & sanguinem Christi, &
Christum ipsum. Nam nisi animæ nostræ hoc
pabulo fuerint pastæ, nequaquam vitam habi-
turi sunt. Præterea nunquam à nobis nega-
tum est, quin Cœna etiam fidei seruiat cum

excitandæ tum augendæ. Vbi enim memoria
mortis Christi tanta pietatis deuotione reco-
lirur, vbi promissiones tantæ tectantur, vtpo-
te suscitabula adsunt fidei, tamen si omnia ope-
ratio Spiritus sancti efficiat. Quàmuis autem
adijciamus, Dominum hæc & alibi absq; sym-
bolis operari, necessaria tamen Sacramenta
sunt vt tesseræ fidelium ab infidelibus. De-
mum licet naturale corpus Christi in cœlo di-
camus, non tamen diuinitatem, quæ præsens
adest, à corpore Christi auellimus. Hæc etiam
in Responsonibus, quas anno ab hinc quinto
dedimus, legere licet: sed semper nobis talia ob-
iecta sunt, quasi nobis sit panis communis, &
qualem pistor coquit, vel signum nudum abs-
que promissionibus, vnde & careamus pabu-
lo animorum, sanctimonia, Christoque ipso.
Quæ omnia vanissimè obiecta esse, scripta no-
stra testantur. Dissidium magis est de modo
præsentis & absentis, quàm de ipsa præsentia
vel absentia. Nemo enim tam obtusus est, qui
asserat omnibus modis adesse vel abesse Chri-
sti corpus. Vrgent aliqui panem Dominicum
esse ipsissimum corpus Christi, ita vt quicum-
que, siue pij siue impij, eo pascantur, nō solum
panem & Sacramentum, sed etiam corporali-
ter corpus Christi manducant, ac in os stoma-
chi transmittant. Nos verò contradicimus, &
elemen-

elementum nequaquam in talem honorem e-
uectum asserimus, vt omnium dignissima crea-
tura in vnā naturalemq; illius substantiam
se vniat, vel ita naturaliter ab eo contineatur,
vt per ipsum, tanquam medium canalē, trans-
fundatur gratia, quam ipse Spiritus sanctus fi-
delibus concedit, & contactu vel gustu eius e-
tiam impij ipsum verum corpus Christi con-
tingant ac edant, gratiæque participes
fiant. Habes vt scinda-
mur, &c.